





INSTITUTION
ORAT
OH S.
RBR
Rikhs

Pallas, P. S.

*Elenchus zoophytorum sistens
generum ... 1766*



MBL/WHOI

0 0301 0050427 0

C.2

Compliments
of the





*Elenchus Zoophytorum Sistens Generum
Adumbrationes Generalio*

Has been restored

In memory of


Mrs. Beulah Glickman

By


Mrs. Robert J. Huettner

*Compliments
of the*

MBL/WHOI LIBRARY







P. S. P A L L A S

M E D I C I N Æ D O C T O R I S

Academ. Cæsareæ & Societ. Reg. Anglice Sodalis

E L E N C H U S

ZOO PHY TORUM

S I S T E N S


G E N E R U M A D U M B R A T I O N E S G E N E R A L I O -
R E S E T S P E C I E R U M C O G N I T A R U M
S U C C I N C T A S D E S C R I P T I O N E S

C U M

S E L E C T I S A U C T O R U M S Y N O N Y M I S .

*En tibi marini muscum aequoris ——————
————— nec non toto quaesita profundo
Et vix ex imis evulsa coralia saxis.*

S A N N A Z A R .




HAGÆ COMITUM, MDCCXLVI.

& proflat

FRANCOFURTI ad MOENUM

Apud FRANCISCUM VARRENTRAPP.



V I R O
OMNIBUS TITULIS EXIMIO
IN ARTE MACHAONIA
PRINCIPI
HIERONYMO DAVIDI
GAUBIO.

M. D. EJUSDEM AC CHEMIÆ ET COLLEGII
PRACTICO MEDICI IN ACADEMIA LEY-
DENSI PROFESSORI,

SERENISSIMI PRINCIPIS AURIACI

ARCHIATRO,

ACADEMIÆ IMPERIALIS PETROPOLITANÆ
NEC NON SOCIETATUM REGIÆ AN-
GLICÆ ATQUE HOLLANDICÆ
MEMBRC,

Historiæ naturalis insigni Promotori & Patrono imprimis suo

A U C T O R.

Л. М. П. В.

ОБРАЗОВАНИЕ СИСТЕМЫ

ДЛЯ ПОДДЕРЖКИ АУТСОРСИНГА

И ПРОДУКТИВНОСТИ

КОМПАНИИ
ОГУНЬ

СОВРЕМЕННЫЕ ТЕХНОЛОГИИ
ДЛЯ ПОДДЕРЖКИ АУТСОРСИНГА
И ПРОДУКТИВНОСТИ

БЕЗОПАСНОСТЬ И КОМПЕТЕНЦИЯ

ПОДДЕРЖКА АУТСОРСИНГА

СОВРЕМЕННЫЕ ТЕХНОЛОГИИ
ДЛЯ ПОДДЕРЖКИ АУТСОРСИНГА
И ПРОДУКТИВНОСТИ

БЕЗОПАСНОСТЬ И КОМПЕТЕНЦИЯ

ПОДДЕРЖКА АУТСОРСИНГА

Tantum, VIR C E L E B R I-
M E , sapientissimis T U I S , qui-
bus Leydensem scholam illustrem red-
dis institutionibus debeo & tantis me ,
cum exterus nuper & ignotus huc ad-
pellerem , humanitate excepisti , bene-
volentiæ atque favoris testimoniis cu-
mulaſti , ornasti & etiamnum ornare
pergis : ut ingratus jure dicerer , si eo-
rum **T I B I** non haberem rationem ,
quamque re non possum , verbis fal-
tem publice referendi gratiam animum-
que **T I B I** devinctissimum ostendendi
per opportunam negligenter occasionem ,
quam præbet edendum de mari-
nis tirocinium , Celeberrimi T U I No-
minis auspiciis maxime indigens.

Debetur hoc , qualemcunque est , at-
tentæ aliquot annorum observationi eo-
rum quæ mare nostrum europæum ,
in his pauperculum , quæque ditissima
curiosorum in Belgio musea suppedi-
tarunt . Tu quoque cœptis annuisti ,
e locupletissimoque thesauro , spe-
ciebus rarissimis Elenchum auge-
re atque illustrare dedisti . Nata sic

sensim est series omnibus, quæ exstant, locupletior & , nisi me omnia fallunt, specierum certitudine, adumbrationum fidelitate , synonymorum castitate non inutile, tractatiunculis autem generibus præfixis & succincta naturæ Zoophytorum expositione lectu non indignum opusculum.

Utinam digniores, quæ TUO inscribantur NOMINI, observationes e maribus Zoophytorum feracibus, coralliferisque Indorum littoribus olim conquirendi atque huic quasi fundamento superstruendi occasionem sors bona præberet. Secundum hoc mihi semper erit votum. Primum est, ut TE Summum Numen diu sospitet, in orbis litterarii decus, scientiarum emolumenntum, ac TUORUM spem; utque favore TUO in posterum dignus esse possim.


CELEBERRIMO NOMINI TUO

Devinctissimus .

DAB. Hage Com.
Idibus Martii
MDCCCLXVI.

P. S. PALLAS.

PRÆ-



P R A E F A T I O.

Niversæ naturalis scientiæ pars in-
U cultissima, veri quamvis emolu-
menti promittens plurimum, certe
studii amœnitate superior, physio-
logicaque utilitate uberior reliquis, ZOOLO-
GIA quoad mollusca imprimis animalia diu
neglectissima atque intricatissima jacuit, par-
tim quia eorum pleraque immenso latent ocea-
no nec nisi viva aut recentia saltem cognosci
possunt, partim & quia mire variae atque
obscure eorum formæ methodicis descrip-
toribusque negotii nimium facesebant, bre-
vissima autem nativo elemento extracto-
rum vita in veram eorum naturam inqui-
rendi observatoribus otium denegat. Quili-
bet in Zoologia utcunque versatus hoc im-
primis ejus caput præcipuam observatorum,
quibus in maris vicinitate vivere vel mari-
na suscipere itinera contingit, sibi exposcere
diligentiam fatebitur.

Verum si ullus, certe ZOOPHYTORUM in-
ter mollusca ordo Naturæ scrutatorum in-
defessa industria dignissimus est. Vix ab bu-
jus sæculi initio eorum bistoria illustrari

cœpit, paucissimi observatores eam experientis suis ornarunt, & tamen inde inauditis jamjam miraculis naturalis scientia inclaruit. Didicimus in Zoophytis, sic jure vocandis, vegetabilem naturam cum animali ita misceri, ut vere anceps & dubia passim sit; legimus pœclara progressus a vegetativa ad indolem animalem fragmenta; deteximus fabricæ organicæ, in nobiliорibus animalibus sensim complicatioris, imperfectissimos aut, ut rectius loquar, simplicissimos modos, plantarum sic dictarum imperfectiorum conterminos; stupuimus principii animalis, inde a molecula viva, per reliquas animantium classes, usque ad humanae perfectionis culmen, gradationes atque modificationes; nova inde affulxit lux theorie generationis & forte psychologie; universum Naturæ institutum patescere cœpit, cognovimusque corporum viventium, organicorum IMPERIUM, brutæ globi nostri materiæ tanquam basi superstructum, ex dupli animantium atque vegetabilium gente, summa affinitate conjunctis, terreque, ceu inculto agro coloni, immisis constare. Et hæc exiguo, quos non universus compilatorum atque methodiarum exercitus compensaret, observatorum hujus nostri sœculi numero debentur. Quorum pœclaro permotus exemplo ad Zoophytorum ulterius excolendam historiam, ab ali-

aliquo inde tempore, animum advertere cœpi.

Quod ergo in studio naturæ primum semper esse debet, naturam ipsam consului. Maria quæ Zoophytis in primis abundant, mediterranéum, orientale, americanum adeundi facultate bucusque, non animo destitutus: ex iis, quæ mare septentrionale & aquæ europeæ suppeditare possunt, pauculis quoꝝ potui viva examinavi. Reliquorum maximeque exoticorum aliquam, ut cunque imperfectam cognitionem ex curiosorum gazophylaciis attente & saepè plus quam centies perlustratis, propria non parum adjutus supellectile, conquisiui; id quoque, in tam tenella Zoophytologicæ infantia, utile fore ratus si, quod in museis optime fit, genera & species curiosius determinarem & distincte adumbrarem, sicque novo labore caliginosum bucusque Plant-animalium chaos, distinguendo, ordinando digerere atque illustrare adlaborarem.

Defectui propriæ cognitionis & experientiæ deinde ut succurrerem, auctores consulere eorumque selecta observata disponere cœpi. Principes itaque in his evolvi observatores: accuratissimum Marsilium, magnum Germaniæ decus Rumphium, Ellisium sub-

tilitate atque acuminę observationum omnes supereminentem, Donatum qui maris adriatici divitiis gravis, sordidulum in Naturalis scientiae aerarium tributum contulit & quae sparsa hic pertinent candidissimorum Virorum Peyssonelli, Trembleji, Jussiaei, Loeflingii atque Roeselii observata omnia. Deinde methodicorum Principem Linnaeum & Iconistarum Zoographorum pariter ac Botanicorum amplissimam ferrugininem adjeci, ditissimam quam comparaveram specierum seriem castigata synonymia aucturus.

In eo dum versor; dum Iconum, quae de Zoophytis sparsissimae exstant, paucitatem & defectus considero, ingratumque ipse ex superior labore easdem ex immenso volumen numero conquirendi: intellexi publicae utilitatis futurum laborem si, præstantissimi Roeselii in Polypis & Brachionis, Ceberrimi Ellisii in Sertulariis, Cellulariis, Corallinis, Escharis egregia exempla utcunque secutus, Ichnographiae Zoophitorum perficiendae incumberem; hanc ad stabiendas species, præcavendosque & corrigendos in his errores, quos gravissimos auctorum plerique commiserunt, certissimam esse viam persuasus, quaeque simul ad cultiorem penitiorumque Zoophitorum cognitionem duceret. Hanc curam ut in me susciperem & studium

dium, quo hanc Zoologie partem ab aliquo tempore prosequor atque cuius qualem-
cunque fructum orbi litterario debeo, & mu-
seorum instructissimorum, quibus BELGIUM,
in quo nunc vivo, superbit, opportuni-
tas non suadere modo, sed poscere vide-
bantur.

Hanc itaque Synopsin tanquam futuro-
rum laborum fundamentum atque normam,
facemque in observando mihi & aliis haud
inutiliter praelucturam, & tanquam ICONO-
GRAPHICI, quod molior, OPERIS per Fasci-
culos edendi Prodromum sistere in animum
induxi: quo Ordini Zoophytorum naturales
limites circumscribere, generum sub eo mi-
litantium fixos characteres & physiologiam
observationibus illustratam exponere, spe-
cies determinare descriptione, inditoque sin-
gulis nomine triviali & characteristico di-
stinguere, quæque apud auctores de iis ex-
stant digerere & illustrare allaborarem.

Species ex observatione & supellectile
propria, instructissimisque museis numerosis-
simas descripsi; per paucas ex fide principum
in his auctorum, mihi nondum vias, adop-
tavi pro complenda serie easque fideliter
asterisco nomini triviali praefixo indicavi. Ne
nimis promptus in condendis speciebus, ni-

misque in adumbrandis specialis forem, non nisi ex visis & collatis plurimis speciminibus descriptionem specificam plerumque adornavi. Ubi tamen ex unico aut binis saltem visis de specie pronunciavi, id evidentia insiti characteris commotus feci monitumque adjeci. Comparatione quoque speciminum quotquot occurrerunt omnium, saepe diversissimorum, de solemini corporibus marinis figuræ inconstantia edoctus, ad certos specierum characteres, generalioresque adumbrationes adspiravi; simul varietates visas aut apud auctores occurrentes expungere & ad sua capita relegare studens. Observationes in Zoophytis vivis instituendæ numerum specierum enumeratarum, varietatibus mihi dictis, per flores animales aliterve determinatis, augere poterunt, vix minuere, nisi me egregie fallit cura quam in observando comparandoque ea, quæ in promptu fuerunt, collocavi.

Numero specierum mihi cognitarum adjutus Synonyma auctorum originalia, quæ extant, pleraque facilius ad titulos referre potui. Quod quam difficulter & viciose sine amplissima specierum cognitione fiat ex innumeris scriptoribus & maxime ex Linnæani Systematis parte Zoologica patet. Obscuritate descriptionis iconumque defectu vel

vitio dubios librorum locos præfixo aste-
risco notavi. Auctores plerosque hic per-
tinentes pervolvi ipse ; paucissimorum ,
quorum copia non fuit , ut Zinannii , Za-
nichellii atque Ponæ synonyma per pauca , ex
aliorum scriptis decerpta , certiora inserui ,
nec tamen sine dubitationis signo (?) præ-
fixo. — In locis quoque natalibus traden-
dis non temere quidquam afferui , sed sum-
mam curam adhibui , ut errores evitaren-
tur.

Genera non pro arbitrio , sed observatione
ductus , ex collatis cognitis speciebus defini-
vi ; mutavi , nusquam novandi studio , sed
jussu nature & æquabilitatis in omni syste-
mate observandæ , quam Zoologi methodici
plerique , imprimis recentiores , insigniter
neglexerunt. Nova ergo aliquot genera
Linnæanis adjeci Brachionorum ab *Hydris* ,
Antipathum a *Gorgoniis* , *Cellulariarum*
(ad normam Ellisii) a *Sertulariis* distinctione ,
quo insigne in scala naturali Zoophytorum
biatus opplesse mibi videor , ut satis cohæ-
renti serie genera proponi potuerint. — Mu-
tavi plura strictiori affinitatum considera-
tione. Sic *Escharis lapidescentes* quasdam
species adjunxi , a Linnæo ad *Millepo-
ras* relatas ; eidem generi eas ademi , quæ
evidenter ad *Cellularias* pertinent. Mille-
pō-

poras aliquot Linnæanas ad veram suam familiam, Madreporas nempe traduxi & quantum in tanto observationum defectu fieri potuit, Lithophytorum species disterni navi, ordinavi, definiti. Isidum, Pennatularium, Alcyoniorum, atque reliqua genera redegi. Characteres omnium distinctos, minimeque fluctuantes præstiti, ut vix de collocandis speciebus dubitari in posterum possit.

Genera naturali quadam consanguinitate juncta in unum ORDINEM ZOO PHYTORUM, sublata distinctione Lithophytorum, quād Natura redarguit, coëgi, cui Spongias summis pro eārum animalitate argumentis permotus adsociavi. Corallinas Zoophytis interpolare non ausus sum, cum gravissimae rationes vegetabilibus eas vindicent. Neque Taenias & Volvocem ad Zoophyta plane pertinere ut crederem, arme impetrare potui, adeoque tantisper, donec certa tradi possint, haec corollarii loco adjeci, quamquam magnae auctoritates & pro Corallinarum animalitate & pro Taeniis ad Zoophyta refendis militent.

Non possum non in adorriando hocce opusculo utilissimam heic gratius agnoscere & laudare Curiosorum Belgii insignem huma-

nitatem atque benevolentiam, quā ad ornatissima & Indici maxime maris gazis instructissima Musea aditum mihi benignè concesserunt. Celebrandus mihi imprimitis venit amicus favor Nobilissimi ARN. VOSMAER, Acad. Cæsar. Membr. & in Acad. Reg. Paris. recitati, qui mihi in ditissimo SERENISSIMI PRINCIPIS AURIACI, suaque cura nitidissimo thesauro, Zoophytorum phalangem instruere permisit, quā collatarum & undique additarum e reliquis museis specierum aciem firmare possem. Celebranda deinde humanitas Frutorum atque Amicorum suo loco nominandorum omnium, qui vel musea sua lustranda benigniter concederunt vel speciminiibus propriam supellectilem auxerunt, eoque magno mihi & adjumento & excitatione fuerunt.

Pro Iconographici, quod molior, operis specimine propediem expectandum erit ISIDUM GENUS, tabulis ad vivum coloratis, descriptione atque quam fieri poterit plenissima historia illustratum. Quod si Publico non displicerit, successive reliqua Zoophytorum Genera sic sigillatim edere, nulla successionis in publicandis iis habita ratione, animus est. HISTORIÆ NATURALIS FAUTORES CULTORESQUE exteros enixe rogatos velim, ut, si species hoc opusculo non de-

designatas Zoophytorum in Museis suis pos-
sideant, earum descriptiones picturasve ad
me mittere & nunc primum complendo Isidum
generi mecum incumbere velint; ad
quod si quis praeter memoratas infra quinas
species, novam addere vel & singularium
speciminum observationumve historias sup-
peditare dignetur, gratissimum me habebit
& insignem apud harum rerum studiosos ini-
verit gratiam. In editione Generis Isidum,
cujusnam proxime Generis iconographia ex-
pectanda sit, significabitur, desiderataque
speciatim enumerabuntur. Ubique Fa-
torum, qui specimina, ectypa, observataque
contulerint, fideliter fiet & honorifica men-
tio; neque hi nitidissimo operis, quod aux-
rint, specimine carebunt.



ELEN-

ELENCHUS AUCTORUM

A D

HISTORIAM ZOOPHYTORUM SPECTANTIUM

QUORUM NOMINA IN SEQUENTI OPE-
RE CITATA INVENIUNTUR.

- Aldrov. mus. met.* ULYSS. ALDROVANDI, museum metallicum in libros IV. distributum, a M. ANTON. BERNIA compositum, edente BARTHOLIN. AMBROSINO BERNIA. Bonon. 1648. fol. c. icon. lign.
- Argenv. conch.* A. J. D. d'ARGENVILLE, l'histoire naturelle éclaircie dans une de ses parties principales, la Conchyliologie. Paris 1752. 4. (Ed. II.) c. tab. æn.
- **Bäck act. bolm.* ABRAH. BÆCK, in Actor. Holm. vol. VIII. p. 203. Ed. germ. c. icon. mal.
- Baker polyp.* HENRY BAKER, a natural history of the Polype. London 1743. 8. c. tab. æn.
- Baker microsc.* EJ. The microscope made easy.
- Baker micogr.* EJ. Employment for the microscope. London 1753. 8. c. tab. æn. (Edit. belg. Amstel. 1756. 8.)

* *

Barrel.

- Barrel. pl. icon.* JACOB. BARRELLIERI, plantæ per Hispaniam, Italiam & Galliam observatæ, ed. ANTONIO DE JUSSIEU. Paris. 1714. fol. c. icon. æn.
- Baster. opusc.* JOBI BASTERI, opuscula subseciva, observationes miscellaneas de animalculis & plantis quibusdam marinis continentia. Tomus I. & Tom. II. Harlemi 1762 65. 4. c. tab. æn. minus bonis.
- J. Baub. bist.* JOH. BAUHINI, Historia plantarum. III. vol. 1650. 1651. fol. c. icon. lign.
- C. Baub. pin.* CASP. BAUHINI, Pinax theatri botanici. Basil. 1623. 4.
- Besl. mus.* MICH. RUPERT. BESLERI, gazophylacium rerum naturalium, ex regno vegetabili, animali & minerali depromptarum. Norimberg. 1642. fol. obl. Lips. 1733. fol. c. tab. æn. rud. alien.
- Besl. mus. Loch.* Múseum BESLERIANUM EX recensione MICH. FRID. LOCHNERI. Lipsiae 1716. fol. c. tab. æn. malis.
- Boccon. mus.* PAUL. BOCCONE, Museo di Fisice di Esperienze. Venez. 1697. 4. c. tab. æn. incultis.
- Boccon. obs.* EJ. Recherches & observations naturelles &c. Amsterd. 1674. 8. c. tab. æn. paulo meliorr.

- Boerb.* *ind. alt.* HERMANNI BOERHAAVE, index alter plantarum Horti Lugduno-Batavi. *Leydæ* 1720. 4. *mera nomina.*
- **Boët.* *lap.* ANSELM. BOËTII DE BOOT, gemmarum & lapidum historia. *Lugd. Batav.* 1636. 8. *cum fig.*
- Bobadsch.* *mar.* JO. BAPT. BOHADSCHE, de quibusdam animalibus marinis liber. *Dresdæ* 1761. 4. *tab. æn. sat. bonæ.*
- Bon.* *muf.* *Kirch.* PHIL. BONANNI, Museum Kircherianum, cet. *Romæ* 1709. fol. c. icon. mal.
- Borlac.* *cornub.* WILLIAM BORLACE, natural history of Cornwall. *Oxford.* 1718. fol. c. tab. æn.
- Breyn.* *prodri.* JACOB. BREYNII, prodromi rariorum plantarum, fasciculi I & II. accedunt icones rariorum & exoticarum plantarum æri incisa. *Gedani* 1739. 4.
- Brady* *transf.* BRADY, in Phil. Transl. vol. 49. pag. 249. c. tab.
- **Bromel.* *lith.* MAGNI VON BROMEL, Mineralogia & Lithographica cet. *Stockholm und Leipzig* 1740. 8. c. icon. (german.)
- Brown.* *jam.* PATRICK BROWNE's, civil and natural history of Jamayca in three parts. *London* 1756. fol. c. tab. æn.
- **Büttner.* *cor.* DAV. SIGISM. BÜTTNERI, Coralliographia subterranea seu dis-

- fertatio de Corallis fossilibus in
 specie de lapide corneo. *Lipſia*
 1714. 4. c. tab. æn.
- Calceolar. mus.* Museum FR. CALCEOLARII, a
 BENED. CERUTO incepturn & ab
 ANDR. CHIOCCO luculentem de-
 scriptum & perfectum. *Veron.*
 1622. fol. c. icon. bon.
- Catesb. angl.* MARK CATESBY, a natural his-
 tory of Carolina, Florida and
 the Bahama Islands. *London*
 vol. I. 1731. vol. II. 1743. fol.
 regal. c. tab. æn. color.
- Catesb. germ.* Idem Liber edentibus N. F. EI-
 SENBERGER & G. LICHTENSTE-
 GER. *Norimb.* 1750. fol. regal.
- Chabr. ic.* DOMIN. CHABRÆI, stirpium
 icones & sciagraphia. *Genevæ*
 1666. fol. c. ic. lign. *Baubinian.*
- Clus. exot.* CAROLI CLUSII, exoticorum
 libri decem. *Antv.* 1605. fol. c.
 icon. lign. bonæ notæ.
- Clus. bift.* EJ. rariorum plantarum historia.
ibid. 1601. fol. c. icon. lign.
- Donat. adr.* VITALIAN. DONATI, saggio del-
 la storia naturale marina dell'
 Adriatico. *Venet.* 1750. 4. c. tab.
 æn. sat. bon.
- Edward. av.* GEORGE EDWARDS, a natural
 history of Birds. *London.* 4 vnell.
 And Gleanings of natural histo-
 ry. *ibid.* 3 vnell. c. icon. col.
- Ellis cor.* JOHN ELLIS, an essay towards
 a natural history of Corallines
 and

- and other marine productions of
the like kind. *London* 1755. 4.
c. tab. æn. opt.
- Ellis act. angl.* *EJ. varia in Transl. Philos. vol.*
XLVIII. p. 115. 305 504. 627.
vol. L. part. I. p. 188. 280.
- **Faber misc. cur.* *Jo. MATTH. FABER, de spon-*
gite in Miscellaneor. Nat. Cu-
rios. Decur. III. ann. I. 1694.
obs. 121.
- De Geer act. holm.* *CAROL. DE GEER, in Act. Hol-*
miens. ann. 1747.
- Gans. cor.* *Jo. LUD. GANZII, Coralliorum*
historia. Francof. 1669. 8. Ed.
aucta; compilatio mera.
- Gesn. lap. fig.* *CONRADI GESNERI, de rerum*
fossilium, lapidum & gemmarum
maxime figuris & similitudini-
bus liber. cum icon. nitid. Pro-
diit cum aliis. Tiguri 1565. 8.
- **Ginan. opusc.* *GINANNI o sia ZINANNI, istoria*
delle piante marine. Ext. in
oper. posthum. Venet. 1755. fol.
vol. I.
- **Gottwald. misc. cur.* *Jo. CHRIST. GOTTWALD, in Mi-*
scell. Nat. Curios. Decur. III.
ann. 9. & 10. obsc. 160.
- Gualtier. ind.* *NICOLAI GUALTIERI, index tes-*
tarum Conchyliorum, quæ in
eiusdem museo adservantur &
methodice distributæ exhibentur
tabulis CX. Florentiae 1744. fol.
c. tab. æn. sat. bon.

*Mus. Richt.*JOH. HERENSTREIT, Museum
Richterianum. *Lisæ* 1733. fol.
*c. tab. æn.***Helwing. lith.*GEORG. ANDR. HELLWING, Li-
thographia Angerburgica. *Re-
giomonti* 1747. 4. *c. fig.*EJ. pars altera de lapidibus fi-
guratis. *Lipsæ* 1720. 4. *c. tab.
æn.**Imperat. ital.*FERRANTE IMPERATO, historia
naturale. *Napoli* 1599. fol. *c.
tab. lign.**Imper. lat.*Idem liber, latine. *Colon.* &
Lips. 1692. 4. *c. icon. lign. sat.
bon.**Ger. emac.*THOM. JOHNSON, the herbal
or general history of plants ga-
therd by John Gerard, enlar-
ged and amended. *London* 1633.
fol.*Jussieu act. par.*BERNHARD. DE JUSSIEU, in
Mem. de l'Acad. de Paris 1742.
*c. icon. elegant.**Kaehler act. holm.*MART. KAEHLER, in Act. Hol-
miens. ed. germ. vol. 16. p.
143.*Knorr. delic.*GEORG. WOLFG. KNORR, De-
liciæ Naturæ selectæ, oder au-
ferlesenes Naturalien Cabinet.
Nürnberg. 1754. edi cœpt. fol.
regal. *c. icon. color. opt.*KOELREUT. act. petrop. Jos. THEOPHIL. KOELREUTER,
in

- in Commentar. Petropolit. Vol. VII. c. icon. elegantiss.
- *Lang. lap. fig. CAR. NICOL. LANGII, historia lapidum figuratorum Helvetiæ. Venet. 1708. c. tab. æn.
- Linn. hort. cliff. CAR. LINNÆI, hortus Clifforianus. Amstelod. 1737. fol. c. icon.
- Linn. mus. tess. EJ. Museum Tessinianum. Holmiae 1753. fol. c. tab. æn.
- Linn. cor. balth. EJ. Corallia balthica Resp. H. Foug. 1745. 4. Amœn. acad. Vol. I. c. tab. æn. rud.
- Linn. chin. lagerstr. EJ. Chinensia Lagerstroemiana. Resp. J. L. OHDELIO. 1754. Amœn. ac. Vol. IV. c. tab. æn. rud.
- Linn. Syst. EJ. Systéma Naturæ. Vol. I. Holmiae 1758. 8.
- Linn. Faun. su. EJ. Fauna Suecica. Edit. II. ibid. 1761. 8.
- Lobel. icon. MATTH. DE LOBEL, plantarum s. stirpium historia. Antwerp. 1576. fol. c. icon.
- Löefling. act. holm. PETRUS LOEFLING, in Acto. Holmiens. Vol. XIV. p. 117. Ed. germ. c. icon. bon.
- Marsil. bist. mar. LUDOV. FERDIN. MARSIGLI, histoire physique de la Mer. Amsterd. 1725. fol. c. tab. æn. incultior.
- Turgot mem. instr. Memoire instructif sur la manière de rassembler, de préparer, de conserver & d'envoyer les

- les diverses curiosités d'Histoire naturelle. à Lyon 1751. 8vo fig.
- Mercat. metalloth.* MICHAËL MERCATI Metallo theca Vaticana , cura & studio MAR. LANCISII. Romæ 1719. fol. c. tab. æn. bon.
- Merret. pin.* CHRISTOPH. MERRET , Pinax rerum Britannicarum. Londin. 1667. 8vo. Catalogus paucissima Zoophyta habens.
- Moris. hist.* ROBERTI MORISONI, plantarum historiæ universalis Oxoniensis. Tomi II. Oxon. 1680. Tom. III. curante JACOB. BOBARTO ibid. 1699. fol. c. tab. æn. bon.
- Mylius mon.* CHRISTLOB. MYLIUS , Beschreibung einer neuen Groenländischen Thierpflanze in einem Sendschreiben an Herrn ALBR. von HALLER. London 1753. 4. c. tab. æn.
- Olear. mus.* ADAM OLEARII , Gottorfische Kunstkammer. Schleswisch 1674. c. fig.
- **Parkins. theatr.* JOH. PARKINSONI , theatrum botanicum. London. 1640. fol. c. icon.
- Petiv. gazoph.* JACOB. PETIVER , gazophylacij naturæ & artis decades X. Londini 1713. tab. æn. rudior.
- Petiv. pl. ital.* EJ. plantarum Italiæ marinorum & graminum icones & nomina. ibid. 1715. fol. tab. æn. V. (ex Bareliero.)

- Petiv. pterigr.* EJ. Pterigraphia Americana.
1712. tab. æn.
- Peysson. act. angl.* — DE PEYSSONEL, in Transact. philos. Vol. XLVII. p. 445.
- Planc. concb. I.* JANI PLANCI, liber de conchis minus notis. Venet. 1739. 4. c. tab. æn.
- Ed. II. Idem liber duplici appendice auctus. Rome 1760. 4. c. icon. bonis.
- Planc. act. sien.* EJ. Epistola ad Janellium in Act. acad. Physiocritic. Sienens. Vol. II.
- Plucknet. amalb.* LEONARD. PLUCKNET, Amaltheum botanicum. Londin. 1703. fol. c. iconism.
- Plucknet. almag.* EJ. Almagestum botanicum seu Onomasticon Phytographiæ Plucknetianæ. Londin. 1696. 4. c. iconism.
- Plucknet. phytogr.* EJ. Phytographia. Londin. 1691. 1692. fol.
- **Pona bald.* JOH. PONÆ , monte Baldø descripto. Venez. 1617. 4. Edit. 3.
- Pontoppid. norv.* EHRICH PONTOPPIDANS, Versuch einer natürlichen Historie von Norwegen. Koppenhagen 1752. 54. 2 Theile. 8. c. tab. æn. (Ex Danico vers.)
- Raj. bist.* JOH. RAJI , historia plantarum generalis. Tomi II. Londin. 1693. Tom. III. ibid. 1704. fol. c. icon.
- Raj. syn.* EJ. synopsis methodica stirpium Britannicarum. Edit. III. 1724. 8. c. fig.
- * * 5
- Roef.

- Rœf. inf. III. polyp.* AUGUSTIN. JOH. RÖSELS VON ROSENHOF, Insecten Belustigungen, dritter Theil. Nürnberg 1755. 4. c. tab. æn. ad calc. ext. Historie der Polypen und andrer kleiner Wasserthiergen.
- Rondel. aquat.* GUILIELM. RONDELETII, libri de piscibus marinis. Lugduni 1554. fol. c. icon. lign.
- Rumph. mus.* EJ. universæ Aquatilium historiæ. Pars altera. Ibid. 1555. fol. c. icon. lign.
- Rumph. herb.* GEORG. EVERARD. RUMPHII, Amboynsche Rariteyt - kamer. Amsterdam 1741. fol. c. tab. æn.
- **Rumph. misc. cur.* EJ. Herbarium Amboynense. Amstelod. 1750. Tom. VIltus. fol. c. icon. incult.
- Seb. thes.* EJ. Observatio in Misc. Natur. Curiosor. Dec. II. ann. I. obsc. 22.
- Shaw. afric.* ALBERT. SEBÆ, locupletissimi rerum naturalium thesauri accurata descriptio & iconibus artificissimis expressio. Amstelod. Vol. I. 1734. Vol. II. 1758. Vol. III. 1760. fol. c. icon. color. bon.
- Sloan. cat.* THOMAS SHAW, Travels or observations relating to several parts of Barbary and the Levant. Oxford 1638. fol. c. tab. æn. Supplementum. Ibid. 1746. fol.
- HANS SLOANE, catalogus plantarum

tarum quæ in Ins. Jamayca sponte proveniunt cet. *Londini* 1691. 8.

Sloan. bift.

HANS SLOANE, a Voyage to the Islands Madera, Barbados, Nieves, St. Christopher's & Jamayca. *London* Vol. I. 1707. Vol. II. 1725. fol. c. tab. æn. bon.

Torrub. bisp.

JOSEPH TORRUBIA, Aparato para la Historia natural Espannola. Tom. primero. *Madrid* 1754. 4. c. tab. æn.

Tournef. inst.

JOSEPH PITTON DE TOURNEFORT, institutiones rei herbariæ. Tomi III. & Corollarium. *Paris.* 1700. 4. c. tab. æn.

Trembl. polyp.

ABRAHAM TREMBLEY, Memoires pour servir à l'histoire d'un genre de Polypes d'eau douce, à bras en forme de cornes. *Leyde* 1744. 4. c. tab. æn.

Trembl. act. angl.

Ej. varia in Transact. philos. Vol. XLII. n. 467. Vol. XLIII. n. 474. Vol. XLIV. n. 484.

Valentin. ind. litt.

MICH. BERNH. VALENTINI, historia simplicium reformata. *Francof.* 1716. fol. c. tab. æn. ACCED. Specimen Indiæ literatæ.

Valentyn ind.

FRANCISC. VALENTYN, Beschryving van Oud en Nieuw Oost-Indien. *Amsterdam* 1724-1726. Tom. V. fol. c. tab. æn. rud.

*Wolfart. *baff.*

PETRI WOLFARTI, *historia naturalis Hassiae inferioris. Pars I, Cassellis 1718. fol. c. tab. æn.*
OLAI WORMII, *Museum Wormianum. Lugd. Batav. 1655. c. fig.*

*Zanich. *bifst.*

JOH. JAC. ZANICHELLI, *Istoria delle piante de' lidi Veneti. Venez. 1735. fol.*

*Zanich. *muf.*

EJ. *Enumeratio naturalium, quæ in Museo Zanichelliano aservantur. Ibid. 1736. 4.*

*Zanich. *epift.*

EJ. *Epistola de Myriophyllo pelagico. Ibid. 1714. 8.*



ZOOPHYTA.

AT THE BOOKS

D E
ZOOPHYTORUM
INTERMEDIA NATURA (a).

ET INVENTIONE.

Corpora, quæ Globum nostrum constituunt, eo-
que continentur, universa in tria vulgo Re-
gno-
rum Na-
gna dispesci solent: *Animale*, *Vegetabile*, *Minerale*. turæ re-
Hanc receptam distinctionem arbitrariam prorsus futatio.
atque imaginariam esse, longeque diverso insti-
tuto Naturam bruta inertiaque Corpora, a vivis
atque organicis segregasse liquebit, si ab omni
præconceppta opinione libero animo Naturæ Sy-
stema perlustraverimus.

Globus terraqueus inorganica inertium Elemento-
rum congeries est, quæ communem præbet pa-
triam Organorum seu *Organicorum Corporum* plebi,
omni materia *inerte*, insito quodam *vitali principio*
& artificiosa fabrica, nobiliori. Corporumque or-
ganicorum familiæ uti inter se arctissimo adfini-
tatis vinculo cohærent, ita quoque à quorumlibet
brutorum corporum indole longissime rece-
dunt.

Sæb-

(a) Quæ hic de Natura in genere, præsertim Anima-
lium, deque serie corporum organicorum, necessario præ-
mittenda, breviter proposui, fuse olim couascripteram; sed
digerenda atque observationibus illustranda etiamnum
contineo. A meis non multum diversa aliqua nuper tradi-
disse, vera Naturalis Scientiæ Philosophia imbutum, acu-
tiss. *Car. BONNETUM* cum summa voluptate perspexi ex
egregio opere, cui titulus *Contemplation de la Nature*,
Amst. 1764. 8vo.

Substantiæ inorganicæ per se inertes, ex Elementis infinita varietate compositæ, sola aggregatione atque appositione (non tamen sine lege & aliqua sœpe organicæ structuræ specie,) *accrescunt & attractricem vim* Elementis insitam pro vita obtinuisse videntur.

Longe alia est *Corporum* sic dictorum *organicorum* ratio. Hæc id in universum habent, quod ex peculiaribus *germinibus*, vitali *aura* afflatis, heterogeneam materiem seu particulas inertes intususcipientibus atque assimilantibus, *adolecant* in formas determinatas, quarum ratio & delineatio quædam in ipso germine est. Quod adulata eodem vitali principio *vigeant*, integrantur, & peculiaribus organis, sui similem fabricam productura germina vel nova forment, vel præ-existentia perficiant.

Horum nihil inertis per se materiæ contigit; quam non perpetua germina colligunt & effingunt, sed sola fors congerens atque chemice commiscens in corpora mineralia compingit. Verius ergo *Corpora*, quæ Globus hic noster exhibet in *Bruta*, *inertia* & *Organica*, viva distinguuntur; istaque territorium, hæc populum quasi constituent Naturæ.

Classe斯 Corporum organicorum. *Organicorum Corporum Imperium*, prædicta trium regnum methodo, in duas discerpi solet provincias, *Animantia* nempe atque *Vegetabilia*; quarum prior Zoologis moderanda contigit, altera Botanicis. Verum & hic Natura longe alter distinguere jubet. Animalia in *Classe斯* dispescuisse eam, fabrica externa pariter atque interna, modoque generandi diversissimas, omnes fatentur. Perpensa Animantium in *Classe斯* divisione; harum *Classum* essentia, differentiis, affinitatibus, successione; ultimorum Regni Animalis

malis finium incertitudine fere dixerim, atque miro ab animantibus ad vegetabilia transitu: Nemo non suspicabitur Naturam *Vegetabilem universam gentem tamquam ultimam Corporum organicorum Classem* instituisse, neque, bina hic eam condidisse regna, concipi debere. Hinc naturalia vegetabilium genera in *Ordines* quidem *naturales* confociari, vere distinctæ vero *Classe naturales* ex ordinibus plantarum confici nullæ possunt; dum universum, qua nunc patet, vegetabile regnum *unica tantum Corporum organicorum Classis* sit, *unica Imperii Naturæ Provincia*.

Fatendum tamen est Vegetabilia ab Animalibus primo intuitu longissime diversa videri. Eoque magis admiranda est Naturæ in oppiendo inter Animal sanguineum & Plantam hiatu, in que connectenda Corporum organicorum serie sollertia. Nimis imperfecta adhuc universa Zoologia est, quam ut omnia elegantissimæ concatenationis corporum organicorum membra, affinitatumque gradus omnes tradere possimus. Verum insignia, hoc ipso præsertim Sæculo, detecta fragmenta, illustrissimis docent exemplis summa cura ubique Naturam diversissima intermediis umbris continuasse, omnesque Systematis sui hiatus opplevisse. Quid de nexu inter Animantia & Plantas, per ambiguæ naturæ *Zoophyta*, jam nunc constet, antequam exponamus; generalem prius Animantis & Plantæ adumbrationem & Physiologiam dare oportet.

CORPORA ORGANICA *machinas esse hydraulicas*, statui potest: sed innato, omneque punctum vivificante *principio* quodam *activo* nobilitatas; dilutas humido heterogeneas particulas, canalibus propriis recipientes, transmittentes, præparantes, inque sui nutrimentum convergentes; pleras-

*A plantis
ad anim.
transitus.*

que aërem aptis organis spirantes ; omnes co-tendentes, ut similis machinæ primordium gerent atque sic *vitam & speciem* propagent.

Plantæ; simpliciores, ex *vasis* succum, *tracheis* aërem vehentibus, *glandulisque* utricularibus varie compositæ, facultate certissime activa seu *vitali vigore* (b) præditæ: parte nutrimento immerso radix fiunt, per cujus poros liquidum nutritivis particulis fœtum, seu aqueam, ut bene *Linnæus* vocat, humi tinteturam, hauriunt, per continuos canales cellulofosve tractus propellendam, activa vitali & aëris accedente operatione mutandum, incremento applicandum, effœtumque oppositæ. tendentis in aëra extremitatis poris reddendum.

Fruitificatio. Incrementi Plantæ terminus *fructificatio* est. Panditur terminalis gemma in florem, *ovarium* continentem; quod, ubi ex masculorum, in *eodem* vulgo individuo præsentium organorum interaneis prorumpentis *pollinis* vitali aura afflatum est, magis vigore incipit, nutrimentum ad sé rapit, plantasque marcescere facit; & quidem annuas, *unico gemmarum ordine* præditas, totas enecat, perennes vero usque ad gemmarum novum, proximo anno evolvendum ordinem, vel in ramis residat, vel in summitate persistentis radicis. Intra ovarium sic perficitur & maturum excluditur, quod vocatur, *Semen*: continens vivum plantæ compedium, placentis plerumque præditum, quæ primum, humiditate & succedente fermentatione excitandum, germini idoneum nutrimentum coér-

(b) Quanquam Systemate nerveo certissime, sensuque adeo pariter destituantur; innata Plantas tamen vita pollere incrementum & vigor, earum morbi, succi præparatio & mutatio, aliaque satis probant.

coërcent. Hæc vero germina an generet planta, an vero in prima planta futurorum omnium primordia, alterum altero vaginatum condiderit Natura? latet nos, æternumque latebit. Cer-
te encapsulationis aliquis debet esse terminus, & nisi in matre, saltem alicubi in tanto succé-
dentium generationum numero, produc^{tio} nova
statui debet; quicquid robustissima hypotheseos
encapsulationis propugnatorum imaginatio sugg-
erat.

Plantæ in genere ex omni parte *Gemmas* quo-
que trudunt, quæ vel in partem plantæ, vel
ubi a stirpe remotæ fuerunt, solæ, aut cum antiquæ
stirpis portione, in plantam antiquæ si-
milem, radice & fronde instructam, explican-
tur. Tales in radicis, trunci, rāmorū, mo-
do certis tantum locis, modo omni fere puncto
latere, omne dubium eximunt vivaradices, pro-
pagines, per gemmas & segmenta propagatio,
inversio arborum ex radicibus frondescentium,
detruncata plantarum membra gemmantia, alia-
que innumera. Largiori, non tantum mecha-
nico eo pulso, sed & per vitalem vim directo,
evolvi debent nutrimento, quod antiquæ stirpi
insidentes, per continuos, alienæ insertæ per
inoſculatos canales recipiunt; terræ vero com-
missæ, generatæ ope radicis sibi comparant.

Hæc fere est Plantarum in universum ratio. *Plantæ imperfec-
tiores*. Dantur vero simplicissimæ quædam, saccum re-
ferentes cellulositate vel parenchymate plenū, su-
perficiei poro circumfusum nutrimentum hau-
rientem; in quo seminificatio fit. Tales sunt
Ulvæ, Tremellæ & Lycoperda, quorum quæ-
dam partem sui tantum terræ immersam quasi
pro radice habent. Ab hac simplicissima fabrica,
per contigua genera ad perfectiores plantas ad-

surgit Natura. Proxime autem affines sunt Lycoperdis Fungi, Ulvis Confervæ, Tremellis Lichenes atque Fuci; pariter radice destitutæ plantæ, per totam superficiem poris nutrimentum haurientes, homogeneo suo parenchymate confidentes, in eoque vesiculas seminiferas parantes.

Videamus nunc Animantia, quæ sunt quasi Plantæ convolutæ, seu organa, in Plantis explicata & exorrecta, intus recondunt, ut ambulantes machinæ esse possint; quæque, in fines multipliciores, fabricam etiam multo complicatiorem, magis modificatum nempe *vitale*, & accessorium præterea, quod vocari potest, *animale Systema*, (nerveam volo & musculosam compagm,) obtinuerunt.

Animan-
tia; Syste-
ma nutri-
torium.

ANIMANTIA, cutoe undique obducta atque terminata, constant primum *Systemate vasculo-*
so, (arbore quasi vitali) ramosissimo, evidenter oscillante, quod vel ramis quibusdam, vel toto venarum apparatu (*c*) radicatum est intra receptaculum multiforme, nutrimentum per propriam aperturam (*Os*) recipiens; deinde arteriosa extremitate (arboris in aëra tendenti parti analoga) in innumera organa modificatur, variæ indolis cellulositate & parenchymate ubique suffultum & contextum, & ex parte in superficiem corporis (foliis arborum comparandam) dēfinens.

(*c*) In Insectis fere omnibus *venæ* ex toto canalis alimentarii traectu colliguntur in *truncum* dorsalem, receptum suctum oscillationibus subigentem & per totum corpus *arteriosis* vasculis distribuentem. In Nereidibus, & aliis forte molluscis, truncus vasorum totius Corporis totus ab intestino oritur. Hæc systematis vasculosi conditio summe analoga est ejus quam in Plantis tradidimus, in animalibus vero a nemine hucusque annotata fuit.—In Avibus *venæ* meraicæ, in Quadrupedibus exiguum venarum lactearum & lymphaticarum systema radicum munere funguntur.

sinens. Hoc vasculoſo ſystemate continentur omnis animalium nutritivus liquor, qui ubi a radicibus primo receptus eſt, *Chylus*; ſubactior & per animal diſtributus, *Sanguis* in genere appellatur; in organis vero pro ſtructuræ & oscillationum ratione varie mutatur in *Succos*.

Fabricæ deinde propriæ ope Animantia aëre ^{Respira-}
frauntur; vel internis organis vascuſolifimis ^{torium.}
(*pulmibus*) respirata, vel exsertis fereque nudis vascuſoli ſyſtematiſ ramis (*branchiis*) ad pullo, vel *tracheis* per totum corpus (uti in planta) diſtributiſ recepto: ut omnis, intra breve tem-
pus, nutritivi liquidi maſſa aëris beneficio gau-
dere poſſit, quod tamen ſimplicioriſ ſtructuræ
animalibus denegaffe videtur natura.

Animantia interna quoque officina parant ^{Prolifi-}
Ovum, (Semini plantarum analogum) continens ^{cum.}
novi animalis compendium; quod ubi a *Seminis* (in diverſo vúlgo iṇdividuo parandi) afflatu & vi-
tali aura animatum eſt, turgere incipit, tumque vel apto matris ſinu exceptum, e radicula (um-
bilicali fune embryonis) fibras agere incipit, al-
lectoque nutrimento adoleſcit, & tandem omnibus membris perfectum animal in lucem editur; vel naſcitur cum organico vitelli, (cotyledonibus plantarum comparandi) cui continuum eſt, & circumfusi pro alimento albuminis appetitu, certo caloris gradu fovendum, ut proprio marte adoleſcat in fœtum tandem excludendum, nunc ex omni parte matri statim ſimilem, nunc depo-
nendis ſucceſſive exuviis larvatum, vel membris plus minusve imperfectum, atque extraneo ali-
mento enutriendum (d).

Ve-

(d) A generalioribus legibus crebro recedit Natura, & mira ubique varietate ludit. At maxime in generandi mo-
do, quem tamen animalium ſingulæ Claffi peculiarem ex

*Nervo-
sum.*

Verum accedit fabricæ Animali, Plantis prorsus denegatum, primum *Systema nerveum*, in quo quod vocatur anima, principium animale, sentiendi atque volendi facultas residet. Est peculiaris naturæ medulla, quaquaversum rāmose distributa, vasculoſo ſystemati intertexta, in ſenſoriis præcipue explicata atque modifiſcata. Vix credibile eſt, ulli ſentiendi atque ſpontaneum motū exferendi facultate prædicto animali nerveæ medullæ ſaltem analogum quid deeffe; ne simpliciſſimis Polypis quidem.

*Musculo-
ſum.*

Propriam quoque Animalia ſibi habent *muscu-
loſam Fibram*, contractili virtute, extra animale corpus nullibi obſervanda pollentem, qua omniscunque motus peragitur. Systema muſculosum, neruo arctiſſime connexum & continuum quaſi videtur, nec niſi cum hoc viget. Animalibus autem pariter omnibus ineffe probabile eſt, etiam simpliciſſimis, quæ meris globulis conflatæ videntur; quanquam his inviſibile.

*Discor-
dantium
series con-
tinuata.*

Ex ſequentibus patebit, quomodo, diversiſſima connectens Natura, commiſerit Animalibus Plantas? quarum, ut generalis quædam convenientia, ita & inſignis diversitas, ex allatorum comparatione, facile confici poterit. A com- poſi-

inſtituto dediffe videtur, inconfiſta paſſim eſt. Metamorphoſes Ranarum; Serpentes, Anguillæ, Inſecta varia vivipara, ovum intus excludentia & analoga Rhizophoræ, germinantia demum ſemina demittentis; Monoculorum in uno genere triplex propagandi modus, per vivos fœtus, per ovula, per fructificationem; Aphides ſoliparæ & nunc vivos fœtus, nunc ova parientes; nymphipara Hippobosca; multifarii tandem in Molluſcis generandi modi, & in uno ſaþe genere androgynus quarundam, aliarum ſpecierum diclinis ſexus clariffime hoc evincunt & Analogiæ minus audacter fidendum eſſe fuadent.

positissima animalium nobiliorum, per superiores Clases varie modificata structura, ad simpli-
cēm Vegetabilium compagem effecit transitum;
animalem naturam cum vegetabili indole & habi-
tu conjunxit in Zoophytis, imo passim reliquis
Animalium Classibus, dedit, quo illa a Vegeta-
bilibus minus remota videantur necesse est.

Pertinet huc, quæ attentiori statim occurtere
debet, *trachearum* per totum corpus distributa
rum, in Insectis atque Plantis conveniens natura,
insignem fabricæ similitudinem innuens; imo
magis adhuc *simplicissima* plurium Molluscorum,
v. gr. Lumbricorum, Echinorum, Tethyorum.
&c. structura. Deinde, quod, inter Insecta,
Monoculi quædam species, inter Mollusca Ler-
neæ, veros proferant *fructus*, vel ovula vel vi-
vos tandem fœtus continentes. Neque non *her-*
maphroditica natura in Molluscorum maxima tur-
ba observabilis, quæ plantis *solemnior* est: mira
quoque Testaceorum ovaria, plures plerumque
eodem loculo embryones continentia, non for-
te male plantarum pericarpiis comparari pos-
sent.

Porro virtutis etiam gemmascentis, in perfec-
tiorum animalium Classibus, passim extant vesti-
gia, dum partes eorum aliquas ex latentibus sta-
minibus nasci, & vegetabilium more crescere
videmus. Sic enim prorumpunt & explicantur,
in Gyrinis ranarum, artus; sic Papilio, exuto
larvæ involucro, ex calice quasi pupæ erumpens,
alas, ceu flos sua petala, explicat. Pari modo
Quadrupedum pilos, Cervorum cornua, Avium
pennas, quotannis ubi defluxere, e gemmis,
quæ in promptu sunt, restitui videmus. Simile
quid in dentibus, unguibus & Piscium forte squa-
mis obtainere videtur.

Dein-

Analo-
giæ plan-
tarum &
animal.
fragmen-
ta.

Deinde uti in vivacioribus vegetabilibus, ita & in animali corpore vulnera, elongatione vasorum & novæ carnis generatione, consolidari videmus. Animalium quoque ossa, more arborum, contigua extranea corpora nato tubere & tandem crusta amplectuntur & includunt. In locum amissæ linguæ aut glandis caro succrevisse visa est; & sarcomata, luxuriantibus prædita vasorum ramis, passim in animalibus observantur. In Angue fragili & Lacertis amissa cauda regeneratur. Astaco in locum deciduae chelæ, nascitur tuber, in novam chelam sensim effingendum. Ast etiam insignior fit restitutio in dissectis Lumbricis, quorum certissime cauda facile renascitur; ex abscissa vero quoque eadem integrum instaurari animal, novis visceribus & generationis organis renascentibus, *Reaumurius* asserit, quod neque mihi unquam successit tamen, neque *Vandellio*. Similiter disceptæ Asteriæ, pullulascentibus e vulnere radiis cum visceribus novis, compleri observantur. Et Actiniæ dissectæ reficiuntur, consolidato vulnere, restituta amissa parte. Vermiculi varii aquatici, simplicissimæ structuræ, ad genera nondum relati, *Bonneto*, *Ræselio* aliisque dicti, non modo dissecti ex singulis fragmentis restituuntur, sed etiam sponte in portiones discedunt, quæ singulæ perfectum intra breve tempus animal evadunt (e).

Zoophy-
ta.

Verum, ut omnem hiatum sarciret & expletet, condidit Natura intermedium inter Plantas &

(e) An explicatum Vegetabile Systema & libere simplici elongatione partium gemmascens, in animalibus implicatum & involutum vulnere liberum fieri debet, ut tendentiam in incrementum exferere possit?

& Animantia ordinem ZOOPHYTORUM, miraculis plenum, quem observatorum industria hoc tandem saeculo Zoologiæ vindicavit; cuius antea maxima pars, incognita vel male intellecta, latuerat negligentiae atque erroris tenebris.

Tenuerat nempe in suspenso Historiæ naturalis Scriptores vere ambigua & anomala Coralliorum, Ceratophytorum, aliorumque submarinorum natura. Haesitabatur in primis quorundam Corallia vulgo in universum dicta, seu Lithophyta relegari deberent. Lithographi aliqui in ditionem suam ea redigere tentaverant. Ex his recentissimus Woodwardus fere fuit; imo comparabant in primis Coralii generationem cum arbore Dianæ & vegetationibus chemicis Varii, inter quos Guisoneum in Epist. ad Bocconem, Paracelsum, Quercetanum & Platearium nominasse satis est.

Habitus tamen plantæformis plerorumque Zoophytorum, qui antiquis dudum imposuerat ^{Botanico-} autoribus, in genere Botanicis hanc decernere ^{rum in-} provinciam videbatur; effecitque, ut eorum omnes, ante nostrum Saeculum, Zoophyta plantis suis immiscerent, & vel pro anomalis agnitas, in primis Lithophyta atque Ceratophyta, seorsim Submarinarum Plantarum nomine recenserent, vel alienis etiam generibus temere infererent, Muscis Corallinas ac Sertularias, Fucis Alcyonia, Escharas, imo Pennatulas quoque.

Habitus, ut dixi, solus antiquioribus, Ovidio, Dioscoridi, Plinio, Solino, ansam dederat Corallium fruticis nomine appellandi. Idem Botanicos: Cæsalpinum, Bauhinos, Lobelium, Bocconem, Tournefortium, Rajum, Morisonum, & alios impulerat, ut omnem Zoophytorum turbam suæ ditioni subjicerent; Donec hujus Saeculi initio

Antiquorum in-
certitudo.

(1726.)

(1726.) Comes *Marsilius* floriformibus *Alcyonii* palmati, *Isidis Coralii* & *Antipathis* dichotomæ animalculis detectis, novo argumento antiquam opinionem firmare videretur, omnibusque facile persuasit, veros esse flores, quæ viderat animalcula, aut Zoophyti potius capita.

Fragmen-
ta anti-
quiorum
de Zoo-
phytorum
natura.

Repugnabant tamen jam tum: agnitus Coralliorum animalis odor, (*Reaum. act. gall.* 1727. p. 271.) & Chemica a *Geoffroy*, *Lemery*, ipsoque *Marsilio* instituta curiose experimenta; quibus animalium corporum similia principia Zoophytis inesse, eaque substantia etiam intermedia gaude-re constabat.

Dudum quoque ambiguam Zoophytorum na-turam perspexerat atque haud dubitanter asse-ruerat, insignis *RUMPHIUS*; cuius præter edita sparsa in Herbario Amboynensi observata, in Museo Amboynico clarissimum extat documen-tum (f). Et ante hunc animalem fabricam Madreporas nonnullas esse *Ferr. IMPERATUS* du-dum agnoverat atque differte dixerat (g). Imo can-

(f) In Mus. Amboinens. Lib. I. Cap. 37. Crustaceis at-que Testaceis, tanquam tertium ordinem subjungit Zoothyta proprie sic dicenda; *In den derden en ondersten trap zyn die geene (Dieren), die de Planten en Steenen nader komen, en nauwelyks iets betoonen dat naar Leevend gelykt; waar van wy een Deel in 't eynde van 't 12de Boek van de Amboynsche Kruiden beschreeven hebben; doch de Natuur is in 't Element des Waters zoo verwart, dat men dingen vind, die men qualyk tot een van deeze Trappen brengen kan, als of 'er overblyfzels van den eersten Chaos in gebleeven wa-ren; want bier loopen leevende, groeiende en minerale Ding-en alle onder malkander, maakende Planten die leeuen, Starren die groeijen en Dieren die de Planten nabootzen.* Non dicam hic passim citanda in opere ipso ex Herbario Amboynensi observata.

(g) Historia Natural. edit. Ital. (Venet. 1672. fol.) Lib.

candidissimus *Conr. GESNERUS* (*de fig. kap. p. 36.*)
Gorgoniam verrucosam describens, refert poris
 ejusdem, quos acetabulis comparat, inesse mi-
 nimum quid, rufum, ceu vermiculus multipes.
 Dein *Boccone*, qui *Corallia modo lapides*, modo
 plantas putavit, ipse *Alcyonii* speciem, quam
asbestinum vocavi, pro nido vermium agnove-
 rat;

Lib. 27. Cap. 4. p. 626. dicit: *Delle dette consistenze la-*
pidee altre sono riconosciute semplicemente sotto spezie di pian-
te lapidee, come li Coralli sono, (Iсидем Corallium vult),
e le Spezie di Pori: altre degeneranti al geno di animali,
come le Madri pore, de quali altre sono di primo nascimento,
altre diramano, e pigliano assiduamente aggiunta, induran-
dosi la parte antica in manifesta consistenza corallina, e con-
creandosi le nove, aggiunte in consistenza mista di Porc, e
di sordidezza carnosa; ma la Tubulara ultimamente detta
(Tubiporam indigitat), è semplice concettacolo di concrea-
zioni animali. De hac idem pagina proxime præcedenti
 dixerat, eamque apum favis comparaverat; pag. 629. ve-
 ro iconi Madreporæ moschatæ præfixit hæc: *Madrepora ra-*
mosa con le stremita terminate in piano — : si vede nelle
parti de suoi tronchi molta differenza, perciocche le parti che
sono in luoco de tronchi primi, sono dense e bianche, in modo
de coralli, le seguenti e che sono quasi annue aggiunte, sono
rare, e deboli, e di color oscuro, e purpureo, e contenenti
alquanto di sustanza simile à membrana, onde puote ar-
gomentarsi essere in essa participazion, di vita sensitiva,
nel modo che è nelle vele marine (Medusa Verella), e
nelle Spongie. De Spongiis autem pag. 625. Cap. 7. sic
ait: Sono alli fungi di natura propinqua le Spongie veg-
tali marini, la consistenza de quali è simile à corpo di la-
na compatto fistuloso vestito, e sparso per tutto di muca-
gine membranosa (in qua proprie vitam consistere deinde
dicit); vivone le Spongie nelli scogli, nelle teste & nell'
arena, fermati nella lor radice; & hanno la virtù motiva
intrinseca di ristringersi, ò dilatarsi corrispondente alla pro-
prietà della lor materia: onde percosse datte tempeste, ò
comunque altrimente toccate, si stringono nelle sue radici, e
piu gagliardamente abbraciano il luogo ove stanno astisse.
Et Spongias vitali motu gaudere antiquissimis autoribus jam
notum fuerat.

rat; & *Lbwyd* (*Act. Angl. vol. 28. p. 275.*) Tubulariam indivisam describens, de ea, ob sanguineum, quem continet succum capitulumque exsertum, pro Zoophyto habenda subdubitaverat. Et demum *Shaw* (*It. Afric. p. 385.*) scripsicerat: Madreporas aggregatas recentes periosteo gelatinoso, ad asteriscos crassiore obductas esse & in mari, filamenta undulantia (qualia in *Madr. ramosa* delineavit quoque, & ubique, uti & tentacula in Asteriis, pro radiculis nutritoriis habuit,) exserere, quæ ubi extraxeris Madreporam inter stellæ bracteolas recondantur; *Corallium* autem certis tuberculis similes exserere, intra eadem tubercula retractiles radiculos.

Peyssonellus inventus in- Verum cœcutiebant, ob paradoxam rei faciem & observationum defectum, Zoologi, etiam hujus Seculi initio, adhuc omnes. Imo cum, aliquo post celebria *Marsili* asserta tempore (1727.) *Joh. Andr. PEYSSONELLUS Medicus* tunc Massiliensis, postea in Insula *Guadeloupe Regis medicus constitutus*, Academiæ Parisinæ observata & Massiliæ & in itinere Mauritanico facta atque sententiam de floribus Marsilianis pro veris animalculis ex Urticarum genere, adeoque Madreporis, Milleporis, similibusque pro aggregatis horum animalculorum testis atque domicilio habendis, proposuisset; auditus non fuit, ipsique *Reaumurio*, qui circa idem tempus vegetationem Coralii explicare parabat, adeo incredibilis videbatur, ut etiam nomen ejus in Dissertatione sua publicare noluerit. (*Mem. sur les Inf. Tom. VI, 1742. Præf. p. 74.*)

Trembleji ob- Egregium hoc itaque inventum, in *Actis Anglicis* demum vindicatum, plus decennio neglegitum delituit; donec anno circiter 1739. *Abrah. Trembley aquaticum animalculum*, antea jam ab

Ano-

Anonymo quodam (in *Aet. Angl.*) descriptum, quod dein *Polypum Reaumurii*, *Hydram Linnaeus* vocarunt, vidisset in omnem directionem scissum restaurari, proleque ramorum instar ex crescente & decidua multiplicari; imo deinde in gelatinosa aquarum dulcium *Tubularia* cum animali vita junctam etiam plenius vegetabilem natu ram, & e tubis ejus polypiferis successive excrescentibus plantam ramosam vivam & vere animalem fieri observasset.

Tum vero *Reaumurii* Peyssonellianam sententiam primus resuscitavit; præsertim cum *Bernh.* *promotor.* *Reaumur* *Jussiaeum* itinere (1741.) in Normandiæ maritima facto, ut animalcula *Polypis affinia* conquireret, varia, olim plantis submarinis adnumerata, animalculorum *Polypis adfinium exuvias* esse detexisset, & *Guettardus*, qui eodem tempore *Pictoniæ littora* accesserat, ea experimenta confirmaret; quæ dein *Jussiaeum* ipse, repetitis itineribus asserta, in *Actis Parisinis* 1742. publicavit.

Assenserunt statim novo theoremati, duce *Aliorum* (in *Diss. de Coralliis balth.*) quamquam tunc *auxilia-* subdubitante adhuc *Linnæo*, *Sueci*; & primus, post *Jussiaeum*, *Loeflingius* pauca, sed egregia, de *Sertularia* & *Eschara*, observata Societati Suecicæ communicavit. *Trembleyus* tunc quoque (referente *Watsono*, oculari teste, (in *Aet. Angl. Vol. 42. p. 462. seq.*) in *Sertulariis* quæsivit *Polypos*, videntque in *cupressina* singulis denticulis emergentes.

Circa idem pariter tempus (1745. circiter) in Mari Adriatico Coralliorum & Alcyoniorum animalitatem agnovit, ex *Imperati* scriptis & inventis Gallorum sapientior factus *Vital. Donati*; quamquam is observationes tardius publicaverit.

Denum (1752.) a Büttnero, conterraneo meo, excitatus ELLISIUS egregium, quod nunc extat, de Zoophytis opus molitus est & Zoolo-giam accuratislimis observationibus ditavit. Is Sertularias, Cellularias, Escharas, Alcyonia vere ad animalia pertinere omni dubio exemit; Lithophyta vero atque Ceratophyta, imo Spon-gias quoque gravissimis argumentis animali regno adnumerari debere gñaris facile persuasit. Ut quæcunque postea in contrarium protulerunt *Hillius*, *Targioni*, *Basterus* aliquie nullius pondoris fuerint, dubiaque omnium simul, refutatis solidissime *Basterianis*, sustulisse videatur acutissimus *Ellisius* (*Phil. transf. Vol. 50. Part. I. art. 33.*)

Postea ad illustrandam & perficiendam Zoo-phitorum historiam varia contulerunt alii: Subtilissima sua in Brachionis, aliisque aquarum dulcium Zoophytis minutis, observata *Tremblejus*, *Bakerus*, *Ræselius*, pauculaque loquacissimus *Schæferus*; veram Pennatularum, quas *Shawius* jam ad animalia pertinere viderat, descriptionem *Bo-hadisch*; Tæniæ explicationem *Linnæus*; alia variæ. Unde sensim novus Ordo animali regno adcrevit, quem methodice prosecutus est *Linnæus*, quemque hoc opere redactum & justis limitibus circumscriptum, illustratumque sistam.

De Zoo-phyt. na-tura sen-tentia prima. PRIMA, de animalium horumce plantæformium natura, & generalior sententia fuit: esse aggregatum testarum ad animalcula, e medusarum polyporumve genere, pertinentium; imo fabricam aggregatorum & socialium horum animalculorum. Ipse *Peyssonellus*, ut ex Epitome Dissertationis ejus constat, quam *Watsonus* (*Phil. transf. Vol. 42. art. 75.*) dedit, putavit Lithophytorum materiam ab animalculo-rum exercitu deponi, quæ extimis cellulis pro-testis utantur: sic in Corallio succum lapidosum,

in-

intus a cortice defluentem, *Corallium crustatum* augere, dilatato cortice ab animalculis obsesto; in Madreporis animalcula stellis incumbentia corallinam sibi continuo substernendo materiam elevari & habitaculum suum augere; *Milleporas* vero ab axi crescere (*l. c. p. 466.*) & cellulis novorum animalculorum, antiquæ congerie superstructis, grandescere, formas varias affectantes (*p. 467.*) Idem in *Spongiarum* quoque cavernis & anfractibus visos vermes, pro earundem fabricatoribus habuit. (*Phil. trans. Vol. 50. Part. 2. art. 78.*)

Reaumurius, qui primus omnium de Zoophytis publice egit, pleraque pariter domicilium tantum & fabricam polyporum gregariorum esse autumabat (*Mem. sur les Inf. Tom. VI. præf.*) ideoque, uti apum civitates *apiaria* vocata sunt, *Polypariorum* (*Polypiers*) iis nomen indidit primus (*l. c. p. 69.*), in eoque *Donatum* habuit sectatorem.

Ellisius quoque, ut alios transeam, vix non omnia Zoophyta animalculorum, quibus scatent, fabricam ubique vocat, eorumque passim incrementum ex progressu agminis cajusdam animalculorum, quod sibi fingit, perobscure explicare annititur. (*Essay on Corall. p. 61. 63. et ceter. Phil. trans. Vol. 50. Part. 1. p. 189. seq.*).

ALTERA est & vera, primis Zoophytorum inventoribus forte nimis audax visa sententia: *Sententia nuperior.* *ZOOPHYTA esse animalia vere vegetantia, in plantæ formam excrecentia; plantarumque alias quoque proprietates affectantia; esse plantas quasi animatas, fabricasque nutritionis, incrementi, generationis, habitus mira analogia inter Plebem vegetabilem & Animalium ultimas classes intermedia & ambigua.* Non ergo ex coagmentatis, aut

aliis super alias accrescentibus cellulis plurium animalium fieri corallia, Ceratophyta, Sertularias, cet. sed, quæ in Museis spectantur reliquiæ, eorum *veras esse exuvias*, *Sceleta Zoophytorum*.

Hanc meridiano Sole clariorem, in plerisque Zoophytis, indolem in eorum quibusdam non agnoscere nec *Reaumurius*, nec sagacissimus *Elli-sius* nequierunt. Sic enim prior pro vegetante animali *Tubulariam gelatinosam* aquarum dulcium descripsit (*præfat. cit. p. 75.*); & alter (*Phil. transf. Vol. 50. Pars 1. p. 283.*) differte dicit: *Sertularias* non esse cellulas & domicilia, sed exuvias, cutem Zoophyti.

Hanc eandem *animalem*, ut ita loquar, *vegetationem* dudum *Tremblejus* in *Polypis* suis optime perspectam habuit; eandemque sententiam & *Donatum* postea adoptasse atque *Corallium* pro animali multiplicite, cuius lapideus frutex sceletum sit, agnovisse; *Gorgonias* vero nonnisi sceleti substantia diversas credidisse, refert idem (*Phil. transf. Vol. 50. Pars 1. art. 11. p. 59.*).

Sed primus, quod sciam, de Zoophytis plerisque, & audacius hanc theoriam sustinuit *Illustriſſ. LINNÆUS* in Editione decima *Systematis Naturæ*; in eo tantum dubius quod ordine & indolis definitione distinxerit a Zoophytis *Lithophyta* quæ vocat, nimium tamen affinia, & æque pro *plan-tis* nervoso systemate *animatis* & organorum paulo multipliciori apparatu nobilioribus, habenda.

Expressis *Linnæi* propositionibus permotus candidissimus *Basterus*, qui hucusque contra *Ellisium* reliquosque *prioris* sententiæ patronos steterat, alterius evidentiæ vietas dedit manus, & glorioſimo exemplo, repudiata priori sua opinione, veram theoriam acriter defendere cœpit (*Cf. Opuscul. subsec. Lib. II.*).

Quam

Quam hic proposui, recentissimam Theoriam specialis generum & specierum consideratio confirmat; argumenta itaque eam stabilientia, ex specierum historia haurienda sunt.

In toto *Zoophytorum* ordine generalis quædam cum plantis analogia facile in oculos incurrit. Ut plantæ nempe, *Zoophyta* pleraque simplici gemma ex ovulo emergunt, novisque successive evolvendis gemmis in trunculum elongantur; qui apice crescere pergit, atque in ramosam, suæ speciei præfixam formam & limitatam sœpe magnitudinem constanti lege spargitur & adolescit; quin truncus in multis, ut in terrenis plantis, proportionato simul in crassitatem incremento firmatur: in aliis, plantarum radice destitutarum modo, gracilis manet. Ut plantæ deinde *Zoophyta* vix non omnia, nativitatis loco affixa, facultate animalibus solemani locomotiva destituuntur. Imo & vita animalis, & voluntarii motus, quibus solis ad animale regnum *Zoophytorum* aliqua pertinere videntur, in non-nullis torpēt insigniter.

Observantur varii in *Zoophytorum* ordine, utut imperfecte adhuc cognito, affinitatis cum animalibus plantisve majoris, & cum certis interdum plantis notabilioris, elegantissimæ gradationes.

Occurrunt primo Serpulis summopere affines *Tubulariæ*, haud dubitanter animalibus adnumerandæ, & minus simplicem structuram distincta. que viscera, in quibusdam tamen speciebus vegetabilem habitum incrementumque exhibentes & œvula, fructuum quadam specie, extus proferentes. Occurrunt dein *Hydræ* totæ ex homogenea animali & vivacissima factæ medulla, ex omni portiuncula in perfectum renascituræ animal, vividissimum, gradiens, comedens, & plantarum

tamen more nova undique prole, sed matura-
tione decidua, gemmascens, & tandem, ovo-
lo fructus simili generato, morituræ. Dein plan-
tis ramoso habitu similiores *Brachioni* plerique
& gemmascentes *Sertulariæ*; e quibus quædam
species, more plantarum, fructificationem pro-
priam proferunt, seu Polypos oviparos, a nutri-
toriis sterilibus, per ramos sparsis diversos. Vi-
demus in *Antipathe* quoque fructificationis spe-
ciem, earundemque & *Icidum*, *Gorgoniarum* que
phytomorphum habitum & crescendi legem,
substantiamque, ut in arboribus, duplicem, li-
gneam & corticalem. Nec non horum om-
nium Zoophytorum, cum Fucis imprimis (&
Lichenibus) analogiam, dum eorum ad instar,
non per radicem nutriantur, (utpote qua ca-
rent, disco tantum agglutinato radicata,) sed
per totam superficiem, circumfusum undique
nutrimentum hauriunt; eo tamen discrimine, ut
loco simplicium, in prædictis Plantis, pororum
Zoophyta nutriantur per numerosorum polypo-
rum undique efflorescentium, & a *Shawio* non
ita male radiculis comparatorium oscula. Qui
in *Icidum*, *Gorgoniarum*, *Alcyoniornm* genere
florium simul officium præstant, inque intimo
cellulæ, quam occupant, recessu ovula generant.
Comparari quoque posset *Tenia*, intestino arti-
culato utcumque similis, & intra alterius extre-
mitatis articulos adultiores ovula generans, Ul-
vis intestinalibus quæ internis cellulis semina
conficiunt. Comparari posset simplicissimum
Animal, *Volvox*, vesiculæ fœtibus plenæ simile,
compendiosissimis & imperfectissimis Vegetabi-
lium, *Lycoperdis* subterraneis, quæ tota superfi-
cie nutrimentum colligunt, maturaque tota me-
dulla in semina fatiscunt. Tandem in *Spongiis*
fere

fere extincta, quæ in *Alcyoniis* torpet, anima-
lis vita, & organisatio, ut ita barbare dicam, sim-
plicissima, homogenea, primum ab iis ad Aga-
ricos, *Bysflosve* transitum reddit.

Adeo ubique illustrissimis confirmatum inve- *Natura*
niemus exemplis Naturam nunquam saltum fa- *non facit*
cere; imprimis universum corporum organico- *saltum.*
rum exercitum continua acie disposuisse, arctis-
simoque affinitatis vinculo, species in Genera,
hæc in Ordines, Ordinesque in Classes, Classes
vero inter se contexuisse; & quidem non super-
ficiariis his & idealibus, quæ a nonnullis in
Scala Naturæ conficienda requiruntur, v. gr.
Vespertilionis in alas expansis palmis, *Exocœti*
elongatis, volaticis pinnis, *Castoris* palmipedis
squamata cauda, similibusque; sed structura,
abstractiori habitu, generandi modo, cet. A
simplicissimis ordita, organa sensim pro finium
ratione mutat & effingit, simpliciori fabricæ
nova successive inserit, adaptat. Hinc magni
Analogiæ argumenti, quo tamen judiciose uten-
dum est, origo. Hinc varii autores *Scalam*
quandam *Naturæ* concinnare studuerunt, quæ
talis nunquam reperietur, qualem *Bradlejus* &
Bonnetus, volunt. Neque minus bene, imo forte
melius in figuræ polyedræ, multilocularis areolis
juxta se invicem corporum organicorum genera
disponi, variisque affinitatis gradus exprimi enim
possent. Et jam *Donati* judiciose observavit,
non in *Scalam* & seriem continuata esse, sed
in Rete cohærere *Naturæ* opera. At omnium op-
time Arboris imagine adumbraretur Corporum
organicorum Systema, quæ a radice statim, e
simplicissimis plantis atque animalibus duplum,
varie contiguum proferat truncum, Animalem
& Vegetabilem; Quorum prior, per Mollusca

pergat ad Pisces, emisso magno inter hæc Infectorum laterali ramo, hinc ad Amphibia; & extremo cacumine Quadrupedia sustineret, Aves vero pro lateraliter pariter magno ramo infra Quadrupedia exsereret. Hac figura indicaretur simul Corpora *organica*, *brutis* non continua nec affinia esse, sed tantum *infistere* ceu arbor solo. Truncus e principaliori generum affinium serie confertus, passim pro ramulis exsereret genera, quæ istis lateraliter affinitate juncta interseri tamen non possunt.

Verum hæc obiter hic dicta sunt. Ad propositum pergendum est, Zoophytorumque ordo specialiori pertractatione illustrandus.



ZOOPHYTA.



Genus primum.

H Y D R A.

DEFINITIO.

ANIMAL vegetans, vagum.

*Stirps simplex nuda, medullosa, mollis,
contractilis; linearis, cirrhis setaceis
coronata; gemmascens*

Prolibus lateralibus, deciduis.

Quod primum Polypum vocari *Reaumurius* vo- *Polypus*
luerat, qui autores fere omnes in eō sectato- *s. Hydra.*
res habuit, *Linnæus* Hydrā appellavit; ut
confusionem a multiplici prioris nominis signifi-
catu oriundam evitaret. Eodem argumento
victus *Linnæi* nomen, vulgo quamvis recepto,
Reaumuriano præferendum duxi.

Hydræ natura ita jam in vulgus nota est to-
tiesque repetita fuit, ut eam hic exponere su-
persedissem, nisi pro complenda serie necessario
addenda videretur. Quam itaque potero, bre-
vissimis eam verbis absolvam. Primo autem loco
Hydras ideo collocavi, quod, (quamquam multo
simplicioris, quam Tubulariarum species, fabri-
cæ, & a reliquis Molluscis alieniores, inque
Corporum organicorum viventium quasi limine
constitutæ,) reliquorum Zoophytorum illustra-
tioni maxime inserviunt; & quod serie, quam
qua hic usus sum, aptiori Zoophytorum genera
disponi posse haud videbantur.

HYDRA est animal simplicissimæ structuræ, *Hydra*
descr. ge-
B 5 *neralior.*
quod,

quod, etiam armato oculo, nil nisi homogeneum, globulosum, sensilissimumque & ipsos lucis radios percipiens parenchyma sistit; figura autem filum medullosum crassiusculum refert, vario gradu contractile, altera extremitate suatoria affixum, altera obtusum, cirrhisque omni capillo tenerioribus, granulosis & in exquisitam brevitatem contractilibus, ad summum denis, stellatum. Cirrhi eorumque usus, grossiori Hydræ cum Sepia octopodia, antiquiorum *Polypo*, comparationi & nomini *Reaumuriano* imprimis ansam dederunt.

Mores.

Hoc nunc animalculum Erucæ aut Hirudinis geometræ ad instar graditur; plerumque tamen cauda affixum, extensumque quiescit, corpus & cirrhos pro lubitu vario modo movens & contrahens. Insecta minima aquatica, fluitantibus cirrhis appellantia, ab iisdem, glutinante quadam, aut potius suctoria globulorum quibus obsiti sunt virtute, retinentur, & ab animalculo, exquisitissimo sensu pollente, pluribus pro re nata cirrhis involvuntur, attrahuntur, obtusæ atque cœcæ extremitati corporis admoventur ac in sinum, dilatati in calycis formam parenchymatis, absorbentur; quo ubi aliquando inclusa latuerunt atque maceratione exsucca reddita sunt, eadem via rejiciuntur. Hæc omnia Hydram vere ad animalia pertinere affirmant.

Proles.

Adulta hæc animalcula, per totam æstatem, vel ubique, vel certis tantum corporis locis, e parenchymate nodulum seu gemmam trudunt, quæ grandescens, in matris æmulam figuram sensim effingitur, brachiis circa extremitatem propullascentibus perficitur, tandemque a matre secedit, absolutumque evadit, & simili deinde ratione prolem producturum animal. Hæc gemmatio vegetabilibus solemnis, Hydram ani-

mal-

malculis inter Plantas & Animalia mediis seu Zoothy whole imprimis adsociat.

Deinde vero plantas, quæ sola gemmarum evolutione reparantur, antecellunt vivacitate *Redintegratio gratio.* Hydræ, dum earum utcunque dissectarum quantulacunque portio, imo abscissus sæpe cirrus, in perfectum brevi redintegratur animal; & cum semidissecta longitudinaliter Hydra duorum pluriumve capitum monstrum evadere possit; sponte que Hydra in portiones rumpatur, ut speciem multiplicet. Quæ quidem phænomena per latentes gemmas explicari nequeunt.

Ut obscura Hydræ natura breviter, & cum *Hydræ idea.* præcisione exprimatur, dicendum est: esse ex-idea. tractum quasi & essentiam animalem, meram animalem medullam, vita, sensu, motu simul pollentem, totamque alimenti bibulam; in proles plantarum more gemmascentem; vulnera, truncataque membra, redintegrante virtute, a gemmantे diversa, facile resarcientem; imo adeo vivacis, & integrantis indolis compotem, ut e quantulacunque ejus & qualibet portione, perfecta Hydra, consolidatione, & novæ substantiæ generatione, renascatur.

Totam Hydræ substantiam undique alimenti *Hydræ corpus solidum effe.* bibulam esse probant: jejunia earum diurna, maxime pro experimentis detruncatarum; cirrhorum in perfectas Hydras renascentium, sine interno alimento incrementa; & subversio demum, a *Trembleio* tentata, Hydræ alimento recepto cavatæ.

Ab alimento recepto *cavatæ*, inquam, haud enim Hydræ corpus naturaliter intestini instar cavum crediderim. Totum solidum & medullare, pro admoto alimento, ceræ instar, digitum admittentis, cavari concipio parenchyma & alien-

mentis insinuatis sese circumfundere. Qui alias per longitudinem dissecta Hydra, illico qualibet portione deglutire, & cauo clauso alimenta condere posset? quod tamen observare rarum non est.

*Hydræ
ova.*

Ovula autumno generare Hydras, observatum est, fructuum instar, externe e parenchymate emergentia, polypi compendium per hyemem duraturum continentia; eoque etiam ad vegetabilia accedunt, quæ præter gemmas, etiam semen, deciduam quasi ante evolutionem gemmam, parant. Hanc per ovula propagationem ipse bis meis oculis perfectam observavi; & naturalem esse affirmant *Hydræ* primo vere & paucissimæ, & semper minutiores, quam per gemmationem produci solent.

Hydram omnium primus descripsit *Anton. LEUWENHOEK* in *Actior. Angl. Vol. 23. n. 283. art. 4.* dein *Anonymous* in eorundem *Vol. eodem n. 288. art. 1.* Verus autem inventor dicendus est *Abrahamus TREMBLEY*, qui tres *Hydræ* species detexit & subtilissimis patientissimisque experimentis in earum naturam penetravit. Docuit is Hydram per gemmas deciduas multiplicari; ex omni portiuncula restaurari; aliquoties subversam, ut quæ extus fuerat, substantia interior fiat, vivere & nutriri; portiones diversarum Hydrarum admotas coalescere, reliquaque ad historiam earum pertinentia ita exhausit, ut paucissima posterioribus addenda reliquerit. Adinvenit tamen *Ræselius* ex cirrho quoque abscisso perfectam Hydram fieri, quod Tremblejo non successerat; *Schæferus* autem *H. viridissimam*, post siccationem, aquæ redditam reviviscere; minutias alias alii. Ex ovulis, quos *Fussiæus*, *Tremblejus* & *Ræselius* viderant & descrip-

scriperant, Hydras nasci aliquoties hyeme ego-
met vidi, ut dubium amplius non sit.

Hydram simplicissimum dices animal, ni *Proteus*.
simplicius etiam *Ræselii* industria in lucem pro-
duxisset, quod *Protei* nomine insignivit. Mole-
cula medullaris est, substantiæ, ut *Hydra*, homo-
geneæ, sine ulla organorum artuumve specie,
in omni puncto contraëtilis & in omnescumque
formas effingenda; ea sponte per substantiæ se-
cessionem multiplicatur, tandemque effusa sub-
stantia, tota fatiscit in moleculas, quibus sca-
tet, quæque proles esse videntur. Hoc animal
adjunxit Volvoci *Linnæus*, a quo tamen natura
mutabili, & parenchymate toto, *Lycoperdi*
instar, in moleculas effundendo insigniter dif-
fert; & ad obscuram molecularum viventium
familiam ducere videtur.

Ab Hydris alienos prorsus *Brachionos*, quos
Linnæus adjunixerat, separavi, & diverso plane
loco, quem eorum fabrica & indoles indicare
videbantur, collocavi. Species *Hydræ* a *Linnæo*
pro varietatibus habitas, a *Ræselio* primum bene
determinatas adoptavi, cum de trium priorum
constantia, propria me experientia certissi-
mum reddiderit.

I. HYDRA OLIGACTIS.

H Y D R A corpore caudato, gryfeo, cir-
rhis multoties longioribus.

*Trembl. pol. mem. I. p. 22. tab. I. f. 3, 4. ali-
bique. Polypus brachiis longis, f. tertius.*

Ræsel. inf. III. pol. p. 505. tab. 84. (a) 85.—

87. (8). *Polypus fuscus*, brachiis corniformibus longissime extendendis.

Schæfer. polyp. 1754.

Ellis corall. tab. 26. S. C. (abbreviatis cirrhis.)

DESCRIPTO.

Corpus fusco gryseum, antrosum subattenuatum, obclavatum; postice continuum caudæ linearis, longitudinem ferme corporis æquanti. *Cirrhi* circum caput ad summum octoni, in longitudinem corporis saepe decuplam extensiles, tenuissimi; contracti setacei, albidi. *Proles* ex crassiori maxime corporis parte, copiosæ, caudæ proximæ, ex cauda nunquam.

Locus: Aquæ dulces Europæ.

NOTA.

Pulcherrime vegetantem varietatem a Ræselio (*I. c. p. 508. tab. 85-87.*) descriptam, nunquam vidi, & præter *Ræselium* descripsit nemo. Vix tamen peculiaris speciei nomine salutanda videtur.

2. HYDRA VULGARIS.

HYDRA corpore postice attenuato gryseo, cirrhis vix duplo longioribus.

Trembl. pol. mem. I. p. 22. tab. 1. f. 2. alibi-que. *Polypus* secundæ speciei.

Ræsel. ins. III. polyp. p. 473. tab. 78—83. *Polypus aurantius*, brachiis corniformibus longiusculis.

DES

D E S C R I P T I O.

Magnitudo circiter præcedentis, nempe transversi digiti. *Corpus* gryseum, interdum lutescens, præcedentis simile, sed in cæudam lentius attenuatum, cædaque minus gracili & breviori instructum. *Cirrhi* subsepteni, corpore vulgo duplo longiores, contracti crassiusculi, corpore albidiiores. *Proles* ex omni corporis parte, plerumque solitariæ. *Ovula* præsertim autumno, bina, terna, rarius quaterna. Vulgatissima omnium ad plantas aquaticas, præcipue Sium.

Locus: Európæ stagna puriora, & fluvii rivulique facile omnes.

3. HYDRA VIRIDISSIMA.

HYDRA corpore viridissimo, cirrhis viridibus, corpore brevioribus.

Leuwenh. act. Angl. vol. 23. n. 283. art. 4.

Trembl. polyp. mem. I. p. 22. tab. I. f. 1. Polypus primæ speciei s. viridis.

Linn. Faun. Ed. I. 1283. Hydra viridis cet.

Ræsel. inf. III. pol. p. 531. tab. 88 & 89. Polypus multibrachius, pulchre viridis.

Schæfer. Monoc. Pulex. 1755. f. 10—15. malæ. Polypus brachiatus viridis.

D E S C R I P T I O.

Corpus minutissimum, vix 2 lin. longitudinem æquans, gracile, postice attenuatum, viridissimum, pulcherrimum. *Cirrhi* corpore breviores,

res, sæpe deni: contracti intumescentes viridesque uti corpus. *Proles* ex omni corporis parte, pauculæ.

Locus: Stagna puriora rivulique Lemna o-
perti.

*4. HYDRA ATTENUATA.


HYDRA corpore flavescente, sursum
attenuato.

*Ræsel. inf III. pol. p. 465. tab. 76, 77. Poly-
pus pallide straminei coloris.*

D E S C R I P T I O.

Ex *Ræselii* autoritate addo, mihi nunquam
visam. *Corpus* præcedenti paulo majus, tenerri-
mum, flavum s. subochreum, inferne subclava-
tum, sessile, versus superiorem extremitatem
lente attenuatum. *Cirrhi* longitudine corporis,
subseni, contracti setacei, albidi. *Proles* ex om-
ni corporis parte, rariusculæ.

Locus: Stagna puriora.



II. E S C H A R A.

DEFINITIO.

A N I M A L vegetans, adriatum:

Stirps membranacea, sublapidescens,
ex seriebus multifidis, divergentibus
cellularum coalita, margine gemmis
crescens.

Cellulæ ringentes, exserentes
Polypum fundo adnatum, cirrhis coro-
natum, Hydræ similem.

ESCHARÆ nomine nuper ab *Ill. Linnæo*, sine *Flustræ*
nulla necessitate, cum Flustræ nova appellatio- *Linnæi.*
comutatum est (Faun. suec. Ed. II.).
Ego vero idem servare malui, cum antiquitate
& communi autorum consensu ita innotuisse vi-
deatur, ut nulla facile confusio inde oriri pos-
fit, saltem non tanta, ut ad molestam & damno-
sam hominum arbitrariam commutationem ideo
configiendum esse credam.

Pleræque *Escharæ* obvia in Mari quælibet cor- *Escharæ*
pora, intra breve tempus, simplici cellularum stra-
to, ceu crusta, obducunt. Hinc pro meritis Po-
lyporum gregariorum cellulis haberi possent, &
a multis vere sic creditæ sunt. Sequentibus vero
edocebimur observationibus, vegetabilis naturæ
*participes etiam *Escharas* esse.*

Crustæ *Eschararum* attentatis consideratæ ex *E. gem-*
*continuis seriebus cellularum, passim bifurcis & *matio &**
*fere parallelis coalitæ esse videntur. Cellulæ *incremen-**
*autem singulæ Animalculum *Hydræ* simile,* *tum.*

cirrhis numerosis, circa caput dispositis instructum, & fundo cellulæ implantatum fistunt; quorum quodlibet proprio motu & voluntate gaudet. Si recentes & vivas in Aqua marina, saepius renovata servaveris *Escharas*; extremam cujusvis seriei cellulam gemmam quasi trudere observabis, quæ saepe aliam pariter prolem trudit priusquam rumpatur. Gemma undique clausa primum & mollis est; aperitur dein, & polypum, sensim perficiendum, exserit, quo adulto durescit sensim cellula atque *Escharæ* substantiam continuat. Lapidescientium *Eschararum* margines imperfectas ubique cellulas, loculorum apertorum similes fistunt, utpote quarum antica perficiens pars, quæ mollis adhuc fuerat, maceratione periit, postica pariete, quam hinc primam solidescere discimus, & septorum parte tantum superstitibus. Plerumque marginales cellulæ simplici tantum gemmula producta seriem continuant. Passim vero duplice, at non eodem tempore, propullulare gemmulam videoas, quarum altera nunquam perfectæ cellulæ formam aut molem adipiscitur, novam tamen cellularum seriem inchoat; unde plurimis hinc inde tali modo intercalatis seriebus, antiquæ divergere videntur, quamvis fere parallelæ decurrant, & *Escharæ* sic crusta progressu sensim in majorem expanditur latitudinem. Cum autem quæ novas series inchoant gemmulæ, nunquam naturalem magnitudinem adipiscantur, fit ut novæ seriei subsequentes cellulæ, comparis seriei cellulæ alternae accubent: unde in *Escharis* fere omnibus oscula cellularum in quincunces disposita naturaliter sunt. Si Hydræ proles certo ordine pullulascerent, nec maturæ deciderent, perfectam *Escharæ* haberemus imaginem, sed nudæ & cortice quasi destitutæ.

Cru-

Crustæ Eschararum plurium naturaliter assurgent in membranas ex dupli cellularum strato factas; quæ in certas, speciei cuilibet proprias figuræ excrescunt: in genere cuneiformem affectant, & ramosæ seu multifidæ fieri solent. Magis quidem vagæ sunt *Eschararum frondescen- tium*, quam reliquorum plerorumque Zoophytorum, figuræ; tamen ut vegetabilem quandam indolem indicare videantur.

Quæ ex frondescensibus substantia lapidea, *E. diver- cum* cornea quasi mixta gaudent, flexilioresque *sitas*. sunt, apud antiquiores Botanicos Fucorum e numero habebantur; Talis est *E. foliacea* & *pilosa*, quibus vere *frondescen- tium* nomen competit. *Lapide- scen- tium* vero plerasque, autores etiam recentiores, ad Milleporas retulerunt, quanquam structura & indole certissime Escharis adnumerandas. Ex Lapidescensibus quædam in lamellas distrotas asurgunt; ut *E. lamellosa* & *crustulenta*. Aliæ in membranas e simplici cellularum strato factas, varieque contortas luxuriant, ut *E. Spongites*. Et aliae tandem in corpora rūditer agariciformia, stratis multis tunicata coacervantur, ut *E. Spon- gitis* varietas. Pleraque ubi plantas submarinas, imprimis Sertularias attingunt eas continua veste obducunt, passimque frondescentes, elegantissimas saepe assumunt figuræ. Hoc maxime in *E. pilosa* observatur, & in aliis quoque accedit.

Frondescensibus *Escharis* associavi speciem *E. securi-* quæ constanter, certa lege frondescens reperi- *E. securi- frons, fin- gularis.* tur, structura ad Cellularias accedit &, ut illæ, ca- pillaribus tubulis radicata est; nec ad normam reliquarum *Eschararum* crustam pro primordio habet. Inter hanc & *Cellulariam* imprimis *aviculariam* tanta est convenientia, ut, nisi habitus nimium alienus, & duplex in frondibus cellularum stra-

tum obstitissent, eandem ad Cellularias traducere haud dubitassem.

E.ovaria? In plurimarum, præsertim lapidescentium *E.schararum* antiquioribus crustis passim, ad singularem cellularum oscula, observari solet *bulla*, galeæ instar cellulæ ostio imminens, substantiæ Escharæ homogenea & continua. Hanc certæ ætatis cellularis demum innasci, inde patet, quod ad crustarum medias maxime, adeoque antiquiores observantur, numquam vero ad marginum recentiores cellulas. Vascula seu *Galericulae* in *Cellulariis* statim considerandæ, subanalogæ; has in Escharis bullas ovaria forte esse suspicionem injiciunt.

E.inven-tio. Primus Escharas ad animalia retulit, observatis in *E. foliacea* *Polypis*, *Fussiaeus*. Proximus & felicissimus in examinanda earum natura *Læflingius* fuit, [qui egregia nobis in *E. pilosa* observata reliquit. *Ellisius* deinde sua protulit. Et denique *Basterus* in variis speciebus polypos observavit, narratque sibi visos enatasse relictis cellulis; quod supra fidem mihi videtur, & forte fallacia quædam fuit.

E.imper-fecta enu-meratio. *Eschararum* species non nisi bene cognitas hic tradidi, & ex plurimis speciminibus, sub variisque formis mihi notissimas, Plures equidem novi, sed silentio premere satius duxi, ne dubia immiscerem. Escharæ genus apud Ill. *Linnaeum* vera farrago est. Hujus species alienas ad sua genera reduxi, *E. fistulosam Linnæi* ad Cellularias, *E. fragilem* ad Corallinas. *E. ejusdem divaricata* incerta est. *E. verticillata* vero (*Linn. Syst. Ed. X. sp. 5.*), faltem qualis apud *Morisonum* (*Hist. Ill. p. 646. Sect. 17. T. 8. f. 14*) & *Rajum* (*Syn. Ed. III. p. 34. n. 9.*) exstat quorum locos citat *Linnaeus*, Conservæ grossior species est; & forte

forte eadem, quam idem *Confervam corallinoidem* inter Plantas vocavit.

5. ESCHARA LUTOSA.

ESCHARA crustacea arenaceo lutosa, poris simplicissimis subquincuncialibus.

Raj. Syn. p. 31. Eschara millepora arenosa Anglicā.

Ellis cor. p. 74. n. 5. tab. 25. e. (f. bon.)

D E S C R I P T I O.

Fucos rupesque incrustans, lutosa, in aqua penicillo dissolubilis fere; plana, composita ex cellulis leviter gibbis, simplici orificio instructis.

Locus: Mare Anglicum & Mediterraneum, ubi Fucos passim incrustat.

N O T A.

Ellisius hoc perperam citat Loricam marinam *Imperati* (*Hist. Ital. p. 688.*), quæ ovarium marinum est, in Belgii littore ineunte æstate frequens, & semper figuram *Imperati*, parallelogrammum nempe arcuatum referens, cinereum; coalitum ex cellulis unitis, singulis moleculas albas plurimas cum limpido liquore continentibus; liberum semper & fragmentum corii piscis aliqualiter referens.

6. ESCHARA CILIATA.

ESCHARA crustacea lapidescens, cellulis ore ciliato-septemspinosis.

DESCRIP T I O.

Crustæ rupibus instratæ crassiusculæ, lapido-sæ, cellulæ cavernosæ, planæ. Cellulæ alternæ, vix extrorsum convexæ s. gibbæ, scaberrimæ; ore marginato, setisque septenis, facile detritis, subulatis, longis ciliato.

Locus: Maris Mediterranei loca corallifera.

B. AFFINEM huic speciem in Fucis Maris Anglii observavi, quos crustulis *tenuioribus*, quam istius sunt, leprosos quasi reddit. *Crustæ albæ*; substantia cellularum tenuissima, subpellucida, lapidescens. *Cellulæ extus læves, convexæ, ore dentibus subulatis circiter sex ciliato*, sed inferiori labio semper inermi. In hujus crustis passim saepe generatas vidi vesiculos arcuatas, cellularum orificiis imminentes, quas pro ovariis ut habeam multa suadent. Hanc eandem Escharam etiam in Coralliis Americanis passim observavi. Varietas forte prioris esse reperiatur.

7. ESCHARA EROSA.

ESCHARA crustacea lapidescens, cellulis detectis, margine laterali pectinatis.

D E S-

D E S C R I P T I O.

Crustæ tenues, rupibus adglutinatæ, & quasi erosæ, factæ ex loculis alternis, oblongis, marginatis, laterali margine pectinatis: dentibus erectis, subulatis, utrinque circiter quaternis.

Locus: Mare Americanum.

8. ESCHARA CRUSTULENTA.

ESCHARA crustaceo - subfrondescens polymorpha lapidosa, cellulis seriatis oblongis membrana clausis, septis integerrimis.

* *Seb. thes. III. tab. 100. n. 2.* Corallodendron pertenue & torrefacto corio simile.

Baster opusc. I. l. 2. p. 83. tab. 7. f. 4, 5. Eschara lapidescens.

D E S C R I P T I O.

Incrustans & in *glomeres* subglobosos, saepe maximos, arundinibus aliisve corporibus adcretos, ex foliolis crispato-undulatis, laciniosis, varie contortis, intricatis & contextis coagmentatos luxurians. *Foliola* dupli cellularum strato sive lamina constant. Laminæ continent cellulas in series longitudinales digestas, & plerumque alterne adcubantes, seu totidem loculamenta septis lapidosis, integerrimis, dorsatis, velut reticulo, distinctas & antice membrana prætensa tenui perfectas, osculo in summitate cujusvis cel-

lulæ lunato. *Substantia* cinerascente alba, lapi-descens, tenera & friabilissima. *Polypos BASTERUS* dicit non differre ab aliarum specierum, nisi quod tenuiores longioresque sint.

Locus: Zeelandiæ fossæ salæ, & lacus maritimi; Mauritaniæ littus, Oceanus Atlanticus.

N O T A.

Lacus maritimus apud Pagum *Rockanje* Penin-sulæ Voornanæ, qui olim mari commissus fuit, circa medium ad oram Cauro obversam, exhibet aream maximis hujus Escharæ glomeribus con-stratam, quos crusta quædam obducit *Corallinæ naturæ*, quæ in eadem lacus parte Carices an-nuis adhucdum laminis includit, Eschara vero nostra in eo lacu, vix nunc salso, non amplius viget & crescit, sed ubique in scopulorum inte-raneis tantum & latere fundo obverso observa-tur, antiqua & Polypis orba. Brachioni *stento-rei*, & *capsulares* & *Tubularia coralloides* in sco-pulis istis abundant. Glomum Escharæ nostræ ex Mauritaniæ littore, in Museo servat Cele-berr. Dn. Laur. Theod. GRONOVIUS Civ. Leyd. Se-nator &c. quæ a Zeelandica vix differt, nisi quod lapidosior sit & laminas crassiores exhibeat; his-que & habitu, magis fasciali, inter *E. crustulenta-m* & *areolatam* quasi media videtur. Fuci na-tantis pelagici vesiculæ caulesque sæpe hac eadem Eschara incrustata reperiuntur.

β. ESCHARA AREOLATA.

ESCHARA lapidosa crustaceo ramosa,
ramis compressis divaricatis, confluenti a-
reolatis; cellulis seriatis, membrana clau-
sis, integerrimis.

* Linn. syst. X. sp. 12. Millepora lineata.

D E S C R I P T I O.

Obviās Sertulariās laxa lorica incrūstat, effin-
giturque in ramos fasciales seu depresso, di-
chotomos, divaricatos, varie confusos ubique
confluenti-areolatos, undique cellulis longitudi-
naliter seriatis obsitos. Glomeres sic efficit inor-
dinatos, clathratos & cavernosos. Cellulæ ova-
les, seu breviores quam in *E. crustulenta*, septis
lapidosis obtusis distinctæ, prætensa membrana
clausæ, in qua ad fornicem cuiusvis cellulæ o-
sculum lunatum. Substantia multo solidior, &
lapidosior, pauloque crassior quam in præce-
denti, extus gryeo alba, per se vero alba.

Locus: Mare Mediterraneum.

N O T A.

Videtur hic descripta Eschara solz natalis loci
indole ab *E. crustulenta* differre, nec magis ab
eadem distingui debere, quam in sequenti spe-
cie varietas *fascialis* a varietate *lamellosa*. Præ-
fertim hoc innuunt specimina Africani littoris
inter utramque varietatem evidenter media,
quæ in Museo modo laudati Cel. GRONOVII lustravi.

Petrefactam hanc speciem, & tota sua substantia integrum inveni in massis calcareis *Montis S. Petri* prope *Mastrichtum*; in quibus Zoophytorum mere calcareorum, ut Madreporarum & Milleporarum, corrofa & consumta substantia sola ectypa supereesse, & sola ea quæ magis de cornea natura participant integra reperiri, fere in genere observare mihi visus sum. Attamen Escharæ nostræ *Zeelandica* varietas calcinata, parum foetet & peregrinam ponderis tantum partem amittit.

9. ESCHARA FASCIALIS.

Eschara lapidea lamelloso frondosa, laminis conglomeratis, utrinque poris quincuncialibus.

* *J. Baub. hist. III. p. 809.* Reticulum marinum.

* *Raj. syn. p. 31.* Eschara retiformis.

Marsil. hist. mar. p. 148. tab. 33. f. 160. n. 1,
2, 3.

Ellis cor. p. 71. n. 3. tab. 30. a A; b. Eschara, foliacea millepora lapidea, extremitatibus hinc inde irregulariter coalescentibus, utraque superficie ex cellulis ovatis constans.

Belgice, *Lint Coraal.*

DESCRIPTIO.

Corallium planum, latum, breviter subdichotomum, laciniatum; laciniis retusis, varie flexuoso curvatis, passim confluentibus magnos sœpe glo-

glomos efficiens. Obvia incrustat & loricatim iis circumcrescit. Constat ubique *lamina* duplice, *crassa*, *cellulis*, ad planum laminæ inclinatis, cavernosa; quæ extus leviter convexitate rhombica prominent, osculoque in superiori rhombi angulo simplici hiant. *Substantia* lapidosa duriuscula, alba; extus grysea.

Locus: Mare Atlanticum, Mediterraneum, Indicum.

N O T. A.

Mira varietate ludit hæc species & ex diversis maribus, diversa plerumque conditione adferuntur, ratione crassitiei, duritiei, magnitudinis cellularum, cet. Formæ duo imprimis extrema obseruantur, varietas nempe *lamellosa* & *fascialis*; inter quas mediæ plures dantur.

a. Varietas *fascialis* exhibet Corallium ubique angustæ tæniæ simile, quæ ramose subdivisa & inordinate diffusa, contiguisque ramis coalita glomeres clathratos rariores efficit, areolis subrotundis aut oblongis, ut in E *areolata*, pervios. Hanc imprimis varietatem Belgii Curiosi, *Lint Coraal* seu Corallium tæniolatum vocant. Hujus fragmentum *Ellisius* (tab. it. ad litt. b.) exhibuit, & perperam pro Poro Cervino *Imperati* habet. Hanc ex Mari Mediterraneo & ex litore Insulæ *Vectis* Maris Anglici allatam vidi. Aucta vario gradu, in aliis varietatibus, corallii latitudo ab hac ad sequentem varietatem transitum efficit; quod in Speciminibus Maris Mediterranei, ubi cum Milleporis *retepora*, *frondipora*, *bullopora*, aliisque promiscue crescit, evidenter observavi.

B. La-

β. *Lamellofa* varietas ex latissimis constat lapideis membranis, varie crispatis, contortis, glomeratis, laciniosis, sed ubique concurrentibus & coalescentibus, ob latitudinem. Hæc semper strata cellularum crassiora habet, & applicatione laciniarum corallii supra se invicem paſſim quadruplicia exhibet; substantia autem minus dura esse solet. Sic ex Indico imprimis adfertur Oceano. Tenuior vero in Mari Anglico provenit, qualem *Ellisius* (*l. c. ad litt. A.*) exhibuit. — Habeo specimen Promontorio B. Spei allatum, (quod inter Isidem *roseam* crevit, quam amare videtur) in quo præter cellularum & pororum angustiam, crassitiei Corallii prorsus disproportionatam, etiam hoc singulare est, quod superficies pubescat lanugine tenera & rara, quæ a pilis, ut videtur, solitariis, singulo poro adstantibus, albidis efficitur. An hæc, integre hujus Escharæ omnibus varietatibus naturalis sit, obſervent alii, quibus recentem videre continget.

Hæc *E. fascialis* Milleporæ *Cervicorni* (*s. Poro cervino Imperati*) affinis valde est & evidentem ab Escharis ad Milleporas transitum constituit.

Synonymum *Raji* & *Bauhini* mihi suspecta, ex *Ellisi* autoritate adjeci. *Marsilius* varietatem fascialem, in Mari Mediterraneo solemnem describit.

10. ESCHARA CEYLANICA.

Eschara lapidescens, membranis laciniosis concrecentibus teneris, cellulis utrinque seriatis oblongis.

D E S C R I P T I O.

Hujus *Glomer* subsimile glomeri varietatis lamelloſæ *E. fascialis*, sed tenerius & subtilius adſpectu, corallinæ circumcretum extat in *Museo SERENI*SS. PRINCIPIS AURIACI; nec alibi vidi. *Membranæ* albæ, lapidescentes, teneræ tenuesque, laciniosæ, varie contortæ & concrecentes, cavernosum glomum constituunt. Hæ membranæ ubique dupli constant cellularum ſtrato; *Cellulae* per ſeries longitudinales diſpofitæ, alternæ pellucidis punctis aspersæ, figura oblongæ, osculoque in ſummitate ſubcirculari, marginato inſtructæ. Versus laminarum limbos cellulæ, (ut in præcedenti & ſequenti quoque ſpecie), adhuc imperfectæ, loculamenta delecta referunt.

Locus; Oceanus Indicus.

N O T A E.

Conditione & ſtructura nimis a præcedente & ſequente diſcrepat, quam, ut pro utrius varieta- te haberi poſſit, licet ex unico tantum ſpecimi- ne mihi nota species.

II. E S C H A R A S P O N G I T E S.

E S C H A R A lapidea membranacea, la- mellis ſimplicibus undulato turbinatis cu- mulatis, cellulis ſeriatis.

Imperat. Ital. p. 625. fig. p. 632. *Porus angui- nus.*

Befler. Mus. tab. 28. *Lapis spongiæ.*

Gual.

Gualtier. ind. part. IV. tit. avers. Porus anguinus.

Lapis Spongiae. Officinarum.

D E S C R I P T I O.

Membranæ lapideæ, plerumque expansæ, sub-turbinatæ, crispato undulatæ, obvia incrustedes, varie cumulatæ; plures sæpe ex communi crusta, multiplici cellularum strato constante, luxuriantes; ubique e simplici cellularum strato seu lamina factæ, cujus superficies dorsalis striata, nitidissimaque est. Cellulae per series longitudinales dispositæ, plerumque alternæ, at inordinatius; ovali subquadratæ, convexiusculæ, extus cribratæ, & osculo, ad alterum plerumque latus declinato, marginato instructæ. Substantia fragilissima, tenera, gryseoalba; superficie plerumque antiquiore punicea. Crebro observantur in hac Eschara bullulæ, galarum instar, osculis cellularum imminentes, albæ, pro ovariis haud dubie habendæ.

Locus: Mare Mediterraneum & Americum.

N O T A.

Innumeris figuris ludit hæc species. Ex Mediterraneo Mari allata specimina plerumque turbinatas, crispatas, atque infundibuliformes utcunque membranas exhibent. In Museo SERENISSIMI PRINCIPIS AURIACI extat specimen in gubernaculo navis e Mediterraneo Mari reducis inventum; quod in crassa planaque crusta exhibet cylindros plurimos erectos, breves, plerosque

que subramosos, fastigiatos, extremitate in infundibulum tenerius, varie undulatum crispatumque dilatatos & passim coalitos, qui quasi sylvlam efficiunt. Color antiquæ superficiei omnis puniceus; infundibulorum, utpote juniorum, pallide gryseus. Subsimilis indolis fuisse videtur specimen quod *Gualtierius* delineavit, sed cylindris multo magis elongatis ramosioribusque luxurians.

Ex M. Americano præter varias crustas hujus Escharæ afferuntur quoque massulæ pugno saepe majores, informes, subagariciformes, ex innumeris laminarum stratis & cellulis sine ordine mire coacervatis compactæ; structura autem ad hanc nostram speciem evidenter pertinentes. Testis rupibusve hæ massulæ ad crescunt; & tales vulgo detritæ, in *Officinis* sub *Lapidis Spongiae* Titulo prostant.

Eadem massæ inter Corallia fossilia frequentissime occurunt, atque Agaricos utcunque referentes, *Fungitarum* nomen accipiunt. In Germania passim hujusmodi corpora reperiuntur, rupibus calcareis, cum Anomiis aliisque Coralliis inspersa, & in lapidem ponderosum, oppletis cellulis, mutata. Observavi ea in Lapide calcareo Binsbergiensi, prope *Coloniam Allobrogum*, in Ducatu Megalopolitano petrifactis ditissimo, aliisque Germaniæ locis.

12. ESCHARA FORNICULOSA.

ESCHARA crustacea lapidescens, cellulis seriatis fornicatis, labiolo ringentibus, membrana prætensa clausis.

DESCRIPPIO.

Sunt crustæ gryseæ, lapidofæ, informes, grossioris papyri crassitie; constantes e cellulis per series ramosas, adeoque divergentes, dispositis, alterne accubantibus, longiusculis, quadrangularis, superiori termino egregie fornicatis; quæ antice membrana prætensa & lobo semicirculari fornicem claudente, passim, in siccato specimine, perfici videntur. Ubi vero membrana deficit aut detrahitur, apparet tenuis lamina, alba, lapidea, plana, inter septa cellulæ tensa, quæ ad os lobulo obtuso reflexo terminatur; ut os sub fornice amplissimum supersit. Color & aspectus fere E. foliaceæ.

Locus: Mare Americanum, in cuius Coralliis hanc Escharam rarius observavi.

13. ESCHARA ANNULARIS.

ESCHARA lapidea incrustans, cellulis annulatim digestis cylindricis, osculo biverrucoso.

DESCRIPPIO.

Fucos tenuicaules passim incrustat loricula annulosa. *Cellulæ*, non in series longitudinales, sed in annulos digestæ, parallelæ, cylindraceo subclavatae, summitate perforate, verrucula utrinque osculo adstante. *Substantia* cellularum tenuis, albissima, fragilis. *Cellulæ* summæ imperfectæ; imæ plerumque *bulla* galeam referente, a proximi-

proxime inferioris cellulæ osculo *remotiori*, ad basin gravidæ; unde has bullas, quas pro ovariis habeo, ex basi cellularum in reliquis quoque Escharis prognosci crediderim, quanquam in plerisque ad cellulas quorū osculis imminent pertinere videantur, & sic etiam in superioribus traditum fuerit. *Galericularum* in Cellulariis situs hoc pōrro confirmare videtur.

Locus: Fucus versicolor in Mari Indico & circa Promont. B. Spei copiosus; in cuius caulinib⁹ hanc Escharam rariuscule, nec præterea ullibi observavi.

14. ESCHARA HISPIDA.

ESCHARA frondescens spongiosa, frondibus ramosis, hinc muricatis, ligulis hispidissimis.

D E S C R I P T I O N

Sunt frondes subpollicares, latitudine Escharam pilosam referentes, sed crassiores & spongiosiores, alteroque tantum latere cellulosæ, siccatione convolutæ; subramosæ, obtusæ. Anudo latere, (in quod convolvuntur siccatae,) tubulos radicantes dimittunt; altero ligulis arrectis, quæ spinis setaceis horrent, muricatae sunt & hispidissimæ. Substantia spongiosa palea grysea.

Locus: Mare Mediterraneum, inter cujus

corallia semel omnino reperi singularem & rarissimam hanc speciem.

15. ESCARA PILOSA.

E S C H A R A crustaceo frondescens spongiosa; cellulis obconicis novemdentatis piliferisque.

Reaum. act. Gall. 1712. p. 42. tab. 5. f. 10. Corallina. (Incrustans fucum.)

Læfling. act. Holm. germ. 1752. p. 118. n. I. tab. 3. f. 1-4. Millepora crustacea, plana, adnata, punctis quincuncialibus.

Seb. thes. III. tab. 100. fig. 10. (frondescens.)

Linn. Amœn. ac. I. p. 105. n. 20. f. 19. Millepora membranacea plana, punctis quincuncialibus.

— *Faun. fn. II. 2233.* Flustra pilosa.

Belgic. Zee-Moss. Angl. Spungy Coralline (Ellis).

D E S C R I P T I O N.

In lata planicie maculæ irregulariter stellatæ instar diffunditur. In frondes lubenter assurgit, utrinque cellulofas crassiusculas, spongiosas; primo simplices, lineares, obtusas; deinde ramosas, imo pinnato-multifidas fere nunquam pollice longiores. *Cellulae*, ex quibus constat, confertæ, subturbinatæ sunt, ore patulæ, limboque novem dentato coronatæ, denticulo medio in pilum, saepius detritum elongato; unde superficies frondium pilosissima apparet. *Polypus* intra singulariæ cellulam e vaginula ceu præputio se exserens,

rens, tentacula circiter 20, æqualia & corpus æquantia, in campanæ formam expandit. *Substantia* hujus Escharæ sublapidescens est & friabilis, ad tactum spongiosa.

Locus; Mare Septentrionale, ubi Fucos omnes incrustat.

N O T A.

Nullibi abundantiorem novi hanc Escharam, quam in Mari Belgium alluente. *Sertulariam longissimam*, ibidem copiosissimam & magnis acervis saepe in littore conspicuam, in certis tractibus, maxime versus autumnum, totam incrustat, & ab extremis ejusdem ramulis insuper frondescens, elegantissimas formas assumit; primoque tunc aspectu *Sphagnum palustre* fere æmulatur. Sic incrustatæ hujus Sertulariæ immanis vis ineunte imprimis hyeme Ann. 1764. in tota Occidentali Belgii ora, a flantibus Austris egerebatur, ut in brevi passim spatio, ad onerandum vehiculum sufficere potuisset. Madida per noctes totas manibus tractata motaque, imo & conquaßata, eleganterissime & copiosissime scintillabat; at expensus succus nequaquam phosphorescere visus est.

Primus *Læflingius* statim post evulgata *Fussei* observata, in hacce Eschara polypos vidit, atque acutissimas circa eam adnotationes reliquit. Vedit propagari seu augeri, per gemmas a marginalibus seu extremis cellulis protrusas, in perfectas cellulas effingendas, e quibus polypus dein exseritur. Interdum 2 proles ab eadem cellula, at non simul exseri, sicque series duplicari atque in latitudinem pandi crustam videntur. In mediæ a-

reæ cellulis polypos plerumque deficere addit; unde certam iis ætatem præfixam esse conjicit. Notavit quoque tacto uno polypo, reliquos non affici; cumque refugere Polypi, rudiori offensa territi, inæqualiter prodire, vaginam primum protrudere & dein brachiola exsertare, quibus tandem expansis continuo oscillare dicit.

16. ESCHARA FOLIACEA.

ESCHARA crûstaceo frondescens spongiosa, fronde cuneiformi multifida retusa, cellulis ringentibus arcuatis utrinque spinula auritis.

C. Baub. pin. p. 367. Porus cervinus Imperati (perperam!)

Æ. Baub. Hist. III. p. 809. Alga marina platyceratos porosa.

Pluknet. Almag. p. 119. Corallinæ assinis platyphyllos telam sericeam texturæ simulans.

Moris. Hist. III. sect. 15. tab. 8. f. 16. Fucus marinus, scruposus, albus, telam sericeam texturæ sua æmulans.

Raj. Syn. p. 42. n. 9. Fucus telam lineam sericeamve texturæ sua referens.

Tournef. inst. p. 568. tab. 334. Nom. Raji.

Jussieu Act. Gall. 1742. p. 298. tab. 10. f. 3.

Ellis Cor. p. 70. n. 2. tab. 29. a A. Eschara foliacea millepora spongiosa, cellulis arcuatis alternis utrinque instructa.

Linn. Hort. Cliff. p. 480. Millepora membranacea, flexilis ramosissima, ramis distinctis planis obtusis, superne dilatatis.

Linn.

Linn. syst. X. sp. a. Faun. su. II. 2231. Eschara s. Flustra foliacea.

Anglic. *Broadleaved Hornwrek.* Gall. *Escaré.*
German. *Trocknes Zeelaub.*

D E S C R I P T I O.

Primordium crustula est e cuius medio assurgit frons parvula cuneiformis supra rotundata; quæ, duplicatione serierum cellularum, latitudinem progressu majorem acquirit, & findi incipit. *Frondes* ad summum semipedales, latitudine digitii minimi; (varietates latifoliæ breviores sunt;) deorsum attenuatæ, membranaceæ, dichotomæ, extremitatibus plerumque latioribus multifidis; interdum vere palmatis. *Cellulæ* in duplice frondium strato confertissimæ, alternæ, arcuatæ, osculo lunato ringentes, & spinula utrinque ad osculum auritæ. *Polypi* corpore vermiculari fundo cellulæ implantati, cirrhis circa caput denis; in campanæ formam expansis coronati. *Substantia* fungosa, nec friabilis, semper subgrysea, ablutione atque insolatione tandem fere alba.

Locus: Mare Septentrionale.

N O T .

Frondium magni sœpe manipuli copiosissime hyeme a tempestatibus in Belgii oram Occidentalem egestari solent. Varietas vulgatior frondibus latiusculis, dilatatis, extremitate lata laciniosa. Rarior frondibus longis atque angustis. Perrara extremis frondium angustiorum latis & palmatis. Rarissima subpinnatis aut latissimis marge neque tantum divisis frondibus.

Recens e mari extracta amœnum, citri fere æmulum, cum Pelagico mixtum odorem spargit; quem & siccata aliquamdiu servat.

Rarissime fucos incrustat, quos pilosa contra amat; sed fere semper observatur frondescens, & ubicumque, in solidis corporibus, hujus speciei crustula appetet, in disco plerumque frons parvula jam incepisse notabitur. Novæ interdum loricæ antiquæ frondi circumcrescunt, e qua juniores frondes denuo pullulant. Imæ frondes semper crassæ, scabré. In hujus Escharæ frondibus crescere amant *Cellulariæ* variæ, e. gr. *C. eburneæ* parvula varietas, *scroposa*, *reptans*, *avicularia*; & ex *Sertulariis uniflora*, *rugosa*, *geniculata*, *Cuscata*.

Calcinata hæc Eschara pro flexibilitatis & tenacitatis ratione parum ponderis aut particularum amisisse, & insignem terræ calcareæ quantitatem continere mihi visa est. Frondium ejus depuratorum nec tamen a sabulo prorsus liberatum, 3ij, semihoræ spatio calcinatæ unicam modo drachmam, cum magno fœtore, amiserunt...

Petrefactam, nec consumtam hanc Escharam in Massis calcareis, monte S. Petri ad Mastrichtum, allatis, passim invenire potui distictissimam.

In hac & *E. pilosa*, *securifrondi*, *bispida*, *crustulentaque*, bullas sæpius jam commemoratas, ovariorum verosimillime vices agentes, nondum observare potui. Hæc Eschara a multis autoribus pro Poro cervino *Imperati* ponitur.

17. ESCHARA FRONDICULOSA.

ESCHARA frondescens, frondibus obtusis trichotomis confertis, uno tantum strato cellulosis.

Seb. thes. III. tab. 96. f: 6.

**Ellis Cor. tab. 38. f. 8, O. P. Eschara papyracea, utrinque cellifera, summitatibus securis aciei instar truncatis?*

DESCRIPATIO.

Glomeres dimidii pugni magnitudine, e nucleo quaquaversum densissime frondescentes. *Frondes* trichotomæ, crebro subdivisæ, lentissime latentes, in alis leviter excisæ, apice retusæ. *Cellulæ* unico tantum strato, oblongo subrhombicæ, seriatæ, alternatimque confertæ. *Frondes* siccatae in alterum latus leviter convolutæ, in eoque latere *oscula* cellularum terminalia, hiantia, subsemicircularia. *Cellulæ*, in latere ubi *oscula*, longitudinaliter convexæ, in altero collapsæ. Passim in frondibus observantur bullæ tumidæ, osculis cellularum desuper imminentes, magis gryseæ quam reliqua frondium substantia; quæ tenerior, fragilior & paullo albidior est, quam in *E. foliacea*; nitidulaque, ut in securifronde.

Locus: Oceanus Indicus.

NOTE.

Elegantissimæ hujus Escharæ glomer, quale delineat *Sebæ* tabula, ex nitidissimo thesauro communicavit Dn. *Wilh. van der MEULEN Amstelodamensis* cui admixtam observavi *Cellulariam crispam*.

18. ESCHARA PAPYREA.

ESCHARA crustaceo frondescens, fronde cuneiformi multifida unilamellata, cellulis oblongo rhombaeis, summitate ringentibus.

Marsigli hist. mar. p. 64. tab. 6. f. 25, 26. Porinus cervinus Imperati (perperam?)

DESCRIP T I O N.

Habitu magis ad præcedentem accedit quam illa alia. Altitudo subbipollaris. Frons latiuscula, tenuissima & papyracea quasi, (unilamellata seu unico cellularum strato constans), ex angusto initio, rupibus affixo dilatata in figuram cuneiformen & laciniatosam; colore subpellucido, gryeo, atque superficie nitida. Cellule longæ, rhombicæ, confertæ, in apice superiori truncato osculo lunato ringentes. Substantia flexilis.

Locus: Maris Mediterranei vada corallifera.

19. ESCHARA SECURIFRONS.

ESCHARA fronde radicata dichotoma margine prolifera, laciniis cuneiformibus bipartitis truncatis, cellulis longissimis, ringentibus.

Raj. Syn. p. 43. Moris. Hist. III. p. 646. sect.

15. tab. 8. f. 17. Fucus marinus, scruposus, albidus, angustior, compressus, extremitatibus quasi abscissis.

Mediol. 31

Ellis

Ellis Cor. p. 69. n. I. tab. 28. a. A. Eschara foliacea millepora tenera (angustior, foliolis quasi abscessis & cellulis oblongis alternis utrinque instructa.

Linn. syst. X. sp. II. s. Escharæ foliaceæ varietas.

Anglic. *Narrowleaved Hornwreck* (Ellis.)

D E S C R I P T I O N

Stirps ad summum quinquepollicaris, pallide grysea, tenuis, fragilis, splendida & ceu vernice obducta. *Truncus* scruposus, deorsum attenuatus, tubulisque capillaribus crebris radicatus; in frondes sensim dilatatus. *Frondes* dichotomo multifidæ, cuneiformes; nempe angusto plerumque isthmo ortæ, & multifida extremitate truncatae imo in securis formam interdum dilatatae; juniores bipartitæ. Constat hæc Eschara dupli lamella facile separabili, quarum quælibet ex tubulis longitudinalibus, progressu ramosis & in celulas longas, summitate ore galeato ringentes, partitis coalita est.

Locus: Mare Anglicum, Mediterraneum.

N o t æ.

Hæc species continuitate fabricæ, radiculis, tota denique indole summopere affinis est cellulariis, easque eleganter cum Escharis connectit. A trunco & antiquiori seu ima frondium parte, crebros deorsum tendit tubulos ad instar Cellulariarum; unde antiquior ejus pars scruposa adparet.

III. CELLULARIA.

DEFINITIO.

ANIMAL vegetans, plantæ habitu:

Stirps nuda, e cellulis seriatis compo-
ta, ramosa, sæpe articulata, plerum-
que lapidescens; tubulis radicata.

Flosculi vivi e poro singulæ cellulæ.

Ovaria incerta.

Cellula-
ria quid?

Corallinas celliferas Celeberr. *Ellisius* a Sertula-
riis judiciosissime distinxerat; verum *Lin-
naeus* in unum commisit. Structura & substani-
tia priorum diversissima & inter Escharas atque
Sertularias evidenter media in *Ellisii* me reduxe-
runt sententiam; cujus acutissimi Viri observa-
tionibus in his nihil præstantius. Nomen CEL-
LULARIÆ, ut aliquod proprium huic generi esset,
indidi.

Cellulariæ fere omnes stirpem exhibent plantæ-
formem, dichotomice subdivisam, e cellulis coad-
unatam vel in continuos vel in articulatos ramos.
Substantia plerisque lapidosa est, fragilissima,
alba; qua ab acido dissoluta, *Stirps* mollis fit.
Sic naturaliter mollis, saxeaque materie orba
quibusdam speciebus indoles contigit. Cellulæ
vero continent mollem animalis partem, quæ po-
ro terminali cellulæ quasi vivum flosculum s. par-
vi Polypi speciem cirrhis radiatam exsertat.

*Radicu-
læ.*

Cellulariæ vix non omnes tubulis capillaribus,
pallide gryseis, medulla animali plenis, ab infir-
ma

ma stirpis parte demissis, supra Fucos, Escharas, Sertularias, (quorum imprimis amantes sunt) aliave marina corpora veluti radicatae sunt. Hujusmodi tubuli, in quibusdam speciebus, adeo copiose a trunco, primordialibusque ramis descendunt, ut eosdem obvestiant & in speciem fibrosorum fasciculorum mutent: Observatur hoc in *C. quadrangulari*, *crispa*, *plumosa*, imprimis. Detritis postea agitatione maris ramis nudis, fragilissimis, fibrosae reliquiae eum referunt habitum, quem in *C. plumosa* observavit & delineari curavit *Ellius*, qui spoliatam, hoc modo, ramis suis stirpem, pro ejusdem primordio potius in ramos postea adolescente habuit.

Pleraque species exiguum tantum tubulorum numerum ex ima trunci parte demittunt. *C. neritina* & *loricata* truncum e crassioribus tubulis radicantibus veluti collectum fistunt. Paucæ passim in dorsali omnium ramorum latere ejusmodi radiculos exhibit, quibus, Hederæ in modum, reptantes firmiter alligantur; uti *C. scruposa*, *rep-tans*, *pilosa*. Aliquæ, more Sertulariarum, e tubulis simplicibus per Fucos obreptantibus oriuntur; v. gr. *C. falcata*, (s. *cornuta* *Linn.*) & *anguina*.

Structura diversissimæ sunt Cellulariæ. Pleraque depresso, e dupli serie cellularum alternati adpositarum constant; ita ut oscula utriusque seriei ab eodem latere sint, dorsale vero latus integrum & substriatum: Sic in *C. plumosa*, *neritina*; *scruposa*, *pilosa*, *avicularia*; quarum ultima saepe quintuplicem seriem cellularum luxurians exhibit & Escharam mentitur. Aliæ ex articulis lapidosis, linearibus, per membranaceos tubulos nesis, concatenatae sunt. Harum aliquæ articulos fistunt singulos unicæ tantum cellulæ capa-

paces; corniculiformes; ut *C. chelata* & *falcata*. In aliis articuli continent cellulas eodem omnes latere apertas, vel duplii tantum serie, v. gr. *C. reptans* atque *eburnea*, vel numerosiores, (latoe ribus articulis) *C. crispa*. Aliarum tandem internodia cylindrica cellularum, substantiae insculptarum, orificiis undique obsita sunt; quales *C. quadrangularem*, *Salicorniam* & *Opuntiodem* vide mus, quibus affinis est structura *C. loricata*. Sertulariarum æmulæ quædam, præterquam quod uti & *neritina* mollioris sint substantiae, cellulas tubo medio veluti applicatas exhibent, *C. bursaria* & *ciliata*. Singulareissima omnium *C. anguina* cellulas solitarias tubuliformes e radicula reptante profert; uti, ex Sertulariis quoque, *uniflora* nobis dicta unico prædita est calyculo.

Ovaria *Ovariorum*, quæ in Sertulariis videbimus similes. *s. Galericula*. vesiculos in sola *C. eburnea* & *falcata* observatores invenerunt. An aliis quoque speciebus contigerint, incertum. Reperti vero in *C. neritina*, & *avicularia* Galericuli seu *Calyculi* singulares, in recenti stirpe spontaneo motu prædicti, singulisque cellulis adpositi, quorum certus usus hucusque nos latet, & seminificationi in his speciebus destinata organa fortassis esse reperientur.

Hoc Genus Sertulariis, Escharis atque Coral linis affine videtur. Etenim *C. neritina*, *plumosa* & maxime *avicularia*; structura atque figura Escharis consanguineæ, speciatimque *Escharæ se curifrondi* simillimæ sunt. Ad Sertularias accedit *C. ciliata* maxime, & ob vesiculos quoque *eburnea* atque *falcata*. Corallinarum habitum & structuram affectant *C. crispa* & *geniculata*, ex teretibus internodiis compositæ, omnes. Talia Genera, multis cognationibus distracta plura condidit natura, creberrimarum apud Autores dissensionum causas,

et Cel-

Cellularia geniculata undique cellulosa.

20. CELLULARIA OPUNTIOIDES.

CELLULARIA geniculata, ramis ternatis, articulis cylindraceis, poris undique prominulis.

DESCRIPTIO.

Fruticuli sesquipolligares; inconditi, effecti, ramosissimi, tubulis capillaribus, ab imo trunko descendenteribus radicati; compositi ex portionibus inæqualibus, cylindricis, imo attenuatis, tenuique isthmo cohærentibus, apice obtusis; quarum primordiales crassitatem culmi graminei æquant, longitudinem semipolligare. Portionibus singulis inferioribus, circa medium terni, alii implantantur articuli seu rami, raro oppositi, plerumque incertis intervallis alterni; & sic successively ramificatur Stirps. Articuli albi, lapidei, recti vel varie curvati, poris rarissimis, papillarum instar prominulis; in quincunces ordinatis consiti. Species rarissima nec dum descripta.

Locus: Oceanus Orientalis.

21. CELLULARIA SALICORNIA.

CELLULARIA geniculata dichotoma, articulis oblongo cylindricis, cellulis undique rhombæis.

J. Baub. hist. III. p. 811. Corallina fistulosa, fragilis, crassior.

Bar-

Barrel. Plant. ic. 1275. n. 7. *Muscus polygonoides*, *Salicorniae forma s. bifidus, major.*

Raj. bist. p. 65. *Nom. Bauhinii.*

Pluknet. Phytogr. tab. 26. f. 3. *Corallina fistulosa fragilis*; *internodiis prælongis, lævibus, albis, farciminum modo concatenatis.*

Tournef. inst. p. 570. *Nom. Bauhini.*

Ellis Corall. p. 46. n. 1. t. 23. *Corallina articulata, dichotoma, internodiis subcylindricis, cellulis rhomboideis omnino tectis & tubulis membranaceis exiguis colligatis.*

S. J. Baub. bist. III. p. 811. *Corallina fistulosa, fragilis, subtilior.*

Boccon. mus. p. 255. *Muscus corallinus rotundus, exilis, articulatus ramosus, Italicus.*

Barrel. Plant. ic. 1275. n. 8. *Muscus polygonoides, tenuior.*

Petiv. pl. Ital. tab. 2. f. 9. *Corallina fistulosa, fragilis subtilior (ex Barrel.)*

Raj. bist. p. 66. *Nom. Bauh.*

Tournef. inst. p. 570. *Item.*

Linn. syst. X. sp. 2. *Eschara fistulosa.*

— *Faun. su. II. 2234.* *Flustra fistulosa.*

Angl. Bugle Coralline (Ellis).

D E S C R I P T I O .

Stirps circiter tripollicaris, crassitie modo fili grossioris, modo fere tripla, tubulis capillaribus pallide gryseis radicata, dichotoma; concatenata ex articulis longis, inter divisuras singulis, cylindricis, deorsum leviter attenuatis, utrinque obtusis, albis, lapideis, per tubulos corneo membranaceos colligatis. Series cellularum longitudinales undique confertim articulos exarant;
Cel-

Cellulæ rhombicæ, alternatim confertæ, osculo in summitate connivente instructæ.

Locus: Mare Europæum, Mediterraneum, Atlanticum & forte Orientale.

N O T I A.

Ellisius qui hujus Cellulariæ structuram graphice descripsit, eam Corallinis veris, infra tradendis (*Append.*) quas *articulatarum* cognominé distinxit, adnumeravit.— Plerique autores ob insignem crassitie in diversis speciminibus diversitatem, binas statuerunt species. Verum intermediae inter utrumque extrémum crassitiei specimina dantur, forte ætate tantum distincta. Ex Mari enim Mediterraneo & crassam & tenuem varietatem accepi; circa Angliam quoque utraque datur, & tenuem Capite B. Spei allatam novi; unde in loco nativitatis hujus diversitatis ratio vix quærenda videtur.

Celerrime hanc *Cellulariam* crescere, saltem celerius embryone Squali, docuerunt ova Squali Promontorio merid. Africes allata, in quibus plantulas plures semipollicares observavi, quamquam fœtum adhuc immaturum continerent.

21. β. CELLULARIA FILIFORMIS.

CELLULARIA dichotoma filiformis, articulis linearibus quadrilateris, cellulis oblongis.

DESCRIP T I O.

Hujus vel speciei vel varietatis maximus fasciculus, antiquæ Sertulariæ accretus, magnitudine fere manus, Ceylona adlatus extat in Museo Sereniss. PRINCIPIS AURIACI; etiam aliis immixtam vidi. Stirpes, in eo fasciculo confertissimæ, longitudinem sœpe digitæ æquant, dichotomæ, truncum & principaliores ramos, ob demissa creberima capillamenta pallide gryseæ, scruposæ, ceterum candidæ, fragilissimæ, compositæ ex internodiis tenuissimis, filiformibus, quadrilateris. Latus quodlibet occupat series Cellularum, cum contiguorum laterum cellulæ alternantium, oblongo rhombearum, ut in C. Salicornia, cujus forte Varietas est, sed tertiae, id est summæ tenuitatis.

Locus: Oceanus Indicus.

β. Cellulariæ subarticulatæ.

22. CELLULARIA LORICULATA.

CELLULARIA ramosissima articulata grysea, cellulæ bijugis, oblique truncatis.

Raj. Syn. app. p. 330. Muscus coralloides, molles, elatior, ramosissimus.

Plunnet. Mänt. p. 56. Corallina geniculata molles, internodiis rotundis, brevioribus, nostras.

Ellis. Cor. p. 40. n. 7. tab. 21. f. b. B. Corallina cellifera, molles, ramosissima, geniculis ad loricæ formam accedentibus.

Linn. syst. X. sp. 36. Faun. su. II. 2253. Sertularia loricata.

Angl. Coat of Mail-Coralline (Ellis).

DESCRIP T I O.

Stirpes tubulis paucissimis radicatæ, circiter sesquipollicares, ramosissimæ, dichotomæ, in cūpressi formam elongatæ; minus fragiles, quam Cellulariæ vulgo solent; gryseæ, articulatæ. Articuli singuli sunt binæ cellulæ, ore oblique truncatæ, inque corpus subtrocchiforme depresso sum coadunatæ, quod Loricæ antiquorum aliquatenus figuram æmulatur.

Fasciculi hujus sæpe permagni circa antiquas Sertularias collecti reperiuntur.

Locus: Mare Anglicum.

23. CELLULARIA BURSARIA.

CELLULARIA ramosa articulata, cellulis bijugis pellucidis carinatis, tubuloque adnato subclavato auctis.

Ellis cor. p. 41. n. 8. t. 22. f. a A. Corallina cellifera, minima, ramosa; cellulis compressis, oppositis, siliculæ *Bursæ pastoris* formam æmulantibus.

Linn. syst. X. sp. 35. Faun. su. II. 2252. Sertularia bursaria.

Anglic. *Shepherd's purse Coralline.* (Ellis).

DESCRIP T I O.

Stirps miñuta, pellucido alba, flexilis, subdividitoma; nervus medius opacior, cui utrinque adplicatæ vesiculæ oppositæ, semicampanulato compressæ, seu carinæ rostrum referentes, su-

E periori

periori margine auctæ tubulo adnato, subcapitato, cellulæ osculum constitente. Ad dichotomias ima cellula solitaria esse solet, per reliquam plantulam ubique bijugæ sunt.

Locus: Mare Anglicum, in cuius Fucis crescit parasitica.

*24. CELLULARIA PLUMOSA.

CELLULARIA mollis fibrofa ramosissima, ramulis dichotomis fastigiatis.

Raj. syn. p. 37. n. 20. Corallina pumila, erecta, ramosior.

p. 330. Fucus minimus, hirsutus, fibrillis herbaceis similis.

Ellis cor. p. 33. n. 1. tab. 18. Corallina cellifera, erecta, ramosissima, tenerrima & plumosa.

Linn. syst. X. sp. 37. Faun. su. II. 2254. Sertularia fastigiata.

Angl. Softfeathered Coralline. (Ellis.)

Locus: Mare Anglicum.

N O T A E.

Mihi nunquam visa est hæc species. Verum per analogiam, ex mutationibus in aliis Cellul. speciebus observatis, concludo, *Fucum minimum, hirsutum, fibrillis herbaceis similem Raji (syn. p. 330.) non esse, ut vult Celeberr. Ellisius, ju niorem & nondum adultam stirpem; sed potius, detritis ramis tenerioribus, nec dum scruposis, &*

& relictis tubulis sive fibrositate antiquorum, obsoletum specimen; quale *Ellisius l. c. fig. a 2.* exhibet.

Corpuscula neritiformia, in hac specie ab *Ellisio* conspecta, ut statim dicetur, non pro exclusa progenie testacei cuiusdam, cuius plantula nostra ovarium sit; sed pro organis Zoophyti, verosimilime seminificationi destinatis habenda esse vix dubito.

35. CELLULARIA NERITINA.

CELLULARIA mollis dichotoma grysea, cellulis alternis extrorsum mucronatis, interjectisque galericulis labiatis albis.

Ellis cor. p. 35. tab. 19.

Linn. syst. X. sp. 38. Sertularia neritina.

DESCRIPTIO.

Stirps crassa, mollis, luteogrysea, tubulis grossioribus in fasciculum collectis radicata, continua, depressa. Cellulæ in eodem latere apertæ, in dupli serie alternæ, singulæ extrorsum mucrone terminali, unde planta Sertulariæ instar ferrata est. Inter cellulas, a latere orificiorum, ordo adhæret corpusculorum alborum, in eadem fere serie dispositorum, numero cellularum utriusque seriei respondentium, passim detritorum. Hæc alba quidem & opaca, at non testacea, sunt, sed attentius inspecta agnoscuntur pro bullulis inflatis, membranacea consistentia paulo durioribus, galeatis, transversa rimâ ceu ore ringentibus, quo oblique sursum &

versus illud latus spectant, ad cujus cellulas pertinent, adeoque alterne inclinatae sunt.

Locus: Oceanus ad Bermudas.

N O T A.

Accuratissimus alias *Observator* corpuscula hæc, (per fallaciam armati oculi, & quod galeæ gibbum tantum spectasse videtur, qui passim contusus varias figuræ mentiri in siccato specimine solet,) pro parvulis Neritis habuit, atque Zoophytum nostrum pro stirpe conchigena celebravit. Lateralis inspectio hanc ideam facile diluit, atque docet, bullulas istas esse galericulis s. nectariis caput aviculæ referentibus, in *C. avicularia*, analoga organa. Didici hoc ex eleganti specimini hujus Cellulariæ, quo me præterito anno condonavit Optimus P. COLLINSONUS, qui eam hucusque solus possidet, Bermudis missam.

26. CELLULARIA AVICULARIA.

CELLULARIA latiuscula dichotoma fastigiata, cellulis ore galeato bifetis, nectariis marginalibus.

Ellis corp. p. 36. n. 2. tab. 20. a A. Corallina cellifera, erecta, ramosa & plumosa, sphærulas testaceas, summa parte, aviumque capitum formas a latere cellularum gerens.

s.—tab. 38. f. 7. H—N. Corallina cum appendiculis lateralibus, avium capitum forma.

Linn. syst. X. sp. 8. Sertularia avicularia.

Anglic. Bird'shead Coralline (Ellis).

DESCRIPTO.

Hæc proxime ad *Escharas* accedit & intermedia quasi est inter easdem & *Cellularias*. — *Magnitudo* variat a semipollicari ad sesquipollicarem & quod ultra est. *Frons* continua, nec articulata; dichotoma, recta, e trunco angusto, tubulis scruposo & radicato, sensim lateſcens, sublinearis; extremis truncatis fastigiatisque. Series *cellularum* longitudinales ternæ, quinæve. *Oscula* in eodem frondium latere, alterna, galeata, auritaque seta utrinque ad galeam gibbam erecta. *Latus* aversum longitudinaliter striatum nitidum. Ad singulas cellulas serierum frondis marginarium, *galericula* s. *Nectarium* inflato rostratum, aviculæ caput referens, quod viva *Cellularia* movetur & alterne rostellum aperit clauditque. *Substantia* stirpis fragilis, cinereogrysea, fôrdida.

Locus: Mare inter Angliam & continentem terram.

NOTE.

ꝝ. Habeo *Affinem* huic speciem, ex Oceano Indico allatam, multo fragiliorem, paulloque crassioris & magis lapidescentis substantiæ, coloris purioris, grysei; ad dichotomias passim subarticulatam, cellularum triplicem exhibentem seriem; galea quoque & fetis oscularum paulo diversam. Eam tamen pro distincta specie ut habeam, a me impetrare haud possum.

27. CELLULARIA FLOCCOSA.

CELLULARIA ramosissima dichotoma
fastigiata, articulis subcuneiformibus, uno
latere celliferis.

DESCRIP T I O.

Fruticuli, e basi crassa, scruposa seu e tubulis
capillaribus albidis contexta, magni, pugni infan-
tis saepe ultra molem, quasi floccosi. *Surculi*
ad imum truncum tantum scruposi, creberrime
dichotomi, ramis subfastigiatis, in latus celluloso-
sum leviter incurvis & conviventibus, unde flo-
cosa facies. *Articuli* lapidescentes, albissimi,
inter divisuras singuli, oblongo quadratuli, sub-
cuneiformes, dorsali latere convexi striatique,
marginibus alterne subferrati, ad singulam nem-
pe cellulam. *Cellulæ* in latere articulorum subex-
cavato, ovales, membrana subpellucida, obtensa
clausæ; dupli serie alternæ, interjecta impa-
tri inter summas series. Articulos committunt tu-
buli brevissimi subgrysei, flexiles; unde planta
minime fragilis. Articulorum quoque substantia
non ad fragilitatem lapidescit.

Locus: Oceanus Indicus.

N o t æ.

Specimina plurima & ipse habeo & in museis
vidi. At omnium elegantissimum communicavit
Præstantiss. Dn. Wilb. van der MEULEN Amsteloda-
menfis.

28. CELLULARIA CRISPA.

CELLULARIA ramosissima dichotoma
elongata crispa, articulis depresso-ovatis,
 uno latere celliferis.

*Seb. thes. III. tab. 101. n. 8. (In dextra parte
 baseos.)*

DESCRIP T I O.

Fruticuli sæpe magnitudine insigni, semper ta-
 men præcedenti multo minores, ramosissimi,
 dichotomi, non fastigiati, sed elongati. Trun-
 cus ramique antiquiores, ob tubulos capillares
 creberrime decurrentes, pallide gryseos, fibrosi
 s. scruposi, crassique. Rami creberrime dicho-
 tomi, extremi ubique in latus celliferum stirpis
involuto crissipi: unde tota crispula apparet; nec
 crispitudinem in aqua amittit, ægriusque manu
 explicatur. Stirps flexilissima constat articulis, per
 tubulos commissis, lapidescentibus, albissimis,
 ovato cuneiformibus, dorso convexis substriatis-
 que, inter singulas divisuras singulis. Cellulæ a
 planiori articulorum latere, dupli serie, levi-
 ter alternæ, impari summis seriebus interjecta;
 ovales, exteriori latere gemina crassa setula ar-
 matæ.

Locus: Oceanus Orientalis.

N O T A.

Hujus primordia & fragmenta non raro radicu-
 lis
 E 4

lis *Fuci versicoloris* capensis implicata reperiuntur. Elegantissima habentur specimina, longitudine saepe digitii, crebroque grumis obfessa albissimis, substantiae suberosae & subtilissime asbestinæ, quales etiam in Fuco prædicto saepius observantur. Haec, cum præcedenti, omnium hujus generis speciosissima est.

29. CELLULARIA PILOSA.

C E L L U L A R I A dichotoma fastigiata lapidosa, cellulis alternis obliquis, pilo ad os prælongo subsolitario.

D E S C R I P T I O.

Plantula vix quatuor linearum, in plano dichotoma, subrecumbens, radiculis inferne a dorsali latere exsertis alligata. *Rami* subfastigiati, dorsali latere cellularum convexitatibus tantum notati. *Cellulæ* alternæ, confertæ, imbricatæ, obliquæ; os terminale, e cujus margine assurgunt pili, plerumque solitarius, vel bini, teneri, longiusculi. Cum sequenti facile confunditur.

Locus: Maris Mediterranei Corallifera.

30. CELLULARIA SCRUPOSA.

C E L L U L A R I A reptans lapidosa dentata dichotoma, cellulis alternis unilateribus,

Ellis

Ellis cor. p. 38. n. 4. tab. 20. f. c. C. Corallina
cellifera minor, repens, ramosa & scruposa,
cellulis alternis a latere angulatis.

*Linn. syst. X. sp. 39. Faun. su. II. 2255. Sertu-
laria scruposa.*

Angl. Creeping stony Coralline. (Ellis).

DESCRIPTIO.

Stirps procumbens, linearis, depræssa, subarticulata, fragilissima, dichotoma. *Cellulæ* ordine dupli alternae, subturbanatæ, idem latus stirpis ore spectantes, exterius dente marginali singulæ prominentes; unde stirps alterne dentata s. angulosa apparet. Dorsale stirpis latus, stria exaratum, radiculas capillares crebras exserit, quibus reptans hæc species per totam longitudinem adligatur. *Color* pallidus. *Substantia* lapidosa.

Locus: Oceanus Europæus (maxime super *Escharam foliaceam*), Indicus, Americanus, & Mare Mediterraneum.

31. CELLULARIA REPTANS.

CELLULARIA repens dichotoma articulata, cellulis unilateralibus, bijugis, ore subciliato.

Raj. syn. app. p. 330. Muscus coralloides, pu-
milus, ramosus.

Ellis cor. p. 37. n. 3. t. 20. f. b. B. Corallina
cellifera minor, repens, ramosa, tubulis læ-

vibus, interdum hamosis sparsim dispositis, fusca. testisve alligata.

Linn. syst. X. sp. 40. Sertularia reptans.
Angl. *Creeping Coralline. (Ellis.)*

D E S C R I P T I O.

Habitu & magnitudine scruposæ valde similis; $\frac{1}{2}$ vel $\frac{3}{4}$ poll. nunquam major. Stirps tubulis capillacies radicata & paucim alligata; reptans, dichotoma, fragilis, articulata. Cellulæ duplice ordine subalternæ, turbinatæ, patulæ; singulæ exterius seta gemina, altera longiore, armatæ. Substantia alba, vel pallide grysea, lapidosa. Radiculæ & tubuli articulos committentes grysea.

Locus: Mare Europæum, ubi in Eschara foliacea Fucisque variis parasitica observari solet.

32. CELLULARIA CILIATA.

CELLULARIA molliuscula dichotoma fastigiata, cellulæ binatis alternis turbinate, ore patulo ciliato.

Ellis cor. p. 38. n. 5. tab. 20. f. d D. Corallina cellifera minima, erecta, ramosa, cellulæ infundibuliformibus, basi conjunctis, oribus patentissimis superne ciliatis & alternatim prominentibus.

Linn. syst. X. sp. 41. Sertularia ciliata.
Angl. *Ciliated Coralline. (Ellis).*

DESCRIP. I.O.

Plantula semper minima, 4 vel 5 lin. altitudine; natura ad Sertularias accedens, in aqua molliuscula & fluitans, siccata fit albida, muscosa; dichotoma ceterum, multoties divisa. *Cellulae* alternæ, tubulosæ, recurvulæ; ore patulo, superiori latere, setulis inæqualibus pectinatim ciliato. *Nectaria* quæ *Ellisius* exhibet nunquam vidi.

Locus: Mare Anglicum; ubi, in Fucis, Spongiis, Sertulariis, parasitica crescit.

33. CELLULARIA EBURNEA.

CELLULARIA vesiculifera erecta dichotoma articulata, articulis linearibus, poris tubulosis alternis.

Ellis cor. p. 39. n. 6. tab. 21. f. 1 a A. Corallina cellifera, minima, fragilis, ramosa & vesiculifera, colore eburneo; cellulis tubiformibus conjunctis, paulum arcuatis & ferè oppositis.

Linn. syst. X. sp. 12. Sertularia eburnea.

Angl. *Tufted Ivory Coralline.* (Ellis.)

DESCRIP. I.O.

Magnitudo varia, ad summum pollicaris. Stirps tubulis albis, paucissimis, in truncum insertis radicata; articulata, ex mediis articulis ramosa, dichotomice subdivisa. Articuli lineares, lapidosi, nivei, laeviusculi: altero latere tubulis submarginalibus, alternis, brevibus denticulati. Articuli

ticuli atque rami in latus tubulosum leviter curvati, unde sicca plantula Anastaticæ aliqualiter habitum assumit. — *Ovaria* sparsa, inflata, ova-ta, tubulo adnata, lapidosa.

Locus: Maris Europæi atque Mediterranei Fuci, Sertulariæ, Escharæ.

N O T A.

In *Eschara foliacea*, *Sertularia abietina* aliisque marinis, quibusdam locis, parvula reperitur, trium, quatuorve linearum. Alibi pollicarem & ultra inveni, in Sussexiæ v. gr. littore, ubi in *Fuco pinastroide*, una cum *C. falcata* & *anguina* abundabat. Minor varietas articulos habet parvulos; at æque exilis fructiferaque est.

Ovaria hujus speciei & *falcatae* Genera Sertulariarum, Cellulariarum & Milleporarum committunt; uti dein ad *Milleporam lichenoidem* dicetur.

34. CELLULARIA FALCATA.

CELLULARIA vesiculifera erecta articulata subpinnataque, cellulis solitariis tubulosis curvatis, seta longissima ad os.

Ellis cor. p. 42. n. 10. t. 21. f. c C. Corallina cellifera minutissima, falcata & cristata, cellulis capricorniformibus simplicibus, vesiculas gerens.

Linn. syst. X. sp. 13. Sertularia cornuta.
Angl. Goat'shorn Coralline. (Ellis).

DESCRIP T I O.

Stirps minima (nunquam 4 lin. fere longior), lapidosa, albissima, falcata, alterne ramosa, subpinnata, tubulis paucis albis radicata & e radiculis prolifera. Tota velut e tubulis deorsum subattenuatis, omnibus in idem latus curvulis, per ligamenta, concatenata videtur. *Tubuli* (qui cellularum loco sunt, seta longiuscula, curva instructi, supra infraque, proprius longiusve ab osculo prodeunte. — *Ovaria*: vesiculæ inflatæ, ovatae, tubulo adnatæ.

Locus: Maris Europæi atque Mediterranei Fuci.

35. CELLULARIA CHELATA.

CELLULARIA fragilissimâ dichotoma, cellulis corniformibus concatenatis, ore marginato, spina infera.

Ellis cor. p. 42. n. 9. tab. 22. f. b B. Corallina cellifera minutissima, ramosa & falcata, cellulis simplicibus, tauri cornu facie invicem infertis.

Linn. syst. X. sp. 42. Sertularia chelata.

Angl. *Bull's horn Coralline.* (Ellis).

DESCRIP T I O.

Stirps exigua, dichotoma, divaricata, subcinerrea, fragilissima & veluti vitrea, constans articulis linearibus curvulis, summitate instar cornu bovinæ

bovini dilatatis, coarticulatis. Ad superiorem tubulorum s. articulorum partem *os marginatum*, in eodem per totam stirpem latere, cui inferne plerumque spina adstat. In idem latus, quod oscula exhibit, curvati sunt articuli.

Locus: Maris Angli (Ellis), Mediterranei Fuci, Gorgoniæ. (Mihi in M. Angl. nunquam visa.)

36. CELLULARIA ANGUINA.

CELLULARIA tubulis solitariis, subclavatis, apertura lateralē.

Ellis cor. p. 43. n. 11. tab. 22. f. c C. Coral-
lina anguiformis, minutissima, non ramosa.

Linn. syst. X. sp. 43. Sertularia anguina.
Angl. *Snake Coralline.* (Ellis.)

Una cum *C. cornuta* plerumque observatur, in Fucis (imprimis *pinastroide* & *cartilagineo*) parasitica. *Radicularum* loco sunt tubuli albi, crassiusculi, in Fucis reptantes, e quibus eriguntur *spunculi* albi, incurvi, terminati *galea testudinata*, subtus obtensa plana membrana perficiente, osculoque instructa. Hinc est quasi *Cellularia uniflora*.



IV. T U B U L A R I A.

D E F I N I T I O.

A N I M A L vegetans, radicatum:

Stirps tubulosa, cornea, simplicissima
vel ramosa, imo affixa, apice ex-
serens

Animal capite tentaculis cristato; *ovula*
generans.

I N Zoophytorum Ordine primum, collocan- *Tubular.*
dum videtur *Tubularium* genus, utpote plu- *cum Ser-*
rimis momentis, præsertim per simpliciores *pulis affi-*
species, *Serpulis* ita affine, ut Ordinis Zoophyto- *nitas.*
rum limites hic fere obliterasse Natura videatur.
Serpulas tamen ad Zoophyta referre indeoles &
fabrica earum, summaque cum Nereidibus &
Aphroditis affinitas prohibent; cum contra *Tu-*
bularium pleræque species vegetabilem indolem
& habitum clarissime præ se ferant, eoque Zoo-
phytis sese adjungant.

Tubulariæ omnes pro *involutro* seu testa exhi- *Structu-*
bent tubulum continuum corneum, sæpe annu- *ra gene-*
losum, teretem, altera extremitate affixum & *ralis.*
plerumque in radiculos adinstar plantæ subdivi-
sum, altera apertum; vel simplicem, vel varie
ramosum.

Tubulum explet vermiculus, ceu *medulla ani-*
malis, quæ aperta tubuli extremitate exserit va-
ginulam, cui insistit capitulum pinnulis linearis-
bus cristato ciliatum; retrahenda pro lubitu ani-
malis

malis. Apparatus hicce pinnularum circa caput, non tam tentaculorum officium præstare videtur quam branchiarum; saltem immobilis earum in vivo animali inutilitas, & analogia branchiarum in plurimis Serpularum speciebus haud dubie ad caput positarum, hoc suadent.

Differencia Ser-
tia a Ser-
tulariis. Differunt ergo à *Sertulariis simplicibus*, *Tubulariæ simpliciores* eo, quod propriis polyporum calyculis destitutæ, simplicibus tantum tubularum extremitatibus floribundæ sint; & quod florulos, non *Hydræ*, sed *Brachiono* potius similes exferant, nec, uti *Sertulariæ*, ovaria proferrant.

Inventio. *Tubulariam* ad *Animalia* referendam esse primus suspicatus est *Lhwyd*. *Tremblejus* detecta & illustrata T. nostræ *gelatinosæ* (quam ad *Tubiporas*, nescio quo fundamento, retulit *Linnæus*) primam hujus generis speciem vindicavit *Zoologiæ* & ad *Zoophytorum cognitionem* viam stravit. Marinam tunc adjecit *Tubulariam Jussiaeus*, & plures species *Elliottus*.

Exoticas aliquas adinveni species, recentes prius observandas, quam vere ad hoc genus eas pertinere constet.

37. TUBULARIA CORNUCOPIÆ.

TUBULARIA tubo simplici inferne attenuato, flexuoso rugosoque.

DESCRIPTIO.

Tubuli cornei, lutei; sparsi vel aggregati, erectiusculi subflexuosi; inferne attenuati, ex-

tre-

tremitate lente dilatati; per totamque longitudinem rugis annulosis.

Locus: Maris Americani & Mediterranei
Corallia.

38. TUBULARIA CALAMARIS.

TUBULARIA tubulis aggregatis simplicibus læviusculis, intra implexis, subproliferis.

Lhwyd act. angl. vol. 28. p. 275. tab. VI. f. 7.
Adianthum aureum marinum.

**Raj. syn. p. 31. Adianthi aurei minimi facie planta marina.*

Boccon. mus. ital. p. 258. tab. 6. f. 5. Fucus vermiculatus s. Polytubuli arteriosi.

Fussieu act. gall. 1742. p. 296. tab. 10. fig. 2.

Ellis cor. p. 31. n. 2. tab. 16. f. C. Corallina tubularia, calamos avenaceos referens.

Linn. syft. X. sp. 1. Faun. su. II. 2229. Tubularia indivisa.

Angl. Oaten Pipe Coralline. (Ellis.)

D E S C R I P T I O.

Tubuli calamorum avenaceorum crassitie, bivel sesquitripollicares, cornei, rigiduli, luteo grysei, læves, rectiusculi nec attenuati; tubulis vermicularibus implexis radicati, fasciculatim collecti conglutinatique. Passim juniores tubuli, e majoribus imis orti, longitudinaliter decurrent & demum abscedunt. — In variis marinis sæpe solitarii hujus speciei tubuli reptantes observantur.

tur. — *Animal* tubo exserit vaginulam, cui per tenua collum insidet caput, cinctum tentaculis in radium expansis, & supra auctum corpusculo conico papillis cincto, cirrhis plurimis tenuioribus, in penicillum congestis terminato; inter quos apertura oris.

Locus: Mare Europaeum.

N O T A.

Lbwydius in hujus speciei tubulis sanguineum videns succum & caput expulsive, Zoophytum esse primus suspicatus est. *Jussiæus* deinde animal observavit & egregie descriptis. Idem in aqua putrescente asservatae hujus Tubulariæ animalia omnia vaginulis suis elabi observavit.

39. TUBULARIA MUSCOIDES.

TUBULARIA tubulis aggregatis simplicibus radicatis, hinc inde annulosis.

**Raj. syn.* p. 39. *Fucus Dealensis laryngi similis.*
Seb. thes. III. tab. 106. n. 7.

Ellis cor. p. 30. n. 1. tab. 16. fig. b. *Corallina tubularia, laryngi similis.*

Baster opusc. I. p. 28. tab. 2. f. 3, 4. tab. 3. f. 2-4. *Nomine Ellisii.*

Linn. Faun. su. II. 2230. *Tubularia muscoides.*
Angl. *Tubulous wrinkled Coralline.* (Ellis.)

D E S C R I P T I O.

Differt primo statim aspectu a præcedenti, tubulis

bulis filo nunquam crassioribus, pallide gryseis, & e tenuiori molliorique cornea lamella factis. *Tubuli* distincti, pallide grysei, subpellucidi, flexuosi, per intervalla annulosi, deorsum attenuati, & in radiculas subdivisi. Corpora mari obruta varia, & fundum quoque maris minime solidum densa segete tubolorum radiculis implexorum & e radiculis proliferorum, obducit hæc species. *Tubuli* ejus in Mari Septemtrionali (ubi ad Belgii littora copiosissima est), pollicaribus raro longiores. E Mari Mediterraneo vero allatæ, bipollicares sæpe sunt. *Oniscus phthisicus* a *Bastero* primum descriptus in hac specie abundat, eamque devastare videtur. — *Animal* fe-re uti præcedentis, a *Bastero* egregie descrip-tum est.

Locus: Mare Europæum & Mediterraneum.

40. TUBULARIA RAMEA.

TUBULARIA tubis compositis ramo-sis, ramis ramulisque alternis.

D E S C R I P T I O.

Truncus est fasciculis tubolorum conglutinato-rum radicatus, in tubulos seu ramos successive decompositus; *rami* sparsi, *ramulis* alternis. *Tu-buli* grossiores quam in sequenti, rigide cornei, & fuscogrysei. *Stirpem* mentitur hæc species plu-rium sæpe pollicum altitudine, valde ramosam, cuius truncus & principaliores ramuli, (utpote, ut dixi, e tubulis coaliti), scruposi apparent; at extrema ramorum, ramulique ex tubulo simplici,

filiformi facta sunt. In siccatis speciminibus *polypum* racemiformem in singuli ramuli extremitate observavi.

Locus: Mare Mediterraneum, præcipue ubi Filograna *Planci* abundat.

41. TUBULARIA TRICHOIDES.

TUBULARIA tubulis simplicibus longis tenuissimis, alterne ramosis passimque annulatis.

Ellis cor. p. 31. n. 3. tab. 16. f. a A. Corallina tubularia gracilis & ramosa, axillis ramulorum contortis.

Linn. syst. X. sp. 2. Tubularia ramosa.

Angl. Small ramified tubulous Coralline. (Ellis.)

D E S C R I P T I O.

Tubulorum segetes densissimæ, circa varia marina colliguntur, satisque magnas sæpe veluti comas, exfoletive coloris capillitia mentiuntur; radiculis in cespitosam basin implexis *Tubuli* simplices, aliquot pollicum sæpe longitudine. filiformes, prætenues, alternos ramulos, adscendentes exserunt. *Ramuli* ad originem annulosi & subattenuati. *Substantia* mollis, sordidius gryfea. *Polypos* observavi quales optime descriptis & delineavit *Ellisius*, *T. calamaris* *Polypis* subsimiles.

Locus: Mare inter Angliam & Belgium; ubi cum *T. muscoide* frequens.

42. TU-

42. TUBULARIA CRYSTALLINA.

TUBULARIA mollis hyalina multifido palmata, laciniis polypiferis.

Trembl. polyp. III. p. 209. tab. X. f. 8, 9. Polypi cristati.

Baker microgr. p. 308. tab. 12.

Bäck aët. holm. vol. 8. p. 203. tab. 6. f. 5, 6.

Linn. sylt. X. sp. 2. Hydra campanulata.

Gall. Polypes à panache. (Trembl.)

D E S C R I P T I O.

Stirps membranacea, hyalina, mollis, multipartita, portionibus subturbinatis, digitato multifidis. Truncus, in antiquioribus, basi dilatatus (Trembl. f. 9). E singulis digitationibus exferitur vaginula, apice sustinens caput lunatum, radiis parallelis, arrectis, apice extorsum curvulis ciliatum, cum vagina tota retractile. — Stirps novis Polypis gemmascit. Portiones stirpis secedunt, & speciem multiplicant, locoque moventur. Tunc eum exprimunt habitum, quem Bakeri icon sifit. Interanea distincta, singulo Polypo propria. Plura de natura hujus Zoophyti apud Tremblejum vide.

Locus: Stagna Aquæ dulcis, Lemna operta.

43. TUBULARIA GELATINOSA.

TUBULARIA mollis grysea linearis, alterne ramosa.

Ræsel. inf. III. polyp. p. 447. tab. 73—75. Polypus pennaceo cristatus.
Germ. Federbusch Polypen. (Ræsel.)

DESCRIP T I O.

In stagnis quibusdam copiosissima, inque crudas & magnos acervos, ex fruticulis congestis & conglutinatis, luxurians. *Stirps*, ubi perfecta, elegantem fruticulum refert, filiformis, alternatim ramosa, & subdivisa. Extrema ramorum truncata, apertura submarginata exserunt *Zoophyti* capita lunata, pinnis rarioribus, brevioribus & magis recurvis, quam in præcedenti specie, ciliata, tenui collo affixa. Interaneis quoque a præcedenti differt & distinctissima est hæc species, quæ interdum in iisdem cum præcedenti (semper rariore, adeoque, ut videtur, minus prolificâ) reperitur aquis. Plura de hac legantur apud *Ræselium*.

Locus: Aquæ stagnantes impuriores.

N O T A E.

Ræselius solum hujus speciei alimentum Lemnæ semina esse putat; verum in Lacu subsalso Rakaniensi, ob incrustatum corallinum celebri & supra in descriptione Escharæ crustulentæ jam citato, copiosissimam rupes incrstantem observavi, cum tamen in toto Lacu Lemna absit.

β. An Globuli vagi, tubulos polypis fœtos minoribus, quam hujus nostræ speciei sunt, a *Ræselio* descripti (*l. c. p. 559. tab. 9.*) diversam constituant speciem, aut potius pro prole ejusdem speciei habendi sint, non determino. Pronuncient alii.

44. TUBULARIA PENICILLUS.

? TUBULARIA tubulis aggregatis simplicibus radicatis, apice proliferis penicillatisque.

D E S C R I P T I O.

Elegantissimum & plane singulare hocce Zoophytum circa Curassoam in Corallinis rupibus cespitatum crescit. *Tubuli* aggregati, variæ in uno agmine longitudinis, omnes inferiori extremitate attenuati, inque *radiculas* ramificati, quæ inter se implexæ cespitem constituunt. *Tubuli* pollice fere longiores, toti ex membrana tenui, alba, semi-diaphana facti, crassitie calami avenacei, teretes, ubique annulosi atque laryngem avis referentes. Brevores apice cœci & obtusi; proiectiores hirsutie quadam capitati, quæ tandem in subglobosum *penicillum* muscosum excrescit magnitudine fere pisii, factum e tubulis capillaribus, cerebrimis & confertissimis, nec apice apertis, substantia tubo majori similibus. Anomala prorsus fabrica. *Tubuli* in plurimis mihi visis specimenibus vacui & purissimi intus fuere, passimque collapsi.

Locus: Mare Americanum.

N O T A.

Si verum sit, quod accepi, hocce Zoophytum in Belgico quodam littore repertum fuisse, longinquo sane itinere per Atlanticum mare advecta fuit. Verum non raro in eodem littore reperiun-

da testacea Americana, & *Alcyonium ásbestinum*
ad Texellam inventum (*Bocconio* saltem teste)
minus incredibile illud reddere videbuntur.

Veram naturam plantulæ hic descriptæ determinent, quibus recentem perlustrandi potestas erit. Mihi ad Tubularias pertinere visa est.

45. TUBULARIA PAPYRACEA.

? TUBULARIA tubulo papyraceo maximo, alternatim ramoso.

DESCRIPTIO.

Hujus Specimen, *Sertularia Lichenastrum* dicta & *Cellularia Salicornia* ubique obsitissimum, describo ex Museo SERENISSIMI PRINCIPIS ARAUSIONENSIS. Est tubus crassitie calami anatini, papyraceus, erectus, subdivisus & crebro alterne ramosus, divaricatusque; æqualis ubique crassitiei; extus rufus & hiulcus; intus laevis, albissimusque. Extrema ramorum integrorum in eo specimine membrana clauduntur. Substantia papyrea, similis ei, quam Vespa conficiunt pro nidis; sed alba. — Habeo fragmenta tuborum papyraceorum, Sumatra allata, crassitie digitii minimi vel ultra, quæ ejusdem speciei esse videntur; substantia saltem simillima sunt.

LOCUS: Oceanus Orientalis ad Ceylonam, Sumatram?



V. BRACHIONUS.

DEFINITIO.

ANIMAL minutissimum, interdum simplex, vagum: sæpius compositum, vegetans; pedunculatum, coronatum
Limbo contractili, subreniformi, undulante, sæpe ciliato.

SUB *Brachioni* nomine, ab *Hillio* primum indi- *Brachio-*
 to, complectimur Animalcula aquatica minu- *nus quid?*
 tissima, a *Tremblejo* pro *Hydræ* affinibus habita;
Ræselio, qui ea curiosissime prosecutus est, *Pseu-*
do polypi (After-polypen) dicta; & a *Linnæo* eo-
 dem cum *Hydris* genere recensita, a quibus ta-
 men toto cœlo differunt.

Horum omnium, unaque adjunctarum ex *Ba-*
kerio aliisque autoribus specierum, *Essentialis Cha-*
racter consistit in corporis limbo contractili &, ubi
 expansus est, perpetuo undulatorio motu agitato,
 eoque vorticem in Aqua ciente, plerumque sub-
 reniformi. Corporis *substantia* e subtilissimis gra-
 nulis confecta videtur. & viscera interna in mul-
 tis distinctissime lustrari & distingui possunt.

Brachioni genus ex iis est, in quibus Natura *Brachio-*
 mira varietate lusit. Distingui facile possunt in *norum di-*
fimplices & vegetantes. E simplicibus aliqui sub- *veritas.*
gregarii, vagi tamen sunt & pro lubitu locum *Simpli-*
 mutant, adeoque vix ad *Zoophyta* pertinere *cium,*
 videntur, ut *B. capsuliflorus, calyciflorus, hyacin-*
thinus, rotatorius, Proteus, stentoreus, campanula-

tus. Ex his soli *stentoreus* & *campanulatus* nudi sunt & ad *vegetantes* species proprius accedunt: reliqui involucro vario calyculati, & artibus notabilioribus visceribusque distinctissimis instructi, ex adverso *Serpulis* Brachionorum genus adnectere videntur. Dum idem Tubulariis per mirum *Brachionum tubificem* elegantissime & arctissime committitur. *Singularis*, in naturales greges conglomeratus, ad *simplices* tamen referendus, est *B. socialis*. Reliquæ species omnes vegetant.

Propagatio. Horum generandi quoque modus differt. Aliqui enim ovaria ceu fructus proferunt; uti evidenterissime *B. calyciflorus* & *capsuliflorus*. Alii ova intus conficiunt; uti *B. tubifex*, *rotatorius* ejusque verosimillime affines. Sine ovis, corporis in geminas portiones, spontanea divisione, secessione & portionum restauratione *B. campanulatus* & *stentoreus*; quorum prior longitudinaliter descendit, posterior obliqua directione bisecatur. Obscuroque tandem modo, in agminis medio generatis prolibus, & examinis vel coloniæ in modum dimissis, multiplicat speciem *B. socialis*.

Vegetantes. *Brachioni vegetantes*, ex solitario corpusculo, quod pedunculum exserit & dein sponte bipartitur in portiones non discedentes, sed pedunculo crescenti innixas, & successive pariter bipartientes, exsurgunt in plantulas plerumque dichotomas; quarum terminalia corpuscula, matura, decidunt & spontaneo motu per aquam vagantur, donec affixa, fructuum vice fungantur, novasque iterum plantulas producant. Horum indoles ergo vere Zoophyta est; ad eosque a *Brachionis* supra recensitis vagis & capsulatis, Natura elegantissimis gradationibus seriem perduxit, interfertis *B. stentoreo*, & *campanulato*.

B. umbellatus
fructiferans. Ut vero etiam magis mira & multiplex esset in

in his, & ut *Brachionos* etiam cum *Sertulariis* connechteret Alma Creatrix: uni speciei in ramis bulbos ceu fructus generare dedit, e quibus deciduis nova stirps, non simplici bipartitione effingitur, sed methodice in umbellæ formam gemmascit.

*46. BRACHIONUS TUBIFEX.

BRACHIONUS *vaginatus*, tubulo punctato; corpore opposite prolifero, limbo lobato ciliatoque.

Schæff. monogr. 1755. c. tab. Polypi florales a. quarum dulcium.

Germ. *Blumen Polypen* (*Schæff.*)

DESCRIPTIO.

Intermedium Animal inter Tubularias & Brachionos, mihi nunquam visum; maxime singulare ob *tubum* corniculiformem, ex miculis hexaedris, gryseofuscis conglutinatum, & ob *proles* quibus ex trunco vegetat ad modum Hydræ. *Animal* intra *tubum* *B. rotatorio* simile; sed nudum, molle, limboque late expanso, quadrilobato ciliatoque diversum.

Locus: Stagna Europæa.

47. BRACHIONUS CAPSULIFLORUS.

BRACHIONUS *simplex calyculatus*, capsula depressa, postice crenata, oris labio superiore sexdentato.

Baker.

Baker. microgr. p. 307. tab. 12. f. 7—10. Animalculum testa organisque rotatoriis instructum secundum.

Schæff. polyp. vir. ♂ Monoc. pul. 1755. tab. 1. f. 8. b. k. t. 2. f. 7—9. (malæ.)

β. Baker. microgr. p. 309. tab. 12. f. 11—13. Animalculum testa organisque rotatoriis instructum tertium.

DESCRIPTIO.

Animal vagum. *Capula* pellucida (ut interna distincte conspici possint), depressa, supra convexior retrorsumque magis gibba; postice emarginata. *Aperturæ* margo superior sexdentatus, denticulis 2 mediis approximatis, longioribus; *inferior* margo leviter sinuatus, medioque crenula notatus. *Organa* rotatoria subexserta, cum media ligula. Postica crena capsulæ exit cauda subattenuata, summo apice bifurcula. — *Ovaria* postice ad latus caudæ, ovali globosa, modo unicum ad dorsum, modo utrimque unum.

β. Intermixtum rarius observavi Animalculum tertium *Bakeri*; quod testa strigosa, postice insigniter bicorni differt, alias simillimum. Est cur suspicer, ætate solummodo diversam esse varietatem.

Locus: Stagna (etiam subsalsa) Europæ.

NOTÆ.

Nullibi copiosius hocce animalculum observavi, quam in lacu ubsaldo ad Pagum Rackanje Peninsulæ Voornanæ Belgii, ubi inter *Escharæ* crustulæ tophaceas rupes, una cum *Tubularia gelatinosa* & *Brachiono stentoreo* abundat.

In

In aqua natat æquabili motu, cauda oblique deorsum directa. Ea sese affigit & quaqua verum corpus jactat, organa subinde exsertans aut retrahens. In phialis vitreis ad latus luci obversum & in superficie aquæ colligi solent in flocculos suspensos & agmina subrotunda. Aqua e prædicto stagno æstate hausta, iis, ceu farinulis nantibus, scatere solet.

*48. BRACHIONUS CALYCIFLORUS.

BRACHIONUS simplex calyculatus, capsula postice crenata, oris labio superiore quadridentato.

Baker. microgr. p. 304. t. 12. f. 4-6. Animalculum testa rotulisque instructum tertium.

DESCRIP T I O.

Animal vagum. *Capsula* circumcæsura, a præcedenti paulo diversa est hæc species; sed maxime aperturæ anticæ superiore margine tantum quadridentato. Mihi nondum visa.

*49. BRACHIONUS HYACINTHINUS.

BRACHIONUS simplex, corpore involucrato, aperturæ limbo multidentato.

Baker. microgr. p. 302. t. 12. f. 2.

DESCRIP T I O.

Animal vagum. *Capsula* oblonga, in caudam at-

tenuata, coronata limbo subturbinato, multi-dentato; extra quem organa rotatoria nunquam exseruntur. Nec hæc mihi dum visa species.

50. BRACHIONUS ROTATORIUS.

BRACHIONUS simplex nudus oblongus; capite discreto bilobo, lobis ciliatis.

Baker. microgr. p. 276. tab. II. Animalculum rotarium.

p. ————— p. 301. tab. 12. f. 1.

v. ————— p. 302. tab. 12. f. 3.

Angl. *The Wheel Animal.* (Baker.)

DESCRIPTIO.

Ita graphice a Bakero præstita fuit, cum plena animalculi historia, ut nihil omnino addendum inveniam.

Locus: Aquæ stagnantes ubique.

*51. BRACHIONUS PROTEUS.

BRACHIONUS simplex mutabilis, tentaculo longissimo retractili, ore ciliato.

Baker. microgr. p. 270. tab. 10. f. 110. a-f. Proteus.

DESCRIPTIO.

Singulare animal, vagum, mutabile; modo longum protendens tentaculum, modo, contracto

to eodem, organum rotatorium exserens. Unde ad hoc genus pertinere constat. Ceterum de eo consule *Bakerum*.

52. BRACHIONUS STENTOREUS.

BRACHIONUS simplex nudus infundibuliformis, limbo ciliato.

Baker. microgr. p. 340. tab. 13. f. 1. f, g. Animalculum infundibuliforme.

Trembl. act. angl. vol. 43. p. 180. Polypi infundibuliformes, *virides*, *cærulei* & *albidi*.

Ræsel. inf. III. polyp. p. 595. t. 94. f. 7, 8. Pseudopolypus tubæformis.

Linn. syst. X. sp. 4. *Hydra stentorea*.

Angl. *The Funnel Animal.* (Baker.)

DESCRIP T I O.

Animal vagum. *Corpus* per aquam natantis ovali campanulatum; affixi & expansi, tubæ seu infundibuli æmulum: limbo ciliato, saepe altero latere inciso. Affixum & contractum perfecte fusiforme sive subclavatum est. Observavi intermixtos viridissimos, majusculos, inter numerosissimos minutos, pallide subdiaphanos.

Locus: Stagna, etiam subsalsa, Europæ.

N O T Æ.

Varietas viridis forte ætate differat. Hæc species multiplicatur obliqua corporis divisione; quod egregie descripsit *Tremblejus* l. c.

53. BRACHIONUS SOCIALIS.

BRACHIONUS aggregatus, corpore toroso mutabili caudato, oblique truncato, disco reniformi.

Brady act. angl. vol. 49. part. I. p. 249. tab. 7. f. 1.

*Ræf. inf. III. polyp. p. 585. tab. 94. f. 1-6.
tab. 95, 96. Pseudopolypus socialis, clavæ-
formis.*

Linn. syst. X. sp. 3. Hydra socialis.

DESCRIP TIO.

Animalia inter congeneres majuscula, circa plantas aggregata in floccos sphæricos, magnitudine sæpe pisi, centro mucoso. Adulta animalia corpore sunt toroso, caudisque attenuatis nucleo mucoso inserta; disco vero reniformi, obliquo, vorticem in aqua excitant, atque subinde contrahuntur, non simul, sed sua voluntate singula.— Circa centrum mucosum animalcula generantur minora, primum infundibuliformia, quæ examinis instar antiquum tandem floccum deserunt & sensim in novum aggregantur flocculum aut disperguntur. Antiqui greges rarescunt sensim, & dissolvuntur, pereuntibus phtiriasi quadam & atrophia animalculis, aut nucleus mucosum deserentibus & per aquam circumnatantibus.

Locus: Aquæ stagnantes, præsertim ubi Ceratophyllum. abundat.

N O T A E.

Linnæus juniores hujus speciei glomeres, quorum animalcula minus toroso & potius infundibuliformi corpore sunt, ad *B. stentoreum* perperam citavit.

Observavi hanc speciem nullibi copiosius quam in canali navigabili, Delphis, Claustrum-Mosæ ducente.

54. BRACHIONUS CAMPANULATUS.

BRACHIONUS gregarius, pedunculo setaceo retortili unifloro, corpusculo campaniformi.

Trembl. act. angl. vol. 43. p. 474. Polypi biper-tientis tercia species.

Baker. microgr. p. 339. t. 13. f. 1. d, e. Animalcula campanacea.

Røs. inf. III. polyp. p. 597. tab. 97. Pseudopoly-pus paryus, socialis, crateriformis.

D E S C R I P T I O.

Corpus minimi atomi simile oculo appareat; albidum & ubi expansum perfecte campanulatum. *Limbus* utrinque aliquot ciliis instruc-tus, undulatiorio suo motu continuo vorticem in aqua ciens. *Pedunculus* longissimus, tenuissi-mus, setaceus, rectissimus, sed pro lubitu ani-malculi in spiram retortilis.

Locus: Aquæ stagnantes impuræ & corruptæ.

N O T A.

Copiosissime hæc animalcula corrupta in aquis qualiacunque corpora turmatim occupant; & in impuris aquis a pedunculis abrupta immenso numero circumnatant. Omnium hujus generis vulgatissima est hæc species & toto ferme anno observatur.

55. BRACHIONUS RAMOSISSIMUS.

BRACHIONUS vegetans, stirpe retortili ramosissima, corpusculis campanulatis.

Trembl. act. angl. vol. 44. p. 639. seq. tab. I. f. 5, 6.

*De Geer act. holm. 1747. tab. 6. f. 4, 5.

Ellis cor. p. 25. n. 22. t. 13. f. b B, c C. Coralina omnium minima, vesiculis nunc ramosim, nunc racematum dense dispositis.

Baster. opusc. I. lib. I. t. 3. f. I. a, b, c. Minima polyporum species.

Linn. syst. X. sp. 44. Sertularia polypina.

Angl. Clustering Polype (Ellis). Gallic. Polypes à bouquet. (Trembl.)

D E S C R I P T I O.

Ex B. *campanulatis* numerosis, pedunculis invicem intortis & illigatis, ramosissimi, aggregati frutices videntur; quales *Røselius* (inf. III. polyp. tab. 97. f. 3.) exhibet. Tales saltem mihi visi sunt; & a citatis auctoribus descriptam speciem hujus quoque indolis esse vehementer suspicor.

56. BRA-

56. BRACHIONUS ANASTATICA.

BRACHIONUS vegetans, stirpe retortili umbellata, radiis racemosis, corpusculis campanulatis.

Trembl. act. angl. vol. 44. p. 637. seq. tab. I. f. 7, 8, 9.

Brady act. angl. vol. 49. p. 248. tab. 7. f. 1-6.

Linn. syst. X. sp. 4. Isis Anastatica.

D E S C R I P T I O.

Elegantissima species, umbellatum florem aut potius Anastaticam referens. *Stipes linearis*, serpentine contractilis, ex cuius summitate simul oriuntur *rami* circiter noveni, in concavam umbellam expansi, racemosi; *corpusculis*, quam in *B. campanulato*, fere minoribus minusque regularibus. *Bulbi* per ramos sparsi globosi, e quibus deciduis nova nascitur stirps; dum perit antiqua abscedentibus corpusculis & aliquamdiu per aquam circumnatantibus. Ad minimum motum, & subinde sponte, umbella in globulum exiguum convellitur & retorto stipite resilit.

Locus: Aquæ, ubi *B. socialis* abundat.

N O T A.

Tremblejus aureas de hujus speciei multiplicatione dedit observationes. Ex bulbis, qui in principalioribus ramis generantur, deciduis & natatu aliquo delatis, bipartitione statim & vera deinde gemmatione, regularis nascitur stirps,

antiquæ similis. Decidua vero *corpuscula* ramulorum terminalia inutilia pereunt. Iste ergo *Bulbi* ovariis Sertulariarum analogi sunt, ea tamen differentia, quod unicæ tantum stirpis compendium contineant & nudum quasi sint semen; cum Sertulariarum *ovaria* pericarpiorum in modum plura contineant semina.

Brady hanc speciem circa Bruxellas observavit inter *B. sociales*, uti ego quoque. Stipitem scribit disculo fere hirudinaceo adglutinari plantis. Ramorum numerum esse varium, plerumque inter senarium & duodenarium. Stirpem defoliatam, seu corpusculis campaniformibus orbam, una sua exhibet iconem, in qua aliquot adhuc bulbi adparent. — Addit, *Mitchellum* observasse in bulbis zonæ speciem, qua vorticem in aqua carent; & per stipitem stirpis, ceu per intestinum, descendere visa alimenta; & tandem stirpem liberam circumnatare posse innuit, & a certis insectis corpuscula campanacea devorantibus defoliari docet. — Hæ vero observationes rudiores mihi videntur.

57. BRACHIONUS ACINOSUS.

BRACHIONUS vegetans stirpe rigida dichotoma, corpusculis truncatis fimbriato ciliatis, acinis opacis.

Trembl. act. angl. vol. 43. p. 171. tab. II. f. 5,
6, 7. (bonæ.)

Baker. microgr. p. 348. tab. 13. f. 6, 7. (malæ.)

Rœf. inf. III. polyp. p. 614. tab. 100. fig. minus
bonæ. Pseudopolypus mespiliformis.

Linn. syst. X. sp. 9. *Hydra umbellaria.*

DESCRIPTO.

B. campanulato corpusculis triplo major. *Stirps* setacea, rigida, tenaciuscula, dichotoma; *Rami* elastice approximati, subparallelē. *Terminalia* *corpuscula* pyriformi-campanulata, altero latere magis gibba. *Os* obliquatum, labro subreflexo, limboque interiore (ciliato,) undulante. *Grana* sēpe intus opaca, junioribus nulla. Abrupta matura corpuscula, natatu aliorum delata, in globulum contrahuntur, & generato caulinco biperitiendo in novas stirpes finduntur. In majoribus stirpibus corpuscula majora.

Locus: Fossæ stagnantes.

NOTE.

Tremblejus primus in hac specie vegetationem ex deciduis corpusculis pedunculum generantibus, seseque longitudinaliter findentibus observavit. *Os*, dicit, intus annulis aliquot continuo undulantibus & utrinque tentaculis aliquot instructum esse.

Ræselius figuram nimis regularem & pulchram affectavit in iconibus suis; si hanc speciem voluerit, quod ob acinos opacos, quorum pariter mentionem injicit, crediderim.

*58. BRACHIONUS CRATÆGARIUS.

BRACHIONUS vegetans, stirpe rigida brevi dichotoma, corpusculis confertis ovalibus, ore bitentaculatis.

**Baker. microgr. p. 348. tab. 13. f. 4, 5.* (malæ.)

**— p. 357. tab. 13. f. 15.* Animalculum moriforme.

Ræsel. inf. III. polyp. p. 604. t. 98 f. 2. a a.f. 3. Pseudopolypus fructus Cratægi forma, tentaculis binis.

Linn. syst. X. sp. 7. Hydra cratægaria.

DESCRIPTIO.

Stirps brevicula, rigida, dichotoma. Corpuscula terminalia conferta, ovalia. Os submarginatum, contractius, tentaculo utrinque solitario, oscillante. Propagatur per decidua verosimilime corpuscula.

Locus: Stagna Europæa.

NOTÆ.

Hanc speciem, cum sequentium plerisque ex *Ræselii* auctoritate adjicio, mihi nondum visas.

59. BRACHIONUS PYRIFORMIS.

BRACHIONUS vegetans, stirpe setacea, extremitate dichotoma, fastigiata, corpusculis ovatis utrinque bitentaculatis.

Ræsel. inf. III. polyp. p. 606. tab. 98. f. 1 & 2 d d e Pseudopolypus pyriformis, tentaculorum duobus paribus.

Linn. syst. X. sp. 5. Hydra pyraria.

DESCRIP T I O.

Stirps rigida setacea, elongata, extremitate creberrime dichotoma, fastigiata. Corpuscula terminalia, ovato oblonga, antice truncata & sublabiata; utrinque tentaculis ad os duobus, motantibus. — Succussatim per intervalla contrahuntur singula corpuscula. Magnitudo inter B. campanulatum & acinosum media.

Locus: Fossæ stagnantes, ubi Ranunculus submersus & Ceratophyllum abundant.

N O T A.

A latere si corpuscula sive *vascula* inspicias, ori operculum, altero latere adnatum, altero leviter sublevatum incumbere videtur; sed motus harum partium undulatorius distincte hæc perspicere prohibet.

*60. BRACHIONUS BERBERIFORMIS.

BRACHIONUS vegetans, stirpe deorsum attenuata subramosa, corpusculis terminalibus oblongis muticis.

**Trembl. act. angl. vol. 43. p. 179. Polypi biper-tientis altera species paulo minor.*

Ræf. inf. III. polyp. p. 613. tab. 99. Pseudopo-lypus berberiformis.

Linn. syst. X. sp. 10. Hydra bérberina.

DESCRIP T I O.

Stirps rigida, subramosa, versus extremitates ramorum crassescens. *Corpuscula* oblonga, nucleo albido prædita, osculoque leviter excavato, inermi. Multiplicatur per corpuscula decidua, relinquentia ramos rigidos truncatos.

Locus: Aquæ Europææ.

*61. BRACHIONUS DIGITALIS.

BRACHIONUS vegetans, stirpe umbellata, corpusculis oblongo-truncatis, longitudinaliter unisulcatis.

Ræsel. inf. III. polyp. p. 607. tab. 98. f. 4. Pseudopolypus corniculum chartaceum referens.
Linn. Syst. X. sp. 11. Hydra digitalis.

DESCRIP T I O.

Stirps brevicula, e trunco crassiusculo in plurimos simul fissa ramulos. *Corpuscula* terminalia, oblongo cylindrica, altero latere unisulcata, extremo truncata, mutica: disculo oris reniformi, obliquato.

Locus: Stagna Europæa.

*62. BRACHIONUS OPERCULATUS.

BRACHIONUS vegetans, stirpe articulata ramosissima, corpusculis ovalibus, pistillo ciliato operculatis.

*Ba-

**Baker. microgr. p. 351. tab. 13. f. 13, 14.*

Røsel. inf. III. polyp. p. 609. tab. 98. f. 5, 6.

Pseudopolypus operculatus.

Linn. syst. X. sp. 8. Hydra opercularia.

D E S C R I P T I O.

Stirps brevicula ramosissima, ad axillas sub-nodosa & articulata. *Corpuscula* terminalia oblonga, ore marginato; ex quo emergit pistillum terminatum disculo undique ciliato. Pistilli filum versus disculi marginem insertum; non in centro.

Locus: Aquæ stagnantes Europææ.

*63. BRACHIONUS TUBEROSUS.

BRACHIONUS vegetans, stirpe dichotoma, corpusculis turbinatis, bi-vel trituberculatis.

Baker. microgr. p. 350. tab. 13. f. 10—12.

D E S C R I P T I O.

Stirps rigida, dichotoma. *Corpuscula* terminalia obconica, supra vel didyma vel trituberculata; tuberculis convexis radiatis.

Locus: Stagna Angliæ.



VI. SERTULARIA (a).

DEFINITIO.

A N I M A L vegetans, plantæ habitu:

Stirps tubulosa, cornea, calyculis ob-
sita, emittentibus

Medullæ animalis continuos, *flosculos*
polypiformes.

Ovaria, vesiculæ singulares, polypos
majores germiniferos continentes.

Sertula-
ria quid? **S E R T U L A R I A** olim, cum plerisque sequen-
tium generum, ob habitum plantarum æmu-
lum, vegetabilibus annumeratæ, autoribus sub
muscorum fere marinorum nomine veniebant;
donec hanc totam turbam recentiorum observa-
tiones ad animalia traduxerunt. Primus *Læflingius*
in unica Sertulariæ specie animalem medullam
curiose atque accurate descriptis. Cel. *ELLISIUS*
deinde earum naturam fusius prosecutus est.

Ex observationibus nunc satis constat, **S E R -**
T U L A R I A esse quasi *Hydræ* ramosam, *tubulo* cor-
neo inclusam, cuius poris coronatis seu *calyculis*
capita sua cirrhis instructa exserit; in singularibus-
que vesiculis, fere ad instar *Brachioni Anastaticæ*,
proferentem germina viva, decidua, novasque
stirpes animatas productura.

Ger-

(a) Sertulariarum nomen antea vagum, & ab *Imperato*
primum Corallinæ Opuntiæ impositum *Linnæus* huic generi
primus adpropriavit.

Germina s. ovula *Sertulariæ* ubi corporibus sub-
marinis adhæserunt, poris suis & ore credi-
bile est nutrimentum haurire, in tubulum poly-
piferum, calyculis denticulatum succrescere, po-
lypis efflorescere & demum secundum præscrip-
tam suæ speciei legem, ceu Plantæ, certa metho-
do in ramos spargi.

Pleræque *Sertulariæ* sic simplici tubulo cor-
neo, sublineari, inferne plerumque attenuatori
constant, qui tubulum vermicularem, supra cor-
pora marina reptantem pro radice quasi habet.
Hæc radicula procurrens passim novos exserit
surculos, adeoque *Sertulariam* stolonibus quasi
multiplicat, sylvulasque efficit. Observatur hæc
multiplicatio constans & naturalis quasi, in *S.*
pluma, *pumila*, *rugosa*; fortuita vero in *S. abie-*
tina, *setacea*, *cupressina* aliisque. Ex his *S. cu-*
pressina id habet singulare, quod in loco, ubi stirps
antiquior radiculæ insidet, exiguum discum cor-
neum, adglutinatum, baseos Gorgoniarum æ-
mulum, similemque expansioni qua Mytulorum
anchoragines adhærescunt, generet. *S. longissi-*
ma vero radiatim tubulos seu radiculas supra ma-
rina corpora spargit, quarum passim quædam
elongatæ stolonibus sobolescunt.

Aliæ deinde *Sertulariæ* ex ima s. antiquiori stir-
pis parte capillares tubulos demittunt, qui laxius *Tophi ra-*
parte capillares tubulos demittunt, qui laxius *dicales*;
stirpem, radicularum vice, attexunt; exemplum in
S. falcata exstat. In aliis copiosiores hi tubuli
varie implexi sunt, velut in *S. polyzonia* s. *ericoi-*
de proceriori, *hypnoide*, *myriophyllo*. Quibusdam
tandem capillares, tenuissimi, copiosissimique,
in tophum implexi, basin quasi præbent, cui
surculi attenuata extremitate inserti vel infixi vi-
dentur, qui que augetur & novas stirpes generat:
evenit hoc imprimis in *S. antennina*, quæ & illud
habet

habet singulare, quod radicantes tubulos non sparsim, sed, uti ramulos polypiferos, verticillatim emittat. Subsimilem tophum radiculis implexis efficit *S. myriophyllum*. Maximis vero tubulis, ipsaque stirpe amplioribus & substantia coloreque diversissimis, simul copiosissimis radicatur *S. nigra*.

Stirps;

Et hæ omnes simplicem tubulum medulla animali refertum sistunt, calyculis polypiferis seu poris vel *distiche* alternis, rarius oppositis, vel *secundis* alterove tantum latere dispositis, instructum; & vel caulescentem, ramosque tenuiores exserentem, vel tantum subdivisum, imo simpliciter elongatum, paucosque vel & unicum modo calyculum polypiferum sustinentem. In *caulescentibus* Sertulariis tubulus principalior, adolescentem stirpe, crassior rigidiorque fit, calyculis polypiferis obsolescentibus; v. gr. *S. cupressina*, *Thuja*. Sertulariæ unico latere calyculatæ omnes, caulescunt naturaliter. — Quæ non caulescunt, tubulum principaliorum ramis similem & calyculis suis, ab imo ad summum, æque instructum exhibent.

Calyculi; *Calyculi* polypiferi, figuræ multifariæ, sæpe elegantissimæ, ubi distichi, tubulo Sertulariam constituenti subcontinui, ejus quasi serraturas efficiunt; in secunde denticulatis Sertulariis vero plerisque appositos tubulo calyculos quasi dimidiatos aptius referunt. In aliis subpedunculati observantur; ut in *S. rugosa*, *uva*, & structura affinibus *S. longissima*, *gelatinosa*, *geniculata*, *uniflora*, *unicapsulari*. Singulari maxime modo in *S. lendigera* disponuntur. *Calyculos* mihi dictos Cel. *Ellisius* & *Linnæus* denticulos minus proprie vocarunt.

Sertul.

scruposæ
Raji.

Prorsus diversa ab his structura videtur Sertularia-

lariarum, quæ ex congerie tubulorum capillarium exsurgunt, quarumque scapus ex collectis veluti compactisque hisce tubulis factus est & attenuatus in ramos, quasi secedentes tubulorum fasciculos, diffinditur. Hæ natura propius ad Gorgonias accedunt, eo tamen pariter diversæ, quod mollem animalem substantiam non in cortice, quo destituuntur, sed intra tubulos, e quibus coalescunt, ad morem reliquarum Sertularum habeant. Talem imprimis videmus *S. gelatinosam*, *verticillatam* s. *hippuroidem* Ellisii, *sericeam*, *balecinam* & *fruticantem*. Harum vegetandi modus obscurior est. Forte plantarum modo, non tantum in longitudinem, sed & in crassitatem, substantia, & tubulis crescunt. Novis a basi quasi *affluentibus tubulis* eas *augeri*, observationi & analogiæ repugnat. Extremi earum apices, ob teneritudinem forte tantum, simplici tubulo constare videntur, & solidescente postea substantia scruposum habitum induunt, lignique instar fibrosi apparent; affluentium enim, secundum hypothesisin, a radice tubulorum progressum versus apices facile observaremus.

Tubuli, qui harum Sertulariarum substantiam constituunt, conglutinati quasi sunt intermedia substantia, quæ largior inter laxiores tenerioresque tubulos, & gelatinosa est in *S. gelatinosa*, & *sericea*; densius compacti, consolidescentes, & rigidiores tubuli *S. balecinam* constituunt. In *S. fruticante* & *pinnularia* vero collecti baseos tubuli in ipsa stirpe in lignum subnigrum, nisi duritie, corticis arborum vel suberis æmulum, solidiusculum transeunt, extus tantum substriatum. Ad has proxime natura accedere videtur *S. filicina*.

Pleræque *Sertulariæ* corneæ sunt indolis & consistentiæ, colore subgryfeæ. Harum nonnullæ ^{*Sertul.*} _{*rigi-*} ^{*Substan-*} _{*tia.*}

rigidiores, ut *S. Thuja*, *Myriophyllum*, atque, adul-tæ, subnigræ truncis suis fiunt, uti eædem atque *S. cupressina*, *setacea*. Tota, antiquior, ex obscure grysea, qualis junior fuerat, fit nigra *S. longissima*. Naturalis est color niger tubulis *S. nigræ*, qui præterea ex tenera, siccatione fragili mem-brana facti videntur. Aliquæ magis ad coria-ceam naturam accedunt, pallidæque sunt, ut *S. filicina*, *myriophyllum*. Imo fere gelatinosæ al-bidæque sunt *S. gelatinosa*, *geniculata*, *trichoides*.

Sertul. *Divisuræ* Sertulariis solemniores pinnata est, at-
divisura. que dichotoma. Priorem pleræque affectant, parcius observatur altera. Ex caulescentibus ali-quæ singulares sunt; sic verticillata *S. antennina*, ramulis dichotomis paniculatæ *S. Thuja*, *cupressi-na*. Aliquæ sparsim alterneque ramosæ obser-vantur.

Medulla animalis. Sic constitutæ *Sertulariæ* sunt quasi skeleton ani-malis. Ut in Insectis nempe, intra corneas va-ginas, ossium succedanea, continentur hic par-tes molles. Medulla in tubis Sertulariarum præ-sens; per totam stirpem continua, aspectu homo-genea, evidenter viva, per calyculos seu poros coronatos supra commemoratos capitula sua ex-serit, cirrhis tenellis stellata & *Hydras aqua-rum* dulcium figura referentia. Hæc capitula in recenti Sertularia, utcunque turbata, contra-huntur inque calyculos sese recipiunt, vel in uni-verso simul ramo, imo stirpe, vel singula pro-pria voluntate. Torpidius tamen in plerisque speciebus motus vitalis exseritur, quam in *Hy-dris* aut *Tubulariis*.

Sertul. *ovaria.* *Sertulariæ* vix non omnes, verno imprimis tempore, vesiculos peculiares, a calyculis polypi-floris in omnibus (excepta *S. rugosa*) diversissi-mas, proferunt. Hæc Sertulariis propria orga-na

na esse , priva in qualibet specie atque constans structura , continuitas externæ earum membranæ cum corneo tubulo , & contentorum cum interna Sertulariæ medulla , extra dubium ponunt. In aliquibus Sertulariis hæ vesiculæ polypum majorem , molecularum glomere prægnantem contine-re visæ sunt , easque moleculas maturas polypi utero expelli & deciduas fieri observatum. Unde has pro ovulis , vesiculosque pro fructificatione s. *ovariis* Sertulariarum habendas esse satis constat ; quod & mira propagatio *Brachioni Anafstaticæ* confirmat.

Ovaria hæc (s. pericarpia quasi) ore vulgo angustiori hiant , in paucis speciebus amplio patent orificio ; operculata fere in omnibus sunt. Et quanquam in quibusdam nondum observata fuerint , omnibus tamen certo forte anni tempore excrescere vero persimile est. In minutis , junioribusque sæpe stirpibus copiosa obseruantur. Cumque adultioribus sæpe deesse reperiantur ; credibile est , ea , effusis ovulis , decidua fieri , & nova alibi renasci.

Situ æque ac figura differunt. In quibusdam speciebus per ramos indiscriminatim , inter calycolorum duplicem seriem , ab altero latere crebræ enascuntur. In aliis certis tantum locis , e. gr. e dichotomia ramorum , ex alis ramorum , prodeunt. In aliis tandem , caulescentium e numero , stirpis rhachi s. trunco tantum insident.

Sertulariarum summam cum plantis affinitatem , præter habitum , fructificationemque , sequentes porro illustrant observationes : *Sertul.*
vegeta-
tio.

1. Sertulariam apice in tubulum simplicem , medulla repletum elongari , ex eoque gemmulas protrudere , quæ in solitos calyculos , polypiformes flosculos continentes efflorescunt , *Læflingii* & *Basteri* nupera observata docuerunt.

2. In

2. In quibusdam Sertulariis non caulescentibus, extrema ramulorum in tubulos vermiculares, calyculis destitutos, obviis corporibus fere adfigentes, quasi radicantes degenerant. Observatur hocce phænomenon in *S. abietina*, *lichenastro*, *articulata*, *rosea*. Simile in Fucorum quibusdam speciebus, e. gr. *F. cartilagineo* & confervoideis omnibus accidit.

3. Cum ramuli & calyculi in Sertulariis semper sursum assurgant; tubuli contra radicantes, quos ex ima stirpe demittunt plurimæ, semper deorsum tendunt: uti & radices plantarum, etiamvis extra terram vel aquam e caule vel bulbo ortæ, semper deorsum dirigi solent. —

*Sertul. parasiti-
cæ.* Singulare est Sertularias aliquas in certis Fucis crescere præamare. Sic *S. Plumam* in nostro mari solum Fucum siliquosum, in Indiis Fucum versicolorem (*Seba thes. III. tab. 103.*) in Oceano Fucum Sargasso, & vix alios infestare, & in diversis diversum habitum induere videmus. *S. pumila* imprimis Fucos nodosum & vesiculosum, minusque ferratum amat; *S. geniculata* siliquosum & serratum præfert. An circa hos Fucos, & ex ipsis forte Fucis alimentum habent?

*Species Linnæa-
næ.* Species Sertulariarum, exceptis solis asterisco notatis, ex propria supellestile descripti, plurimasque nostri maris incolas vivas examinavi. *Linnæi*, qui specifica sua nomina ex *Ellisii* figuris adornavit, passim hallucinationes correxi, & multiplicatas species ad sua capita reduxi. In Sertulariarum denominationibus *Linnæus* passim calyculos, quos ipse *denticulos* in genere vocat, pro ovariis, *calyces* ipsi dictis, introduxit; v. gr. in specie sua 14^{ma}. In 17^{ma}, quæ *S. antennina* est, ramulos annulatim dispositos, fetaceos, in quibus calyculi polypiflori digesti, *denticulos* vo-

cavit. In 19^{na}. specie, S. nostra *uniflora* fragmentum S. *falcata* ab Ellisio depictum, cui circumvoluta adhæret *uniflora*, cum eadem confundit, & nomen ex utriusque charactere composuit. Speciem suam 29^{nam}. ex iconе S. *Plumæ* ab *Ellisio* in tabula accessoria repetito condidit & parasiticas Hydras ramulo, quem *Ellisius* delineari curavit, casu adhærentes, pro novæ suæ speciei ovariis nominavit. Vigesima octava quoque *Linnæi* species repetitæ in tabula *Ellisi* accessoria iconi Sertulariæ pinnatæ *Linn.* debetur. Idem de sp. 34. *Linnæi* notandum, quæ S. *polyzoniae* (*syst. X. sp. 27.*) repetitio est. Plurima leviora transeo. Nec de *Brachiono ramosissimo* sub Sertulariæ polypinæ nomine huic generi adacto, dicam; quod tamen minus etiam durum est quam *Brachioni anastaticæ* ad Lithophyta, *Isides* nempe, translatio. Adeo vastum est SYSTEMA NATURÆ condendi ab Ill. Viro susceptum munus, ut hallucinationes gravissimas quasque condonare debeas, maximam partem inde natas, quod ex iconibus & traditis aliorum methodum & species completere debuerit.

64. SERTULARIA HALECINA.

SERTULARIA scruposa ramoso-pinnata, ramulis alternis, calyculis tubuliformibus, ovariis sparsis oblongis.

Raj. syn. p. 36. n. 15. Corallina scruposa pentnata, caulinis crassiusculis rigidis.

**Seb. thes. III. tab. 100. n. 16.*

Edward. av. tab. 286.

Ellis cor. p. 17. n. 15. tab. 10. Nom. Raji.

Linn. syst. X. sp. 10. *Faun. su. II.* 2242. *Sertularia halecina.*

Angl. *Herringbone Coralline* (*Ellis.*)

DESCRIPTIO.

Radiculae in testaceis variis reptantes, radiatim a surculis ortæ. *Surculi* erecti, ad summum quinquepollicares, modo ramoso-pinnati, modo subbipinnati, adtenuati, truncum antiquioresque ramos a decurrentibus tubulis scruposi seu fibrosi, rudesque aspectu. *Ramuli* tenuiores e simpli- ci tubulo adtenuato facti, aspersi denticulis rauisculis, alternis; quibus *calyculi* polypiferi, tubulosi, biarticulati insident. — *Ovaria* in ramis sparsa, erecta, oblonga; ore coarctato, non in axi, sed lateraliter terminali, axilla ori opposita gibba. — *Tubuli* capillares a trunco demissi atque, ubi plures congesti surculi, in tophum contexti sunt, uti in *S. Myriophyllo*. *Color* stirpis gryseo-lutescens; *Substantia* cornea, mollior, siccatione fragilis. — *Polypos* *Ellisi* ob- servavit.

Locus: Mare Europæum, Atlanticum (*Ed- ward*), Mediterraneum, Indicum.

65. SERTULARIA SERICEA.

SERTULARIA scruposa gelatinosa ra- mosa, ramulisque creberrimis teneris dichotomis hirsuta.

Ellis

Ellis cor. p. 20 n. 17. tab. 11. f. a A. Corallina confervoides gelatinosa alba, geniculis crassiusculis pellucidis *Raji*; (perperam.)

Linn. syst. X. sp. 25. Sertularia spinosa.
Angl. Silk Coralline. (Ellis.)

D E S C R I P T I O.

In octo saepe pollicum longitudinem ex crescitur. Plerumque vero dimidio minor observari solet. *Tubulis* capillaribus supra corpora marina radicatur. *Stirps* e creberrimis capillamentis implexis, gryseis facta, adeoque fibrosa, adtenuata, in ramos subdivisa. *Rami* longi, alterni, subflexuosi, ubique creberrime (ad singulam flexuram) aspersi *ramulis* capillo multo tenuioribus dichotomis, alternis. *Calyculi* sparsi, subsecundi visi. — Recens stirps gelatina pro carne gaudet, sordidine coloris est; gelatina maceratione consumta & elota vero, remanent fasciculi fibrillarum gryseo flavescentium, seu skeleton stirpis. *Ovaria* ignota.

Locus: Mare Europaeum, Mediterraneum.

*66. SERTULARIA VERTICILLATA.

S E R T U L A R I A scruposa subramosa, calyculis campanulatis pedunculatis verticillatisque.

Ellis cor. p. 23. n. 20. tab. 13. fig. a A. Corallina ramosa, ramis singulis equisetiformibus, in summis capillamentis contortis & ver-

ticillatim dispositis, vesiculas campaniformes gerens.

Linn. syst. X. sp. 18. Sertularia verticillata.
Angl. *Horse-tail Coralline.* (Ellis.)

DESCRIP T I O.

Stirps plurium pollicum, adtenuata, ex tubulis unitis composita, subramosa; *Rami* pauci, alterni. *Calyculi* campaniformes, limbo crenulati, insidentes tubulo s. pedunculo longissimo, contorto; verticillatimque, quini pluresve, justis intervallis, per stirpem dispositi. *Ovaria* ignota. — (Ex *Ellisio.*)

Locus: Mare Cumbriam alluens.

67. SERTULARIA GELATINOSA.

SERTULARIA scruposo-gelatinosa ramosissima, ramis decompositis divaricatis sparvis, calyculis campanulatis.

Raj. syn. p. 34. n. 7. Corallina confervoides, gelatinosa alba, geniculis crassiusculis, pellucidis.

DESCRIP T I O.

Singulari affinitate *S. geniculatae* juncta species, in mari Belgium alluente non infrequens. — E cespite tubulis capillaribus contexto, testacea aliqua incrustante, surculi crebri assurgunt, adtenuati, in semipedalem interdum longitudinem; crassi,

crassi, gelatinosi, extus læves, intus fibrosi, ex plurimisque tubulis facti, cum medulla opaca; ad ramos subnodosi. *Rami* majores plurimi, alternatim bini (furcæ in modum) fere ex eodem puncto orti, circa truncum sparsi; inferiores saepe longissimi, plerumque tamen ita sursum deminuti, ut adtenuatam comam constituant. Hi majores rami a trunco ad rectum ferme angulum divaricati, alterne ramosi: *Ramulis* pariter saepe binatis, subdivisis, alternatim ramosissimis, ad divisuras annulosis, ad calyculos adtenuatis. *Calyculi* polypiferi terminales, perfecte campanulati, (uti *Ellis cor. tab. 12. fig. C.*) margine eleganter crenati, tenerimi, oblongiores quam in *S. uniflora*. — Sic extremi ramuli referunt *S. geniculata*, sed ramosam atque subdivisam & calyculorum pedunculis elongationibus. — Tota stirpis substantia gelatinosa est, ubi recens, duplexque: constans e cortice pellucide albo & medulla in trunco crassa, gryseo fusca, in ramis sensim pellucidiore, inque extremis ramulis fili albidi instar spectabilissima, in polypos (gemmascentes) terminata.

Locus: Mare Belgium alluens.

N O T A.

Raji synonymum in hanc Sertulariam egregie quadrat, ab *Ellisio* minus apte *S. sericeæ* adpropriatum.

68. SERTULARIA GENICULATA.

SERTULARIA subsimplex geniculata mollis, calyculis alternis subturbanatis, ovariis axillaribus ovato-truncatis.

Læfl. act. holm. germ. 1752. p. 121. tab. 31. f. 5-10. Madrepora plantæformis mollis, caule flexuoso, ramulis alternis turbinatis.

Ellis cor. p. 22. n. 19 tab. 12. fig. b B & C. Corallina minor repens, caule nodoſo articulato & vesiculis instructo.

Linn. syst. X. sp. 23. Faun. su. II. 2249. Serularia geniculata.

Angl. Knotted thread Coralline. (Ellis.)

DESCRIPTIO.

Radiculæ per Fucos longitudinaliter reptantes, crebro stoloniferæ. Stirpes semipollicares (ad summum ¾ !!) plerumque simplicissimæ, raro ramulum hinc inde exserentes, filiformes; molliusculæ & velut gelatinosæ, flexuosæ, ad flexuras annulæ seu contortæ. Calyculi ad singulas flexuras exserti, alterni, erectiusculi, campanulati, pedunculo cauli continuo, itidemque contorto insidentes. — Ovaria ex alis calycolorum (stipulae loco pedunculo contorto relicto) decidentium singula, pedunculata, ovata, supra truncata, oreque coarctato, marginato prominentia; ut urnulam æmulentur. (Ellis tab. 12. fig. B.)

Locus: Oceanus Europæus, ubi in *Fuco siliquoſo & ferrato* inque *Eschara foliacea* abundat.

NOTÆ.

Interdum pollicari major & ramosior solito observatur, ad *S. gelatinosam* proprius accedens.

Egregius LOEFLING primus in hac specie dum in marino itinere ipsi in *Fuco vesiculoso, ferrato, siliquoſo*que & in *Zostera* frequenter occur-

curreret, medullam animalem, calyculis polypos exserentem observavit, eandemque l. c. fuse descripsit & delineavit egregie. — Vitam torpidissimam habere polypos dicit, ut acu tacti vix sensibilitatis dent signa; aqua exemta stirpe vero intra calyculos retrahi, & lente denuo prodire in aquam reposita. Ex apice stirpis s. e latere ultimi calyculi, velut gemmam ovato oblongam pullulare vidit, quæ deinde aperitur in campanulatum calyculum, efflorescente polypo. — Exsertum animal exhibit medio papillam, magis minusve prominulam, orificio impresso instruetam, tentaculis radiatam circiter viginti, subreflexis, adtenuatis & granulosis. Medullam intra pellucidum tubulum opaciorem subinde tremiscere sibi visus est videre. Capita non simul omnia, uno pereunte, intereunt, sed saepe in uno alterove calyculo polypus desicere observatur.

Linnæus perperam a *Læflingio* descriptam Sertulariam, cum iconे ramuli *S. polyzonæ*, ab *Ellilio* in tabula accessoria (*tab. 38.*) exhibita, confudit, novamque sic condidit speciem, quam *S. flexuosam* appellavit. — Naturalissimum statum, qua hanc Sertulariam recentem semper observavi, egregie *Læflingiana*, & proxime *Ellisi* icon C. exhibent.

69. SERTULARIA LONGISSIMA.

SERTULARIA longa, alterne ramosa, ramis subdivisis, calyculis terminalibus campanulatis, ovariis axillaribus.

Ellis cor. p. 21. n. 18. tab. 12. fig. a A. Coralina procumbens, caule corneo, longo, filiformi, articulato; vesiculis, in ramorum axillaris, pedunculis contortis insidentibus.

Linn. syst. X. sp. 24. Sertularia dichotoma.
Angl. *Sea thread Coralline.* (Ellis.)

D E S C R I P T I O.

Radiculæ radiatæ, passim elongatæ & stoloni-genæ. Stirps sæpe in pedalem longitudinem excrescit; estque tubulus filiformis, corneus, ramos alternos, solitarios exserens, inter ramos subflexuosus, supraque singulum ramum annulosus. *Rami* pariter alternatim ramosi seu subdichotomi, ut in tota planta *dichotomia quasi elongata* obtineat, divisurarum alterna majore & productiore. *Rami* quoque supra singulas divisuras teneriter annulosi, ad calyculos adtenuatores. *Calyculi* terminales, qualem *S. geniculata*, cui valde affinis hæc est, continent. *Ovaria* *Ellisi* posterioribus curis descriptis: *axillaria*, *sessilia*, *ovata*; ore contractiore, glomum ovulorum funiculo quasi umbilicali adpensum continentia, qui maturus expellatur. — *Substantia* stirpis junioris, extre-morumque maxime ramulorum cum calyculis albida, mollis, tenera; adultioris, per truncum & principaliores ramos, testacea, versus ramos sensim dilutior & tenerior; tandemque antiquæ & mortuæ atra corneaque, superstitibus tantum ramis principalioribus, (ut *Ellis* tab. 12. a A.)

Locus: Oceanus Europæus.

N O T A.

Nullibi copiosior est hæc species, quam in Mari Belgium alluente; ab æstu enim maximi ejus (præsertim antiquæ & nigræ) convoluti & contexti glomeres egeruntur. Vere maxime viget. *Ovaria* tum quoque observavi. Tellinæ vulgares belgicæ arenæ, ea extremitate qua ex fabulo prominent, hujus Sertulariæ sylvula frequenter obseßæ reperiuntur. In Echinis quoque & lignis crescit; & in tota Belgii ora abundantissimam esse constat. Autumno *Eschara pilosa* obducta crebro in littus egeritur; cuiusmodi maxima imprimis vis obser-vata est anno 1764.

Insignis affinitas est inter *Tubulariam rameam*, & *Sertularias longissimam*, (modo descriptam), *verticillatam*, *gelatinosam*, *geniculatam* & *unifloram*.

70. SERTULARIA UNIFLORA.

SERTULARIA calyculis solitariis campanulatis, pedunculis radicatis longissimis contortis.

Ellis cor. p. 24. n. 21. tab. 14. fig. a A. Corallina minima scandens, vesiculas campaniformes in summo caule linearī, contorto gerens.

*Baster. opusc. I. lib. 1. tab. 2. fig. 2 a, b, d; 3
& 4 c e; 7 a, b, c.*

Lin. syst. X. sp. 19. Sertularia volubilis.

Angl. Small climbing Coralline. (Ellis.)

DESCRIP TIO.

Tubuli in Sertulariis, Escharis, Fucis reptantes, vermiculares, paßim proferentes *pedunculos* longissimos, tubulosos, annulosos, terminatos *calyculo* magnitudine arenulæ, campaniformi, limbum eleganter crenato; in quo *polypus* veget. Interdum pedunculi subramosi fiunt & 2, 3, pluresve calyculos proferunt. Inde summa cum *S. geniculata* affinitas. In quibusdam visa forte *ovaria*, oblongæ vesiculæ, calyculis duplo fere majoris, truncato hiantis specie; pellucida, vacua, pedunculo infra calyculum longitudinaliter adnata & continua. — Substantia tenera, albida.

Locus: Mare Europæum, Oceanus Indicus, & Pelagi *Fucus natans*.

NOTÆ.

In Maris Europæi *Eschara foliacea*, Sertulariis *longissima*, *cupressina* aliisque, ut & *Fuco serrato*, *Eschara pilosa* obducto, hanc speciem crebro observavi. In *Fuco versicolore* Capitis bonæ Spei, simillima observatur, siccatione albissima. In Zeelandiæ frequenti *S. cupressina*, cum *S. volubili*, *acinaria* & *Eschara pilosa* promiscue & copiose crescit.

71. SERTULARIA VOLUBILIS.

SERTULARIA calyculis solitariis cylindricis, pedunculis calyculo brevioribus cortortis.

Ellis cor. p. 25. tab. 14. fig. b B.

D E.

DESCRIP TIO.

Pro radiculis in Sertulariis, testis aliisque confuse reptantes tubuli; e quibus passim pedunculi brevissimi, annulosi, terminati calyculis, quam in *S. uniflora* dimidio fere angustioribus, cylindricis, polypum linearem continentibus. Substantia flavescent & magis cornea; pedunculi e radiculis crebrios, quam in *S. uniflora*.

3. Nuper ex Oceano Cornubiam alluente, ubi hæc Sertularia in testaceis & Zoophytis omnibus abundat, accepi ramescentem eandem, seu vegetantem; dum tubuli plurimi proprii simul assurgententes efficiunt stirpes sponte erectas, sæpe sesqui pollicares, ramumque unum vel alterum exserentes, totas ab imo ad summum calyculis tubuliformibus, sine ordine, quaquaversum muricatae.

Locus: Oceani Europæi Sertulariæ.

72. SERTULARIA ACINARIA.

SERTULARIA reptans subramosa, calyculis terminalibus oblongis, ovariis vesicularibus.

*Ellis cor. p. 27. n. 25. tab. 15. fig. c C. Corallina minima repens, vesiculis ovatis, uvarum instar ramulis adhærentibus.

*Linn. syst. X. sp. 21. Sertularia uva.

Angl. Grape Coralline. (Ellis.)

DESCRIP T I O.

Ego sequentem habitum ab Ellisiana descrip-
tione & icone paulo diversum observavi. — *Tu-*
buli rugoso-flexuosissimi, ramosi, laxe circa Ser-
tularias scandunt, aspersique passim sunt vesiculis
pellucidis, globosis, nucleum album, opacum
continentibus, extremitatibus vero calyces sub-
campanulatos, polypiferos exhibent.

Locus: Zeelandia.]

73. SERTULARIA LENDIGERA.

SERTULARIA geniculata dichotoma
implexa, calyculis cylindricis ad geniculos
congestis parallelis.

Raji syn. p. 38. n. 3. *Fucoides lendigerum*, ca-
pillamentis cuscute instar implexis.

Ellis cor. p. 27. n. 24. tab. 15. fig. b B. Co-
rallina exigua, caule geniculato, scandens,
vesiculis ex unoquoque geniculo sic dispositis,
ut syringam panis referant.

Linn. syst. X. sp. 22. *Faun. su. II.* 2248. Ser-
tularia lendigera.

Angl. *Nit Coralline.* (Ellis.)

D A S C R I P T I O.

Radiculæ in Fucis aliisque marinis reptantes.
Stirps constat tubulo capillari, dichotomo, ra-
mosissimo, geniculato atque flexuoso. Ad quem-
vis geniculum & flexuram, & ad divisuras, ca-
lyculi

lyculi tubiformes plures congesti, una serie paralleli, conferti. *Ovaria* ignota.

Locus: Mare Europæum.

N O T A.

Implices hujus Sertulariæ glomeres in Belgicū littus interdum egerit mare. Plantulæ nunquam pollicem excedunt. In Sussexiæ littore supra *Fucos siliquosum* & *lumbricalem* frequentem hanc speciem observavi.

74. SERTULARIA CUSCUTA.

SERTULARIA repens geniculata, opposite ramosa, vesiculis axillaribus ovalibus,

Ellis cor. p. 28. n. 26. tab. 14. fig. c C. Coralina cuscutæ forma, minima, ramosa, repens, ramulis oppositis, vesiculis minutissimis ovatis confertis, geniculis ramorum insidentibus.

Linn. syst. X. sp. 20. Sertularia Cuscuta.
Angl. Dodderlike Coralline. (Ellis.)

D E S C R I P T I O.

Tubuli subarticulati, ad articulos opposite ramosi, subdivisi, circa Fucos laxe implexi. Vesiculae in axillis ramorum, ovales. Structura etiamnum obscura; & quo magis examino, eo magis *confervis* potius quam Sertulariis adnumeranda mihi videtur. *Ellisius* eam in *Fuco siliquoso* observavit.

Locus: Mare Anglicum.

75. SERTULARIA RUGOSA.

SERTULARIA furculis minutis racemosis, calyculis paucis ovatis rugosissimis; ovariis rugosis tridentatis.

Ellis cor. p. 26. n. 23. tab. 15. fig. a A. Coralina exigua repens, denticulis alternis, fructus medicæ cochleatæ æmulis.

Linn. syst. X. sp. 9. Sertularia rugosa.
Angl. Snail trefoil Coralline. (Ellis.)

DESCRIP T I O.

Tubuli vermiculares, ramosi, in *Eschara foliacea* reptantes, exserunt furculos breviculos, racemosos, seu sustinentes calyculos perpaucos, (quinos, fenos ad summum, interdum binos, imo solitarios) alternos, ovato inflatos, rugosissimos, ore clausili. Ovaria rara, calyculis duplo majora simillimaque, at ore tridentato, connivente diversa.

Locus: Maris Europæi *Eschara foliacea*.

N O T A E.

In copiosissima Belgicæ oræ *Eschara foliacea* non infrequenter observatur hæc species; nec præterea ulla in planta occurrere solet. Ellis quoque in eadem *Eschara* sese tantum obtulit.

76. SERTULARIA ERICOIDES.

SERTULARIA subramosa, calyculis alternis ovatis subdenticulatis, ovariis ovatis rugosis.

Raj. syn. p. 35. n. 13. Corallina minus ramosa, alterna vice denticulata, denticulis lineis transversis externe striatis.

Seb. thes. III. tab. 102. n. 4. & tab. 103. n. 6.

Ellis cor. p. 5. n. 3. tab. 2. fig. a A, b B. tab. 38. f. 1. Nomine Raji.

Linn. syst. X. sp. 27. Faun. su. II. 2250. Sertularia polyzonia.

— syst. X. sp. 34. Sertularia flexuosa.

DESCRIPPIO.

Radiculæ in testaceis, Fucis, aliisque marinis reptantes. Stirps (in Mari Germanico) pumila, simplex vel subramosa, tubulosa, subflexosa & subarticulata. Calyculi distiche alterni, (summis articulis singuli), ovati, apice truncati, ore obsolete tridentato. Ovaria sparsim ad calyculos prodeuntia, majuscula, ovata, rugosissima; zonis annulata, ore sublabiato.

Locus: Oceanus fere omnis.

NOTÆ.

In Maris Mediterranei testaceis paulo procerior

rior & ramosior observatur, truncumque a defluentibus tubulis scruposa.

Capite B. Spei allatam habeo, crassiorem & in fruticulos crebro ramosos, cupressiformes luxuriantem, obscure luteam; sic etiam interdum in *Fuco versicolore* occurrit.

Similem, sed crassitie etiam *S. abietinæ* præpollentem & ovariis insignibus præditam, pulmilam tamen, ex Corallio Indico decerpsti.

Elegantissimam omnium varietatem in Oceano ad Cornubiam & Americam non infrequentem servo, quæ in fruticulos tripollicares & ultra excrescit, truncum scroposos, subpinnate ramosos, coloris luteo grysei, crassitie fere *S. abietinæ*. Hujus speciminibus præterito anno acceptis admixtam passim inveni *S. halecinam*, & decurrentem per ramos *S. unifloram*, volubilemque.

Polypum hujus speciei olim in ostreis Maldonensis vivum observavi & ovaria quoque ovulis plena, prorsus uti *Ellisius* in tabula accessoria exhibuit.

Indicam meam & ultimam varietatem *Sebæ* indicatæ icones sistunt. — *Linnæi* *S. flexuosa* cum ejusdem *S. polyzonia* eadem est, citatæ enim ad utramque *Ellisi* figuræ ad unam omnino speciem pertinent, quam hic describo. Imo ipse quoque *Linnæus*, quam ad *S. flexuosam* citavit *Ellisi* iconem, etiam ad *polyzoniam* retulisse videtur, quanquam Typographi vitio tab. 28. pro 38. in Systemate Naturæ legatur.

*77. SERTULARIA TAMARISCA.

SERTULARIA sparse ramosa, calyculis oppositis tubulosis subdenticulatis, ovariis ovato bispinosis, ore tubuloso.

Ellis cor. p. 4. n. 1. tab. 1. f. a A. Corallina vesiculata, sparsim & alternatim ramosa, denticulis oppositis cylindricis, oribus crenatis partulis.

Linn. syst. X. sp. 4. Faun. su. II. 2240. Sertularia tamarisca.

Angl. *Sea tamarisk.* (Ellis.).

DESCRIP T I O.

Affinis *S. ericoidi* & *abietinæ*. Radices tubuli vermiculares in testaceis reptantes. Stirps subquadriplicaris, erecta, in ramos aliquot alternatim subdivisa. Calyculi oppositi, patentiusculi, tubulosi, ore obsolete tridentato. Ovaria o-vata, infra attenuata, supra truncata, spina untrinque axillari, & ore in medio tubuloso.

Locus: Maris Hybernici profunda.

?8. SERTULARIA NIGELLA STRUM.

SERTULARIA alterne ramosa, calyculis oppositis tubulosis, ovariis ovatis truncato sexspinosis.

Seb. thes. II. tab. 69. f. 6.

*Ellis cor. p. 8. n. 7. t. 4. f. a A; C. Corallina
pumila pennata, denticulis teneris, albis &
oppositis; vesiculis florem lilii vel mali puni-
cæ, se expandentem referentibus.*

Linn. ed X. sp. I. Sertularia rosacea.

DESCRIPTIO.

*Radiculæ in ostreis, mytulis, tubularia indivisa,
cet. laxius reptantes tubuli sunt. Surculi subpol-
licares, ramis alternis pinnati, rectiusculi, subar-
ticulati. Rami passim tubulis radicantibus, subar-
ticulatis terminantes. Calyculi oppositi, distan-
tes, tubulosi, arrectiusculi, oblique truncati. O-
varia sparsa, deorsum attenuata, truncata, su-
pra sexangulo-sexspinosa, spinis subulatis paten-
tiisculis; Nigellæ capsulas referentia. (Ellisius
polypos bene delineavit; sed ovariorum utraque
figura malâ est.)*

*Locus: Mare Europæum, Indicum & Pela-
gi Fucus natans.*

79. SERTULARIA PUMILA.

*SERTULARIA subsimplex articulata,
calyculis oppositis recurvulis submucrona-
tis, ovariis ovatis, ore marginato.*

*Raj. syn. p. 37. n. 19. Corallina pumila, repens,
minus ramosa, denticulis bijugis.*

*Reaum. act. gall. 1711. p. 298. tab. II. fig. 4 M. M.,
Seb. thes. III. tab. 100. fig. 1.*

Ellis

Ellis cor. p. 9. n. 8. tab. 5. fig. a A. Nomine
Raji.
Linn. syst. X. sp. 2. Faun. su. II. 2239. Sertula-
ria pumila.

D E S C R I P T I O.

Radiculæ in Fucis variis reptantes, adglutinatæ, vagæ, crebro sobolescentes. Surculi plerumque alterne subramosi, subsemipollicares; ad medium rhachin submoniliformem, utrinque ferrati calyculis oppositis, recurvulis, oblique truncatis & submucronatis. Ovaria crebra, passim inter calyculos orta, ovato-subpedunculata, ore coarctato marginatoque. Polypum Harvici observavi; ovariumque ovis plenissimum. Descripsit & Ellisius.

Locus: Fuci marini varii.

N O T . A.

Reaumurius huic Sertulariæ nomen, quod *Morisonus* sequenti speciei indiderat, adpropriavit; & plantam esse credens, ovaria pro capsulis seminalibus describit, interdumque operculata repeiri docet.

In Harvicensi fucoso littore observavi hanc speciem in *Fucis* imprimis *vesiculoso*, *ferrato* & *nodoso*, frequentissimam & luxuriantem. In Sussexiæ littore rarius, in *Fuco lumbricali* & *ceranoide*. In *Fuco natante* Pelagi, mollis observatur & exigua. In *Fuco vermiculare* Capensi nostrati persimilis, ast minuta invènitur hæc Sertularia, ovarisque prædicta multo majoribus & globosioribus, atque calyculis tenuius & acutius mucronatis; varietas forte.

80. SERTULARIA USNEOIDES.

SERTULARIA dichotoma, calyculis oppositis bidentatis erectiusculis, ovariiis ovatis, operculatisque.

Raj. hist. III. p. 79. Muscus marinus denticulatus procumbens, denticulis bijugis.

— syn. p. 36. n. 13. Nom. infra Plukneti.

Bocc. mus. ital. tab. 6. f. 8.

Moris. hist. III. p. 650. sect. 15. tab. 9. n. 2, 3!

Muscus marinus lendiginosus minimus, arenacei coloris & M. marinus procumbens, caule tenuissimo, denticellis bijugis.

Pluknet. Almag. p. 119. Phytopogr. tab. 47. f. 11.

Corallina muscosa denticulata procumbens, caule tenuissimo, denticellis ex adverso sitis.

Tournef. inst. p. 570. Nom. Plukneti.

Seb. thes. III. t. 102. n. 3!

Ellis cor. p. 8. n. 6. tab. 3. f. b B. Nom. Plukneti;

Linn. syst. X. sp. 3. Sertularia operculata.

Angl. Sea-bair. (Ellis).

D E S C R I P T I O.

Radices supra testacea & S. sæpe antenninam, rarius in Fucis reptantes, pañim soboliferæ. Surculi tenuissimi, filiformes, ad summum quinquepollicares, multoties ramosi, subflexuosi: ramulis alternis, vel subdichotomi divisura alterutra tantum ulterius subdivisa. Dividuntur autem rami inter par calyculorum, ita ut eorundem directionem decussent, suisque calyculis in diversum, ab inferioris proximæ portionis calyculis, latus spectent. Calyculi tubulosi oppositi, remoti.

tiuseuli, arrecti, ore oblique truncato, ligula setacea mucronato, interius denticulo setaceo suberecto mucroni opposito. *Ovaria* passim, saepe in ramorum divisuris, majuscula, ovato oblonga, imo attenuata; ore submarginato operculatoque.

Locus: M. Europaeum, Americanum, Mediterraneanum.

81. SERTULARIA ABIETINA.

SERTULARIA pinnata, pinnis alternis, calyculis suboppositis, ovato tubulosis, ovariis oblongis.

Imperat. ital. p. 652. *Pennaria marina.*

C. Baub. pin. 365. *Abieti similis maritima.*

Parkins. theatr. 1301. *Abies marina.*

Clus. bist. 35. *Abies marina belgica.*

J. Baub. bist. III. p. 799. *Musci marini genus foliis pinnatis.*

Lobel. icon. II. 250. *Muscus coralloides albus alter.*

Ger. emac. 1574. Nom. Clusii.

Raj. syn. p. 35. (*Tournef. inst.* p. 571.) *Corallina marina abietis forma.*

Pluknet. almag. p. 119. *Phytogr.* t. 48. f. 5. (*Raj. bist.* I. p. 78.) *Corallinæ affinis abies marina dicta s. Muscus marinus major, argute denticulatus.*

Moris. bist. III. sect. 15. tab. 9. p. 653. *Muscus marinus filicis folio C. B. (fig. bona.)*

Royen. prodr. p. 524. n. 7. *Sertularia ramosissima, articulis membranaceis, ovatis, alternatis ex sinu alterius enascentibus.*

- Marfil. hist. mar. p. 76. t. 17. n. 59. Muscus Phyllitidi similis.*
Ellis cor. p. 4. n. 2. tab. I. f. b B! Nom. Tournefortii.
Baster. opusc. II. tab. 7. f. 2, 3.
Linn. syst. X. sp. 5. Faun. su. II. 2241. Sertularia abietina.
 Angl. *Sea-fir* (Ellis.)

DESCRIPTION.

Radices sunt tubi in testaceis lapillisque reptantes, passim sobolescentes. *Surculi* cornei, lutescentes, ad summum quinque pollicares, imo tenuiores, plerumque simplices vel extremo bifidi ramosive, constanter pinnati: *ramulis* alternis inter trunci calyculos oriundis, linearibus, ancipiis ferrulatis, interdum ramosis, pinnatisque, rarius in tubulum *radicantem* terminatis. *Calyculi* approximate alterni, sessiles, imo ampliores, in os tubulosum, obliquum coarctati, integri. *Ovaria* inter calyculos unius lateris secunda, subpellucida, ovali oblonga, calyculis vix duplo majora. *Surculorum* truncus, imo obscurius lutescit, denticulisque obsolescit; rami flavo cornei. E crassioribus Sertulariis hæc est.

.
 β. Hujus varietatem in Littore Eboracensi collectam debo *Clariss. Guil. Hudson, Reg. Soc. Lond. Socio.* Ea vulgari abietina dimidio *tenuior*, sed pinnis primordialis tubuli elongatis, & sine lege decomposito pinnatis, ramosissima est, sparsissima, & ob extrema pinnarum crebro *radicantia*, intricata. *Tubuli* principiores ramulis vix crassiores. *Calyculi* structura vulgari simillimi. *Ovaria* non vidi. — Nihilosecius in littore Eboracensi, vulgaris seu major quoque varietas abunde |

de reperitur, unde non a loco solum ortam esse minorem, patet.

Locus: M. Europæum, Mediterraneum, & forte Indicum.

N O T A.

Anno 1761. in Belgii littore copiosissimam legi. Serpula spirorbis, Escharæ, Cellularia eburnea, & S. volubilis ei crebro adhærent; neque infrequens Pentelasmis novempartita five Scalpellum Ellisii.

Animal in hac specie nondum observatum.

82. SERTULARIA NIGRA.

SERTULARIA pinnata nigricans, calyculis suboppositis minutis, ovariis magnis secundis, ovato quadrangulis.

D E S C R I P T I O.

Radices sunt tubi intestinuliformes, lutescentes, implexi, usque ad pinnarum originem assurgententes. *Stirps* ad summum quadripollicaris, *simplex*, pennata, sublanceolata, testaceo nigra & tenuior molliorque quam tubuli radicantes. *Rhachis* stirpis est tubulus crassitie fere calamii avenacei, compressus, e planiusculis lateribus, & ipsis denticulatis, pinnas proferens. *Pinnæ* s. ramuli teretiusculi, depresso, lineares, saepe longissimi, tenuiter a scapo oriuntur, bifariam ferrulati denticulis, uti ipse

quoque scapus s. rhachis. *Denticuli* (sic potius in hac specie vocandi) subtubulosi, exigui, simplices. *Ovaria* ab altero stirpis latere in ramulis crebra, secunda, parallela, versus rami extremitatem sensim minora, membranacea, stirpi concoloria, obovato subquadrangula, clausa.

Locus: Oceanus Indicus vel Americanus, unde in Mytulis margaritiferis crescentia quas in plurimis Belgii Museis vidi, & ipse quoque habeo, specimina allata fuisse credibile est; ad Promontorium Lacertæ, Cornubiæ, quoque reperitur.

83. SERTULARIA PINNATA.

SERTULARIA pinnata fuscescens, calyculis suboppositis tubulosis, ovariis crebris secundis minutis trituberculatis.

**Baster. opusc. I. l. 1. tab. 1. f. 6.*

DESCRIPTIO.

Radiculæ sunt tubuli fusci implexi. *Surculi* plures, pennati, tenuiores quam *S. nigrae* sed ejusdem fere magnitudinis; plerumque simplices, interdum ramum unum alterumve, item pinnatum exserentes. *Calyculi* s. potius denticuli, per rhachim & pinnulas sparsi, oppositi, tenuiter tubulosi, in alterum stirpis latus vergentes, quod non in *S. nigra*. Ab eodem latere *Ovaria* in pinnis plerisque mediis crebra, in seriem conferta, minuta, obverse conica, supra trituberculata, & inter tuber-

bercula osculo instructa. Substantia similis S. nigrae; sed gryseo fusca. Affinitas summa.

Locus: Oceanus ad Prom. Lacertæ, Cornubiæ.

84. SERTULARIA ARTICULATA.

SERTULARIA articulata pinnata, calyculis adpressis, ovariis secundis ovatis operculatisque, majusculis.

Ellis cor. p. II. n. 10. tab. 6. f. a A! Corallina erecta pennata, denticulis alternis cauli adpressis, Lonchitidis vel Polypodii facie.

Angl. Sea-Spleenwort. (Ellis.)

D E S C R I P T I O.

Radiculæ vermiculares, in testaceis laxe repantes, soboliferæ. Surculi circiter bipollicares, teretes, erecti, rigiduli, lutei, distiche denticulati, articulati, ex medioque articulo pinnati. Pinnæ oppositæ, patentæ, parallelæ, apice saepe in tubulos vermiculares, radicantes degeneres, depresso-sculæ, distiche denticulatæ. — Calyculi conferti, fere oppositi; tubulo-so coarctati, adnati, prorsus ut in *S. Thuja*. Ovaria majuscula, secunde per stirpem sparsissima, subarrecta, pellicula, ovata, subrugosaque: ore vix marginato, clausoque operculo plano.

Locus: Mare Atlanticum.

N O T A.

Ellisi optima delineatio, in specimina, quæ habeo, elegantissima, *Balanos magnos Indicos* ob-sidentia, egregie quadrat. *Linnæus* eam ad S. suam *Lichenastrum* citavit, quæ huic speciei affinis valde est.

85. SERTULARIA LICHENASTRUM.

SERTULARIA ramosa pinnataque, calyculis distichis adpressis, ovarii secundis ovato campanulatis, minoribus.

Linn. syst. X. sp. 31. Sertularia Lichegastrum.

D E S C R I P T I O.

Multo inordinatior, tenuior & muscosior, quam *S. articulata*, *Radiculæ vagæ*, reptantes supra alia Zoophyta coralloidea, passim confluentes fasciculatim, inque *cauliculos* assurgententes scrupulos, seu ex tubulis compositos, ipsos pinnatos & in ramos quoque pinnatos inordinate subdivisos, qui e pinnis quibusdam, ut videtur, adoleverunt. *Pinnæ* approximato alternæ, lineares, parallelæ, inæquales, hinc inde cœu ligatura interruptæ, articulatæ, elongatæ pinnataeque extremitate, aut in tubulum vermicularem radicantem exeuntes. *Calyculi* fere oppositi, distichi, tubulosi, longi, adnati, apice acuto prominuli, ramulos seu pinnas ancipiti-ferrulatas fistunt. *Ovaria* per pinnas crebra, secunda,

da, ovalia, detruncata, operculoque piano s^epe clausa; diaphana, minuscula.

Locus; Oceanus Indicus (ad Ceylonam.)

N O T A.

Linnæi adumbratio huic speciei perfecte respondet, affini quidem, sed diuersissimæ a *S. articulata*; quam *Ellisius*, a *Linnæo* huc perperam citatus, graphice descripsit.

*86. SERTULARIA CEDRINA.

SERTULARIA subramosa, calyculis subcylindricis quadrifariam imbricatis.

Linn. syst. X. sp. 32. Sertularia cedrina.

DESCRIPTIO *Linnæi.*

Caules longiusculi, sordidi & squalentes. *Rami* vagi, s^epe dichotomi, sensim versus apices vix manifeste crassiores, obtusi; toti quadrifariam undique imbricati: *tubulis* cylindricis flavescentibus; unde rami valde quadrangulares evadunt. Differt à *S. Thuja*, quod squamæ non distinctæ, sed omnino imbricatae, & quod quadrifariam imbricatae sunt, rarius quinquefariam, nec bifariam.

Locus: Oceanus Indicus, ad Kamtschatka.

*87. SERTULARIA PURPUREA.

SERTULARIA dichotoma quadrangularis, calyculis subovatis tubulosis quadrifariam subimbricatis, ovariis erectis campanulatis.

Linn. syst. X. sp. 33. Sertularia purpurea.

DESCRIP TIO *Linnæi.*

Tota atropurpurea, dichotoma, fastigiata. Rami tetragoni, quadrifariam angulis imbricati squamis tubulosis, ovatis, sed non ita confertis, ut se se tangent. Ovaria (forte) squamæ patentes, sursum instar campanæ sessiles, turbinatæ; quarum margo interior versus ramos brevior.

Locus: Oceanus Indicus, ad Kamtschatka.

88. SERTULARIA THUJA.

SERTULARIA caule simplici paniculato, ramis creberrimis dichotomis acutis, calyculis distichis adpressis, ovariis ovatis.

Sibbald. scot. II. t. 1. p. 56. Fucus equiseti facie.

Raj. syn. p. 50. n. 47. Nom. eodem.

Seb. ibes. III. tab. 100. f. 17, 18, 19. & tab. 106. n. 2 a. Corallina equiseti forma.

Ellis cor. p. 10. n. 9. tab. 5. f. b B. Corallina vesiculata, caule angulato rigido; ramis dense sti-

stipatis & bifurcatis, terminantibus, denticulis cauli appressis.

Linn. syst. sp. II. Sertularia Thuja.

Angl. Bottlebrush - Coralline. (Ellis.)

D E S C R I P T I O .

Facies *Antipathis cupressinæ*. Radiculæ tubuli vermiculares sunt, in lapillis reptantes. Stirps ad summum semipedalis, erecta, siccatione contorta, rigida. Caulis subtestaceo ater, annulatim rugosus, teres, inter ramulos subanfractuosus, inferius nudus. Rami trifariam alterni, ultra medium caulem vulgo detriti, patentes, ter quaterve dichotomi, subæquales, grysei: efficientes paniculam cylindricam, obtusam. Calyculi in ramis teretiusculis, linearí acutis; distichi, alterni, conferti, tubuloso coarctati, adnati; in caule nulli. (*Ovaria, mihi nunquam visa, Ellisius descripsit: per ramulos sparsa, ovata, subpendiculata, supra obtusa, ore marginato, operculato.)

Locus: Zealandia, littus Eboracense Scoticumque, & Mare Mediterraneum.

89. SERTULARIA CUPRESSINA.

SERTULARIA caule paniculato, ramulis dichotomis sparsis; calyculis suboppositis mucronatis, ovariis bispinosis.

Merr. pin. p. 29. Corallina comis ad instar caudæ vulpinæ sparsis.

Boccon. mus. ital. p. 259. tab. 6. f. 9. Muscus albus,

albus, *denticulatus*, *maritimus*, *fruticans* & *exilis*, *ramosus*.

Raj. *syn.* p. 36. n. 7. *Corallina muscosa*, alterna vice denticulata, ramis in creberrima capillamenta sparsis.

Pluknet. *almag.* p. 119. *Pbytogr.* tab. 84. f. 3. Nomine Raji.

Moris. *bist.* III. p. 650. *sect.* 15; *tab.* 9. n. 4! *Muscus marinus minor*, denticulis alternis bis-jugis.

Ellis *cor.* p. 6, 7. n. 455. *tab.* 2. f. c C. & *tab.* 3. f. a A. a. Nom. Raji. *B.* *Corallina cupressi* forma &c.

Seb. *thes.* III. *tab.* 101. n. 2. *Corallina equiseti* forma, alia.

Baster. *opusit.* I. *tab.* 1. f. 1, 2. (Primordium.)

Linn. *syst.* X. *sp.* 6, 7. *Sertularia argentea* & *cupressina*.

Angl. *Squirrelstail* & *Sea Cypress*. (Ellis.)

Sheepstail'd Coralline (Merret.)

D E S C R I P T I O.

Radicula punctum cornuum planum, centro surculum, ambitu radiatim tubulos reptantes solumferos emittens. *Caulis* simplices, rarius bifidi vel subramosi, inferne plerumque tenuissimi, ad summum sesquipedales, paniculati. *Ramuli* capillares, dichotomi, crebri, ordine fere spirali circa caulem sparsi, patentes, bifariam denticulati, inferiores detriti; (superiores ima portione successive in caulem abituri.) *Calyculi* seu denticuli ramulorum alterni, mucronati, patentes, exiguo apicis osculo. *Ovaria* per ramulos saepe creberrima, (minimis etiam stirpibus,) secunda, erecta, sparsa, ovato oblonga, osculo arc-

atcto submarginato, *spinula* utrinque ad verticem axillari subulata, sensim obsolescente, in antiquioribusque prorsus obliterata. — Primordium hujus Sertulariae est filamentum denticulatum, uti futuræ stirpis ramulus; idque bifarium primo exserit pinnulas simplices suboppositas; nondum pollicare autem factum, ramulos multifidos sparge-re incipit, tumque scapus caulescere, ejusque denticuli obliterari incipiunt. — *Color* caulis juniorum stirpium corneo flavescens est, antiquioribus sensim testaceus, opacus, imo fere ater fit; ramulis semper ex gryseo pallidovè canus, subargenteus manet. — *Varietates* habitus dantur; vulgo enim cupressi comam attenuatam prælongam elegantissime exprimit; verum pumila specimina habeo, bi-vel tripollicaria, caulis imo crassioribus, coma rariore atque sparsiore, & ramulis interdum subsimplicibus.

In Testaceis variis, lapillisque imo & lignis crescit, taque corpora densa sylvula, obsolescentes crebras radiculos, occupare solet.

Locus: Mare Europæum, Mediterraneum, Americanum.

N O T A.

Circa Angliam copiose crescit, inque Belgii littus Occiduum copiose egeritur hæc Sertularia, pectunculis, ostreis, lapillis, pholadumque acutiori extremo saepe insidens; magna interdum longitudine, pedali, imo sesquipedali. Recenter saepe a fluctibus in littore relictam inveneram, ovariis muco animali aurantii coloris scatentibus. — Ipsos deinde polypos vivos exhibuere elegansima spe-

specimina, putridi ligni frustum densa sylvula ob-sidentia, ad rupes Bognorienses *Suffexiae* lecta, ex omnibus ramulorum denticulis prodeuntes. Ex iisdem & innumeris aliis speciminibus, quæ ex Mari partim Germanico partim Mediterra-neo habeo, didici Sertulariam *Ellisi* argen-tream, a cupressina ejusdem minime differre. In eadem enim sæpe stirpe ovaria juniora spinis axillaribus longissimis, adultiora paulo brevioribus; alia deinde obsolescentibus & quædam spinis prorsus destituta, muticaque observavi. Surculi alii nihil fere nisi mutica ovaria exhibuerunt. Denticulorum vero habitum diversum, binis *Ellisi* figuris ex-pressum, in eadem sæpe sylvula, imo stirpe, pro-miscue, inque omni varietate, & pumila & pro-cera, & in stirpibus pariter mutica ac bispinosa ovaria exhibentibus inveni. Visumque semper est, figuram denticulorum, quam tab. 3. expressit, corruptiorum esse speciminum.

In Zealandia hanc speciem crebro *Sertulariis uniflora* & *cuscuta* obfessam; in toto Belgium alluen-te Mari, *Eschara pilosa* undique involutam; & in Anglo Mari adhærentem ei passim *Cellularias ci-liatam* atque *bursariam* observavi.

90. SERTULARIA FALCATA.

SERTULARIA flexuosa, alternatim ramosa, ramis pinnatis, calyculis secun-dis confertis tubulosis, ovariis oblongis sparsis.

J. Baub. hist. III. p. 802. *Myriophyllum pe-lagium.*

Merr.

Merr. pin. p. 81. *Muscus marinus spiralis pennatus.*

Johns. merc. bot. II. p. 26. *Pbyt. brit.* p. 78.
Nomine Merreti.

Raj. syn. p. 36. n. 16. *Muscus seu Corallina muscosa pennata, ramulis & capillamentis falcatis.*

Moris. bist. III. p. 650. *sect.* 15. *tab.* 9. n. 2!
Nomine Raji.

Pluknet. almag. p. 119. *Pbytogr.* *tab.* 47. *f.* 12.
Item.

Tournef. inst. p. 570. Item.

Ellis cor. p. 12. n. 11. *tab.* 7. *f.* a *A.* Item &
tab. 38. *f.* 5, 6.

Linn. syst. X. sp. 15 & 29. *Faun. su.* II. 2244
Sertularia falcata & stipulata.

Angl. *Sickle-Coralline.* (*Ellis.*)

D E S C R I P T I O

Radiculæ sunt tubuli capillares, reptantes, e quibus surculi; in adultiori planta tubuli plures ab imo caule demissi, implexi. *Stirps* frequentius triplicaris aut semipedalis, interdum longior; specimen enim fere sesquipedale habeo. *Scapus* (imo attenuatus), flexuoso spiralis, *ramis* numerosis alternis, quaquaversum spectantibus, patentibus, pinnatis, lanceolatis; *Pinnæ* bipatentes, supra *calyculis* confertis, cylindraceo oblongis, oblique truncatis, parallelis pectinatæ. *Ovaria*, etiam minimis quandoque stirpibus, saepe numerosa, per pinnas a latere calyculifero sparsa, erecta, oblongo-ovalia, truncata. — *Primordium* stirpis surculus est, alternas primo pinnulas, saepe bi-vel trifidas; deinde, ubi dimidio pollice altior factus est, pinnatos ra-

mos exserens. A surculorum origine radiculæ radiatim exeunt & elongatæ reptant, novasque paſſim soboles producunt.

Hæc Sertularia ſiccatione ramulis ſurſum recurvatur, pinnulis curvatis adinvicem accedentibus. Testis, lapillis, aliisque ſolidis corporibus innatit. Emortuæ adcreſcunt varia, *Cellularia eburnea*, *S. volubilis*, *Eſchara pilosa*.

Locus: Oceanus inter Europam & Ameri-
cam (unde allata ſpecimina habeo,) & Indicus.

N O T A.

Ellius, ſecundis curis, ramulum hujus Sertulariæ cum vivis floſculis, in accessoria tabula proposuerat. Ea icon *Linnæum* induxit ad conſtituendam ſpeciem ſuam *ſtipulatam*, in cuius no-
mine, ex *Elliana* iconē, adorno, hydras para-
ſiticas, ramulo adhærentes & ab *Ellio* ligilla-
tim deſcriptas, pro ovariis ſtirpis habuit.

Morifoni figura ſiccatae hujus Sertulariæ habi-
tum eleganter exprimit.

Floſculos hujus Sertulariæ hydræformes acceſ-
ſoria tabula *Ellius* exhibuit.

91. SERTULARIA ANTENNINA.

SERTULARIA ſurculis ſubſimplicibus
verticillatis, ſetulis ſecunde calyculatis,
ovariisque axillaribus pedunculatis oblique
truncatis.

Dodon. pent. p. 476. *Muscus marinus* ſecundus.

Raj. syn. p. 34. n. 10. & p. 35. n. 11. & p. 79.

Co.

Corallina astaci corniculorum æmula, & Corallina ramosa, cirrhis obsita, & Muscus marinus equisetiformis, non ramosus.

Boccon. mus. ital. p. 258. tab. 6. f. 2. *Fucus vermiculatus asper alter s. Polytubuli arteriosi, maritimi, asperiusculi,*

Pluknet. almag. p. 119. Phytoogr. tab. 48. f. 6. *Corallinæ affinis non ramosa, arenacei coloris, astacorum corniculis instar gemiculata.*

Tournef. inst. p. 570.

Barrel. plant. ic. 1292. n. 3.

Petiv. pl. ital. tab. 2. f. 10. *Corallina astaci corniculorum æmula (ex Barreliero).*

Ginann. opusc. p. 16. tab. 11. f. 25. *Myriophyllum non ramosum.*

Ellis cor. p. 15. n. 14. t. 4. f. a A. *Nomine Raji.*

Linn. syst. X. sp. 17. Faun. su. II. 2247. *Sertularia antennina.*

Angl. Lobster-born Coralline. (Ellis.)

D E S C R I P T I O N.

*Radiculæ sunt tubuli tenuissimi capillacei, flavescentes, in tophum contexti, cui surculi attenuati inseruntur, verticillatim tubulos recipientes. Surculi flavi, filiformes, sæpe fere pedales, plerumque subsimplices, interdum aliquoties ramosi, sunt quasi tubuli, subarticulati, cornei, extremitate teneriores, denticulis verticillati. Setulæ denticulis insidentes, tenerrimæ, (inferiori surculorum parti detritæ, extremis vigentes,) articulatæ, interius calyculis ferratæ. Calyculi remoti, articulis setularum singuli, brevissime campanulati, fere ut in *S. setacea*. Ovaria majuscula, in setularum axillis singula, pedunculata, ovalia, summitate interius oblique truncata.*

Locus: Mare Europæum, Mediterraneum, Americanum, & Indicum.

N O T A.

Mari diu jactata hujus Sertulariæ specimina setulas fere totas omnesque amittunt, & sic truncata a quibusdam autoribus pro peculiari *varietate* habita fuerunt.

Flosculos animales *Sertulariæ antennæ* e singulis denticulis setularum surculos ambientium prodeentes, delineavit *Ellisius* & ipse in Mari *Sussexiam* alluente observavi Martio 1762.

92. SERTULARIA SETACEA.

SERTULARIA simplex pinnata, pinnis alternis arrectis, calyculis remotissimis secundis, ovariis oblongis axillaribus.

*Raj. syn. p. 38. n. 6. p. 39. n. 7. Fucoides setaceum.

Ellis cor. p. 19. n. 16. t. 11. f. A. & tab. 38. f. 4. Corallina setacea, instar arundinis geniculata, capillamentis singulis unicuique geniculo alternatim dispositis.

Linn. syst. X. sp. 26 & 28. Sertularia pinnata & setacea.

Angl. Sea-bristles. (Ellis.)

D E S C R I P T I O.

Radiculæ sunt tubuli reptantes supra testacea, spongias cet. Stirps erecta, setacea, subsesquipollonica-

caris, raro duorum pollicum, subarticulata ex summitate articulorum tenerime pinnata. *Pinnæ rariusculæ*, (una ex summo quolibet scapi articulo) alternæ, patentæ, siccatione arrectæ, teneræ, articulatæ; interius *calyculis* distantibus, articulos terminantibus, brevissimis, semicampnulatis, dentatæ. *Ovaria* linearis oblonga, in axillis pinnarum erecta, ore tubuloso.

Locus: Mare circa Angliam & Oceanus Indicus.

N O T. A.

Ellius hujus primo figuram in opere suo dederat; pulcherrimam deinde in tabula accessoria 38. f. 4. cum observatis in ea polypis seu flosculis. Hanc iconem secutus *Linnæus* novam speciem, *S. setaceam* suam condidit, quæ vere pinnata repetitio est.

Flosculos hujus Sertulariæ hydram referentes, & *ovaria* seminibus repleta depinxit *Ellius*; & ipse nuper ex Zeelandia habui. In eadem aliquando, cum *S. nigra* & *nigellastro*, testa crescentem inveni.

93. SERTULARIA PLUMA.

SERTULARIA surculis pinnatis falcatis, calyculis secundis campanulatis, ovariis gibbis annulatim muricatis cristatisque.

Boccon. mus. p. 257. t. 6. f. 6. *Pinnaria marina* *Imperati.*

Mercat. metalloth. arm. 6. c. 19. p. 129. fig. add. *Seb. thes. III. t. 101. n. 1.* *Corallica falciformis.*

Ellis. cor. p. 13: n. 12. tab. 7. f. b B. Corallina pennata & siliquata, denticulis florem lilium convallium referentibus.

Linn. syst. X. sp. 16. Faun. su. II. 2245. Sertularia Pluma.

Angl. *Podded Coralline.* (Ellis.)

DESCRIPTIO.

Radiculæ vel tubulosæ, decurrentes, vel in clathrum solutum implicatæ circa Fucos varios. Surculi sparsi, falcati, penniformes, lanceolati; pinnis creberrimis, patentiusculis, parallelis. Scapus surculorum tubus est subarticulatus, calyculis carens; pinnulae ad superius magis latus exentes, subarticulatae superiusque imbricatae calyculis una serie confertis. Calyculi breviter semicampanulati, carinati, rostro carinæ insigni, acutissimo; limbo octodentato, denticulis 2 intermediis acutioribus, proximioribus, supra carinæ rostrum inclinatis. Ovaria subsolitaria, inter pinnulas e rhachi stirpis prodeuntia, magna, reniformia, seu siliquam gibbam referentia, obtusa, inferius attenuata, cincta rugis annularibus muri-catis, infraque rhabhe longitudinali denticulata. — Siccatio surculi sursum seu contrario modo quam fuerant, recurvantur, pinnulæque curvatæ adinvicem accedunt (Seba l. c.).

Varietates hujus Sertulariæ tot fere, quot habitacula. In Mari Germanico frequens est in *Fuco tantum siliquofo:* Radiculæ in clathrum irregularem, laxumque, circa Fucum implicatæ; surculi $\frac{3}{4}$ poll. vulgo æquant, raro pollicares; rarissimeque aliquoties ramosi sunt. — Hanc varietatem *Bocconis, Ellisii & Sebae* figuræ exprimunt.

In *Oceani Fuco natante una cum Eschara Basteri* cre-

crebro observatur, sed radiculis per caules & folia Fuci longitudinaliter decurrentibus, adnatis; surculisque oblongioribus & vix quadrantem pollicis excedentibus, pinnulis paulo rarioribus.

In *Fuco ericoide* littoris Mauritanici minimis mischi surculis, tenerimisque occurrit, radiculis pariter decurrentibus, adnatisque.

In *Fuco versicolore*, qui *Ceylona* & *Cap. B. Spei* copiose adfertur (*Seb. thes. III. t. 102. n. 1, 2.*) saepe numerosissima invenitur, radiculis decurrentibus adnatisque, surculis nostratum similibus, sed plus dimidio minoribus.

E Mari tandem *Siculo* & nuper ex *Atlantico* Oceano giganteam varietatem accepi, surculis bipollicaribus & quod excedit, structura tamen calycularum, ovariorum, habituque plantæ reliquis simumillimam, qualemque eleganti iconে proposuit *Mercatus*. Hanc varietatem pro *S. speciosa* sumeres, ni calyculi & ovaria imprimis repugnarent.

Locus: Oceanus omnis.

N O T A.

Ellisi icon habitum non fatis bene exprimit; auctaque microscopio, calycularum figuram minime exactam sistit. Animalcula seu flosculos vivos hujus Sertulariæ nondum obtinere potui, quanquam hyeme copiosissime, cum *Fuco siliqueo*, in Belgicum littus egestam viderim, & saepe recentissimam legerim. Interdum vero in pinnulis striam, inque calyculis punctum ruberimum, animalis medullæ credo reliquias, cernere licuit.

*94. SERTULARIA ECHINATA.

SERTULARIA pinnata, ramulis bifidis, calyculis oppositis semicampanulatis, ovariis reticulato muricatis.

Linn. Faun. su. ed. II. 2246. Sertularia echinata.

DESCRIPTIO Linnæi.

Stirps pinnata, lanceolata; pinnis remotis, bifidis, fere imbricatis, dentibus (*calyculis*) oppositis, præcedenti structura similibus. Calyces (*Ovaria*) plurimi, ovales s. obovati, compressi, venis elevatis reticulati & undique muricati.

Locus: Oceanus Sueciam alluens.

95. SERTULARIA SPECIOSA.

SERTULARIA pinnata rigida, pinnis subsecundis incurvis, calyculis campanulato effusis dentatis stipulatisque.

DESCRIPTIO.

Radiculæ, in oblates speciminibus, sunt tubuli fasciculatim implexi circa Gorgoniam. *Surculi* creberrimi, trium quatuorve pollicum longitudine, contorto incurvi, pinnati. *Scapus* s. rhachis tubulus est fusco corneus, rigidus, fere cylindricus & linearis, extus subarticulatus, bifariam denticulatus. *Pinnæ* denticulis insiden-

dentes, oppositæ, subæquales, siccatione ut in *S. plumæ* convolutæ in latus cälyculatum, gryseæ. *Calyculi* fere imbricati, secundi, sub-semicampanulato effusi, limbo utrinque tridentato, erecto, denticulo intermedio elongato extorsum patente, lateralibus obsoletis; *Stipula* cälyculum suffulciens, eodem duplo longior & adnata, incurva, truncata. *Ovaria* nunquam observavi.

Locus: Ceylona.

N O T A.

Figura *Mercati* ad *Sertulariam plumam* citata, speciæ habitum æque bene exprimit; tanta est utriusque affinitas. Quum vero e Mari Mediterraneo nunquam adlatam viderim speciosam, de gigantea *S. plumæ* varietate intelligendum esse *Mercatum* verosimillimum est.

96. SERTULARIA MYRIOPHYLLUM.

SERTULARIA simplex pennata, rhauchi interrupta, pinnis secundis incurvis, cälyculis campanulatis stipulatisque.

*C. Baub. pin. 363. Muscus maritimus, filicis folio.

Zannichell. monogr. Myriophyllum pelagicum.

Ginann. opusc. t. II. f. 24. Nomine Zanichellii, Barrel. plant. ic. 1292. n. 2. Palma marina.

Petiv. pl. ital. tab. 2. f. II. Corallina fruticosa pennata (ex Barrel.)

Donat. adr. p. 24. Anisocalicum.

Ellis cor. p. 14. t. 8. f. a A. Corallina penna-ta & falcata, pennas caudæ Phasiani referens, caule gibbofo.

Linn. syst. X. sp. 14. Faun. su. II. 2243. Sertu-laria myriophylla.

Angl. Pheasant's-tail Coralline. (Ellis.)

DESCRIPTIO.

Radiculæ capillares implexæ, ad caules assur-gentes. Surculi simplices, tripollicares circiter, dimidio pennati. Scapus teretiusculus, strigosus, substriatus: striis obsoletis, ordine punctorum elevatorum notatis; per intervalla velut contri-tus, interruptusque seu nodosus, inferius altero la-tere obsoleto notatus vestigiis detritarum pinnula-rum, extremo pennatus. Pinnulæ secundæ, in-curvæ, hinc tectæ calyculis oblongiusculis, semi-campanulatis, ad rhachin utrinque denticulo ob-soleto subauriculatis, in limbi integriuscui me-dio denticulo acuto minuto notatis; Stipulæ ca-lyculos fulciantes, iisdem dimidio circiter bre-viores, præter apicem adnatæ. Ovaria nun-quam vidi. Substantia stirpis pallida, subcoriacea.

Locus: Altum Oceani, Marisque Medi-ter-ranei.

NOTE.

In ejus denominatione hallucinatus est *Linnæus*, calyculos quos vulgo denticulos dicit, ca-lyces vocans, & stipulas calyculos suffulciantes denticulorum nomine salutans. *Ellisi* icon non op-tima, at lente aucta imprimis exæcta. *Donati* in hac *Sertularia calycem (ovarium) memorat, campa-ni-*

niformem, terminalem, limbo integro, Aliis auctioribus hujus speciei neque calyces nec animal adhucdum apparuere.

97. SERTULARIA HYPNOIDES.

SERTULARIA surculis pinnato ramosis pinnulatis, pinnulis creberrimis, calyculis secundis campanulatis dentatis rostratisque.

DESCRIPTIO.

Radiculæ tubulosæ, lutescentes, tenues, intricatae. Surculi tubulosi, rigidiusculi, fusco-cornei: minores ramis oppositis attenuatis subarticulatis pinnati; auctiores decomposito pinnati, semipedales sæpe; ubique pectinati: pinnulis brevibus, confertis, parallelis, inciso articulatis, articulis dorsali latere spinula terminatis, altero latere imbricatis. Calyculi brevissimi, semicampanulati, carinati: carina rostrata; limbus quinquedentatus, medio setaceo, protenso supra carinæ rostrum, lateralibus erectiusculis. Ovaria nunquam vidi. Siccati surculi subcontorti & recurvi, ramis pinnulisque in latus imbricatum declinatis.— Magnos hujus Sertulariæ fasciculos Ceylona adlatos vidi.

Locus: Oceanus Indicus ad Ceylonam.

98. SERTULARIA FILICINA.

SERTULARIA scruposa ramosa, pinnata pinnulataque, pinnulis e rhachis sulco alternis, calyculis secundis imbricatis, ovariis articulatis.

*Linn. Syst. X. sp. 30. Sertularia Pennaria.

DESCRIP T I O.

Stirps tripollicaris vel ultra, in ramos aliquot principaliores, incerto ordine, divisa, solida, nec evidenter tubulosa, extus rudit longitudinaliterque rugosa, coriaceo rigida, pallida. *Rami* ubique pinnati frondibus numerosis, distantibus, fere aut prorsus oppositis, linearibus. *Rami* æque ac pinnæ seu *frondes* altero latere sulco exarati, bifariam pectinati pinnulis e sulco alternis, bipatentibus, confertis, brevissimis, subæqualibus, antiquiorum truncorum detritis. *Pinnulae* a latere sulcato ramorum imbricatae; *calyculis* confertissimis, crassiusculis, semicampanulatis, ad caulem subbicornibus. *Ovaria* in frondibus, non procul ab earum origine, e sulco erecta, majuscula, oblonga, obtusa, annulata striis scabris, leviter obliquatis, versus raphen longitudinalem dorsalem.— Recentia pallida specimina, aliquot pollicum fere altitudine, ex Massa Corallina Indica decerpſi. *Sordidius*, fuscumque, sed maximum, ovariis suis instructum dedit olim D.D. LE FRANCQ DE BERCKHEY.

LOCUS: Oceanus Indicus.

NOTE

N O T A.

S. Pennaria Linnaei huc verosimillime pertinet.

99. SERTULARIA FRUTICANS.

SERTULARIA scruposa lignosa ramosa pinnataque, pinnulis setaceis alternis, calyculis secundis semicampanulatis.

D E S C R I P T I O.

Pro basi, in hic descripto specimine, est cespes duriusculus, spongiosus, e tubulis capillo tenuioribus implexis densissimus, lutescente gryseus, testaceis insidens. Is passim assurgens exferit surculos, quorum longiores sexpollicares, ad originem culmo sckalino crassiores, compressisque sunt. Substantia surculorum ligneo-suberosa, extus obscure grysea, tubulis exiguis, annulosis, longitudinaliter reptantibus fibrofa; intus tubulosa, sed fusconigra. Surculi irregulariter, sed in plano, ramosi; rami assurgentibus, extremoque teretescentes, cum truncorum compressorum latera non simpliciter plana, sed etiam obsolete canaliculata sint. Pinnæ per totam stirpem alternæ, distichæ, rariusculæ, setaceæ, patentiusculæ, rectæ, ipsæ passim in ramos degeneres pinnatæque. Calyculi, ab altero pinnarum latere, imbricati, ceu squamulæ semicampanulatæ atque limbo dentiticulatæ. Ovaria, in meo specimine tritiori, nulla.

Locus: Mare forte Americanum.

N O T A

N O T A.

Habitu utcunque exprimit iconem in *Seb. thes. III. tab. 100. n. 6.* — Rarissimum & maxime singulare hocce Zoophytum structura adhuc magis ad Gorgonias accedit, quam *S. balecina* & scruposæ reliquæ. At huic sequens tandem species subnexa, genera Gorgoniarum & Sertulariarum quam arctissime constringit.

100. SERTULARIA GORGONIA.

SERTULARIA lignosa ramosa pinnata, pinnis pinnulatis denticuliferis, cortice ramorum verrucoso.

DESCRIPTO.

Miri hujusce Zoophyti, quod Gorgoniæ & Sertulariæ naturam conjungit, integerimum specimen, Curassoa allatum, ex SERENISSIMI PRINCIPIS AURIACI Thesauris communicavit Nobil. Dn. ARN. VOSMAER. — Stirps fere sesquipedalis. Truncus e baseos spongiositate duriuscula, grysea ortus; ipse flavescenti gryseus, ligneus, tubulis longitudinalibus fibrosus, compressiusculus. Rami ex summo trunco suboppositi, teretiusculi, subdivisi, alternatim pinnati. Pinnae (habitu *S. setaceam* exacte referentes,) ligneæ, tubulis striatæ, oppositæ, pinnulatæ *setulæ*, quæ superne serie *calyculorum* semicampomanula-to-adpressorum, integrorum, serrulatæ sunt. — Cortex ramos vestit, in antiquioribus passim derasus,

sus, coriaceus, cinereus, in quo verrucæ spar-
sæ, papillares, e centrali osculo rugis radiatæ.
Structura externa corticis fere *Gorgonie verruco-*
ſæ. *Verrucæ* corticales, Ovariorum in Sertulariis
reliquis vice fungi videntur. Gorgoniarum indo-
lem sic æmulatur cortex; at in pinnulis Sertulariæ
natura remansit. Cortex passim in pinnas ramorum
se diffundens easdem in *ramos*, & pinnulas pin-
narum in *pinnas* mutare videtur.

Locus: Mare Americanum.



VII. GORGONIÆ.

DEFINITIO.

A N I M A L vegetans:

Stirps cornea, striata, attenuata, basi explanata, obducta

Cortice (calcareo) molliori, celluloso atque poroso, efflorescente

Polypis flosculiformibus.

Gorgonia quid? **G**ENUS, cui *Gorgoniæ* apud *Plinium* occurrens nomen *Illustr. Linnæus* indidit, complectitur *Lithophyta*, *Lithoxyla*, *Ceratophyta* autorum ea omnia, quæ *corneæ* vel ad *corneam* accendentis *naturæ* sunt, quæque naturaliter, dum in mari vigent & vivunt, *corticali lamella*, plerumque calcarea, cellulis, poro extus hiantibus, cava-ta, *propria* obducta esse constat. Sunt hæc, quibus *Boerhaavius* *TITANOCERATOPHYTORUM* nomen indidit, & a *Ceratophytis*, cortice nempe casu orbatis *Gorgoniis*, atque *Antipathis* speciebus, naturaliter nudis, distinxit. *Boccone* easdem sub nomine *Corallinarum fruticosarum* *Lobelii* complexus est; *Imperatus Fucos vestitos* f. *Palmas marinas* (*lib. 27. cap. 14.*) dixit.

G. pri-mordium. Primum *GORGONIARUM* initium pàpilla est supra rupes submarinas, aliave æquore obruta corpora solida, explanata; cortice primum solo, eodem, qui totum deinde fruticem tegit, constans, deinde & lamellam *corneam* generans; e cujus auctæ centro sensim pullulascit futura *stirps* &

& (vel simplici filo, si ita ferat natura, elongatur, vel) more vegetabilium, secundum præfixam suæ speciei legem, in ramos spargitur.

Quantumlibet *Gorgonia* incrementum acquisi- *G. babi-*
verit, & quamvis in adultiorum extremis tan- *tus.*
tum ramis cortex organis suis vigeat; semper
tamen baseos amplitudo & imi trunci crassities
proportionata magnitudini fruticis reperitur; ar-
gumento, *corneam earum partem*, quam, exemplo
arborum fruticumque, *Lignum dicere liceat*, non
obstante duricie, ubique vigere, vivere & in
omnem dimensionem crescere, obsoletis quam-
vis corticis in trunco & basi organis; dummo-
do per extremos ramos stirps nutrimentum acci-
piat, quod a corticis instrumentis, poris nempe
florescentibus vel polypiferis resorberi atque pa-
rari verosimillimum est. — Itaque in omnibus
Gorgoniis observatur *basis* late super rupes expla-
nata & veluti diffusa, *stirps* vero *ab imo trunco*
sensim attenuata versus *ramorum extremitates se-*
taceas.

Lignum *Gorgoniarum*, (*animalis vegetantis qua-* *G. lig.*
si sceleron,) *corneæ* in plerisque *naturæ* est, modo *num.*
fragilissimæ & fere *vitreæ*, modo *flexilioris* & *te-*
nacissimæ; imo nonnullis speciebus *corii æmulæ*
vel *subcartilagineæ*, *siccatione corrugandæ*, in
capillaribus *saltem* *ramorum extremitatibus*. *Pau-*
cissimis *observatur* *consistentiæ* fere *ligni* *fruticum*
terrenorum; quod & colore & fibrosis refert
in *G. Placomo*, *suberosa*, *nodosa*. In universo
tamen genere animalem suam naturam, combu-
stum odore, qualem animalium quæcumque
partes igni commissæ spargunt, prodit.

Textura *Ligni* in basi æque ac universa stirpe
evidentissime lamellosa & fibrosa est. *Lamellæ*,
altera alteram includentes quasi cylindri, in trun-

co ramove Gorgoniæ transversim sedto circulos concentricos laxiores, confertioresve exhibent, instar gyrorum arboris annotinorum; interjecto quandoque tenui materiæ calcareæ strato. Hæc imprimis in magnis truncis egregie comparent. In basi lamellæ sibi invicem æque arcte, imo densius incumbere solent, & saxo adglutinantur sicuti tendines animalium ossibus solent. In unicata tamen describendarum specierum (*G. scirpea* nempe.) basin in tenuissimas bracteolas decompositam observabimus.

Lamellæ ligni in tenacioribus Gorgoniis facilime in *fibras* longitudinales, innumeras discripi possunt. Extus quoque corneum Gorgoniarum lignum, easdem ob fibras, sæpiissime longitudinaliter striatum apparet. Fibras, ut in arborum ligno, cavos esse, sed obrigescentia arctatos tubulos, lentis ope cognoscimus. Eamque fibrosam ligni substantiam a corticis interioribus lamellis, sensim mutatis produci, docere videntur corticis observabilis versus basin extenuatio & velut oblitteratio, inque ramulis crassities; ligni lamellosa textura, in junioribus ramis teneritudo, inque primordio Gorgoniæ apicibusque summis ramorum absentia; & tandem organica ejusdem structura. Quanquam diversissima corticis natura, ejusdemque facilis a ligno separatio, suggerere possent: hujus strata potius ex deposito intus succo fieri, aut lignum, prout ossa animalium sanguineorum intra periosteum, generari, augeri, durescere. Quomodo cunque nascatur vero, in viva Gorgonia per intussusceptionem contiruo crescere, supra demonstratum est.

Corneo hocce sceleto *Gorgoniæ* imprimis ab *Alcyoniis* differunt, quorum structura alias subsimilis

videri posset. Est tamen Zoophyti species, ad Gorgonias habitu, consistentia & structura peculiariter accedens, sed uniformis medullitus substantiæ, lignoque prorsus destitutum. *Gorgoniam radicantem* volo, cujus infra sequetur descriptio.

CORTEX in qualibet Gorgoniæ specie, peculia- G. Cor-
ris est (a), evidentissime organicæ structuræ; ^{tex.}
hinc eum non casu frutices hosce marinos incrux-
tare, sed naturale eorum esse tegumentum,
imo principaliorem partem; cujus ope vivere,
crescere, nutriti, propagari videantur, atten-
tioribus liquebit.

Corticis diversissimam structuram in describen-
dis speciebus referam, utpote quæ principem
in iisdem distinguendis characterem præbet, cu-
jusque neglectu omnia apud autores confusa in-
certaque videmus. In omnibus corticem *cellulas insculptas*, plerumque ordine quodam disposi-
tas, poroque apertas exhibere, certa est observa-
tio. *Cellulæ* modo intra substantiam corticis
prorsus latent, modo exterius verrucularum caly-
cumve specie prominent. Intus *mucosas*, *certissimè*
polyporum sive flosculorum animalium *reliquias*
continere solent; quorum stellata structura e po-
rorum in multis Gorgoniis figura atque analogia
colligi potest. — Certiora & specialiora ex vivis
Gorgoniis disci debent; quorum nos cognitione,
ob Italorum, quos Maris Mediterranei divitiae,
in tanta vicinitate, frustra invitant, supinam né-
gligentiam, hucusque carere dolendum est.

In

(a) Summopere paradoxum in Museo Viri Amplissimi
DN. GEVERS Civit. Roterod. Consulis cet. extat specimen;
quod in eodem frutice corticem partim Gorg. *verrucosæ*
partim *coralloidis* exhibet, sine ullo visibili discrimine ra-
morum. Verum & diversi saepe Lichenes ita sibi invicem
inoliti reperiuntur, ut pro una facile planta sumeres.

In genere porro observamus *corticem* versus fruticis truncum & basin *extenuari*, poros cellulasque ibi velut obliterari, inque antiquioribus prorsus evanescere; in *ramis* vero *inversa ligni ratione* inveniri, ut quo juniores ii fuerint, largior crassiorque & extremis setaceis virgulis crassissimus reperiatur, quorum & apices constanter eo obvolutæ & inclusæ sunt. Hæc corticalis proportio in nulla specie clarius demonstrari potest, quam in G. *Antipathe*.

Observabile denique est Gorgoniarum corticem *supra contigua aliena corpora expandi*, eaque primo corticali crusta, deinde & cornea vagina obducere & incarcерare; quod cornea substantiae a corticali ortum novo argumento firmat. *Balanis* saepe varii, præsertim *Calceoli* ab acutiss. *Ellisio* descripti, Gorgoniis adhærescunt, siue vigentibus se adfixerint, descripto modo incrustati deinde reperiuntur. — Sic videmus arbores adposita corpora sensim nato tubere amplecti & demum includere cortice ac ligno; pauloque alia ratione lœsa animalium ossa, adjacentia aliena corpora, glandes v. gr. *plumbeas*, luxuriante ossea lamella involvere. Eandem fere per legem in contiguitatem coacti duo rami coalescunt. Id vero, ut in Zoophytorum aliis generibus, ita & in Gorgoniis frequentissime sponte fieri videmus, quum levis in plerisque contactus sufficiat ad uniendam & conferruminandam ramorum substantiam.

*Modus
crescen-
di.*

Quumque distributio ramorum in *plano* (a) Gorgo-

(a) Ex enumerandis speciebus paucissimæ, videlicet: *G. anceps*, *suberosa*, *Antipathes* & *Reseda* solæ, ab hac norma constanter deflectunt & ramos quaquaversum spargunt; reliquæ omnes in planitiem, utcunque saepe ruditer, ramos explicant.

goniis, uti aliis quoque multis Zoophytis, solemnis sit & saepe scrupulosissime a Natura servetur; accidit, ut ramosissimæ nonnullæ, quæ huic legi præcipue adstrictæ videntur, quorumque rami insigniori angulo divaricati patent, concursu eorum inde necessario, in reticula vel clathros coalescant.—Notissimis binis Gorgoniarum speciebus, quibus constans hic habitus contigit, duas rariores adjeci. In aliis fortuita sœpius ramorum coalescentia observatur.

De Gorgoniis plerisque certum est, eas non in omnem directionem in mari crescere, sed semper stirpe & ramis sursum versus aëra tendere, contra quam in Coralliis observatur. De *G. Ceratophyta* & *Flabellæ* expressis verbis hoc monuit *Catesbæus* (III. p. 13.) vidique egomet- ipse harum & aliarum quoque specimina, quæ, ex inferiori pendulæ rupis facie enatæ, reflexo truncō sursum enituerant.

α. Gorgoniæ reticulatæ.

101. GORGONIA VENTILABRUM,

GORGONIA reticulata, ramis compressis, cortice ruberrimo verrucoso.

Rumpb. amb. VI. p. 205. t. 89. f. 1. Flabella marinæ!

*Linn. Hort. cliff. p. 840. Lithoxylum retiforme, ramulis opposite compressis, (fructificationibus subrotundis exsertis prominentibus.)

— syst. X. sp. 2. Gorgia ventalina.

Belg. groote Zeewaajer. Malaic. Accarbaar Kipas. Sinic. Pahaytsjiu, vel Ou haytsjiu.

DESCRIPTIO.

Rete peramplum, irregulare, plerumque subrotundum: areolis irregularibus, laxioribus. *Truncus* teretiusculus, brevissimus vel fere nullus, striatus, in plurimos subdivisus ramos. *Rami* in communi plano subparallele flexuoseque decurrentes, transversis obliquisve anastomosibus commissi. *Lignum* in ramis ramulisque, cortice nudatum, valde *compressum*, (marginibus nempe plani superficies spectantibus,) rigidum, nigrum; in junioribus flexile, fuscum. *Cortex* saturate ruber, calcareus, friabilis, *teretem* ramis *compresso-ancipitibus* figuram concilians; *cellulis* calyculatis protuberantibus, apertis, creberrimis undique verrucosus.

Minora specimina angustas subquadratasque retis areolas, ex ramis anastomosibusque subæqualis crassitiei, exhibent. Magna *Ventilabra* vero, quale *Rumphius* iconè expressit, magnis ramis in laxissimum rete cohærent, exiguis ubique ramulis e majorum planis lateribus pullulascentibus, nec dum in clathros cohærentibus. Hinc ligni incrementum in omnes dimensiones, per intussusceptionem meridiana luce clarius patet.

Locus: Oceanus Indicus.

NOTE.

Rumphius simplicia & multiplicia *Ventilabra* distinguunt. *Simplicia* subrotunda, cortice, ait, prædita esse obscure rufo, aliquando nigro, arenoso, fragili; ramulos esse lentes, striatos, angulosos: Et his certe speciem hanc nostram sub-

subintellexit, quod & adjecta icon testatur. *Multiplicis*; vero seu ex plurimis planis reticulisve inordinate aggregatæ varietatis corticem rubrum, fragilem, interdumque albicantem describit, inque siliculis crescere spithama raro altiore addit, cum prior varietas usque ad quatuor pedum altitudinem adolescat. His itaque *sequentem nostram speciem* subintellectam esse vero simile fit. Adjicit *Rumphius* flabella sua, recenter e mari desumta, naturali muco obducta reperiri, gravemque odorem thalassicum spirare; profundiora maris loca, quam ipsa *G. Antipathes* amare, nullibique copiosiora crescere, quam circa Insulas *Amblau*, *Manipa*, *Kerang*; pusilla incomptaque in sinu Amboynensi reperiri. — *Sinicæ* hujus speciei denominationes, *Arbusculas albas & nigras*, significant.

Monendum est locum *Rumphii* à *Linnæo* pro *G. Ventalina* citatum, pertinere ad *Spongiam flabelliformem*. — *Synonymia Linnæana in Zoologicis*, uti fere ubivis, ita præcipue in *Zoophytis vitiosissima* est.

102. GORGONIA RETICULUM.

GORGONIA reticulata, ramulis creiberrimis teretibus, cortice rubro verrucoso.

**Rumpb. amb. VI. p. 205. Flabellum multiplex.*
Seb. thes. III. t. 107. n. 6. & t. 105. n. 16!

DESCRIPTIO.

Facie interdum ad *G. Ventilabrum* accedit, plerumque tamen figuram *Sebanam* refert. *Reticulum*
L 4

culum raro spithama altius, (*simplex*, *duplexve* aut ex planis plurimis decussatis), oblongum vel subrotundum. *Truncus* breviculus subpollicaris, in ramos dichotomice subdivisus. *Rami* in communi plano subflexuosi, divaricati, adeoque anastomosibus passim juncti, (*interdum paucioribus* *Seb. thes. III. t. 105. f. 16.*). *Lignum* per omnes ramos *perfecte teretis* figuræ, durum, extus gryseum, lœve. *Cortex* lapidescens, inæqualis seu obsolete verrucosus, exfoletius ruber, quibusdam speciminibus pallidus. *Inter Gorgonias omnes ponderosissima.* — Descriptionem rarissimæ alias *Gorgoniæ* e pluribus speciminibus adornavi, in Museo D. D. van HOEY *Physici & Senatoris Hagani*: Albo vero cortice specimen exstat in Museo SEREN. PRINCIPIS ARAUSIONENSIS.

Locus: Oceanus Indicus.

103. GORGONIA CLATHRUS.

GORGONIA reticulata lignosa, ramulis *teretibus*, cortice lœvi, poris simplicibus.

DESCRIPTIO.

Reticulum duorum circiter palmorum amplitudine, subrotundum. Ex basi crassa rami plures, dichotomi, in duo quasi reticula cohærentia, coalescentes. Habitus fere *Gorgoniæ* præcedentis. *Lignum* lignosum, pallidum, vestitum cortice tenui, calcareo, gryseo rubente, lœvi, sparso *poris* simplicibus. Cortice fere *G. ceratophytæ* varietatem *ramosiorem* refert.

Unicum omnino hujus *Gorgoniæ* specimen vidi, idque in modo laudato Museo D. D. van HOEY.

104. GOR.

103. GORGONIA FLABELLUM.

GORGONIA reticulata, ramis creberri-
mis compressis, cortice flavescente lævi,
poris simplicibus.

Clus. exot. l. 6. c. 2 & 3. p. 120 & 121. Frutex
marinus elegantissimus, & Planta marina reti-
formis.

Worm. mus. p. 234. Frutex marinus elegantissi-
mus Clusii.

Beßl. mus. Lochn. tab. 24. Nom. eodem.

Bonann. mus. kirch. p. 266. n. 13. fig. p. 286.
Frondipora.

Olear. mus. gottorp. p. 69. t. 35. f. 2. (& 3. ex
Clus.) Nom. Wormii.

J. Baub. bist. III. p. 798.

Calceolar. mus. p. 16. icon.

Boerb. ind. alt. p. 6. n. 1, 4, 5, 6. (Certe om-
nes hic pertinent.)

Petiv. pterigr. tab. 18. f. 8. Epicorallum reti-
culatum vulgare.

Mercat. metall. arm. 6. c. 20. p. 131. Isidię
Plocamum quartum.

Marfil. bist. mar. p. 100. t. 19. n. 84. seq.

Rumph. amb. VI. p. 224.

Brown. jam. p. 75. n. 1, 2. Keratophytum reti-
culatum.

Ellis cor. p. 61. tab. 26. fig. k! Ceratophytum
flabellum veneris Linnæi.

Torrub. bisp. tab. 10. f. 12. Lithophytum arbo-
reum nigrum.

Turgot mem. instr. tab. 23. fig. D.

Linn. bort. cliff. p. 480. Royen prodr. p. 522.

n. 1. Lithoxylum retiforme, ramis parallele compressis, primordialibus crassioribus.

— *syft. X. sp. 3. Faun. su. II. 2222. Gorgonia Flabellum.*

Angl. Sea Fan. Belg. Meerminne. of Zeewaajer.

DESCRIPTIO.

Maxima *Flabella* dantur, plurium pedum altitudinem æquantia & in insignem latitudinem, pluribus plerumque velut laciniis sparsa, vulgo oblonga. — E basi explanata, diffusa *truncus* plerumque unus, *depressiusculus* vel teres, in plano ramosissimus, *ramis* subparallelis, interjecto densissimo, æquabili reticulo ab imo ad summum contextis: *Ramuli* nempe alterni, divaricati, in eodem plano creberrimi, necessario concurrunt coalescuntque. *Ramuli* omnes *compressi*. Ex plani reticuli alterutra superficie passim *verticaliter* eriguntur laciniæ similiter reticulatæ, sæpe creberrimæ. *Lignum* hujus *Gorgoniæ* flexible, cornuum, opacitate nigrum, extus tenuiter, in longitudinem striatum. *Cortex* in truncis tenuis, verum ramulis, crassior, tereti *depressiusculam* formam conciliat; calcareus, flavus, intus quæ ligno instratus est purpurascens; in antiquis specimenibus albicans vel subcinereus. *Pori* in altera sæpe præsertim reticuli facie crebri, minuti, sine ordine sparsi.

* *Huic & duabus præcedentibus Gorgoniis Balani similiaque heterogenea nunquam adhærere observantur, G. Ventilabrio antem creberrime.*

β: Adferuntur e Mari Americano *Flabella*, cortice flavissimo, interdum ex parte *obscure rufeo*, (qui forte color vivis naturalis est), utrinque æque poroso; difformia plerumque, sed trun-

trunko æque ac ramis evidentissime pinnatim subdivisis, unde rete oritur magis regulare. Hæc cerebro superficiebus exsertant ramulos, accessoriaque reticula, *non verticalia, sed plano majoris reticuli parallela*, similiaque & figura & ramorum divisura. — Americana reliqua *Flabellæ* plerumque difformia sunt, & sæpe corticem passim diffuentem areolasque oppalentem exhibent.

Locus; Mare Americanum, Mediterraneum; Septentrionale *Linn. Borlace*; Oceanus Indicus *Rumph.* (unde pulcherrima maximaque adferuntur specimina.)

N O T A E.

Rumphius hujus, ut videtur, duplicem proposuit varietatem: *Majorem*, quæ in quinque sæpe pedum altitudinem luxuriat, trunko non tereti, sed subangulato, cortice albido, crasso, arenaeo, friabili; hæc circa Promontoria crescit, ubi strenui fluxus & magna saxa sunt. — *Minorem* spithamam non, dicit, exsuperare, e multiplicibus planis compositam, cortice modo albo, modo rubente præditam: crescere autem in duris lapillis, quibus *Amboynensis* sinus & ora *Hittuensis* abundant. Hæc in *Flabellæ* multiplicia *Rumphii*, supra citata, mire quadrant.

Ellisius memorabile hujus *Gorgoniæ* specimen proposuit, in quo, disrupto principaliori trunko, reticuloque alterius lateris, superstites ramuli in fasciæ continuæ, disrupti trunci extrema connectentis speciem confluxere. Specimen ipse vidi, at vix quomodo phœnomenon explicari possit dixer. Si per radicem nutrimentur *Gorgoniæ*, minime mirum videretur. Sic arteriæ enim, in ani-

animalibus sanguineis, collaterales, intercepto principali trunco, dilatantur; & in arbore, uno latere decorticato, superstes corticalis fascia intumescit. An hic autem, succus nutritius, pro restauranda basi & trunco, e ramis vigentibus refluus, eodem effectu superstites ramulos inundavit? — Non enim, quo Clariss. *Ellisius* phœnomenon explicat, animale flumen, a basi adveniens &, rupto trunco, in laterales ramos deflectens concipere possum; *Gorgoniam*, non animalium fabricam, sed *ut simplex*, & vegetabilium modo crescens animal mihi met fingere asfuetus.

Trunci maximorum Flabellorum, ramulis orbati & politi, saepe pro corallio nigro vero venunt. Talem pro corallio nigro in *Museo Calceolar.* p. 9. delineatum videmus. Talem etiam *Conr. Gesnerus* in libello *de lap. fig.* p. 138. nomine *Savaliae* proponit.

B. GORGONÆ pinnatæ.

105. GORGONIA ACEROSA.

GORGONIA teres ramoso-pinnata, pinnis setaceis confertis inordinatis diffusis, cortice laeviusculo purpurascente, poris seriato sparsis.

Olear. mus. gottorp. p. 69. tab. 35. n. 1. *Quercus marina* *Theophrasti.*

Bonann. mus. Kirch. tab. p. 284. n. 2.

Besler. mus. Lochn. tab. 24. *Quercus marina* *Theophrasti.*

**Pon.*

- *Pon. bald. ital. p. 221. 228. Antipathes hirsutum.
- J. Bauh. bist. III. p. 805. Antipathes hirsutum, seu Corallium foliatum.
- *Raj. bist. app. p. 1849. Moris. oxon. III. p. 652. tab. 10. n. 10. Pinus marina.
- Sloan. cat. p. 3. Hist. I. p. 57. n. 14. tab. 22. f. 1-3. Corallina fruticosa elatior, ramis quaquaversum expansis teretibus.
- Tourn. inst. p. 575. Lithophytum erectum elatius, ad tamariscum accedens.
- Breyn. icon. prodr. p. 34. tab. 30! Lithophyton incrustatum, ramis compressis setosis.
- Catesb. angl III. tab. 35. Lithophyton pinnatum, purpureum, asperum.
- Ital. Sambeggia (Bauh.) Angl. Large Seafather (Browne.)

D E S C R I P T I O.

Magnitudine sæpe plures pedes superat; maximus, quem vidi, frutex bipedalis fuit, imo trunco digiti crassitieri æquans. — *Stirps* erectissima, teres; *Truncus* in aliquot *ramos* rigide ascendentibus indeterminate fissus. *Truncus* æque ac rami, *ramulis* creberrimis, setaceis, longis, arrectis, (siccatione diffusis), distiche, sed inordinate dispositis, flexilibus, ruditer pinnati. — *Lignum* rigidum, fragile, corneo-lignosum, fuscescens, laxe lamellosum. *Cortex* crassus, striis obsoletis, flexuosis rudis; calcareus, cinereo purpurascens. *Pori* majusculi, simplices, paucim, plerumque tamen distiche, sparsi. *Antiquatus* cortex cinerascit; specimina albo, vel flavente tar-taro incrustata sæpius occurunt.

Locus: Mare Americanum, Mediterraneum.
N o.

NOTÆ.

Sloanii nomen, qui hanc certe speciem voluit, a Catesbejo G. Ceratophytæ falso adplicatur. — *Linnæus* a Breynio evidenter descriptam eandem, cum *Gorgonia pinnata* confudit.

Secundum *Sloanium*, in rupibus circa *Famaycam* crescit, in tripedalem sæpe altitudinem. *Bauhinus* ad hominis altitudinem in Mari *Sardinico* crescere dicit & *Italicum* ibi usitatum nomen adducit.

*An forte *Salix marina* J. Baub. Parkf. C. Baub. Raj. hist. I. p. 69. huc quoque pertineat?

106. GORGONIA PINNATA.

GORGONIA depressa ramosa pinnataque, pinnis suboppositis rigentibus, cortice miniato subverrucoso.

Theophr. hist. pl. lib. IV. c. 7. Palma pelagica.
Seb. thes. III. tab. 114. n. 3. (sine cortice.)
Linn. bort. cliff. p. 489. Lithoxylum pinnato ramosum, erectum, compressum, flexible, ramulis setaceis.

— syst. X. sp. 6. Faun. su. II. 2224. Gorgonia pinnata.

Belg. Kaapsche Heester.

DESCRIP TIO.

Frutices vulgo sesquipedales, interdum quatuor fere pedum. *Trunci* ex una basi quandoque plures, in communi plano divergentes, vel simplices, vel in ramos bifidi, trifidi &c. *Rami* in eodem quoque piano

plano arrecti atque, ut truncus, depresso plani, pinnatique. *Pinnæ* suboppositæ, setaceæ, fere parallelæ. *Lignum* corneum, striatum, in truncis opacum fuscumque & vitri instar fragile; in ramulis lutescentis coloris, rigidum, simulque tenacissimum. *Basis* rupibus, testisque impacta, late explanata, fibrosa & subgrysea extus. *Cortex* crassus, friabilis, cinnabarini coloris; in magnis speciminibus plerumque detritus, lœvigatus, poris oblongis, ruditer seriatis, majusculis, longitudinaliter sparsus, qui proprie lumina cellularum sunt. Integerrimum corticem in junioribus speciminibus observavi, rubentem, substriatum, verruculis inæqualem, maxime in pinnulis, quas extremitate fere crassiores reddit.

Locus: Mare Africam meridionalem alluens.

N O T Æ.

Hæc species nullibi, quod sciam, bene descripta delineataque extat. Synonyma quoque citata, præter *Linnæanum*, (qui ipse falsa citavit,) incerta sunt & forte ad sequentium aliquam, aut *G. acerosam* pertinent. Curiosis Belgii *G. pinnata* non infreenter *Promontorio B. Spei* mittitur. Interdum trunci ejus plani, in modum ensis flammatiſ ſ. *angelici*, serpentino modo flexuosi sunt; plerumque tamen recti, proceri, ascendentes.

107. GORGONIA SANGUINOLENTA.

GORGONIA depressa ramosissima dichotomo-pinnata, corticis flavi, poris distichis purpureis.

Pluk.

Pluknet. *amalthe.* *append.* *tab.* 452. *f.* 3. *Fucus ramulis compressiusculis, crusta aurea, sanguinis guttis duplii utrinque ordine insignita, obtitis.*

**Tourn.* *inst.* *p.* 574. *Litophytum flavum, puncatum.*

DESCRIPTIO.

Magnitudo pedalis vel ultra, multa tamen specimina palmo non altiora occurunt. *Truncus* in eodem constanter piano ramosus; *Rami* pinnati, *ramulis* passim sine ordine dichotomis, subdivisis, saepe fastigiatis. *Stirps* tota depresso-plana. *Lignum* corneum, colore & substantia. *Cortex* calcareus, citrinus, extus laevis. *Pori* crebri, *ramulis* prominuli, in marginibus ramorum duplii utrinque serie dispositi, sparsive, halone ruberrime roseo inclusi. — *Pumila* specimina pinnata, procera ramosiora sunt.

Locus: Mare Atlanticum, Americanum.

108. GORGONIA VIOLACEA.

GORGONIA depressiuscula ramoso-pinnata, cortice violaceo, poris prominulis subquadrangulo.

Clus. *exot.* *l.* 6. *c.* 4. *p.* 121. *cur.* *poster.* *p.* 47.
Quercus marina *Theophrasti.*

DESCRIPTIO.

Caules tereti-depressi, subsesquipedales, in eodem constanter piano ramosi atque pinnati, saepe

pe pinnato-bipinnati, dum pinnæ multæ denuo pinnatæ, pleræque tamen simplices sunt. *Pinnæ* subparallelæ, longiusculæ. *Lignum depresso-sculum*, corneæ substantiæ & coloris, flexible. *Cortex* crassiusculus, purpurascente-violaceus, *verruculis* contiguis, in quatuor series longitudinales rüditer digestis, *depresso subquadragulam* stirpem efficiens. *Verruculæ* cavæ, convexo tumidulæ sunt. — *Lepas calceolus* huic Gorgoniæ non infrequenter adhæret.

Locus: Mare Americanum.

N O T A.

Clusius in Quercu sua marina Theophrasti corticem coloris sature purpurei, qualis vini rubri fæcium est, deprædicat; quod in aliam, quam hic descriptam speciem quadare nequit. *Catesbejus* lignum in suis speciminibus nigrum describit, quod forte de crassioribus truncis intellexit, ubi cornea substantia ob crassitatem opaca & fusco nigra appetet.

109. GORGONIA VERTICILLATA.

GORGONIA teres longa pinnata, pinnis alternis setaceis subramosis, poris corniculatis verticillatis.

Marsil. bift. mar. p. 101. seq. tab. 20. n. 94—96.

Ellis cor. p. 60. t. 26. S, T, V!

Angl. *Sea Feather.* (Ellis.)

D E S C R I P T I O.

Frutex procerus, erectus, rectissimus, rigidiusculus, attenuatus. *Truncus* longus, tenuis; ramis setaceis, distiche alternis, longissimis, inæqualibus pinnatus. *Rami* vel simplices, vel itidem pinnati, paralleli. *Lignum* stirpis flavescentia, consistentiæ corneæ, fragile, extus longitudinaliter striatum. *Cortex* calcareus, albus, scabriusculus; trunco tenuis, calyculis minoribus rarioribusque, annulatim s. verticillatim dispositis, plerumque quinis: ramulis crassior, verticillis confertioribus, articulatus. *Calyculi* cylindraceo incurvati, seu corniculiformes breves, subrugosi, obtusi, poro terminali; quibus detritis pori magni in cortice supersunt.

Locus: Mare Mediterraneum, Atlanticum.

N O T A E.

Marsili Lithophyton ab hoc nostro forsitan specie differre reperietur. Descriptum *Ill. Comes* ita reliquit: pinnatum esse, cortice obductum flavo, qui in recenti forte roseus fuerit, compositusque erat tubulis quinis longitudinaliter repantibus, in arculos crebros brevesque crispatis, quasi verticillos circa ramulos efficientibus. Tubulos Lithophyti sui granuloſo porulentos dicit; crescere autem ad *Promontorium nigrum Africæ*, & in maximos adolescere frutices, ex relatione piscatorum, addit.

Cel. *Ellisius* corticis anatomicam analysin egregiam dedit, quam vide.

110. GORGONIA PECTINATA.

GORGONIA teres, surculis secunde pectinatis, pinnis ascendentibus parallelis longissimis acutis.

Seb. thes. III. tab. 106. n. 1 a!

D E S C R I P T I O.

Surculi ex eadem basi plures, teretes, inclinati, uno versu, nempe sursum, pectinati: ramis simplicibus, longis, rectissimis, parallelis, linearibus, apice acutis. Lignum rigidum, fragile, albidum; in truncis externe fuscescens. Cortex calcareus, friabilis, ruber, extus poris prominulis fere undique hiulus.

Rarissima species, constantissimæ structuræ; cuius descriptionem ex specimine *Musei SEREN. PRINCIPIS ARAUSIONENSIS*, eleganti atque perfectissimo adornavi.

Locus: Oceanus Indicus.

γ. *Gorgoniæ simpliciores.*

111. GORGONIA ELONGATA.

GORGONIA longissima recta dichotoma, cortice rubescente, verruculis poriferis quincuncialibus.

D E S C R I P T I O.

Rarissima species, corticis scabritie refert sur-
M 2 *cu-*

culum abietis juniorem defoliatum. — *Stirps* longissima, lenta, tenuis, lentissime attenuata, teres, rectissima, dichotoma: ramis stricte ascendentibus. *Lignum* rectum, pallidum, sine rigiditate & duritie fragile. *Cortex* duriusculus, calcareus, pallide rubens, superficie *poris* papillaribus, in quincunes dispositis verrucosus. — *Hujus specimen* subquadripedale, . trunco calatum cygneum æquante, ramis straminis crassitie, ex Sinu Gaditano habet Dn. C. P. MEYER, Amstelodami; aliud Curassoa acceptum, tripedali brevius, crassiori tamen trunco, numerosioribusque & brevioribus ramis ibidem extat apud Dn. WILH. van der MEULEN.

Locus: Oceanus Atlanticus.

112. GORGONIA JUNCÆA.

GORGONIA simplicissima attenuata subflexuosa, cortice crasso rubro verrucoso.

Plin. hist. l. 13. c. 25. Junci lapidei.

Rumph. amb. VI. p. 126. Palmijuncus albus.

Seb. thes. III. tab. 105. n. 1 a!

DESCRIPTIO.

E basi supra rupem explanata, *stirps* simplicissima, longissima; ab imo lente attenuata, extremitate flexuissima. *Lignum* corneum, rigidissimum, ubique opacum, subolivacei coloris, lævigatum. *Cortex* crassissimus, saturate ruber (f. cinnabarinus), friabilis, extus undique verrucosissimus, torulis confertis, poriferis; versus basin vero extenuatus atque lævis.

In-

Insigne hujus Gorgoniæ specimen extat in Rerum naturalium thesauro ditissimo SERENISS. PRINCIPIS ARAUSIONENSIS. Tripedalis est longitudinis, imo crassitatem calami scriptori ligno æquans, cum cortice vero digitum minimum. In Museo Celeberr. L. T. GRONOVII specimen ejusdem minus, cortice distitutum, imperfectumque vidi.

Locus: Oceanus Indicus.

N O T .

In Sebano thesauro (l. c.) una cum *G. pectinata* propositam figuram, junioris speciminis hujus nostræ esse vix dubito. A Rumphio *G. juncea* inter Palmjuncos dicta fuisse videtur. Primum *vulgarem* Palmjuncum, Malaice *Tali-atos* i. e. funis fluviatilis dictam, laxis atque inordinatis si nuosum flexibus, duarum triumve orgyarum longitudine interdum dicit reperiri & crassitatem vulgo majoris calami, saepe digitii æquare. Figure, qua & hanc & alteram Palmjunci speciem, *striatam* ipsi dictam, expressit, speciei nostræ exactius respondent, quam quidem subobscura Rumphii descriptio (*Herb. amb. VI. p. 202. tab. 78. f. A, B.*) Sed *Palmjunci albi* nomine speciem si ne dubio hanc nostram descriptis. *Idem* refert (l. c. p. 203.) Indos, ad *Promont. acutum* parvæ *Ceramæ* ingentem in mari Palmjuncum dari, perhibere; quem, qui ejus forte extremitatem fluctuantem viderunt, pedis crassitatem æquare supputant. Hunc superstitiose sacrum habent. Fluxus ad dictum Promontorium rapidissimi sunt. Palmjuncos rectiores arundini inclusas, cum aqua, coquunt Indi, ut lentos reddant; tumque in rectitudinem coactos siccant.

113. GORGONIA SCIRPEA.

GORGONIA simplicissima recta, basi decomposita foliosa, cortice molli verrucoso.

DESCRIP T I O.

Basis singularis: non enim, ut in Gorgoniis reliquis, discum explanatum refert; sed in innumeras, tenuissimas *membranas*, cinereas, frondoso laciniosas, striatas, siccatione crispas *decomposita*. *Stirps* simplicissima, juncea, extremo attenuata. *Lignum* fuscum, subcoriaceum; maxime extremitate lutescente, setacea, molli. *Cortex* Alcyonii æmulæ naturæ videtur; in siccatis cinereus, verrucis magnis, oblongis, confertis torosus; versus inferiora tenuior, lævigatus est tandemque tenuatus evanescit. *Verrucæ* inordinatæ, majusculæ, cavæ.

Bis omnino mihi visa, subsesquipedalis; cum cortice juncum crassitie æquans, extremodoque ferre crassior; ligno vero versus basin denudato, culmo tenuiore.

Locus: Mare (*credo*) Indicum.

114. GORGONIA SETACEA.

GORGONIA simplex, rigida, cortice calcareo albo subverrucoso.

DESCRIP T I O.

In testis Americanis variis sæpiuscule videoas setas

setas plurimas, nigrantes, corneas, cum fragilitate rigidas, filiformes, e lata basi explanata ortas, plerumque simplicissimas, interdum circa medium magno & fere recto angulo ramum similem, e nodo s. varice ortum exferentes. Sed nunquam cum cortice vidi, nisi in *Museo Viri Nobilliss. atque Ampliss. Dn. GEVERS Civit. Roterod. Consulis*; est autem cortex crassus, depresso-culus, calcareus, albus, poris oblongis, sparsis, prominulis inæqualis.

Locus: Mare Americanum.

S. Gorgonie ramosæ.

115. GORGONIA ANCEPS.

GORGONIA teres subdichotoma *diffusa*, cortice calcareo depresso-ancipiti, marginibus poroso.

Raj. *syn. p. 32.* *Keratophyton dichotomum*, caule & ramulis leviter compressis.

Petiv. *plerogr. t. 18. f. 12.* *Epicorallum virgulif alatis.*

Sloan. cat. p. 4. Hist. I. p. 56. n. 15. tab. 22. f. 4! *Corallina fruticosa*, ramulis & caulibus compressis, quaquaversum expansis, purpureis, elegantissimis.

Catesb. angl. III. tab. 34. *Lithophytum compressum*, obscure lutescens, marginibus purpureis asperis. (fig. rudis).

Ellis cor. p. 68. tab. 27. f. 9. n. 2. *Nomine Raji.* *Angl. Sea-Willow.* (Ellis.)

DESCRIPPIO.

Frutex saepe majusculus, (sesquipedalis aliquoties mihi visus), *diffusus*, *compressiusculus*, *subdichotomus*; *ramis* *sparsis*, *divaricato adscendentibus*. *Lignum* *filiformi* *attenuatum*, *corneo* *subcoriaceum*, maxime in *ramorum* *extremis*, *tenue*, *flexile*. *Cortex* *stirpem* *teretem* *includit* *crassus*, *calcareus*, *duriusculus*, *depresso* *anceps*, *laeviusculus*; *marginibus* *obtusis*, *inæqualibus*, *porosis*. *Pori* *simplices*, *minuti*. — *Color* *corticis* *albidus*, in *recentioribus* *speciminiibus* *elegantissime* *violaceus*, qui *siccatione* *rariissime* *persistit*, ad *margines* *plerumque* *tantum* *superstes*. *Corticis* *latitudo* saepe *semipollicaris*.

Locus: Mare Americanum, (unde forte ad Angliæ oras interdum adpellit.)

116. GORGONIA VIMINALIS.

GORGONIA longissima depressa ramoso-subpinnata, ramis divaricatis setaceis, cortice flavo, poris prominulis distichis.

Mercat. *metalloth.* *arm.* 6. *cap.* 18, 19. *p.* 128,
129. *Isidis Plocamum* II & III.

DESCRIPPIO.

Frutices valde elongati, sesquipedales, tenuissimi, inordinati, ramosissimi. *Rami* subdivisi, setacei, patuli, setis longis lateralibus suboppositis vel approximate alternis, plerumque distichis

chis pinnati; interdum setis quaquaversum sparsis. *Lignum* tenuissimum, truncis depresso, ramulis teretiusculum, corneum, fusco luteum, lument, at rigidiusculum. *Cortex* flavissimus, tenuis, duriusculus, poris distiche sparsis prominentioribus multo; quam in *G. Ceratophyta*. Rami in quibusdam speciminibus contactu coalescentes crebro observantur.

Locus: Mare Mediterraneum.

117. GORGONIA CERATOPHYTA,

GORGONIA depressiuscula dichotoma, ramis adscendentibus, corticis purpurascen-
tis, poris distiche sparsis simplicibus.

Gesner. lap. fig. p. 136. *Lithophyton marinum*, rubri seu purpurei coloris.

Lobel. hist. (1576.) p. 650. *Corallina rubens* Antipathis facie; an *Quercus* mar. fol. myricæ Theophrasti.

J. Baub. hist. III. p. 806. *Coralloides*, frutico-
sa planta marina rectior.

C. Baub. pin. 366. *Corallina fruticosa*, purpurea.

?*Ginann. adr. tab. 8. f. 21.*

Pluknet. amalb. p. 102. tab. 454. f. 13. *Fucus* teres ramosus, pini setis sursum rigentibus, cinerea quadam crusta, velut gypso, creber-
rimis foraminulis referta, obductis.

Boccon. obs. gall. tab. p. 8. *Corallina fruticosa*.

Petiv. gaz. t. 31. f. 8. *Coralloides epispongiosa*, virgulis dilute purpureis.

Marfil. hist. mar. p. 99. t. 19. n. 83. *Lithophy-
tum quartum.*

Catesb. angl. III. tab. 13. Corallina fruticosa
elatior, ramis quaquaversum expansis teretibus
Sloanii (*perperam!*)

Turgot. mem. instr. tab. 23. fig. B.

Seb. thes. III. tab. 107. n. 3!

Knorr. delic. tab. A5. n. 2!

Linn. mus. Tessin. p. 118. Lithophytum ramis
virgatis atris, cortice albo poroso.

— *syst. X. sp. 5.* Gorgia Ceratophyta.

D E S C R I P T I O.

α. Describam primo pulcherrimum G. *Ceratophytæ* habitum, quo præsertim e *Sinu Gaditano* nobis adfertur, quemque icon *Sebæ* (*I. c.*) ex-primit. — *Frutex* pedalis vel ultra, ascendens, *in plano* sparsus, lato disco rupibus insidens. *Trunculus* statim in ramulos subdivisus; *Divisura* dichotoma, inæqualis (*a*); *rami* ascendentes, rectiusculi, longiusculi. *Lignum* teres, ubi opacum, fuscum, *in extremis* ramulis lutescens, corneum. *Cortex* saturate roseus, (vel *Laccæ florentinæ* dictæ colore) ramos depreffos fistens, ob cellulas bifariam longitudinaliter dispositas; extus lævis, lateribus planiusculis, *stria* saltem unica, obsoleta exaratis; marginibus sine ordine aspersus *poris* exiguis, substellatis, nec prominulis.

β. *Varietas* in Museis crebro occurrit multo *ramosior*, ramisque magis divaricatis & brevioribus. Huic cortex laterius, marginibus & in ramis obsoletioris atque flavescentis sœpe coloris.

Struc-

(*a*) *Dichotomiam* inæqualem voco, ubi ramus alter, compare longius producitur, pluriesque subdivisus est; quod in Zoophytis crebro observatur.

Structura fere prioris. Hanc varietatem *Knorr* (*l. c.*) bene expressit.

γ. Ob structuram corticis, habitumque prius (*c.*) descripto similem, huic speciei annumerare cogor specimina passim in Museis obvia, flavo corticis colore singularia, præsertim postquam, ex eadem basi, rubro citrinoque cortice vestitos surculos simul enatos vidi. In *G. flabello*, quæ vulgo in museis flavo cortice prædicta occurrit, color purpureus, qualis *G. Ceratophytæ* solet esse, interdum perstans observatur, naturali, qua in mari est, similis, sed magis evanidus, quam in *Ceratophyta*. *G. Ceratophytæ* rarissime Balani adhærent.

Locus: Mare Mediterraneum, Atlanticum Americanum.

N O T A.

Linnæus in *Mus. Tessiniano* *G.* forte *verrucosæ* specimen, cui detritus cortex, qualia *G. Ceratophytam* fere mentiuntur, indigitare voluit. Album saltem corticem in *Ceratophyta vera* nunquam observavi.

118. GORGONIA PURPUREA.

GORGONIA subdichotoma, ramis divaricatis virgatis, cortice violaceo subverrucoso.

D E S C R I P T I O.

Habitus circiter sequentis. *Lignum* teres, nigrum,

grum, lăeve; extremis flagellis flavum. *Stirps* inaequaliter dichotoma, ramis rarius divaricato-ascendentibus. *Cortex* crassus, violaceus, scaber; poris alternis, oblongis, prominulis sparsus. — Hujus unicum tantum vidi specimen in Museo DN. GEVERS, basi summe explanata, fuscogrysea ostreo implantatum.

Locus: Mare Americanum.

119. GORGONIA SASAPPO.

GORGONIA dichotoma teres, ramis divaricatis virgatis, cortice rubro, cellulis undique piloso muricatis.

Rumph. amb. VI. p. 223. t. 83. Accarbaar Safapo s. Virga sanguinea.

DESCRIPTIO.

Frutices pedales vel ultra, in plano rudius sparsi, subcompressive. *Truncus* brevis, in paucos ramos subdichotomus; *Rami* flagelliformes longi, subflexuosi, divaricati. *Lignum* nigrum, corneum, rigidum, lăeve. *Cortex* crassus, saturate ruber, cellulis undique verrucosus confertis, hiantibus, extus muricatis setulis pellucido rubris. — Hujus Gorgoniæ plerisque specimini bus in singulis fere divisuris seu axillis balanus intidere solet.

Locus: Oceanus Indicus.

N O T A E.

Specimina hujus Gorgoniæ, marcido & detrito cortice prædita, cum *G. Ceratophyta* confundi solent. *Rumphius* eam proculdubio voluit, ubi Virgam sanguineam descripsit, e brevi trunco, raro digitum minimum æquante in flagella bi-trifida, longa, recta, pedem vel ulnam longa sparsam; crassa rubraque crusta obductam, in qua tenues veluti junci sint; ampla basi saxis adglutinatam, inque alto mari crescentem.

120. GORGONIA PALMA.

GORGONIA plana multifida, lacinii subsimplicibus longissimis, corticis lævigatis poris sparsis simplicibus.

**Clus. exot. l. 4. c. 12. p. 85.* Chamæriphe peregrina.

D E S C R I P T I O.

Frondem palmatam ruditer refert, sæpe maximam, bipedalis & quod excedit longitudinis. *E basi* lata, rupibus adglutinata colligitur in *truncum* fasciale, id est, latum, planum, undulatum; qui latecens finditur in plurimas lacinias, plerasque simplices, aliquas ramo uno alterove lateralí, adproximato præditas. *Laciniæ* leviter divergentes, longissimæ, planæ, attenuatæ, extremitate flagelliformi, teretiuscula. *Lignum* fuscum, corneum, in extremis ramis flexilissimum &

& subcoriaceum. *Cortex calcareus*, duriusculus, lævigatus, poris crebris, parvis, simplicibus, ubique inordinate sparsus. In specimine meo, alioque maximo *Musei SERENISS. PRINC. AURIACI* cortex albus & passim detritus est. In parvo autem hujus Gorgoniæ exemplo, quod in *LEYDENSISS ACADEMIAE Museo extat*, structura majoribus istis simillimo, corticis colorem miniatum, uti in *G. pinnata* esse solet, observavi.

Locus: Oceanus Indicus.

N O T A.

Quod *Clusius* pro fronde cujusdam Palmæ descripsit, hanc eandem Gorgoniam fuisse credibile est.

I2I. GORGONIA RADICATA.

GORGONIA homogenea suberosa, poris sparsis minimis, basi multifida.

**Seb. thes. III. t. 106. n. 6.*

D E S C R I P T I O.

Frutex in rudiori plano tortuose distributus, ramosissimus, subdichotomus. *Basis* fasciatim supra *Balanorum glomum* expansa, laciniis passim confluentibus, adeoque clathrata. *Truncus* collectus fascialis, sesquipollicem latus, bipollisci longitudine, subdivisus in *ramos* creberrimos, alternos, attenuatos. *Substantia* totius stirpis ubique homogenea, grysea, suberi subsimilis, sed com-

compactior, rigidior, extus (siccatione fortassis) strigosa, rudis, hiulca; *poris*, nisi in basi & trunco, ubique aspersa minimis, simplicibus. — *Nulla* hic distinctio inter Lignum & Corticem, ideoque Alcyoniis adnumerasssem, nisi habitu Gorgoniis nimis affinis foret. — Unicum omnino hujus specimen vidi.

Locus: Oceanus Africam Meridionalem alluens.

122. GORGONIA SUBEROSA.

GORGONIA lignosa dichotoma ramosissima diffusa, ramis compressis sulco aratis, poris sparsis substellatis.

Boerb. ind. alt. p. 8. n. 24. Arbor marina, ramosa, suber perfecte referens; cinerea; ubique eleganter & ordinata serie pertusa.

**Ellis cor. p. 64. tab. 26. P, Q.*

**Turgot mem. instr. tab. 23. fig. C.*

DESCRIPTIO.

Arbusculæ saepe tripedales, erectæ, ab imo subsecunde ramosissimæ, *inæqualiter* dichotomæ, inordinatæ. *Rami* quaquaversum sparsi, patentiusculi, ascendentes, rectiusculi. *Stirps* tota compressiuscula, a basi per omnes ramos sulco obsoleto ligni, & stria corticis longitudinaliter arata. *Lignum* vere ligneum, pallidum, extremis ramulis in tenuissimum nervum attenuatum, tenerumque. *Cortex* versus trunco tenuis, in extremis sensim proportione ligni crassior, friabilis, obsolete

lete lateritus; extus lœvigatus, ab utraque striæ parte sparsus *poris* verruciformibus, majusculis, contracto-substellatis, antiquioribus ramorum rariusculis. Trunci infra sœpe digiti crassitie sunt; extremi ramuli cum cortice nunquam calamo fere tenuiores.

Locus: Mare Africam Meridionalem alluens & Oceanus Indicus.

123. GORGONIA CORALLOIDES.

GORGONIA lignea erecta subdichotoma difformis, cortice roseo tuberoſo, poris verruciformibus stellatis.

Boccon. obs. gall. epist. 3. tab. p. 15. Corallium lignum incrustans!

D E S C R I P T. I O.

Arbusculæ subpedales circiter, difformes, inordinate, in plano tamen rudiori plerumque diffusiores, interdum & adscendentes, subdichotomæ. *Rami* teretiusculi, subdivaricati, sœpe varie distorti, contigi passim confluentes. *Substantia* stirpis prorsus lignea, pallide grysea, fibrosa, laxissima, tenacissima, extus strigosa & ad axillas fluxa quasi. *Cortex* cinnabarinus, subrosei coloris, friabilis, passim nodos efficiens tuberaque. *Pori* sparsi aut in nodos tuberaque congesti, verruciformes, osculo flavo,stellato, connivente notati.—E mari Siculo acceptam misit Amiciss. A. P. DUPONT *Londinensis*. Plura specimen,

mina, conchis rupibusque innata *Massilia* accepit Clariss. A. VOSMAER.

Locus: Mare Mediterraneum.

N O T A.

Boccone corticis hujus Gorgoniæ, cùm cortice *Isidis Coralii*, similitudine summa delusus; eam crustam primum Coralii rubri rudimentum esse, circum corruptum fruticis lignum fortuito adcretum, putavit. Similiter de Cortice G. *Ceratophytæ*, aliquid pariter similitudinis habente, opinatus est.

124 GORGONIA ANTIPATHES.

GORGONIA fruticans ramosissima erecta, ramis alternis divaricato-ascendentibus, cortice crasso lævi, poris magnis sparsis.

*Lobel. hist. (1576.) p. 650. Antipathes f. Corallium nigrum Dioscoridis.

C. Baub. pin. p. 366. Corallum nigrum.

J. Baub. hist. III. p. 804. Antipathes f. Corallium nigrum.

Tournef. inst. p. 574. Lithophyton nigrum arbo-reum.

Boerb. ind. alt. p. 6. n. 7. Keratophyton arbo-reum nigrum.

*— act. gall. 1700. p. 34. Icon. sec. Lithophyton Americanum, maximum, cinereum, cortice punctato.

Valentin. Ind. litt. p. 501. tab. 8. f. 1 a. Accabaar pohon.

Rumpb. amb. VI. p. 196. tab. 77! Accabaar itam
seu Corallina nigrum.

Valentyn. Ind. IV. t. 52. n. 51. Epit. pag. 28.
Accarbaarium nigrum.

Seb. thes. III. tab. 104. n. 2! tab. 107. n. 4. Cor-
allium nigrum.

Linn. syst. X. sp. 4. Gorgonia Antipathes.

Belg. Zwart-koraal. Amboyn. Lobomette. Hi-
toënsibus Hatuehn. Sinic. Titsjiu, seu Lig-
num ferreum.

DESCRIPTIO.

Frutices erecti, ad duum plurimum pedum
altitudinem ex crescentes, virgultum defoliatum
referentes. Truncus brevis, pollice saepe cras-
fior, plana basi rupibus impactus, in ramos sub-
divisus. Rami alterni, divaricato-adscendentes,
quaquaversum sparsi, adtenuato subdivisi, usque
in setaceæ tenuitatis virgas. Lignum rigide cor-
neum, solidum, aterrimum, extus flexuose stria-
tum, teres. Basis vero extus cinerea, fere
saxeæ. Cortex basin imosque trunco vestiens te-
nuior, laeviusculus, obsoletis striis exaratus; re-
liquum fruticem includit crassissimus, gryseo ci-
nereus, friabilis; laevis, teres, poris ubique mag-
nis, simplicissimis æquidistantibus conspersus.
Tenuissimi rami cortice suo vestiti junco fere
crassiores obtusissimeque terminati observantur.

Locus: Oceanus Indicus solus.

NOTE.

Quæ cum Corallio nigro vulgo confunditur &
a multis auctoribus pro vero descripta fuit, Sav-
lia

tia Maris Mediterranei, truncus magnorum Ventilabrorum, detritis ramis, politus esse solet. Quas in Museis vidi G. Antipathis specimina cuncta ex Indico allata erant Oceano, ubi non infrequens in rupibus submarinis crescit. — Rumphius de ea fuse egit. Truncum vulgo digiti, interdum 2 digitorum crassitie & palinari altitudine esse dicit, statim in ramos sparsum, extus flexuose striatum. Substantiam esse atram, e lamellis grossis consolidatis, circuloque cinerascente (in sectione transversa) designatis, compositam. Fragmenta contrita corneum odorem fundere. In tenuibus ramis passim globulos piperis granum æquantes, intus cavos, tenui constantes cortice, deciduos reperiri; in antiquis vero fruticibus nunquam. Conchas aviculas dictas (Mytulus hirundo Linn.) in uno saepe frutice denas vel duodenas, semper cauda elevata, ramis adhaerere solere, sed extracto e mari frutice decidere. Cortice in Marti obductos esse frutices obscure cinereo s. purpurascente, imo saepe purpureo; si vero viva in Mari Gorgonia tangatur torqueaturve, nigrescere eum. Siccatio pallide cinereum fieri, aeriique expositum fatiscere. Antiquos frutices, amissis per vim fluctuum tenuibus ramis atque naturali cortice, passim calcarea Eschara obduci; in perfectis vero, juxta basin, crustam cinereum duram & saxosam inveniri, e qua interdum pusilli rami progerminant. Indi melioribus ramis, unctione cum oleo Calappæ & calefactione, in annulos curvatis, pro armillis, brachialibusve utuntur. E rectissimus virgis sceptræ fiunt. Ipsum Corallium nigrum, æque ac crusta, insigni iisdem medicamento est.

125. GORGONIA PETECHIZANS.

GORGONIA teres ramosissima diffusa, cortice flavo bisulcato verrucoso, poris rubris.

*Marfil. hist. mar. p. 103. tab. 20. f. 89-93.
Lithophyton septimum.

DESCRIP T I O.

Stirps bipedalis fere. *Truncus* crassus, erectus ramosissimus subdivisus, fere dichotomus. *Rami* divaricato adscendentes, axillis compressiusculi. *Lignum* laeviusculum, teres, rigide cornicium, opacitate nigrum, sed virgulis succineis. *Cortex* crassus, friabilis, flavus; compressiusculus & utrinque sulco aratus, ubique obsolete papilliferus, verruculis confertis, medio s. circa porum purpureis, in exemplari recentiori, alias absque rubore. Speciem ex speciminiibus Musei CELEBERR. DN. H. D. GAUBII descripsi, quo ex Museo DIVI BOERHAAVII pervenere.

Locus: incertus.

126. GORGONIA VERRUCOSA.

GORGONIA teres subdichotoma divaricata, cortice albo calcareo tuberculoso.

Gesn. fig. lap. ic. p. 135. b. & p. 137. Lithophyton marinum.

Lobel. hist. (1576.) p. 650. Corallinæ Antipathis facie varietas, Corallina alba.

Imps.

- Imperat. ital. p. 653. c. 14.* Fucus vestimento rugoso.
- C. Baub. pin. p. 366.* Corallina alba nodosa.
- J. Baub. hist. III. p. 808. fig. p. 809.* Coralloides granulosa alba.
- Worm. mus. p. 234.* Frutex verrucarius seu vermicularis.
- Raj. hist. III. p. 7. syn. p. 32.* Frutex marinus flabelliformis, cortice verrucoso obductus.
- *syn p. 32.* Ceratophyton flabelliforme, cortice verrucoso obductum.
- Sloan. cat. p. 3. hist. I. p. 56.* Corallina fruticosa humilior & crassior, ramis quaquaversum expansis, superficie tuberculata.
- *act. angl. vol. 44. n. 478. p. 51. tab. 2.*
(sat. bona.)
- Petiv. mus. 50.* Erica marina alba frutescens.
- Tournef. inst. p. 574.* Lithophytum album nodosum & Lithophytum cortice verrucoso albo.
- Mercat. metalloth. arm. 6. c. 21. p. 132.* Isidis palina.
- Boerb. ind. alt. p. 7. n. 4, 5.* Titanokeratophyta. E nom. Tournef.
- Marfil. hist. mar. p. 91, 96, 104. tab. 16, 18;*
& tab. 21.
- Seb. thes. III. tab. 106. n. 3.*

D E S C R I P T I O.

Raro sesquipedali altior in Museis visitur, in maximos vero adolescere frutices scio. *Stirps* erecta, in plano, saepe rudiori, dichotoma; *ramis* flexuosis. *Lignum*, ubi opacum, nigrum est, rigidiusculum, teres. *Cortex* durioris consistentiæ, calcareus, albus; in quorundam specimini num truncis majoribusque ramis longitudinaliter

aratus striis aliquot obsoletis, subtortuosis, porcis interjectis verruciferis; aliis undique, sine ordine, verrucosissimus. *Verrucæ* corticis magis minusve exsertæ, interdum prominentissimæ, conoideæ, obtusæ. — Exigua hujus Gorgoniæ primordia verrucas obsoletas, rariuscule sparsas exhibere solent.

Lepas calceolus huic Gorgoniæ frequentes, cortice incrustatus, adhærere solet.

Locus: Mare Mediterraneum, Americanum.

N O T A,

Copiose ex America & Mediterranei Maris coralliferis locis mittitur. — *Marsilius* specimina quatuor leviter discrepantia, verrucarnm magis minusve prominularum pororumque habitu, pro distinctis speciebus descriptis. *Tertium* ejus *Lithophyton*, quod earum ex numero est, chemicæ analysi subjicit; corticem & corneum recentis lignum separatim in aqua digessit, eamque, maxime a cortice, glutinosam factam vidit, odore glutinis vulgaris, gustuque acrem, velut ab incoctis cancris vel rasura cornu animalis. Gelatina eam aquam saturans coagulabilis fuit. In septimo *Marsilius* Lithophyto suo verrucas parvas seriatim dispositas describit, quod in elegantioribus, ut dixi, speciminibus aliquando observare est.

127. GORGONIA MURICATA.

GORGONIA teres ramoso dichotoma diffusa, cortice crasso, poris cylindricis arrectis muricato.

Petiv.

Petiv. pterigr. tab. 18. f. 9, 10. Epicorallum
virgulis muricatis, majoribus & minoribus.

Tournef. inst. p. 574. Lithophyton Americanum
minus album, tuberculis sursum spectantibus
obsitum.

— *act. gall. 1700. p. 34. icon. 1.* Lithophy-
tum Americanum maximum pullum, tubercu-
lis sursum spectantibus obsitum.

Boerb. ind. alt. p. 8. n. 12. Nom. Tournef.

Catesb. angl. III. t. 37. Germ. *tab. 37.* Titan
ceratophytum ramosissimum, crusta eleganti
tuberculata.

Knorr. delic. tab. A 6. n. 4.

**Turgot. mem. inst. tab. 23. f. A.*

D E S C R I P T I O.

Frutex ad plurium saepe pedum altitudinem a-
dolescens, erectus, in latum expansus, e brevi
trunculo ramosissimus, inaequaliter & subsecunde
dichotomus. *Rami* divaricato adscendentes, in-
aequales, ad axillas depresso. *Lignum* coriaceo-
corneum, in ramis (siccatione) saepe depresso-
sculum, fusco-nigrum, extus tenuissime striatum,
nervo intus medullari albicante. *Cortex*
crassus, friabilissimus, (siccatione albicans), un-
dique papillis creberrimis sursum spectantibus,
tubulosis, versus trunco obsoletioribus, murica-
tus; faciem *Madreporeæ muricatae* exprimens. De-
tritus cortex poros magnos, in quincunes inor-
dinatus sparsos, habitumque fere *Alcyonii asbe-
stini*, refert; intus passim purpurascens. Sic de-
trito, corrupto, fuscoque cortice praedita speci-
mina, quale forte Icone sua secunda, quam ad *G.
Antipathem* citavi, *Tournefortius* in *Act. gall.* pro di-

versa specie exhibuit, mihi primo imposuerunt, ut pro alia pariter specie haberem, quam *G. spongiosam* vocabam. Singulare in hac *G. muricata* est, quod tubulorum corticalium magnitudo in junioribus plantis exigua, in magnis proportionate aucta inveniatur, quod in nulla alia specie occurrit.

Locus: Archipelagus Americanus. (Mare Atlanticum *Petiv. pterigr.*).

N O T A.

Secundum *Catesbejum* ad 2 saepe pedum altitudinem crescit; ego tripedales arbusculas vidi. *Idem* in mari crasso obiectam muco, & corticem recentis (& vigentis, credo,) fature flavi coloris esse, refert, qui & in siccatis speciminiibus persistat.

Pumila quædam specimina figuram fere *thes. Sebani III. tab. 107. octavam*, exprimere vidi.

128. GORGONIA SUCCINEA.

GORGONIA teres flavo-cornea dichotoma, cortice undique poris verruciformibus hiantibus.

D E S C R I P T I O.

Frutex semipede altior, in plano inordinate dichotomus: *ramis* subflexuosis, ascendentibus. *Lignum* teres, laxe, rigidissimum, substantiae corneæ, sed subpellucidæ, cereisque coloris. *Cor-*

Cortex coloris fusco terrei, undique poris amplis; prominulis verrucosus. Unicum tantum hujus speciei exemplar vidi in Museo D. D. VAN HOEY Singularem esse speciem, ob ligni substantiam succineam, qualem nulli *Gorgoniae* præterea observavi, vix dubito.

Locum: ignoro.

129. GORGONIA PLACOMUS.

GORGONIA teres lignosa dichotoma, cortice calyculis cylindricis coronatis.

Clus. exot. l. 6. c. 5. p. 122. Frutex marinus Ericæ facie.

C. Baub. pin. Corallina rufescens exasperata.

Raj. bist. I. p. 68. Corallina lignosa Ericæ facie Parkinsoni.

— *syn p. 32.* Keratophyton flabelliforme cortice verrucoso obductum.

Marsil. bist. mar. p. 93. tab. 17. & p. 157: tab. 35. f. 171.

Ellis cor. p. 67. tab. 27. f. a. n. 1. Nom. Raji.

Borlac. cornub. p. 238. tab. fig. 1. Flabellum marinum.

Pontopp. norw. I. p. 273, 274. tab. II. n. 2, 3.

Linn. syst. X. sp. 8. Faun. su. II. 2223. *Gorgonia Placomus.*

DESCRIPTIO

Stirps duorum saepe pluriumve pedum altitudine, erecta, inordinate inæqualiterque in plano dichotoma. *Truncus* brevis; *rami* divaricati, subflexuosi. *Lignum* prorsus ligneum, teres, ic-

teritii seu acute flavi coloris, extus tenuiter striatum. *Cortex* lignum vestiens est lamella suberosa, tenuis (in siccatis speciminiibus furvo grysea, rarius cinereo alba); *calyculi* per corticem in quincunces inordinatius sparsi, numerosi, cylindrici, coronati limbo e denticulis octonis subulatis, conniventibus, cincto setulis arectis. *Calyculi* ad corticem perpendiculares.

Locus: Mare Mediterraneum & Septentrio-nale.

N O T A.

In Mari Norvegico atque Mediterraneo maxi-ma hujus Gorgoniæ dantur specimina. *Marsilius* eam in varia, circa Insulam *Riou* ejusque scopulos profunditate invenit, quatuor saepe pedes altam, truncoque bipinnicaris diametri rupibus affixam. Intus lignosam esse dicit; calyces recentis glutine ruberrimo, opaco repletos describit, quo etiam colore tota planta imbuitur, siccata vero fusca fit. Coriaceis ramorum nudisque extremitatibus vegetantem delineavit *tabula* sua 35; ego vero in perfectis speciminiibus ramos in extreum usque apicem cortice tegi, calycibusque, etiam crebrioribus versus extremitatem, præditos esse, observavi. Calyces describit ceu verrucas, simplici orificio præditas. Talesque in viva Gorgia naturaliter sunt; calyces videlicet octodentati, in siccatis plerisque speciminiibus observabiles, skeleton quasi sunt, quod, in recentibus, animali substantia vestitum la-tuerat.

β. VARIETAS PRÆCEDENTIS.

Nonnisi varietatem præcedentis esse automo, Gorgoniam, cuius specimen in Mus. D. D. VAN HOEY descripsi, & alterum dein apud Amicum vidi: — *Stirps* est ab imo subdivisa, dichotoma, in plano ramosissima adeoque flabelliformis. *Rami* divaricato ascendentes, paucissimi coaliti. *Lignum fuscum, corneum*, extremitatibus ramorum flavescens, coriaceis, siccatione marcentibus. *Cortex* tenuis, terrei coloris, undique sparsus: *CALYCULIS dimidio, quam in Placomo, minoribus, cylindricis, limbo similiter octifido valvatis.*

Minuta specimina e Mari Mediterraneo habeo, quibus itidem lignum corneum; calyces vero, octifidum limbum ambiente, corona spinularum setacearum, longitudine calycis, erectarum muricati.

130. GORGONIA MOLLIS.

GORGONIA coriacea dichotoma, corticis calyculis tubulosis perpendicularibus.

DESCRIP TIO.

Specimina aliquot habeo semipedalia fere. *Stirps* aliquoties dichotoma, attenuata. *Basis* supra rupes explanata. *Rami* divaricati, (siccatione) varie flexuosi, molles, flagelliformes. *Lignum* coriaceo fibrosum, contortum, extus fusco violaceum. *Cortex* in meis exemplaribus passim superstes, fuscus, spongiosus, *cylindris* crebriusculis, magnis, truncatis, cavis, in

in axi ramorum perpendicularibus, sparsis, subverticillatus. — Corticis substantia similis est *Spongiæ medullosoæ* quæ, in M. Septentrionali, sæpius Sertularias incrustat.

Locus: Mare Mediterraneum.

131. GORGONIA RESEDA.

GORGONIA alterne ramosa diffusa, cortice calyculis recurvis callosis confertis coagmentato.

Clus. exot. l. 6. c. 6. p. 123. Planta marina Resedæ facie.

Besler. mus. tab. 24. Reseda marina.

Worm. mus. p. 234. Nomine Clusii.

Pontopp. norw. I. p. 277. tab. 13. n. 11.

DESCRIPTIO.

Frutex aliquot sæpe pedum, inordinate ramosissimus; *ramis* subascendentibus. *Lignum* durum, pallidum, (in ramulis, cum cortice calamino cygneo crassioribus, culmo tenuius.) *Cortex* albus, durus, obsitissimus *calycibus* ovato cylindraceis, recurvatis, confertissimis; qui extus *lamellis* confertis, angulosis, albis squamati s. callosi sunt; & ore similibus lamellis connivent. *Hos calyces* vasculis Resedæ confert *Clusius*.

Hujus Gorgoniæ specimen exstat in Museo GROVESTEYNIANO quod Hagæ Comitum servatur.

Locus: Mare Norvegicum & forte Indicum.

VIII. ANTIPATHES.

DEFINITIO.

A N I M A L vegetans:

Stirps cornea, extus *scabra*, attenuata;

basi explanata; obducta

Cortice gelatinoso, florescente

Polypis tentaculatis.

Ovaria, calyces corneæ stirpi insidentes,
subturbanati.

ANTIPATHEN, quod appropriato utcunque *Antipathis* incerto nomine appellare visum est, genus *tbis at-* cum *Gorgoniis* autores hucusque omnes confude- *que Gor-* runt. Et superficiarie, in Museis, istius spe- *goniae af-* cies contemplanti, alterius generis cortice forte finitas.

Natura crescendique modo *Antipathis* Genus summopere *Gorgoniæ* affine est. Simili nempe basi explanata rupibus insidet; similiter truncum in ramos sensim subdivisum & *attenuatum*, universamque stirpem simul, in omnem dimensionem, crescere testificantem exhibet; substantia, ut *Gorgoniæ*, est cornea, lamellosa, sed in lamellas & fibras ob rigiditatem ægrius separabili; tandemque, earundem adinstar, in mari, cortice nutritivo ac florescente obductum invenitur.

Porro, prorsus eodem modo, contigua quæ-
vis

vis corpora crusta cornea obducit *Antipathes*, & contigi ejus rami facile coalesceunt, ut in plurimis Gorgoniis quoque fieri videmus.

A Gorgonis diversitas: Lignum. At differunt insigniter Antipathis species omnes, primum quoad *Ligni* externum habitum: quod non, uti in Gorgoniis lave aut substriatum, sed tenerrima crebraque scabritie constanter hispidum est. Spinulæ scabritiem constituentes per series digestæ sœpe sunt, inque antiquis plurium specierum truncis, obsolescunt inque tomenti quandam speciem degenerant; extremos vero, setaceos ramulos largiori hirsutie exasperant.

Idem deinde *Lignum* generaliter multo, quam in plerisque Gorgoniis, densius est, rigidius, fragilissimæque & quasi vitræ naturæ.

Cortex Antipathis gelatinosus. *Cortex* autem, quo *Antipathes* vivit, non calcaneus est; sed gelatinosum tegumentum, in extremis ramis crassius, inque polypos efflorescens. Hoc quidem cortice, utpote putrescibili, in Museis adservata specimina fere semper orbata visuntur; verum ex observatis *Marsilianis*, *Rumphianisque* & ex inventis a meipso, in siccis quibusdam speciminibus, mucosæ crustæ reliquiis, omnibus novi nostri Generis speciebus naturalem essentialeme esse satis constat. Ex dictis porro liquet, in junioribus ramulis eundem crassiorrem esse, in antiquioribus truncis vero obsolescere.

Ovaria s. calyces. Notatu dignissimum est & adfinitatem inter *Antipathes* & *Sertularias* quandam constituere videtur, quod istæ, sicut harum pleræque, *calyces* singulares, propagationi aut seminificationi verosimilime destinatos, in trunco ramisque proferant. Notabilia hæcce *Antipathum* organa in plerisque enumerandarum specierum, plurimis perlustratis speciminibus, detexi. Sunt *calyculi* turbinato cyl-

lindracei, varie incurvati, e substantia cornea stirpis orti, eidemque continui. Crassiuscula eorum ad stirpem substantia in tenuissimam limbi lamellam extenuatur.

Hos *Antipathum* proprium & naturale organum esse, non heterogeneas animalculorum adventiorum cellulas, testatur *diversa* eorum in diversis speciebus & *constans figura ac magnitudo*: docet *numerofitas* atque intima eorum, cum substantia stirpis, evidentissimaque *continuitas*.

Species hujusce generis in Museis, quamvis integumento suo animali, gelatinoso plerumque distitutas, quilibet facile ex superstitis ligni eleganti hispiditate dignoscet. In planum crescenti lex, cui Gorgoniæ pleræque adstrictæ sunt, in harum paucissimis locum habet.

132. ANTIPATHES FOENICULACEA.

A N T I P A T H E S ramosissima, ramis setaceis decomposito pinnatis.

*Rumph. amb. VI. p. 208. tab. 80. f. 3. Fœnum marinum.

D E S C R I P T I O.

Frutex pedali saepe major, in latum expansus, diffusus, tenuicaulis. *Truncus* in maximis calamo non crassior, ramosissimus, subdivisus. *Rami* inordinati, creberrimi, fere distichi, patentes, rigentesque, setacei; *setis* distichis, sine ordine alternis vel suboppositis, aliquando ramosi pinnati. *Lignum* fruticis, ubi opacum, atrum, extus tenerime hispidum. *Rami* aliqui infracti quasi,

quasi, cum contiguisque coaliti. *Tegumentum mucosum*, setaceis maxime ramis crassissimum, ex altero fruticis latere in nodulos per intervalla collectum, siccatumque ramulos nodosos sistens. *Ovaria* rara observavi, subaxillaria, sparsave, brevia, cylindracea.

Trunci hujus speciei in *Museis* saepius occurunt, nodosissimi, ramo vix uno alterove pinnato superstite; rarius integra specimina. E nodo muco plerumque superstite, siccato quamvis, speciem facile agnoscat quivis.— Apud Auctores ejus neque iconem, neque mentionem ullibi factam invenio; nisi forte *Rumphii Fœnum marinum*, eo referre velis, quod mihi saltem hoc pertinere visum est.

Locus: Mare Mediterraneum.

133. ANTIPATHES ERICOIDES.

ANTIPATHES ramosissima hispidissima atra, ramis sparsis, ramulis ubique crebris subulatis.

Rumph. amb. VI. p. 207. Cupressis marina prior.

DESCRIPTIO.

Stirps pedalis circiter, incompta, horrida s. spinosissima, aterrima, in latitudinem expansa, ramosissima. *Rami* sparsi, inæquales, oppositi, patentib. subrectanguli, attenuati, subdivisi asperisque fetis item patentibus brevibus, plerisque distichis, multis & ramescentibus. *Lignum* ubique aterrima scabritie hispidissimum, opacum, fra-

fragile. *Calycos* in specimine descripto, quod Celeberr. DN. H. D. GAUBIUS in ditissimo Museo servat, nulli extant. Neque in alio specimine quod Celeberr. GRONOVII Museum continet observantur.

Locus: Oceanus Indicus.

134. ANTIPATHES PENNACEA.

ANTIPATHES ramosa subincurva, ramis pennatis, pinnulis setaceis creberrimis hispidis.

**Aldrov. mus. metall. p. 848. ic. 1.* Peucites prima.

Rumph. amb. VI. p. 209. Accabaar rutturuttu s. Erica marina crassa.

DESCRIPTIO.

E basi crustacea atra, extus gryseo-scabra, trunci plures, calami fere crassitie, rigiduli, omnesque in unum clementer curvati latus, pedali fere altitudine, inaequaliter bifariam ramosi. Trunci ramique assurgententes ubique tomento gryseo hispidi, distiche pennati: pinnulis creberrimis, setaceis, simplicibus, parallelis, flexilibus, undique hirsutis, in latus ramorum concavum leviter inclinati. Lignum, abrasa lanuginosa crusta, aterrimum est, fragileque: — Specimen meum purissimum est, nec *Balanis* constitum.

Locus: Oceanus Indicus.

N O T A.

Elegantissima simul atque rarissima hæc Antipathis species est. De Aldrovandino synynomo dubitandi locus est. Rumphius autem (l. c.) certissime hanc speciem voluit, ubi stirpem ramosiorem *Erica* sua *marina* tenui, ramis etiam asperis, verum longioribus, plumaceis, *Muscum rutturuttu* referentibus, describit. Datam vero hujus Musci iconem specimen meum, ramorum pennaceo habitu, valde assimilatur. — Addit Rumphius, nigriorem fieri siccatione, duriorremque; e mari enim extractam muco copiosiori, quam *Erica* tenuis, obductam esse, eoque urticante seu pruritum ciente; prout mucus *Fæni marini* Rumphiani, quod, quonam referam, nescio.

135. ANTIPATHES MYRIOPHYLLA.

ANTIPATHES incurva ramosissima pinnulataque, ramis sparsis divaricatis, pinnulis rariusculis setaceis, hinc ramosis.

Clus. exot. l. 6. c. 5. Ericæ facie frutex marinus.
Petiv. gaz. tab. 35. f. 12. Myriophyllum Indicum ramosissimum.

Breyn. prodr. II. p. 35. *Icon. p. 33. tab. 29.*
Lithophytum fuscum, subhirsutum, ramis tenuissime divisum & subdivisum.

Rumph. amb. VI. p. 209. *Erica marina* tenuis.

D E S C R I P T I O.

Fruticulus ad summum subsesquipedalis, asperimus, inordinatus, varie incurvatus. Caules e basi

basi explanata rigidi, nigri, scabritie subgrysea asperati, curvati, sine lege ramosi. Rami divaricati. *Pinnulæ* ubique setaceæ, distiche alternæ, rariusculæ, in idem plerumque cum ramis latus curvulæ, hispidæ, vix non omnes aliquoties, a convexo latere, ramosæ, seu pectinatae: planum ramulorum, ad planum in quo ipsæ pinnulæ sitæ, obliquum.

Calyces in ramis rariusculi, laterales, cetylodei, altero margine sessiles, exteriori interdum proliferi, extus scabri.

Balanorum glomeres huic *Antipathi* frequenter adhærent, ut & *Ostrea folia* (Linn. sp. 178.) aliqua.

Locus: Oceanus Indicus & forte Americanus.

N O T .

Rumphius sequentia prodidit: *Ramos* duos tresve assurgere, teretes, fragiles, asperos, ramulis teneris bifariam & inordinate pinnatos; Recentem plantam muco vestiri. Locum esse in Sinibus Maris Indici tranquillis; magnitudinem vero variam.

Clusi huc pertinere visus frutex e Norvegia fuit. In Museis variis ex America, ut referebatur, allata specimina vidi.

136. ANTIPATHES FLABELLUM.

A N T I P A T H E S explanata ramosissima subdivisa, ramulis bifariam ramosis, reticulatim cohærentibus.

**Rumph. amb. VI. p. 209. Ericæ marinæ affinis.*

DESCRIPTO.

Flabellum est subrotunde expansum, semipedalis fere diametri, undulato curvatum, tenuicau-
le. E basi tenui, supra rupe explanata, *trun-*
culus brevis, culmo tenuior, distiche ramosus. *Rami* ascendentis, subdivisi, longissimi, tenues,
in plano dispersi; *ramulis* distichis setaceis, inor-
dinate alternis, numerosis, patentibus sparsi,
elongatiorumque ex his concursu & coalitione
cohærentes. (Hi ramuli in convexum flabelli latus
inclinant adeo, ut recto tantum angulo distent;
hinc gibbum flabelli latus hispidum fit. In speci-
mine meo portio una flabelli, in diversum, a reli-
quo, latus cavatur; ibique ramuli versus gibbam
pariter faciem vergunt.) *Lignum* stirpis fragilissi-
mum, atrum, tenerima scabritie hispidum. *Ca-*
lyces, a latere convexo flabelli, per ramos sparsi,
crebri, grano papaveris vix majores, breviculi,
subturbanati, extus scabri.

Locus: Oceanus Indicus.

NOTE.

Bene *Rumphius*, cuius citatum locum hoc per-
tinere vix dubium esse potest, habitum hujus
nostræ Antipathis compositum velut *Flabelli* &
Ericæ suæ marinæ esse, dixit.

137. ANTIPATHES CLATHRATA.

ANTIPATHES ramosissima intricata,
ramulis confusis ubique coalescentibus, ju-
nioribus setaceis.

Boccon.

Bocconii, *mus. ital.* p. 259. *tab. 9.* *Antipathes spinosa*, *exilis*, *reticulata*, *arborea*, *indica*; aut
Antip. exilis, *aspalatoides*.

Morisii, *bist.* p. 652. *sect. 15.* *tab. 10.* n. 18!
Fruticulus marinus asperiusculus, *ramulis ferulaceis spinulis exeuntibus*.

**Linn. bart. Cliff.* p. 479. n. 2. *Isis flexilis fruticosa*, *caule subdiviso*, *ramulis setaceis strictis undique prominentibus*.

D E S C R I P T I O.

Fruticulus modo pedali major, rariusculus: modo vix semipedalis densiusque ramosus; semper in latum expansus; rigidus, inordinatus. *Truncus* ab imo fere ramosus, creberrime subdivisus. *Rami* divaricati, curvuli confusique assurgunt, creberrimisque *ramulis* alternis vel subsecundis, reclinatis fere, inter se coalescunt; junioribus passim, setaceis sparsi. *Lignum* atrum, scabrum, setaceis ramulis hispidius, subtetaceum. *Calyces* cornu bovinum fere mentientes, apice ligno continui, curvuli, eretti, versus limbum extenuati.

Balani atque *Milleporae* huic speciei frequenter adhaerent, atque saepe cornea stirpis substantia incrustati, imo inclusi, nodorum strumarumque specie, observantur.

Locus: Oceanus Indicus.

138. A N T I P A T H E S C U P R E S S I N A.

A N T I P A T H E S trunco simplici longissimo flexuoso, ramulis confertis recurvis ramosissimis paniculato.

Rumph. amb. VI. p. 207. tab. 80. fig. 2. Cus-
pressus marina. (altera.)

Seb. thes. III. tab. 106. n. 1. Nomine Rumphii.
Linn. syst. X. sp. Gorgon. 7. Gorgonia ænea.
Belg. Zee-cypress.

DESCRIPTIO.

Maximum quod vidi specimen plus quam bipedalis longitudinis erat, trunco pennam cygneam æquante; tantaque rarius visuntur. *Truncus* rigidus, lente attenuatus, subflexuosus, plerumque simplicissimus; rarius bifidus vel trifidus, divaricatusque. *Ramuli* imi detriti, sed aliquot a basi pollicibus *panicula* incipit in thyrsum cylindraceo-oblongum coarctata, e ramulis confertis, vel sine ordine, vel subspiraliter sparsis, patenti recurvis. Hi ramuli sursum tantum ramosi sunt, subdivisi, fere in setaceam tenuitatem. *Stirps* tota tomento gryseo hispida est, quo abraso aterrima fragilisque substantia apparet. Setacei ramuli flexiliores, hispidiores & subtestacei.

Huic Antipathæ calyces maximi, maxime ad truncum, eidem fere seu calamo scriptorio parés; in ramis passim minores, breves, cylindraceo subturbanati, plerique incurvuli, rectiusculi alii, imo reclinati, aliqui ramulo circumflexi. *Balanos* heterogeneaque alia nunquam adhæsisse vidi.

Locus: Oceanus Indicus.

NOTE.

Linnæi *Gorgonia* *abies* ad hanc quoque speciem referenda videtur.

Rum-

Rumphii: adumbratio a nostra vix differt. Binas vero memorat varietates; quarum altera nigra, vix notabili crusta obducta, verum recens mucosa est, coma cupressum feminam mentiens. Altera levioris, fungosiorisque est substantiae, cinerea, rotundo caudice: foliolis tenuioribus, mollioribus, brevioribus; colore rufa, ut caudam vulpinam æmuletur. Et hoc vel de junioribus speciminiibus, vel *Sertularia* forte *Thuja* intelligendum puto. Utramque in parvis durisque faxis crescere dicit, nec nisi in alto, circa Uliasesenses & Bandenses imprimis insulas; raro autem a piscatoribus extrahi.

139. ANTIPATHES ORICHALCEA.

ANTIPATHES ænea lævis, trunco simplici rigidissimo, ramis spiraliter sparsis dichotomis paniculato.

*Rumph. amb. VI. p. 224.

D E S C R I P T I O.

Stirps subpedalis, rigidissima; substantiae ponderosæ, solidissimæ, lamellofæ, olivaceæ; extus politissima, nitore orichalceo subfuscō, sive æneo resplendens. *Truncus* crassitie fere calami, attenuatus, inter ramorum spiralem tractum leviter anfractuosus; infra lævis, deinde ramis crebris, spirali ordine dispositis paniculatus. *Thrysus* rariusculus, oblongus, attenuatus. *Rami* ad medium fere altitudinem trunci detriti; reliqui crassi, arrecti, ab origine fere bifurcati, inaequilater dichotomi, subulati. *Divisuræ* ramorum omnes;

nes æqualibus patent angulis. Vix unus, in descripto specimine, alterve ramus a norma declinat; *unicus* neglectus quasi, in subjacentem reclinatus, eidem coaluit.

Unicum rarissimi Zoophyti specimen quod unquam viderim, in *Museo SERENISSIMI PRINCIPIS ARAUSIONENSIS* extat. Politissima ejus superficies, & deficientium ramorum obsoleta vestigia artem adsuisse testantur. Sed substantia & habitus huic generi illud adnumerare suadent.

Locus: Oceanus Indicus.

N O T A.

Rumphius l. c. Accabarum ex Uliasserenibus Insulis adveniens describit, sesquipedale vix altius, multis nodosis, tenuibus, rigidisque ramis; quod recens ex aureolo niteat, postea vero fuscum evadat, passim servato nitore; fragile esse & in profundo Maris crescere adjiciens. Similia ex Banda insula accepit, quæ auteolum diu servarunt nitorem; his vero tenuiores rami abrupti erant.

*140. ANTIPATHES DICHOTOMA.

ANTIPATHES longissima dichotoma erecta.

*Marfil. hist. mar. p. 105. tab. 21 & 22. fig. 101.
& p. 68. tab. 40. f. 179. n. 1, 2.*

D E S C R I P T I O.

Summam hujus Zoophyti altitudinem, quod ex

ex 140 Orgyarum profunditate piscatus est *Comes Marsilius*, bipedalem esse dicit. *Stirps* est teres, erecta sive ascendens, procera, aliquoties dichotoma. Cortex abest, tota vero superficies stirpis, coloris obscuri, *spinulis* undique hispida est, & recens vernice quasi obducta videtur, qui in trunco spinulas fere tegit, versus ramos vero minus crassus est. Transversim sectus truncus poros longitudinales exhibet. Summa ejus crassities lineae unius cum dimidia circiter est. *Ramos* extremos passim glutine obductos invenit; cui globuli vivi, crebri insidebant; hi sub aqua in flosculos oblongos, binis singulos cirrhis instructos, sese exporrigebant, extracta vero planta contrahabantur.

Locus: Mare Mediterraneum.

N O T A E.

Mihi haec species nunquam visa est, ideoque ex *Marsilio* descripsi. An *Fœnum marinum Rumphii* huc sit referendum, aliis determinandum relinquo.

Antipathes nostras omnes muco polypifero, qualem descriptum dedit *Comes Marsilius*, in Mari obduci, *Rumphii* aliaque fide dignissima observata extra omnem dubitationis aleam ponere videntur.

141. A N T I P A T H E S S P I R A L I S.

A N T I P A T H E S simplicissima attenuata flexuosa, spiralis, *spinulis* seriatis scabra.

- C. Baub. pin. p. 366. Corallina nigra, setacea,
circumvoluta.*
- **Pona. bald. ital. p. 230. Antipathis vel Coralli-
næ quarta species.*
- Tournef. inst. p. 574. Lithophyton nigrum, se-
taceum, circumvolutum.*
- Rumph. amb. VI. p. 202. tab. 78. C. Palmijunc-
cus anguinus.*
- Valentyn. ind. III. tab. 52. B.B. Tali-aros f.
funis aquatilis.*
- Linn. syst. X. sp. I. Gorgonia spiralis.*
- Belg. Zeetouw. Malaic. Accabaar-ular. Ternatan.
Bau-mautu.*

DESCRIP TIO.

Est culmus simplicissimus, longissimus, crassi-
tie fere calami scriptorii, teres, extremo lentissi-
me attenuatus, imo subflexosus, deinde spirali
volumine pergens. Superficies nitidula, punctis
seu spinulis per longitudinales series digestis his-
pidus. Substantia atra, cornea, rigidissima fragi-
lisque; medullari tubulo totum culmum transcur-
rente.

LOCUS: Oceanus Indicus; Mare Mediterra-
neum (Baker), Norvegicum (Brünnichen).

N O T A.

Rumphius hanc Cerauniam inter Palmjuncos,
suos recensuit, & nomine *Palmjunci anguini* ter-
tio loco distinctissime descripsit Malaice *Accar-
baar-Ular* audit, tenuior multo minorque Palm-
juncis suis prioribus; ad quinque pedes interdum
longa, nec tamen culmi calamive crassitiem exce-
dens;

dens; spiralis, pelle rugosa, spinulosa, vix separabili obducitur, qua deresa nigerrima substantia supereft. Hæc descriptio speciminibus, quæ ex Mari Siculo & ex India Orientali adlata vidi, ad amuſſim convenit. In *Sinu Amboynico* in silicibus a pifcatoribus ibi projectis nascitur, ampla bafi iisdem adglutinata. Si *supra fungosa saxa crescat*, *flexuosa non fit*. Erectam fese, obtenuitatē, sustinere nequit, ideoquē in mari pendula ſæpe extremitas cum inferioribus gyris coalescit.

*Quod in *Sebano* opere inter Corallia exhibetur, serpentiforme lignum (vol. III. tab. 104. n. 3.) productum marinum haud eft, sed lignosus vegetabilis eujusdam Indici caulis. Idem quod *Seba* habuit, in SERENISS. PRINCIPIS ARAUCTIONENSIS Museo nunc extat, aliāquē alibi fragmenta vi-di. Figura: depreffā, in plano serpentiformis, ſinuosa flexuris intus canaliculatis, rami rudimen-to ad ſingulam flexuram ſuperius notabili; ex citata Icone perspici potest. Substantia prorsus lignea eft, porosa; corticalibus adhuc paſſim crufulis, vegetabilem naturam adferentibus, obducta.



IX. I S. I S.

DEFINITIO.

ANIMAL vegetans, plantæ forma:

Stirps (*Corallium*) *lapidosa*, vasculis longitudinalibus porosa, sæpe articulata; obducta

Cortice molliori, sparsò verrucis calycularibus oviparis; efflorescentibus in *Polypos* floriformes, tentaculis coronatos, retractiles.

Isidis nomen. **I**SIDIS nomen in designandis Coralliorum quibusdam speciebus primum adhibuit in *Horto Cliffortiano LINNÆUS*; atque vagum prius, in decima tandem *Systematis Naturæ* Editione pulcherrimo adpropriavit generi, cui invita natura *Pennatulam umbellatam* & *Brachionum Anastaticam* adedit; *Corallum rubrum* contra eo certissime numerandum, & a Royeno etiam jure ad Isides relatum, in diverso & alienissimo *Madreporarum* genere collocans.

Isidum & Gorgoniarum effinitas. *Isides* miræ omnes pulchritudinis fruticuli marinæ lapidei sunt, & *Gorgoniis consanguineæ*, ut eædem, adolescenti e papilla corticali adglutinata, in Polypum primum solitarium efflorescente, deinde vero assurgente & lapideum intus Corallii initium generante; constant etiam, ut *Gorgoniæ*, e dupli substantia, altera *interiore*, solidiore, lamellosa, extus striata, skeleto quasi ani-

animalis, s. *ligno stirpis*,) altera *corticale*, molli, cellulas continente polypiferas, organis nutritio- ni & generationi inservientibus instructas. Af- fectant habitum *pariter* plantæ ramosum & de vegetabili indole insigniter participant; amant *itidem* in plano distributis ramis flabelliformem speciem exprimere; & obvia denique corpora, cortice primum & dein corallio incrustant ac ramis contiguis coalescunt, prorsus uti Gorgoniæ. Adeoque omni respectu iisdem conferri me- rentur, sola tantum interioris substantiæ natura, diversæ.

Isidum substantia interior (animalis, ut dixi, velut *sceletum*, seu *os*), saxosæ naturæ est; adeo- que, quam in Gorgoniis *ligni* nomine indigita- vimus, hic voce *corallii* aptius in genere appellabi- mus. Exterior corallii *Isidum* superficies subtilibus striis (ceu extimorum tubulorum semicanalibus,) exarata, & diffraæti ejusdem porositas, longitudinalium canaliculorum congeriem illud esse sat- tis probant. Per strata vero accrescere, ut in arboribus lignum, in transversim dissecto coral- lio concentrici circuli, axi circumjectas cylin- dricas laminas experientes, indigitant.

In sola *Iside nobili* s. *Corallio* vulgo dicto *rubro*, substantia interior solidissime saxosa & ubique continua est. In reliquis speciebus omnibus in segmenta discedit articulosve, per substantiam modo cartilagineam (ut in *I. Hippuride*), modo corneam (ut in *I. dichotoma*), modo pumicosam quasi, seu rariorem lapideam commissos. Trun- ci tamen antiquiores, in articulatis quoque spe- ciebus, solidescere saepe solent in corallium continuum, maxime *I. ocraceæ*.

Isidum corallium exterius totum obvestitur *Cortex.*
cor-

cortice, quo viget, vivit & nutritur stirps, quique organa continet. Organica corticis structura, in *I. nobili* accuratius observata, in ejusdem descriptione statim tradetur. Hic eandem in genere referam.

Cortex in omnibus speciebus *corallio* mollior est, & siccatus fit friabilis, qui recens ad carnem vel cartilagineam accendentis consistentiae fuerat: Vasculosa ejus est & porosa substantia; & cellulæ præterea in eo peculiares sunt, quæ extus *papillis* oscula, calyce plerumque laciniato coronata, aperientibus respondent. Ex singulo osculo exseritur (recente & viva Iside) flosculus animalis s. *polypus*, radiatumque tentaculorum apparatus pandit; idem, vim sentiens, intra calycem s. cellulam sese sponte recipit. Hos polypos *Shawius* radiculis plantarum comparavit. Melius vero poris Vegetabilium submarinorum, nutrimentum ex circumfuso æquore haurientibus conferri possent; sunt enim Zoophyti capita atque oscula, æque ac ii, quos ex singulis denticulis Sertulariæ exserunt. — Cum singulorum vero Polyporum in cellula, cui respondent, præter viscera, lateat & ovarium; a Sertulariarum polypis nutritoriis eo differunt, qui ovaria non gerant, a propriis fructificantibus Polypis paranda.

Corticem Isidum æque ac Gorgoniarum in omnibus speciebus ipse observavi & infra suo loco descripsi, adjecique a quibus ante me autoribus observatum & descriptum invenerim.

142. ISIS NOBILIS.

*ISIS continua dichotoma subattenuata,
cortice cartilagineo sparsim papilloso.*

Stapel. in Theophr. p. 28.

Gesn. fig. lap. p. 132. Corallium.

Aldrov. mus. metall. p. 290. (Gorgoniam incrusterans.)

J. Bauh. hist. lib. 39. cap. 33.

C. Bauh. pin. p. 366. Corallium rubrum.

Worm. mus. p. 231.

Gans. hist. corall. Francof. 1669. c. ic.

Bonann. mus. Kirch. p. 265. tab. p. 284. n. 1.

Raj. hist. I. p. 60. Corallium rubrum J. B.

Calceolar. mus. p. 3. icon.

Boccon. obs. 1674.

Tournef. inst. p. 572. tab. 339. Corallum.

Marsil. hist. mar. p. 108. seq. tab. 22-29. fig. plur. & p. 168. tab. 40. f. 180. (flores.)

Mercat. metalloth. p. 114. Nom. Bauh.

Royen. prodr. p. 521. n. 1. ISIS rubra, ramis patulis teretiusculis.

Ellis cor. p. 93.

Donat. adr. p. 43. tab. 5. Corallum rubrum.

Knorr. delic. tab. A. n. 1, 2. tab. A II. n. 4.

Lin. syst. X. sp. 38. Madrepora rubra.

Corallium rubrum Officinar.

Gall. Corail. Angl. Red-Coral. Belg. Bloed-Koraal. Malaic. Maradjaan (Rumph.)

D E S C R I P T I O.

Stirps ad summum pedalem altitudinem & trunci pollicarem diametro crassitatem sistit; e basi supra rupes diffusa, discoide, lente attenuata, teretiuscula, dichotoma: ramis in plano, ple-

plerumque rudiori distributis, divaricatis, paſim confluentibus. *Corallium* plerumque pulcer-rime rubrum, (rarius rubellum, flavescens vel lacteum) saxeum, continuum; extus subtilissimis striis longitudinaliter aratum & paſsim foveolatum; in extremis ramulis friabile; calcinatum in sphærulas fatifeſens. *Cortex* miniaceus, lubri-cus, mollis, cellulosis, vasculis succiferis. lon-gitudinalibus & tenerrimis transversis irrigatus, *Sphærulis* rubris, coralligenis refertiſſimus; coral-lioque instratus interventu libri albidiōris, pau-cioribus sphærulis præditi. Extus cortex sparsus est *papillis* conoideis, ore octilobo subhiantibus, quæ cellulis corticis & libri, foveolisque coralii respondent, & in mari aperta fauce exferunt *polypum* cœrulei candoris, cylindricum, *tentaculis* octonis, attenuatis & bifariam cirrhatis radia-tum; qui mari extracto Zoophyto, replicatis ten-taculis intra papillam conniventem reddit; & in cellulæ cavo *ovula* miuita progenerat.

Locus: Mare Mediterraneum solum.

N O T A.

Apud Autores antiquiores *Corallii rubri*, utpo-te ex Zoophytis marinis plantæformibus pretioſiſſimi, imprimis fit mentio. — Ante hujus Sæ-culi initium, ob figuram fruticuli æmulam, ru-dioribus tunc observatoribus solam obviam, pro vegetabili marino habebatur. Hæc antiquiſſi-morum & recentiorum Botanicorum erat opinio; quorum pauciflormi propriis oculis recens coral-lium perlustraverant. Chemicorum aliqui, tem-pore, quo omnia chemice in Physica & Medi-cina traçtari solebantur, suo modo Corallii ge-nera-

enerationem in mari explicabant, atque configurationibus & arbusculis chemicis illud *serio* comparabant; (*conf. Gansii corall. hist. Francof. 1696.*) *Guysonius* imprimis hanc opinionem stabilire annis est &, præter alia argumenta, crystallisationem salis coralliorum chemicam in medium protulit: Nec mirum, cum etiam *Usnea* *cranii* vegetationem chemice exponere calluerit: (*Epist. ad Boccon.*) *Boccone* qui de Corallio ex professo egit, illud pariter pro minerali primum habuit, quia omnia plantæ attributa, nutritio per intussusceptionem, organisatio, fructificatio & adminicula plantis solemnia ipsi desint. (*Epist. ad Guyson. 1.*) Deinde vero corticem Corallii *fuci* nomine appellare cœpit, eumque continendo lacti, e quo saxeum Corallium per juxtapositionem coalescat, & suppeditandis necessariis salibus infervire credidit. (*Epist. ad Marchettum 2.*) In aliud deinde errorem delapsus, corticem *Gorgoniae coralloidis*, supra descriptæ, imo & *Ceratophytæ*, aliquid similitudinis habentes, pro matrice Corallii rubri, fruticulis marinis circumcrescente habuit, a qua, consumtis sensim fruticulis, intus corallinam substantiam colligi putabat. (*Epist. ad Denysium 3.*) Recantavit vero postea & utriusque *Gorgoniae* corticem corallio quidem similem, sed sterilem esse fassus est. (*Epist. VI^{ta}.*) — Satis longo intervallo post *Bocconis* observata, celebria *Comitis MARSILII* inventa (An. 1707. primum facta & in *Journ. des Scav.* ejusdem anni promulgata) inclinaruerunt. Is polypos, e corticis corallii papillis prodeuntes, pro floribus descriptit & sic Botanicis triumphum de dubiis eousque Vegetabilibus marinis tunc decrevisse videbatur. Idem per organicum corticem nutririri corallium, & saxeum ejus skeleton ex defluente intus & coagu-

lato lacteo succo, a cortice præparato, per strata augeri asseruit; mollesque in mari *pendulorum*, ut putabat, ramorum extremitates ab abundante eodem succo expandi, bursæ in modum, & sic elongari. — Eum infuscatus *Reaumurius*, spretis, quæ tum jam audiverat *Peyssonelli* propositionibus, simili fere, ac *Marsilius*, modo *Corallium* explicavit: Solo cortice organico vegetabili crescere asserens, in cuius vasculis granula lapidea, rubra generantur, quæ circa axin stirpis congesta & per strata compacta, *Corallium* inorganicum, vegetabilem corticem suffulciens, constituant. (*Act. Paris.* 1727. p. 269. seq.) — At post vindicatum Zoophytorum ordinem, *Donati* tandem veram *Corallii* & optimam adumbrationem dedit, quam supra contractam proposui. Et quanquam polypos in cellulis solutos nec corallio continuos initio crediterit (*bist. adriat. edit. gall.* p. 48. seq.), tamen postea, teste *Tremblejo*, (*act. angl. vol. 50.* p. 59.) pro multorum capitum animali *Corallii* stirpem agnovit & sic veram hujus Zoophyti ideam assecutus est.

Alium antiquiorum errorem circa *Corallium* recentiores correxerunt. Molle nempe in mari esse & aëris demum contactu durescere olim creditum fuerat; ita ut *Ovidius* eam quoque mutationem inter *Metamorphoses* suas retulerit:

*Sic & Corallium, quo primum contigit auras
Tempore, durescit: mollis fuit HERBA subundis.*

(*Metam. lib. XV.*)

Hanc vero opinionem jamdudum falsam deprehenderat & extremitates solas lacte tumidas & molles observaverat *Peirescius*.

Swammerdamius structuram *Corallii*, quam ex siccis

siccis speciminibus poterat, optime extricavit (*Epist. ad Bocon.*) & si in recenti eandem indagare potuisset, veram Corallii naturam multo prius illustraturum eum fuisse verosimile est.

Omnium plurima de Corallio rubro tradidit *Ill. Comes MARSILIUS.* Didicit ex pescatoribus, Corallium in scopulis & cavernis submarinis meridiei obversis & ubi mare tranquillum, imprimis abunde crescere; parcius in occidentali aut orientali latere; in septentrionem spectantibus vento, neque Corallii neque alias Lithophyti vestigium reperiri solere. Summam, in qua crescere cognitum sit, profunditatem C aut CL orgyarum esse dicit, minimam II org. vulgo vero XII–XXV. Pescatores in minori profunditate multo (triplo vel quadruplo) celerius crescere putant quam in summa; at tune quoque decennio vix semipedalem altitudinem, & truncum calami cygnei crassitie acquirere reputant. — Crescere corallium in summis tantum cavernarum marinorum fornicibus, & semper ramis versus centrum terræ tendere putaverat *Ill. Comes.* Id vero *Rajus* jamjam in dubium vocavit; & contrarium probant fruticuli Corallini in solutis testis lapillisque in fundo maris projectis crescentes, qui aliter quam erecti excrescere nequiverrunt. Constat vero ex *Marsili* observatis, Corallium in omnemcunque directionem, ad planum, in quo fixum est, utcunque inclinatum, perpendicularē, nec, ut *Gorgoniæ* nonnullæ aut *Plantæ terrenæ*, versus aëra tendentibus ramis, vegetare solere. Idem probant rami antiqui *Gorgoniarum* obducti crusta corallina, quaquaversum horrentibus ramulis echinata; qualem in Museo nunc servat *Dn. Henr. de Bosch M. D. & Praticus Amstelædamensis*; & qualem *Aldrovandus* (in

Mus. metall. p. 290.) exhibuit. Corallii varia corpora, testas, cet. incrustantis atque substantia sua includentis specimina descripta reliquit *Marsilius*. Colorem Corallio naturalem inter saturate rubrum & carneum albeolum esse dicit. Albidum vero & prorsus lacteum sibi nunquam recens & cum cortice visum fuisse monet; & deinde docet coctione in cera alba vel lacte ex rubro lacteum reddi posse. In *Museo Britannico* ipse ramum corallii insignem lacteum, & aliud lacte carni coloris vidi; sed naturales non affirmaverim. Porro corrupto Corallio interdum colorem flavum vel brunneum, in superficie nigro vel rubello maculosum, observari dicit. Nereidis quoque speciem, Corallii saxeam substantiam exedentis descripsit, & usus atque chemicam analysis, imprimis recentis, adjecit; quam in *Atlas Parisinis* curiosius prosecuti sunt *Geoffroy* & *Lemery*.

Pauca ex *Donati* dissertatione istis addenda sufficiunt. — Notat interdum truncum & ramos Corallii, non, ut solent, teretes, sed depresso & fasciales reperiri. Abruptos ramos in mari crescere, vivere & propagari affirmat. Colores substantiae interdum in truncis transversim sectis, per strata varios observari, roseum, flaventem, plus minusve saturatum; plerisque tamen uniformem esse narrat. Vermes Corallii substantiam erodentes eosdem, quos *Marsilius*, observavit; & aliam praeterea speciem, quae omnes in mari rupes calcareas perterebrat, Corallium quoque perfodere refert. Cineres corticis & calcem corallii similibus constare particulis, docet. Polypos contractos, albos, orificiis papillarum corticalium inhærentes, pro lacteo corallii succo a piscatoribus (& auctoribus forte) habitos fuisse

fuisse credit. Ortum denique Corallii ex papilla solitaria, in polypum efflorescente, & tunc intus lamellam corallinam generante, diligenter describit; uti & totam Zoophyti hujus nobilissimi structuram.

Rumphius in M. Indico & Rubro *Corallium verum rubrum* non reperiri, docuit. Sed ab Europaeis copiose in Indias defertur, ubi nunc quoque honorem antiquum servat; quem in Europaeorum medicina nostro imprimis saeculo ammisit.

143. I S I S D I C H O T O M A.

I S I S articulata filiformis dichotoma dif-
fusa, cortice fulvo verrucoso.

Petiv. gazoph. tab. 3. f. 10. Hippuris coralloidest carnea, capensis.

Linn. syst. X. sp. 2. Isis dichotoma.

D E S C R I P T I O.

Stirps ad summum semipedalis, subflexuosa. *Trunculi* plures, conferti enascuntur, ab imo dichotomice subdivisi, subattenuati, ascendentibus, sparsi, ramis passim coalitis. *Corallium* constat articulis inter singulas dichotomias singulis, adeoque longiusculis, teretibus, levissime curvatis, usque in extremos ramulos lapideis, pallidissime & subpellucide carneis, extus subtiliter striatis. *Genicula*, articulos utrinque truncatos committentia, tumidula, extus substriata, gryseo cinerascentia, substantiae vere coriaceæ, tenacis. (In imis truncis internodiorum substantia, a genicu-

niculis superatur; in extrema stirpe articuli lapidei longi sunt. Communis vero basis truncorum, crusta est albida, lapidea.) — *Cortex* pallide cinnabarinus, tenuis, siccatione friabilis; undique aspersus papillis convexis, quorum osculum calyculus, ab exteriori involucro, late aperto, distinctus, connivens claudit. *Papillæ* in ramis superioribus confertissimæ & contiguæ, in imis trunculis sparsissimæ & demum vix ullæ, ibique cortex lævis. Apices ramorum, crasso cortice vestiti & obvoluti.

Locus: Oceanus Indicus, unde *Ejcharæ fascialis* glomeribus plerumque innata & immixta adfertur.

144. ISIS OCRACEA.

Isis articulata paniculato-dichotoma ramosissima explanata, cortice hinc papilioso.

Rumph. amb. VI. p. 234. tab. 85. f. 1. Accabarium rubrum.

Raj. hist. I. p. 63. Pseudocorallium croceum Bocc. epist.

Boerb. ind. alt. p. 4. Corallium geniculatum capillaceum, apice ramoso, roseum.

Morison. hist. I. p. 657. n. 14. Hippuris saxea fulvo-rubra Courteniana, Raj. hist. app.

Seb. thef. III. t. 104. f. 1. Accabaar seu Corallodendron vulgare rubrum.

Linn. bort. Cliff. p. 480. Lithoxylum ramosum erectum articulatum rigidum, ramulis sèpius liberis oppositis compressis, geniculis crassis.

Linn.

Linn. syst. X. sp. 3. Isis ocracea.

Ellis act. angl. vol. 50. P. I. p. 188. tab. 3. Corallium rubrum indicum.

*Belg. Rood Konings- of Leedjes-Koraal. Malaic.
Carang-mera s. Accarbaar-mera.*

D E S C R I P T I O.

Stirps saepe maxima, *basi* supra rupes diffusa. *Trunci* erecti, subflexuosi, ramosi; *rami*, superiori maxime latere, in plano undulato ramulosi & subdivisi; *ramuli* flexuosi, subfastigiati, dichotomi, divaricati, fere ubique æquidistantes, rarius inter se coaliti. *Corallium* saturate rubrum; extus eroso striatum ac veluti exesum, intus longitudinalibus vasculis porulentum; constans articulis lapideis teretiusculis, curvulis, in trunco antiquisque ramis brevioribus, & in continuum, nodosum lapidem consolidatis; per ramulos longioribus, interque divisuras singulis, utrinque truncatis & per intermedios nodos friabilis substantiae commissis. — *Cortex* tenuis, in ramulis crassior, saturatissime ruber; ab altero stirpis latere poris papilliformibus, osculo stellato hiantibus creber. Sed hunc in speciminibus rarissime persistentem observamus; cum aëris humiditate fatiscat & furfurum instar depluat.

β. Datur VARIETAS rarer, (nec enim speciem diversam esse puto), divisura simillima; cuius *Corallium* ponderosius & solidius est, faciliter consolidescere videtur & colore imprimis a vulgari *I. ocracea* differt; album nempe. Hujus specimina insigniter diversa observavi. Pleraque corticem exhibuere durum, crassiusculum, maxime in ramis; colore aurantio, ab altero stirpis latere *papillis* per truncos rarissimis, versus ramulos vero crebris, majoribus, quam in vulgari sunt, sparsum;

quas in quorundam speciminum superioribus ramulis confertissimas; speciem cotulæ prominentissimæ, laciniis octonis subulatis coronatæ & conniventis referre vidi. — Vidi alia ejusdem specimina, (& elegantissimum imprimis in Museo SERENISSIMI PRINCIPIS AURIACI, hujus speciei omnigena varietate ditato,) quorum cortex fatiscens fere totus defluxerat. — Iterum aliud, ramorum tenuitate articulorumque longitudine insigne, in eodem extat *Museo* quod tenui cortice cinnabarino, velut vernice, obductum, absque papillis, mera puncta flava, stellaria, ab altera stirpis facie exhibit. Contrarium nuper in specimine *rubrum* intus corallium exhibente vidi; corticem nempe tenuem, *flavum*, poris ruberrimo halone suffusis conspersum. — Insignes & miras hasce diversitates conciliare nemo facile poterit, quamdiu plena speciosissimi hujusce Zoophyti historia carebimus & conditiones, quæ corallii & corticis habitum & colorem mutare possint, ignorabimus.

Locus: Oceanus Indicus.

N O T A.

In solo Indico Oceano & M. forte Rubro reperitur hæc Isis. Ibi vero copiose in spongiosis mollibusque faxis, & magnis testis crescit, supra quæ explanata basi diffunditur. Truncos diametro binos excedentes pollices ipse vidi, qui ramulos ad duum triumve pedum altitudinem erigebant. *Rumphius* dicit brachii crassitie dari; vulgo autem stirpes duos transversos digitos crassitie æquare, altitudine vero quaternos quinqueve pedes; in ramos aliquot principaliores distribui, qui innumeris parvis ramulis, passim coalescentibus reticulum efforment. Idem tradit,

dit, extus flavos plerumque esse ramulos, quamquam intus ruberrimi sint, (quod mihi in siccatis semel omnino visum;) in boreali vero Ceramæ plaga varietatem totam fulvam reperiri, rarissimam, solidam, satisque duram; Malaice *Accarbaa-dijinka* f. aurantio rubrum, Amboinice *Hatuehu-cau* vocatam; quæ ad usus medicos tutior creditur. Crescit *Ijis* hæc *ocracea* circa Amboynam, inque aliis Indici Oceani locis, in sex octo tove orgyarum profunditate. Cum aliis Coralliiis absorbentibus ab Indis contra venena exhibetur, supra porphyriten scabriorem terendo comminuta; quæ ratione reliquæ quoque Coralliorum species ab iis præparari solent. Vim diureticam peculiarem hæc nostra habet, unde eam *Rumphius* pro Alcyonio, quam Corallii specie, haberi mavult. Peregrinatores, qui in Indiis Corallium rubrum verum crescere perhibuerunt, hanc Isidem pro illo habuisse verosimile est. — *Ellius* structuram *I. ocracea* egregie descripsit.

145. I S I S HIPPURIS.

Isis articulata diffusa alterne ramosa, cortice crasso lævi poroso.

Imperat. ital. p. 623. *Corallium articulatum.*

Clus. exot. l. 6. c. 8. p. 124. *Hippuris faxea.*

Aldrov. mus. metall. p. 289. n. 2. *Corallium articulatum.*

Olear. mus. p. 69. t. 35. f. 4. *Hippuris faxea.*

Baub. bist. III. p. 788.

Bonan. mus. Kirch. p. 265. n. 5. fig. p. 285.

Valent. ind. litt. p. 504. t. 8. f. 2, 3, 4. *Hippuris faxea.*

- Besler.* *Mus. Loch.* tab. 23. *Corallium articulatum Imperati.*
- Boccon.* *obs. gall.* ep. 6. p. 34. *tab. Pseudocorallium croceum, articulatum, punctatum, ramosum.*
- Boerb.* *ind. alt.* p. 4. n. 24.
- Rumph.* *amb. VI.* p. 228. t. 84. *Accarbaarium album.*
- Valentyn.* *Ind. III.* tab. 52. fig. *AAA.* p. 29.
- Gualtier.* *ind. tab. 7 b. ad calc. part. I.* *Lithophyton articulatum, internodiis striatis, albofulvidis, nodis vero piceis.*
- Seb. thes.* *III.* tab. 105. n. 3. *tab. 110. n. 1, 2.*
- Knorr.* *delic. tab. A 1.* n. 5.
- Linn.* *bort. cliff.* p. 480. *Mus. Tessin.* p. 119. n. 6. *Sertularia ramosissima, articulis sulcatis.*
- *syst. X.* sp. 1. *Faun. su. II.* 2220. *Iris Hippuris.*
- Belg.* *Konings-Koraal.* *Nom. barbara vid. infra.*

D E S C R I P T I O.

Frutices modo nani densique, modo proceriores, ad aliquot pedum altitudinem; inclinati, inordinati, diffusi. *Truncus* crassus in ramos varie spargitur, alterne ramosos, multoties subdivisos. *Zoophytum* constat ex corallio articulato & cortice crasso. Articuli e quibus componitur corallium, cylindracei, variae longitudinis, albidi, lapidei, extus striis longitudinalibus; flexuosis, passimque ramosis exarati. In trunco plerumque in continuum lapidem coaliti observantur; in majoribus ramiis saepe (*Seba III. tab. 10. fig. 2.*) mirae brevitates sunt atque torosissimi; in junioribus semper longiores, rectiusculi, versus ligamenta coarctati & candidiores, quum in trunco

ex

ex lutescente vel cœrulecente fordescant. Internodia connectens cartilago constricta quasi; sicca coriaceæ aut corneolæ est, atque fibrosæ substantiæ. Articuli passim aliqui processus emitunt, quibus rami insident; inque junioribus ramis, articuli bifurcationum plerique subbicornes sunt. — Cortex corallium incrustans crassissimus, habitu corticem *Gorgonie Antipathis* referens. In sicco specimine observavi continuum, sordide gryseum, crassissimum, friabilem; extus lævem, ramos ruditer experimentem & extremos obtuse terminantem; passim contactu confluentem; ubique conspersum poris obsoletis, vix prominulis, per quincunces sparsis. Suberosa ei fere natura est, sed friabilior; porisque longitudinalibus æque ac transversis rarus atque spongiosus quasi redditur.

Locus: Oceanus Indicus, M. Mediterraneum (*Imper.*), Septentrionale (*Linn.*), Americanum, unde *ipse* habui.

N O T A E.

Ingentem continuumque huic Isidi *corticem* esse, jamdudum *Imperatus* prodidit; ut ex iis solis ejus verbis, eandem sub Corallio articulato *Imperati* intelligi debere liqueat. Præter hunc vero & *Rumphium*, autores omnes Hippuridis saxeæ corticem ignorasse videntur. *Rumphium* de hoc Indici Oceani copiosissimo Zoophyto fuse differentem audiamus. Distinguit Accarbaarium album *pelagicum*, majus, (quod ex egestis tantum a mari fragmentis trunci ramorumque inferiorum, in continuum fere Corallium coalitorum, qualem *Seba tab. supra cit. 105.* profert, innotuit)

tuit,) extus squalide flavum, intus eboris more album, politum, minus silicinæ substantiæ & fractum semper in locis articulationum obliteratarum discedens, a *littoreo*. Hanc vero varietatem, ad $2\frac{1}{2}$ pedum altitudinem crescere dicit, curvam, multos in ramos, passim coalitos, sparsam. Truncos habere inclinatos, pollicis circiter crassitie, plures ex una basi germinantes. Articulos inferiores esse breves, crassos; superiores crassitie tantum culmi, vix digitii articulum longitudine æquantes. In quibusdam fruticulis ligamenta inter articulos ipsis articulis longiora esse, in aliis articulos longiores & continuos, fereque continuum corallium mentientes. Imiti articuli prorsus coaliti extus videntur; fracti vero intus nigri interstitii vestigium exhibent. *Cortex* totam vestiens arbusculam crassus, cinereus, fragilis, arenaceus; ubi pluviae aliquamdiu expositus jacuit friabilis detergi potest. Truncus inferioresque rami, plerumque jam in mari corticem amisere, aliaque calcarea substantia incrustati deprehenduntur. Depuratum corallium ex albo modo ad cœrulecentem, modo ad subluteum colorem vergit; in superioribus ramis candidissimum. Diffractorum articulorum substantia ex albo cœrulescit & circa medium medullam aliquot ostendit laminarum consolidatum vestigia. Articuli in littore diu a mari volutati silicum instar lævigantur; collisi siliceum, admixtumque quasi tosti panis odorem, spargunt. Quo is minus siliceus videbitur, eo præstantius corallium censem Indi. Radix cavernis faxorum sese inserit. In ramis passim cavæ verrucæ, seu vesiculæ inveniuntur. Addamus nomina Barbara varia, Amboynense *Hatuëhu-pute*; Malaicum, *Calbahaar puti parampuan*; populorum Ce-

Ceramæ orientalis, *Sgaro futi*; & Hitoënsium, pelagicæ varietati appropriatum, *Hatu luli*, quod os saxeum significat. Frequens crescit hæc Isis in Archipelago Moluccano & Amboynico; littoreum in duum triumve orgyarum profunditate, pelagicum vero in abyssis oceani. Celebre est apud Insularum populos, præsertim Ternatenses, antidotum; & in hæmoptoë, dysenteria, cholera, contra venena, & post purgationem ad gonorrhœas quoque & fluorem album suppressimanda, inque febribus ardentibus ad cor confortandum & minuendum æstum, neque non contra cephalæas a tempestatis fervore, cum aliis mixtum, super Porphyriten tritum, exhibetur. De quibus videsis auctorem.



X. MILLEPORA.

DEFINITIO.

ANIMAL vegetans:

Corallium solidiusculum, ramosum; *poris cylindraceis*, in axin perpendicularibus, exserens

Polypos teretes (tubæformes, *Donat.*)

Milleporis affines Escharæ. **M**ILLEPORARUM genus ab Illustr. *Linnæo* constitutum, & olim promiscue ab auctori- bus vel Coralliorum nomine vel sub Madreporarum generali titulo recensitum, *Escharis* consanguinitate junctissimum est. Attamen fabrica magis continua, substantiaque non ex cellulis coadunatis facta, sed poris tantum cylindricis, directione in Corallii axin perpendiculari, pertusa, ab *Escharis* sufficienter distinguitur.

Milleporæ descriptio. In genere *Millepora* stirpes sunt calcareæ, homogeneæ, ramosæ, extremitate crescentes; intus plerumque longitudinaliter vasculosæ, & extus transversis poris terebratae, quibus graciles polypi inferuntur.

*Differen-
tiae.* Structura specialiori distingui possunt *Millepo-*

- rae* in
1. Altero latere tantum porosas,
 2. Undique porulentas &
 3. Solidiusculas.

Ex altero tantum totius stirpis latere poris pertusæ, altero latere crusta lapidea integra loricatae sunt & sub ea longitudinalibus canaliculis vasculosæ

losæ. Harum aliquæ, creberrimis in uno plano ramis, ubique concurrentibus & anastomosantibus, reticulatæ; ut *M. Retepora*, *Frondipora*, *clathrata*. Dichotomæ, ramis divergentibus vel subparallelis sunt *M. lichenoides* & *pinnata*; reptans vero, laciniosa, glomerata & singularis *M. liliacea*.

Quæ undique in superficie poros habent, circa axin medullaribus canaliculis vasculosæ sunt; eorumque quælibet fere species peculiari habitu & fabrica gaudet. Sic enim *M. truncata* in præruptis ramorum extremitatibus ad centrum convergentes canaliculos continuo apponit, in extremitatis planitie nunquam porosa. Obtusas vero ex tremitates undique porosas sistunt *M. cærulea*, *miniacea*, *cervicornis*, *pumila*, *pumicosa*. Ex his *M. pumicosa* ex cellulis per strata coacervatis constans, & modo crustas aut incompta tubera efficiens, modo in *Corallium ramosum* excrescens, ad *Escharas* natura accedit; quibus tamen adnumerari nequit. Reliquæ habitu & structura, ad solidiores Milleporas viam sternunt.

Inter solidiusculas *M. violacea* ex corallio solido gemmascit & efflorescit suturis ex poris concatenatis. *M. alcicornis* poris adeo exilibus gaudet & figura crescendique modo ita ludit, ut habitu & substantia consanguineas sibi *M. agaricitem* & *calcareaam*, in quibus tamen pori nulli conspicui adsunt, huic generi necessario adjungat.

Abundat in Maris Mediterranei quibusdam *Serpula* tractibus, congeries minimorum & fere capillarium *Serpularum*, fasciculatim implexarum, quæ *ca.* fasciculis suis ramosis in glomeres cellulofo-clathratos contextæ esse solent. Concretum hoc apud *Rajum* (*hist. I. p. 65.*) nomine *Reticulatitophæ-*

tophacei J. Baubini & apud Bocconem (*muf. p. 228.* tab. 7. n. 2. tab. 2. n. 13.) sub titulo male applicato *Retis marini Imperati*, occurrit. In *Sebano thesauro* (*vol. III. tab. 100. f. 8.*) itidem delineatur; a doctiss. Koelreuter (*Comment. Petropol. vol. VII. p. 374. tab. 16. f. 3.*) pro *Tubiporæ* specie descriptum extat; & apud *Plancum* (*Lib. de Conch. ed. I. coroll. IV. ad p. 18. ed. II. app. p. 113. c. 27. tab. 19.*) *Tubulariæ filogranae* denominacionem meruit; qui eandem *Echini esculenti* pabulum esse docet & animalcula truncatorum extremitatum osculis exseri observavit.

*Serpulæ
affines
Millepo-
riæ.*

Hujus *Serpulæ*, quam jure *corallificam* diceres, composita structura & vegetatio coralloidea, *Serpularum* genus cum *Milleporis* committere, adeoque nova cum *Zoophytorum* ordine affinitate jungere videtur; quæ jam per *Tubularias* satis insignis est. Quod etiam auget consanguinitatis hujus vim, polyporum in *M. truncata* structura est, a Cel. *Donati* olim observata. Hinempe tubam, exactissime talem, poris corallii operculatis exserunt, qualis in omnibus *Serpulis* loco oris observatur.

*Ad Mil-
leporas
accedunt
Madre-
poræ.*

Madreporarum aliquæ ob stellarum parvitatem & obsoletam structuram, pro *Milleporis*, minus attente inspectæ, haberi possunt. Sic *Madreporas damicornem* & *muricatam* a *Linnæo* inter *Milleporas* relatas videmus; quæ tamen, certe si integra specimina inspicias, poros evidentissime intus stellatos sistunt, eosque non ad axin usque quasi terebratos, uti *Milleporis* semper sunt, sed superficie tantum insculptos. Fatendum tamen est has easdem *Madreporarum* species & plures iisdem affines, indole ad *Milleporas* accedere; per easque (uti & forte per *Milleporam cœruleam*, quæ

quæ poros intus striatos, adeoque substellatos habet,) Naturam utrumque genus continuare voluisse.

Prætereo hic, quæ infra in descriptione M. *lichenidis* fusius tradentur, testulas in dorso ramorum elegantissimæ hujus speciei frēquenter obvias, mihique ovariorum analoga organa creditas.

Quæ si vera sit observatio, etiam *Cellulariis*, *Affinitas imprimis vesiculiferis* sua cum *Milleporis tenerioribus* erit necessitudo, a quibus ceteroquin & substantia & structura non longe abesse videbuntur, maxime si v. gr. *M. pinnatam*, *Cellulariæ eburneæ* contuleris.

Milleporæ cum *Madreporis* & statim recensendā *Litho-Tubipora*, ordinem *LITHOPHYTORUM* in *Ill. LINNÆI Systemate Naturæ* constituunt. Mihi autem inde hæc genera adeo fortiter *Zoophytis* reliquis assimilari videntur & affinitas *Milleporarum* cum *Escharis* & *Isidibus*, *Madreporarum* cum *Alcyoniis*, tanta apparuit, ut ea *ZOOPHYTORUM* naturali ordini non inferere omnino non potuerim, deleta *Lithophytorum* tribu, quam Natura redarguit.

147. MILLEPORA FRONDIPORA.

MILLEPORA clathrata umbilicata undulato-polymorpha, ramulis altero latere verrucosis porosissimis.

Imperat. ital. p. 631. lat. p. 821. Frondipora;

Porus frondosus, Crusta marina.

J. Bauh. hist. III. p. 809. Frondipora.

*Marsil. hist. mar. p. 150. tab. 34. f. 165. n. 17
3. & f. 166.*

Tournef. inst. p. 576. Eschara marina.

*Mercat. metalloth. arm. VI. c. 10. p. 109. Al-
cyonium polyphyllum.*

Linn. syst. X. sp. 11. Millepora reticulata.

DESCRIPTIO.

*Rete grossum, medio affixum, varie undula-
tum, planisque convolutis, concrescentibus glo-
meratum; conflatum e ramis crebris, dichoto-
mis, ubique concursu coalescentibus. Rami li-
neares, dorso compressi, convexi, laves; al-
tero latere (ad instar digitorum avium) verru-
cosi; verrucis planiusculis porosissimis. Pori an-
gulose confertissimi. Substantia levis, alba, po-
rosa & fragilissima.*

*Locus: Mare Mediterraneum, quod sciam,
solum.*

NOTÆ.

Promiscue crescit cum M. *Retepora*, *Eschara* *fasciali* aliisque. *Marsilius* copiosam observavit circa Insulam *Riou* in 20 orgyarum profundo. In corporibus variis duris fixa reperitur. Globules rarius pugno majores. Recentis extremitates carneo colore imbutæ sunt. — *Marsilius* figura sua ramulorum extrema denticulata ex-
pressit, interjectis poris, quos longitudinalibus substantiae tubulis respondere dicit, quibus pori laterales inosculentur.

148. MILLEPORA RETEpora.

MILLEPORA reticulata umbilicata infundibuliformis crispa, superiori latere pubescens porosaque.

Imperat. ital. p. 630. lat. p. 821. (fig. bona)
Retepora.

Rondelet aquat II. p. 133. Eschara.

Gesner. pisc. 1575. p. 155. Nom. Rondeleti.

J. Baub. hist. III. p. 809. Item.

Bonann. mus. Kirch. p. 266. tab. p. 286. n. 10.

Raj. syn. p. 31. n. 1. Eschara retiformis.

Marsil. hist. mar. p. 149. tab. 33. f. 161. n. 12.
Madrepora forma rosæ.

Tournef. inst. p. 576. Nom. Rondeleti.

Ginann. adr. p. 9. tab. 4 f. 9.

Rumph. amb. VI. p. 247. t. 87. f. 5. Reticulum marinum.

Seb. thes. III. tab. 100. n. 11. tab. 101. n. 5, 6.

Ellis cor. p. 72. tab. 25. fig. d D. Retepora Imperati.

Pontopp. norw. I. p. 283. n. 9. tab. 14. fig. f.

Knorr. delic. tab. A III. n. 3.

Linn. syst. X. sp. 7. Millepora cellulosa.

D'Aubent. it. misc. tab. 23. Manchette de Neptune.
tune.

Belg. Kant Koraal. Gall. Manchette de Neptune.

Angl. Liverwort or Agaric Coralline. Malais.

Carangrede.

D E S C R I P T I O.

Laminæ latæ, medio umbilico affixæ, subtur-

binatæ, crispato-undulatæ, figuræ incertæ, foraminibus oblongis quincuncialibus pertusæ & reticulatæ. *Retis* areolæ latere inferiori planiusculæ, solidæ; superiori convexiores, minutim porosæ, *pilisque* ad poros sparsis, tenellis pubescentes. *Corallium* quo antiquius, eo crassius solidiusque & foramina prope umbilicum fere clausa a luxuriante lapidea materia, quæ etiam supra corpora, quibus affixus umbilicus, in tenuem crustulam diffundi solet. Limbo reticuli novæ areolæ accedunt, ramulorum extremis succēssive concrēscentibus. *Substantia* fragilissima, solidiuscula, alba, extus grysea.

Locus: Mare Mediterraneum, Indicum, Norvegicum.

N O T . A.

In Mari Mediterraneo frequens in rupibus, Gorgoniis, imo Fucis crescit; unde eam satis celeri incremento esse apparet. Laminæ, si explanatae sint, sæpe manum excedentes, sed varie crispatae, contactuque in unum coalescentes; unde glomeres polymorphi & plicæ sæpe in cylindros coëunt.

Marsilius circa *Riou* observavit in 20 aut 30 orgyas alto mari, Gorgoniis testisque adnatam. Maximos glomeres tripollicari altitudine, & recens *Corallium* carneoflavescentis coloris esse, dicit.

149. MILLEPORA CLATHRATA.

MILLEPORA umbilicata reticulata, ramulis planis dichotomis anastomosantibus, hinc porosis.

DESCRIP T I O.

Structura accedit ad M. lichenoidem. Alba, lapidea, centro solido sessilis; e quo rami plurimi in planum margine subundulatum expansi, dichotomi, acuto angulo divergentes, occursuque crebro coalescentes in reticulum rariusculum. Rami valde depresso, supra planiores, per series porosi; subtus laeves, marginibus denticulati, prout M. lichenoidis. Species vere intermedia inter M. modo dictam & Reteporam.

Locus: Oceanus Indicus.

N O T A.

Semel omnino ex Indico Oceano allatam novi; sed magna tunc copia. Numerosissima specimen in Museo servat D. PETRUS CRAMER Amstelodamensis cuius dono eandem possideo. Maxima eorum disco suo vix Florenum excedunt. Structura in omnibus quæ vidi simillima, elegantissima.

150. MILLEPORA LICHENOIDES.

MILLEPORA procumbens, in plano dichotoma, ramis subparallelis denticulatis, supra porosis.

Marfil. hist. mar. p. 149 tab. 33. f. 162-164.

Seb thes. III. tab. 110. f. 10.

Ellis cor. p. 95. tab. 35. f. b B.

Linn. syst. X. sp. 8. Millepora Lichenoides.

DESCRIPTIO.

Fruticuli elegantissimi, longitudine digiti, in plano undulato, (rupi quibus trunculus insitit plerumque parallelo) ramosi. *Trunculus* brevis, solidus, basi in rupe diffusiusculus, statim in ramos inæqualiter dichotomius. *Rami* numerosi, in planō subparalleli, (flabellum quasi, interdum discoideum constituentes), extremi crassitie fili grossioris; aliqui passim paucis ramulis secundis transversis pectinati. *Corallium* teretiusculum, attenuatum, inferiori latere solidum, tenuiter striatum; altero convexiore scabrum, porosissimum. *Pori* tubulosi, sparsi, extimæ utrinque seriei prominentiores, unde corallium utrinque ferrulatum videtur. Substantia alba, fragilissima; intus tubulis longitudinalibus, quos striæ lateris dorsalis indicant, in poros exeuntibus, vasculoſa.

Locus: Mare Mediterraneum fere solum; at ex Islandia & Norvegiam alluente Oceano ad latam vedit *Dottiss. BRÜNNICH.*

NOTÆ.

In plurimis hujus Milleporæ speciminibus, a latere striato seu dorsali, per ramos sparsæ inveniuntur testulæ, longitudinaliter sessiles, semi-ovales, subcompressæ, linea acuta longitudinali futuratæ & medii marginis plica papillari, obtusa subacuminatæ. Hæ ex lamella tenuissima, lapidea, flavescente factæ, Corallio leviter insculptæ.

sculptæ atque continuæ sunt, & ob striam longitudinalem, bivalvium testularum, seu *Anomiarum* parvularum speciem mentiuntur; nec tamen sunt.
An OVARIA? In nulla certe alia Millepora similia corpuscula observavi, nec in rupibus quibus frequens *M. lichenoides* infederat; unde huic speciei propria organa esse, concludendum videtur.

Marsilius circa scopulum l'*Imperial* ad Ins. *Riou* copiosam observavit hanc speciem. Digitæ circiter longitudine esse dicit; coloremque recentis cœrulecenti cinereum vel rubescem, fragilitatem summam.

151. MILLEPORA PINNATA.

MILLEPORA dichotoma erecta, positis tubulosis, pinnulatim digestis.

Marsil. hist. mar. p. 152. tab. 34. f. 167. n. 1,
3, 4. & 2, 3, 5. (& p. 153. tab. 34. f. 168.
n. 1-3.) Madreporæ musciformes.

DESCRIPTIO.

Corallium subpollicari ad summum altitudine, crassitie fili grossioris; erectiusculum, fragile, album, intus tubulis vasculosum, extus striatum, aliquoties dichotomum. Rami patentes, passim etiam divaricati, æquales. Pori tubulosi, ab altero corallii latere in pinnularum fere transversalium paria dispositi, in quavis pinnula circiter quini, exteriores gradatim longiores, & omnes extrorsum inclinati. Pororum seu tubulorum extimus elongatior, unde corallium quasi bipectinatum.

Locus: Mare Mediterraneum.

N O T A.

Marsilius recentium colorem cinerascentem, interdum & viridicantem esse perhibet. Varietatem refert duplarem: alteram erectiorem, pinnis brevioribus; alteram diffusiorem, longioribus pinnis & apice subramosis. Quam pro diversa specie addit minutam speciem, pro ejusdem varietate interea numerare cogor, donec eam ipse viderim.

152. MILLEPORA LILIACEA.

MILLEPORA reptans laciniata, poris supra transversim seriatis tubulosis.

Marfil. bifl. mar. p. 153. tab. 34. f. 168. n. 4,
6. Madrepora tubulosa.

Ellis cor. p. 74. n. 6. tab. 27. e E. Eschara millepora minima, dilute purpurea, cellulis tubiformibus, ordine fere æquali & parallelo dispositis.

Planck. conch. ed. II. app. p. 112. cap. 25. tab. 18. f. n N. (pessima) Madrepora rosacea.

Lin. syst. X. sp. 3 & 5. Tubularia serpens ET verrucosa.

D E S C R I P T I O.

Corallium album, prostratum, lacinia bifida primo incipiens, multiplicatis dein divisuris fit laciniosum & convolvitur circa corpus, cui adhæret, mentiturque florum Iridis petala revoluta. Laciñiae lineares, obtusæ, patentiusculæ; supra lamellatæ quasi cristis transversis, distan- tibus,

tibus, dupli ordine. Hæ *cristæ* tubulis erectis
quasi pectinatæ.

Locus: Mare Mediterraneum, & Oceanus
ad Cornubiam & alibi.

N o T E.

Colorem corallio interdum subrubentem observavi; veditque *Ellisius*. Crescit hæc species in Mari Mediterraneo promiscue cum M. *lichenoide*, *pinnata*, *muricata* aliisque Coralliis minutis. Ex Mari Cornubiam alluente allatæ Sertulariæ eandem crebram, in piso majores glomeres convolutam aut laciniosos passim & revolutos flocculos mentientem exhibuerunt. — Incipit semper dupli lacinia, veluti furca, oblique a rupe aliave cui insidet basi prodeunte. Laciniae nunquam 2 lineis paris, longiores observantur.

153. MILLEPORA TRUNCATA.

MILLEPORA teres dichotoma, ramis divaricatis truncatis, poris undique crebris minutis.

*Beßler. mus. Lochn. tab. 23. Planta hirsuta,
forma Corallii.

Marsil. hist. mar. p. 145. tab. 32. n. 154. Ma-
drepora piscatoribus Dengueni dicta.

Donat. adr. p. 55. tab. 7. Act. angl. vol. 47.
p. 107. tab. 5. Myriozoum. (fig. bonæ.)

DESCRIPPTIO.

Fruticuli diffusi. *Corallium* gryseoflavescens, laevigatum & velut vernice obductum, teres, æqualiter dichotomum; *Rami* (angulis recto majoribus) divaricati, extremi extrorsum crassiores, truncati; contigui coalescentes. *Substantia* cinerascens, fragilissima, tubulis a superficie versus axin convergentibus, poroque angustiore extus hiantibus pertusa. *Pori* minimi, inordinatius quincunciales, operculati; in antiquioribus ramis obsolescentes.

Locus: Mare Mediterraneum, ubi frequens; ejusdem vero fragmenta in Oceano Nörvegiæ alluente inventa fuisse a J. STROEM, communicauit *Dochiss. BRÜNNICH.*

NOTÆ.

Donati in hac specie descriptsit animales flosculos, tubulis corallii sese exserentes; dicit, remoto operculo, quod per frenulum seu musculum geminum retinetur, e singulo poro prodire calyculum tubæformem, quem simillimum delineat ejus, qui in *Serpulis* oris vice fungitur. Dum intra corallinm retrahitur tuba, musculi operculo affixi porum claudunt.

Crassitie trunci hujus Corallii ad summum calami reperiuntur; at rami vix anatinam pennam excedunt. Fruticuli minores, pugni circiter magnitudine, distinctius formam demonstrant. Talem fere *Marsili* & *Donati* figuræ exprimunt. At glomeres capite humano majores, intricatissimis ramis, reperiuntur.

Marsilius in littore & scopolis Insulæ Riou frequen-

quentem observavit. Profundiora maris loca amare dicit, usque ad 25 org. Ubique in saxis & testis erectam crescere, nunquam 7 vel 8 poll. altiorem. Recentem miniaceam esse docet, & succum quoque e recenti expressum rubelli coloris; at siccatam albo cinerascentem colorem induere.

154. MILLEPORA MINIACEA.

MILLEPORA pumila subramosa rubra, punctis crebris impressis minutis.

Brown. jam. p. 391. sp. 1. Madrepora minima, subverrucosa, rubra.

DESCRIPTIO

Fruticulus aliquot linearum altitudine, constans ex trunculo brevi, crasso, in plures ramos te-
nues, decrescentes multifido. *Corallium* poro-
sum, fragile, plerumque cinnabarini, interdum pallide rosei coloris; extus lave, porisque minu-
tissimis, leviter impressis constitum.

LOCUS: Maris Mediterranei, Americani, Indique Corallia.

NOTE.

Color hujus elegantissimi Corallioli (si diminu-
tivo tali vocabulo uti licet,) ex Mari Mediter-
raneo allati, ubi cum variis minutis Milleporis
promiscue observatur, pallide roseus esse solet,
interdum saturatior. Quod in Corallis Indicis
repe.

reperitur pulchre cinnabarinum colorem exhibet; saturatissimum vero specimina in Coralliis testisque exesis Maris Americani reperiunda. Americana varietas plerumque verrucæ magnæ inæqualis speciem habet, quæ superficie sparsos ramulos exserit.

M. miniaceam pro Corallii veri rubri primordia habuit *Tournefortius* (*Act. gall.* 1700. p. 35.) & multi Curiosi etiamnum credunt.

155. MILLEPORA CERVICORNIS.

MILLEPORA plana dichotoma, poris utrinque ordinatis scabris.

Imperat. *ital.* p. 630. *lat.* p. 820. *Porus cervinus.*

Bonan. *muf.* *Kirch.* p. 266. n. 15. *tab.* 286. n. 13.

**Marsil.* *bif.* *mar.* p. 144. *tab.* 32. f. 152, 153.

Madrepora ramis compressis, miniacea.

DESCRIPTIO.

Corallium depresso planiusculum, dichotomum, angulo fere recto divaricatum, tripollicarem longitudinem raro excedens, varie distortum. *Surfaces* gryseo lutescens, vernice quasi obducta, ubique obsita poris crebris, limbo tumidulo prominulis, & operculo, ut videtur, clausis. *Substantia* albida, cellulosa; præsertim duplex intus cellularum stratum, ceu alburnum, exhibet.

Locus: Mare Mediterraneum solum.

NOTÆ.

Structura cellulosa & facie hæc species Escharas contingit. — Imperati supra citatus locus hinc ab innumeris auctoribus ad Escharam foliacem citatus fuit.

Marsilianum corallium Milleporæ nostræ structura ad amissim respondet. Unicum quod asteriscum synonymo apponere coëgit, color est, quem *Marsilius* suæ speciei *miniaceum*, eumque in aëre persistentem & quasi vernice obductum tribuit. Maximum quem invenire potuit fruticulum Ill. Comes depingi curavit (*tab. cit.*). Describit præditam poris prominulis in medullam longitudinalem cavernosam perviis. Dicitque in scopolis circa *Riou*, 30 aut 40 orgyis infra maris superficiem, frequentem crescere. — Ego passim, cum *Retepora* similibusque, in Gorgoniis antiquis inveni.

156. MILLEPORA PUMILA.

MILLEPORA depressa, ramis sparsis inordinatis retusis, undique porosis, scabriusculis.

**Marfil. hist. mar.* p. 147. *tab.* 32. *n.* 157. *tab.* 33. *n.* 158.

DESCRIPTIO.

Fruticuli in testis rupibusque ad summum tricoplicares, pumili, ramosissimi, compressi. Corallium depresso, crassiusculum, subdichotomum,

mum, basi plana, diffusa affixum; Rami brevculi, extremo compressiores; latiusculi, retusi, crebro inter se coaliit. Superficies poris minutis, sparsis scabriuscula; scabritie lichenum faciei humanæ subsimili. Substantia extus pallide grysea, intus alba, solida, uti M. alcicornis.

Locus: Mare Mediterraneum.

N O T A.

Marsili figura, cuius citationem supra adposui, speciem hanc nostram, in Mari Mediterra-neo passim non infrequentem, satis bene exprimit. Quæ vero de summa scabritie & friabilitate ejus insigni dicit, non convenient; unde eum potius varietatem sequentis speciei, quam inter-dum ramis divaricatis, subdichotomis & obtusis crescere infra dicam, indigitare voluisse credo.

157. MILLEPORA PUMICOSA.

MILLEPORA multiformis fragilissima, e cellulis gibbis mucronatis coacervata.

Petiv. mus. 271. Raj. syn. p. 31. Millepora a-renosa anglica.

Ellis cor. p. 75. n. 7. tab. 27. F. Eschara millepora instar pumicis porosa. (*Detrita*).

— p. 72. tab. 30. dD. (*Integra*).

Linn. syst. X. sp. 16. Millepora crustacea.

β. Marsil. hist. mar. p. 143. tab. 31, 32. f. 149—151. Corallium asperum, candicans, adulterinum Trionfetti.

Planc. conch. ed. II. p. 113. cap. 26. tab. 17. I. Eschara abrotanoides.

DESCRIP T I O.

Tota constat ex *cellulis* accumulatis lapideis, subglobosis, externe osculo hiantibus & sub osculo mucrone insigni, lapideo cuspidatis. Ex his sine ordine acervatis coalescit *substantia* friabilis, ligryseo cinerascens, extus (ob extimas cellulas inordinatas, mucronatasque, & ob obrutarum cellularum inter extimas novas adhuc prominulos passim mucrones) scaberrima & muricata. Detrita eadem pumicis æmula, porosissima fit. — *Massas* plerumque gibbas, inæquales, nodosas, itidemque crustas circa varia corpora constituit; interdum ramosa sponte fit & in corallium satis procerum, ramosissimum, subulato attenuatum adolescit.

Locus: Mare Mediterraneum, & Oceanus Atlanticus, imo Indicus.

N O T .

In Mari Mediterraneo frequentissime variis corporibus accrescit, nec raro ramosæ luxuriat, ut *Planci*, *Marsiliique* supra citatæ figuræ exprimunt. Magnos ramofæ hujus varietatis glomeres Massilia allatos vidi. In Mari Germanico & Anglico etiam non infrequens, plerumque crustacea reperitur. Inter marina varia ad *Promontor.* *Lacertæ* suscepta in Sertulariis variis eandem inveni, forma corallii pumili, tenuiter ramosi, subdichotomi, spinulis undique hispidissimi & extremitatibus obtusi. — In Americanis coralliis nonnisi crustaceam observavi. Oceani etiam Indici civem esse, testimonio sunt detrita ejusdem tubera,

bera, quæ in *Fuco versicolore* Capensi observari satis crebro solent.

Raji huc citatum synonymon supra, præeunte *Ellisio*, *Escharæ lutoſæ* ad applicavi. Verum huic speciei, una cum *Petiveriano*, magis convenire videtur. — *Ellisius* primo loco detritam hujus Milleporæ massulam, deinde vero integrarum aliquot cellularum congeriem, alio sub nomine descriptis. — *Marsilius l. c.* ramosam tantum varietatem innuit. — At *Plancus* omnium optime de hac nostra specie egit in eo tantum vitiosus quod eam pro *Brassica florida Gaultierii*, (quæ infra recensenda *Madrepora damicornis* est,), habuerit.

An huc quoque referendi sint *Tubuli calcarii* aggregati & coacervati in massulas inæquales, friabiles, a *Jussiæo* (act. gall. an. 1742. p. 299. seq. tab. 9. f. 4.) pro *Millepora arenosa* *Raji* descripti, dubius hæreto. *Tubulos* Vir summus describit erectos, lineares, novos continuo antiquioribus impositos; polyposque in iis lineares, tentaculis 16 stellatos, caudaque acuta tubulis inhærentes, at non adnatos; excidunt enim in aqua aliquamdiu asservati.

158. MILLEPORA COERULEA.

MILLEPORA plana laciniata irregularris scabra, poris utrinque cylindricis intus fulcatis.

Petiv. gazoph. tab. 10. f. 12. Coralloides Phlippensis, cœrulea.

DESCRIP T I O.

E basi crassa, laminæ plures latæ, 4--5 linear. imo semipollicari, passim crassitie, varie tortuose, laciniosæ, passim inter se coalescentes, marginibusque obtusæ; undique porosæ. *Superficies* corallii exterior cinerascens, æqualis, punctis acute prominulis, confertis scabra & poris aciculam facile admittentibus terebrata. *Pori* tubuliformes, perfecte cylindrici, intus longitudinaliter porcati; directione ad superficiem perpendiculari usque in intima laminarum, ubi hæ exili strato vasculorum longitudinalium permeabiles sunt, adacti. *Substantia* intus obsoletius cœrulea, fibris rectissimis, a superficie versus vascula medullæ longitudinalia convergentibus striata.

Locus: Mare Indicum.

N O T A.

Hæc species *Madreporis microporis*, ob poros intus striatos & superficiem minutim scabram, affinis videtur. — Quæ in Museis variis lustravi specimina, passim *Tubiporam rubram* substantiæ baseos immixtam & inolitam habuerunt. — Ex India Orientali afferri minime dubito; quamquam a Curioso, qui eam in Museo servabat, Currassoam pro ejus patria acceperim. Huc forte pertinet *Corallium*, quod *Rumphius* in regno Benyn dicit inveniri, in scopulis magnorum fluviorum crescens, quodque subcæruleum esse refert, ab inquilinis *Akori* vocatum, *Dapperi Africam p. 126.* citans. Addit, secundum alios *Akogriæ* no-

R

men

men gerere & in Guinea tanto esse pretio, ut pro tribus oblongis ejus fragmentis mancipium ematur.

159. MILLEPORA VIOOLACEA.

MILLEPORA pumila subramosa violascens, futuris longitudinalibus porosis.

Rumph. amb. VI. p. 243. Lithodendrum sacharaceum rubrum.

DESCRIPTIO.

Massulae corallinæ in rupibus diffusæ, assurgentæ ramulis teretibus, obtusis, subflexuosis, passim ramosis verrucosissæ, sesquipollicaribus. *Substantia* intus tubulis vasculosa, violaceo albida, in superficie tenerime scabra & saepe pulcherissimo florum sambuci colore tincta. Per *ramulos* extus *futuræ* vulgo binæ, plerumque oppositæ, longitudinales, cellulosæ seu ex poris concatenatæ decurrent. In quibusdam speciminibus observavi passim crebras in superficie bullulas, quæ in adusto glutine fere surgunt; quæ confractæ cellulositatem latentem prodiderunt, efflorescentiumque polyporum quasi gemmulæ esse videntur.

Locus: Mare Indicum, unde cum *Iside ocracea* & *Gorgonia suberosa* promiscue allatam habeo.

160. MILLEPORA TUBULIFERA.

MILLEPORA solida ramosa, poris tubulosis sparsis, ramis confluentibus, extremitate attenuatis scabris.

**Marsil. hist. mar. p. 147. tab. 31. f. 147, 148.*
Madrepora ramis conicis.

DESCRIP T I O.

Species sequentis varietati ramosæ habitu similis, at nunquam palmo altior. *Corallium* album solidum in plano rudiori alterne ramosum. *Trunci* crassi depresso-confluentes; *rami* teretiusculi, attenuati, passim coaliti, flexuosi, extremi varie curvati & scaberrimi. *Trunci* & antiquiores rami læves, plerique aspersi *tubulis* crassiœculis, in superficie passim perpendiculariter erectis, cylindricis, truncatis, lumine exili præditis. Præterea pori in toto corallio prorsus nulli.

Locus: Mare Siculum.

N O T A.

Marsiliana icon speciei nostræ habitum satis bene exprimit, descriptio minus convenit. Promontorio nigro Africes suam accepit *Marsilius*.

161. MILLEPORA ALCICORNIS.

MILLEPORA solidula depressa polymorpha lœvis, poris minutissimis obsoletis sparsis.

Gesn. fig. lap. p. 132 b. n. 1. Chabr. Stirp. p. 573. Gypsum coralloides.

F. Baub. hist. III. p. 896. Corallium asperum, candicans, adulterinum.

Worm. mus. p. 232. Alcis cornu figura Corallium.

Boccon. obs. gall. tab. p. 273. supra.

Moris. hist. III. p. 656. sect. 15. tab. 10. n. 24.

Corallium album fragile polyschides, ramusculis contiguis dumosum.

— n. 27. Corallium album digitatum, ramis contiguis in latitudinem dispositis.

Sloan. cat. p. 1. Hist. I. p. 50. n. 1. tab. 17. f. 1. Nomi Bauhini.

Petiv. pterigr. tab. 18. f. 13. Corallium porous, latum, planum.

Lbwyd. lithoph. p. 6. n. 92, 93. tab. 3.

Rumph. amb. VI. p. 243. Lithodendrum faccharaceum album.

Brown. jam. p. 390. n. 1. Corallium brachiatum maximum, ramis subcompressis æquilibus.

Royen. prodr. p. 526. n. 3. Millepora plana ramosissima, in ramorum fastigio digitata.

Seb. thes. III. tab. 114. n. 1. (v.) & tab. 116. n. 8. (u.).

Knorr. delic. tab. A II. n. 3.

Linn. syst. X. sp. 10. Millepora alcicornis.

§. Sloan.

S. Sloan. Hist. I. tab. 18. f. 1. (*Gorgoniam incrustans*).

— *tab. 19.* (*Lagenam vitream inducens*).

Seb. thes. III. tab. 106. n. 8.

Edward. av. tab. 94.

DESCRIPTIO.

Corallium in genere albissimum, lave, solidum, saxeum, tubulis introrsum directis pertusum, quibus respondent *pori* obsoleti, impressi, minuti, rariuscule sparsi, in junioribus extremitatibus crebrios; quibus interspersi minimi obsoletissimi seu antiquati (a nova nempe accedente materia semiobruti). *Substantiam* tunicatim accrescere, in diffractis antiquis truncis versicoloria strata, alterne virescientia, rubicundula, subcinerea, alba, probant. *Figuræ* varietates plurimæ satisque constantes observantur:

α. 1. Vulgo, *trunci* lati, confluentes, marginibus & passim in superficie ramosissimi palmati-que; erecti vel curvi, varieque difformes & in magnos glomeres congesti. *Ramuli* ubique conici, obtusiusculi, varie sparsi. 2. Huic varietati forma affinis observatur alia: *truncis* minus latis, erectis, extremitate multifidis, *ramis* tereti subulatis, erectissimis.

β. Constanſ alia varietas ex M. Americano affertur: *truncis* teretibus, ramosissimis, *ramis* quaqua *versum* sparsis, subulatis, subdivisis, divaricatis. Hæc antequam multiplicatis ramis in confusos glomeres coalescit, divisuram & faciem *Alcyonii gelatinosi* refert.

γ. Elegantissima omnium varietas, quæ effingitur in *laminas* latas, crassiusculas, longitudinalibus plicis undulatas, sublaciniosas, margine

terminali rectiusculo, arguto. Hæ laminæ in rupibus passim congestæ, plerumque subparallelo positi; interdum tamen situ variantes, imo decussantes aliquæ reperiuntur. Altitudo hujusmodi laminarum sœpe semipedalis.

§. Notabile tandem hanc Milleporam Gorgonias sœpe varias crusta obducere, unde & aliquæ interdum formæ varietates oriuntur. Virgulta *Gorgoniae* imprimis *ancipitis*, in Mari Antillarum frequentissimæ, hujus Milleporæ crusta, passim plerumque interrupta & quasi moniliformi, interdum crassiori, continua & ramescente obducta in omnibus ferme Museis prostant. Incrustatos hoc modo *Gorgoniae* ramos *Seba*, *Edwards* & *Sloane* figuris expresserunt. — Habeo *Gorgoniae flabelli* specimen, *Antigua* allatum, cuius ramulos minores omnes hæc Millepora incravat, nodulum extrorsum in papillæ formam assurgentem circa singulum ramulum efficiens & retis areolas ferme opplens; in ambitu vero reticuli in continuam crustam diffluxit & in ramos spargi cœpit. Huic specimini, quod *Amicissimo DRURY Londinensi* debeo, simillimum vidi in *Museo Celeberrimi GAUBII*. Qui & bacillum servat, eodem corallio alatim undique excrescente loricatum. Varia in Mare abjecta corpora *Coralium nostrum* crusta obducit & lapides obvios adhærentesque testas substantia sua includit. Prioris exemplum est lagena *Sloaneana*, & putamen effractum nuclei *Cocos nuciferæ* corallio ramescente loricatum, quod in *Museo suo* servat Dn. C. P. MEYER *Amstelodamenis*. Alterum probant faxorum variorum, imo coctorum laterum fragmenta, quæ mediis Milleporæ nostra massis diffRACTis inclusa reperi. — In quibusdam specimibus inveni parvolorum Ostreorum magnam vim,

vim, superioribus ramis insperforum & corallina substantia obductorum.

Locus: Mare circa Insulas Caribæas & Oceanus Indicus.

N O T A.

In vadi Archipelagi Americani hæc Millepora pañsim abundantissime crescit; e. gr. ad oram septentrionalem Hispaniolæ (*Sloan.*), Curassoam & Insulam *St. Eustachii*. Ex America varietates supra recensitas omnes afferri scio. Quæ Oceanus Indicus mittit specimina, substantiam sicut aspectu teneriorem, candidiorem, minusque duram; figuram plerumque varietatis &c. mentionem. In Mari Mediterraneo inveniri Milleporam alicornem nondum certo rescire potui.

Varietas γ. in Thesauri *Sebani* explicatione cum Musco lapidofo *Imperati*, infra recensendo, confunditur.

Incrementum hujus Milleporæ rapidissimum esse multa probant. An extus muco animali obducta in Mari vivat aut solis poris animalcula exserat, inquirant autoptæ. Mihi in hac & sequenti specie Natura cum *saxea* indole, *vegetandi* vim & *animalem* characterem vere conjunxit videtur.

162. MILLEPORA AGARICIFORMIS.

MILLEPORA alba solidissima foliosa, laminis sessilibus semicircularibus congestis.

Imperat. hist. nat. ital. 600. lat. p. 840. Muscus lapidosus, nonnullis Halcyonium quintum Dioscoridis.

Bonan. mus. Kirch. p. 289. n. 16. ex Imperato.

Sbau. afr. append. p. 47. tab. f. 1. Alcyonium candidum, cretaceum, lamellatum Maris Numidici.

D E S C R I P T I O.

Laminæ semicirculæs, planæ, satisque tenues, margine subarguto, plerumque subparallelæ, interdum decussantes varieque coalitæ. Substantia dura, albissima, solida. Superficies lævis, poris conspicuis plerumque nullis.

Locus: Mare Numidicum & Atlanticum.

N O T A E.

Fucus vericolor, qui tanta copia Promont. Bonæ Spei mittitur, persæpe hinc inde crustulis albis, interdum rubellis vel & virescentibus, ceu tartaro, obductus esse observatur. Crustulæ læves sunt & passim in alas seu laminas subrotundas exsurgunt. Papillis rariusculis, sine ordine passim sparsis, obsoletis instructæ sunt, quarum pleræque exiguo osculo hiant; reliquæ velut gemmulæ sunt, suo tempore in poros pariter aperiendæ. Hæ crustulæ ad Milleporam hic descriptam pertinere videntur, cujus quædam specimina passim aliquibus itidem poris papillaribus notata observavi. Pleraque tamen, quæ vidi, læves & poris prorsus destitutas laminas monstraverunt; videbantur autem emortua quasi seu obsoleta esse, & Corallinis passim parasiticis consita erant. Quicquid sit, determinent autoptæ. Varietatem vero sequentis speciei esse, quanquam substantia utriusque simillima sit, vix cre-

crediderim: nimis enim constans M. agaricitiſ figura est; nec inveniuntur ſpecimina, inter eandem & M. calcaream mediæ figuræ; prout in- ter M. alcicornis diverſiſſimas varietates dantur.

163. MILLEPORA CALCARA.

MILLEPORA crustaceo rameſcens, fo- liidifſima albifſima laevis.

Bonan. muſ. Kirch. p. 289. n. 15. (*Pila*).¹

Befler. muſ. Lochn. tab. 23. Alcyonium album.

Raj. ſyn. p. 32. Boerb. ind. alt. p. 3. Corallium album, pumilum, noſtras.

Marsil. biſt. mar. tab. 3. f. 12—14.

Sloan. cat. p. 1. Hist. I. p. 51. n. 2. tab. 18. f. 2. Nom. Raji.

Petiv. pterigr. tab. 18. f. 5, Corallium album nodulosum. (*Pila*).

Morif. biſt. III. p. 651. Corallium maritimum, calcarieis rupibus adnascens. (*crustacea*).

Royen. prodr. p. 521. n. 2. Isis alba fascicula- ta, ramis diſformibus tuberculatis.

— n. 3. Isis nuclei juglandis figura. (*Pila*).

Brown. jam. p. 390. n. 2. Corallium minimum, subramosum, glabrum.

Ellis cor. p. 76. n. 1. tab. 27. f. C. Corallium pumilum, album, fere lapideum, ramosum.

— f. D. Corallium cretaceum lichenoides. (*crustacea*).

Borlac. cornub. p. 239. tab f. 2—5.

Seb. theſ. III. t. 108. f. 8. tab. 116. f. 6. (ra- moso.) f. 7. (*Pila*).

Planc. conch. ed. II. paſſim. tab. 10. e, b. tab. 13—17. bases. Petrobryum.

Corallium album Officinis Londinensis.

DESCRIP T I O.

Corpora in Mari omnia *crustis* laxis, Lichenum crustaceorum æmulis, undulatis obducit; lamellatim augetur & assurgit modo in *papillas* obtusas, modo in *trunculos* teretes, imo in *Corallium* sæpe satis procerum, (palmi & quod excedit altitudine,) teres, famosissimum subdividit chotomum; cuius *rami* intricati crebro inter se coalescunt, extremitatibus nunc obtusi, nunc subulati. *Substantia* albissima, gypso durior, solida, extus lævis & *cretaceo* sæpe *polline* obducta. *Pori* omnino nulli, (a) ne lente quidem adhibita, apparent.

Locus: Oceanus imprimis circa Americam, & M. Mediterraneum.

N O T A E.

Essentiali generis charactere, poris nempe, destituta hæc quoque species, *Milleporis* tamen habitu & substantia sese adjungit. Eam Zoophytum mère lapideum, omnique molli vel organo vel integumento destitutam fuisse, vix credibile est. Ego potius, dum in Mari viget, periosteo quodam animali præditam esse suspicor. *Lagus cretaceæ* [naturæ pulvis, quo plurima ejus ex America allata specimina manus inficiunt, hujusmodi aliquid adfuisse testatur. Et quamquam *Celeb.* atque *Amiciss.* SCHLOSSERUS *Præst.* *Am-*

(a) *Ellisius* quidem poros huic Corallo, quales Corallinæ infra recensendis, tribuit, & *Borlace* in Pilis hujus speciei muricatis prominentium truncolorum extremitates polyporas esse dicit; ego vero neutrum iaventre potui, quamvis curiose quæsiverim.

Amstelod. felicissimus & Soc. reg. Lond. Socius.
mihi affirmaverit, in Portu Falmouthiensi recens
mari eduēta hujus Milleporæ specimina & cu-
riose inspecta ne minimum quidem mucosi invō-
lucri vestigium exhibuisse; hoc tamen in loco
natali hujus Milleporæ vero & in vigentibus e-
jus fruticulis, secus se habere fortassis reperi-
tur. Omne enim quod in prædicto Portu obser-
vatur corallium, non ibi natum credo, nec affixum
reperitur; sed, *Sloaneo quoque monente*, potius
ex Mari Americano vi maris & ventorum ad-
vectum fuisse videtur. Ita tamen in prædicto
Portu copiosum est, ut illud e mari in agros con-
vrrant accolæ, ad eosdem pinguefaciendos.

In fruticulos coralloideos elegantissimos circa
Americam præsertim excrescit. Tales ex Fretu
Magellanico habuit *Sloane l. c.* & specimen de-
lineavit *Seba* (t. 108. f. 8. t. 116. f. 6.) Ad
Angliam & Hyberniam ramosum & undequaque
liberum reperiiri solet, nullo trunci vel baseos,
qua affixum fuisse videatur, vestigio; figuram ejus-
modi *Ellisius* (t. 27. C.) exhibuit. In Mari
American &, nisi fallor, Mediterraneo quoque,
non infreuentur reperiuntur *Pilæ sphæroideæ* vel
ovales hujus Corallii, verrucis, papillisve, in
trunculos sæpe elongatis muricatae, quæ nullibi
affixæ fuisse videntur. Has *Ellisius* Bezoar Co-
rallinum ingeniose vocavit. Easdem *Bonan-*
ni & *Petiveri* icones, unicaque *Sebæ* & *Bor-*
lacii exprimunt. — Analogæ naturæ cum Corali-
lio nostro videntur esse crustæ, quibus rupes &
heterogenea varia in locis coralliferis M. Ameri-
cani & Mediterranei incrustari observantur. Has
Ellisius specie distinxit; nec disputo. Coloris sunt
hæ crustæ plerumque albi, interdum cinerascen-
tis, rubelli, viridescentis. Poros in iisdem ne
op-

optima quidem acies, lente etiam adjuta, detegit. Pro mero aquæ marinæ sedimento haberi posset, nisi inæquali crassitie in iisdem saepe locis reperiretur, & Lichenum leproforum adinstar undulatim sese diffunderet. — *Borlace* credit materiam, e qua Corallia & testacea producuntur, in aqua maris abundare, spato-s-argilosam, e terrenis stratis fundi maris elotam, aut corporum marinorum depereuntium dissolutione aquæ admixtam. Hujus virtute maris spumam arenæ littoreæ modo fertilitatem, modo lapideam duritiem conciliare dicit. Eandem, ubi abundant & pondere suo subsidet, fundi maris quieta loca æquabiliter incrustare putat, aut circa plantas varias colligi, accumulari & cortice Gorgonias atque Fucos vestire, animalculis nidos præbentem; verum ubi subsedit, agitatione undarum in lichenoidem formam effungi, aut in ramosas varie figuræ tornari. An sectatores habitura sit hæc sententia, non dixerim.

Huc videtur referri posse famosum in Belgio **INCRUSTATUM RAKANIENSE**, de cuius historia, quicquid hucusque collegi, hic breviter tradam. In *Peninsula Voornana* ad Pagum *Rakanje* est lacus in longitudinem extensus, quem ex obruto antiquus & deleto quodam Mosæ ostio superesse dicunt, quique, nullibi orgya fere profundior mihi visus, variæ passim latitudinis est & ab Aquilonio latere versus Africum fere tendit. Fossæ pratorum plurimæ in hunc lacum sese exonerant, cuius nihilosecius aqua præter colorem subviridem, marini æmulum, aliquam falsedinem etiamnum servat, maxime æstate insignem, cum aquæ minus copiose ex pratis affluunt, quæ hyeme, ubi abundant, cataractis in Mosam ipsam exonerantur. Fundum *sabulosam* inveni, humo ex pratis

pratis advecto nunc lutosum, Tellinis & Pectunculis conspersum, quæ lacum olim communicaſſe cum mari ſatis indicant. Plantæ in toto lacu paucifimæ; *Lemna* nulla quanquam in canibus abundet; *Ceratophyllum* tantum ad ostia foſſarum; ſolum paſſim *Equisetum ſubmersum* ad oras lacus crescit, quæ præterea ubique *Arundine* & *Carice acuta* obſitæ ſunt. Pifces in lacu, quanquam ſalsuginoso, plurimi capiuntur: *Eſox Lucius*, *Perca fluviatilis*, *Cyprini rutilus*, *Albula*, *Tinca*, & *Carpio*, atque *Murena anguilla*. Inſectorum marinorum ſolum *Cancellum Pulicem* in eo notavi; is vero, in rupibus lacus ſtatiſ describendis, omnes cavernulas opplet & numerosiſſimus circumnatat. Zoophyta exigua ibidem reperiunda ſupra paſſim recensui. — Maxime vero notabile & quod Belgas ad viſendum quaſi miraculum undique adicit, congeries eſt ſcopulorum prope oram lacus Coro obversam. Area ibi eſt oblonga, vadofa, plurium perticarum longitudine & latitudine, ubi aqua æſtate vix ad tripedalem altitudinem ſurgit, tota massis cavernofis, irregularebus, variæ magnitudinis, fabuloſo fundo incubentibus conſtrata. Ex his coacervatis ii, quorum intereſt, quiqe advenas cymba ad aream lacus ſcopulofam deducunt, rupem extra aquam prominentem, conicam exſtruixerunt, quam Rupem Rakaniensem (*Rots van Rakanje*) vocitant. Australior hæc eſt vadi ſcopulofi terminus; Aquilonem versus locus eſt ubi in media aqua *Carex acuta* inter ſcopulos fundo instratos excrescit. Scopuli vel massæ extus *tuberulis convexis inæquales*, ex aqua eductæ fere omnes in latere inferiore cavernofiſſimo, & diſfracṭæ intus quoque late, exhibent *Escharam crustulentam* ſupra (pag. 39.) deſcriptam; & ex ejus magnis glomeribus, crusta-

crusta deinde tartarosa, corallina obvestitis, ortæ esse videntur. Diffracta crusta solidiuscula duraque invenitur, coloris gryseo albicantis, qualem & extus induit soli & aëri exposita, quum sub aqua latentium scopulorum viridi fuscus esse soleat. Præter has vero massas, per aream istam sparsi copiosissimi reperiuntur *cylindri* substantiae simillimæ lapidosæ, plerumque trium quadratorum, raro septem pollicum longitudine, diametro ad summum sesquipolllicari, plerumque lumine intus triquetro cavi, & extus quoque, semper subtriquetri; quorum diffractorum substantia lamellosa successivum incrementum clare indicat. Horum cylindrorum origo hæc est. Circa *Caricis acutæ*, quæ in parte areæ crescit, culmos triquetros, usque in secundum imo tertium annum durantes antequam putridi procidant, primo anno mucosum magma colligitur; deinde generatur crusta tenuis, quæ mihi annuo spatio vix chartæ grossioris crassitiem acquirere visa est, extus granulo scabra, cinerascens, friabilissima, maxime post siccationem. Hanc versus aquæ superficiem crassorem esse constanter observavi. Quicquid caricum extra fundum sabulosum prominet ea obductum est. Ubi crassitiem & consistentiam adepta est crusta, procidente quamvis & intus putredine consumta Caricis portione, crescere tamen exterius pergit in omni superficie puncto & dimidii sæpe pollicis crassitiem acquirit. Intima crustæ strata, in diffractis crassioribus cylindris, solida, compacta, gryseo alba offenduntur; exterior vero tota substantia rarius, & velut e confertissimis & contiguis fere *trunculis* extus retusis constare videtur. Hi trunculi, in cylindris nonnullis, qui parte sui intra fundi arenam latuisse videntur, ea parte

parte minus incrementi cœpisse observantur, at in compactiorem coaluisse substantiam; cum in portione eorundem, quæ in aquam prominula fuit, e contra elongatæ & luxuriantes esse soleant.— Hæc omnia, & facies concreti externa, similima Bezoar ab Ellisio sic vocati corallini & reliquarum Milleporæ calcareae incrustationum æmula, eam ejusdem esse naturæ, primo intuitu cuivis facile persuadebunt. Sed graviora addam, quæ Incrustatum Rakaniense non tophaceum concretum esse, sed vegetanti vi insita crescere, & coralliorum analogæ indolis esse probant.

Primum, si tophus esset, aqua lacus in quo generatur & fundus principia ejusdem generationi apta contineret & per analysin chemicam largiretur; verum curiosissimi labores hujusmodi nihil detegere potuerunt & diu asservata aqua nihil admodum sedimenti secernit. Dein, cur in exigua tantum lacus area, hoc incrustatum produceretur, dum in omni reliqua ora diurno tempore vix levissimæ crustæ vestigium nascitur, & in ora etiam areæ scopulosæ proxima arundinibus ne hilum quidem accrescit? Pali aliquot in septentrinaliori lacus parte reperti, qui seculo forte ibi infixi sub aqua latuerant, parte extra arenam prominente crustam vix dimidiæ lineæ crassitie, cinerascentem & extus granulosam acquisiverant. Cur aqua uno potius loco, quam altero tophum deponeret? Porro fundus hujus aquæ, (quæ pro stagnante habenda est, quamquam apertis interdum cataractis effluat,) cur, non totus crusta tophacea obducitur & cylindri, qui nunc liberi reperiuntur, inter se & cum fundo scopulisque concrescunt & consolidantur, si ex sedimento aquæ oritur concretum nostrum? Cur denique cylindri, qui in arena projecti altero-

ne-

necessario lateri incumbunt, nihilosecius æquabiliter plerumque in omnem directionem crassitie crescunt, aut cur externe cavernosa ac trunculis brevissimis, confertis, retusis quasi muriata sunt, & non continuo topho solido lamel latim obducuntur? Læves enim laminas corporibus obducere tophaceæ aquæ solent, nec granulosas atque tuberculosas; motus etiam aquarum requiritur & dissipatio, ut deponatur tophus.

Videamus fortissimum analogiæ, inter *Concretum nostrum* & *Milleporas solidas*, argumentum ex chemica ejusdem analysi petitum. Ex pulveratis *Incrustati Rakanensis* æque ac *Milleporæ alcicorñis* fragmentis, & retortæ inclusis, fortissimo igne, præter aquam & pauxillum materiæ glutinosaæ, omnino nihil expelli potest; nec materia mutatur. At calcinata residua utriusque, præsertim *Incrustati*, materia quartam fere ponderis partem amittit & tunc, in veram calcem animalè mutata, alcalinam fixam naturam prodit, Syr. violarum viridem & Solutioni sublimati aurantium colorem concilians. Nihilosecius coccione cum aqua nihil alcalini ex calce elui potest. Affuso Spiritu vitrioli eadem effervescit strenue, ingratissimo cum odore empyreumatico, fere animali, & duplum sui ponderis saturat, tuncque magma mediæ naturæ efficit; a quo aqua diluto & per charteum filtrum trajecto, secedit materies atra, tenax, insipida, vix oleosa, nihil enim animalis olei ex ea igne elici potuit. Solutio vero hoc modo diluta, evaporatione tota avolat, exigua terræ albæ, inertis portione relicta.

Si hic relata, cum historia *Incrustati Rakanensis* nuper in *Actorum Societatis Harlemonis Vol. VIII. P. II. p. 19. & seqq.* communicata conferat

feret quis, vel istius autorem, vel me, diversissima tradentem, certissime erroris vel fallaciæ reum esse sibi persuadebit; nec immerito. Maxime in eo hallucinatur prædictæ relationis autor, quod Concretum istud non calcareæ, sed argillofæ & in igne durescentis naturæ esse dicat & ex depositis argillosis particulis aquæ, eo loco, ubi copiosus accrescit, in vorticem continuo, ut prohibet, agitatæ, oriri credat. Facillimo tamen experimento ustionis patientioris calcareæ naturæ esse facile appareat. Et argilosus in toto lacu fundus abest; nec motus ullus in aqua apparet, (nisi forte ubi cataractis effluit copiosior,) imo ne causa quidem detegi potest, quæ vorticosam ei directionem conciliare queat. Peccavit præterea in hoc relationis citatæ Author, quod, pro *Carice acuta*, Scirpi speciem in lacu crescere dicat, & quod *Tubulariam gelatinosam* scopulos copiose incrstantem pro Byssō sumserit; ut alia omittam. In eo laudandus ceteroquin est, quod bonas *Incrustati Rakanensis* supra Escharam pariter ac circa Carices generati icones dederit (vol. cit. tab. I. f. B—L.).

Sub ADARCES nomine *Dioscorides* Incrustato nostro analogum quid intellexisse videtur. Dixit autem *Adarcen* concretam esse salsilaginem, in locis palustribus Cappadociæ circa arundines aliasque plantas generatam, quæque per siccitatem emergit. (Vid. *Aldrov. mus. metall.* p. 213.) Quod *Rumphius* Saxum calcareum (*amb. VI.* p. 249.) appellat, affine quoque huic speciei concrementum esse videtur.



XI. MADREPORA.

DEFINITIO.

ANIMAL modo simplex, modo vegetans:

Corallium sæpius plantæforme, cellulose, vel in apice vel superficie terminatum

Stellis lamelloso-striatis, polypiferis.

Madre-
porarum
distribu-
tio.

MADREPORÆ nomen ab *Imperato* primum speciei impositum, a *Marsilio* deinde ad omnia Zoophyta lapidescentia translatum & a *Boerhaavio* quoque & *Tournefortio* minus stricte, porosissimis Coralliis adplicatum, primus *Linnæus* generi cuidam Zoophytorum exactius circumscripto appropriavit, eorum nempe quorum lapideum skeleton stellas lamellosas, cavas exhibet. Et hoc priorum autorum Poros, Fungos marinos & Corallia pleraque deduxit; totum vero Genus distinxit in Madreporas *simplices*, stella unica præditas, *compositas* ex pluribus simplicibus, distinctis & proliferis collectas, & *aggregatas* e stellis multis in unam massam coadunatis factas. (*Amœnit. acad. vol. I. p. 78. §. 1.*).

Ordo.

Has suas Madreporas *Linnæus*, cum Milleporis & Tubipora, distincto a Zoophytis ordine collocavit, quem, duce *Boerhaavio*, LITHOPHYTORUM vocavit; & miro circulo Lithophyta pro fabrica animalculorum ex ipsis tamen Lithophytis pullulantum, proposuit. Quod tanto magis mirum videbitur, si respexeris, *Corallium rubrum* verum, quamvis cortice animali obductum

tum & stirps animalis vegetans haud dubie vocandum, inter Madreporas tamen, adeoque inter Lithophyta ab eo relatum fuisse.

Primus, ad Animalia pertinere Lithophyta, *Ad anima-*
suscipitus est Imperatus, impulsu observationum *malia*
quas in Madrepora imprimis ramea fecerat. Dein *transla-*
Rumphius docuit, Madreporam fungitem esse *tio*.
quasi testam incumbentis animalis, singularis
structuræ; Idemque præterea fere in omnibus,
quæ descriptis, Maris Indici Coralliis pariter
ac Zoophytis recentibus gelatinam animalem,
pisculentam adesse monuit. *Peyssonellus* tandem
Lithophyta solidissime animali regno adsociavit,
& Madreporas speciatim pro animalium meris
testis aggregatis habuit. Primus & solus huc-
usque Donati confirmavit hæc, data curiosa *polypo-*
rum stellas Madreporæ occupantium, in una fal-
tem specie, descriptione; & observationum,
quas promiserat, in reliquis Maris Adriatici
Zoophytis factarum ingens post se reliquit de-
siderium, quod nunc deperditione adversario-
rum atque spoliorum, quæ ex Mari Rubro re-
miserat, etiam exasperatur.

Observationibus destitutus, quas hic de Ma-
dreporarum natura proponam conjecturas pro
errore vacuis venditare nunquam audeam. Sunt
tamen hæc, quæ verosimillime ex attenta con-
templatione structuræ & compositionis reliquia-
rum in Museis asservari solitarum, lapidei nem-
pe earum sceleti, confici posse videntur.

Quas *simplices* Madreporas *Linnæus* vocavit, *i. M.*
sunt quasi basis, os lapidose, testa, cui im-
plantatus, adnatus, continuusque est polypus, *simpli-*
ces.
ex ovulo solitario ortus, nunquam prolifer,
sed in magnitudinem tantum cum sua testa seu
basi crescens. Sunt itaque in Museis asservati

Fungitæ vere pars animalis marini, structuræ singularis, cuius descriptione exactiori, quam quæ a *Rumphio* data fuit, adhucdum caremus. Valet hoc de *M. verrucaria*, *fungite*, *echinata*, *lacera* atque *trochiformi*. Harum specierum interdum plura uno individua, confertim nata ideoque subconfluentia, sequentium structuram æmulantur. Interdum & luxurians specimen margine crispatur, & laciniosum evadit.

2. *M.
concatenatae.*

Dantur Madreporæ in massas multiformes ex crescentes, quæ ex primordio paucarum stellularum sensim multiplicatarum ambitu sese diffundunt & in medio in crassitiem quoque crescunt. Hæ superficie exhibent stellas irregulares & *concatenatas*, marginales adhuc passim imperfectas. In his vix potest dubitari, animaliem substantiam continuam & centris stellarum insertam superficiem obvestire; prolem nempe margine maxime accedentem a matribus nunquam secedere. Sunt hæ Madreporæ unicum & vere continuum, at ex pluribus compositum animal; quod imprimis in *M. Pileo* & *Elephantoto* apparet. *M. agaricites* hujus itidem naturæ est, at cum ejus stellæ non tantum margine accedant, sed in disco quoque multiplicentur, in plicas quasi assurgit ea, uti *Escharæ* multiplicatis in disco cellulis in frondes. Pertinet ad hanc quoque classem *M. crustacea*.

3. *M.
conglomeratae.* Ad concatenatas proxime collocandæ erunt, quas jure *conglomeratas* dixeris: *M. labyrinthica*, *mæandrites*, *areolata*, *Lacruca* & *excea*. Horum primordium simplex pariter stella est, quæ crescens margine in laciniæ numerosas sinuatur & crispatur, prole simul discedente & maternis laciniis in anfractos diffusis sese interserente; unde tandem formatur massa mæandritica, quæ su-

superficie anfractus stellarum contortuplicatos contiguosque exhibet & cum in medio crassitie crescat ambitu autem lentius dilatetur, in hæmisphæricam plerumque aut convexam formam tendit. Has Madreporas *Hill & Browne* MYCEDIA appellantur.

Subsimilis est Madreporarum *aggregatarum*, ^{3. M. ag-} prout a *Linnæo* quoque vocantur, apud *Brownium* *gregatae*. ASTREÆ nomine donatarum & sub generali vulgo *Astroitarum* denominatione venientium ratio. Non, uti *Peyssonellus* (*act. angl. vol. 42. art. 75. pag. 467.*) putavit, ex gregariis polypis seu glomeratim depositis ovulis hæ fiunt. Primordium est stella itidem solitaria, quæ primo verruculæ instar marinis corporibus accrescit & aucta laterales generat proles. Hæ modo instar ramorum ascendunt, ut in *M. flexuosa* & *obscurius* in aliquibus astroitarum speciebus apparet; modo contiguæ quidem matri, at discretæ tamen observantur: semper autem novas denuo proles agmini addunt, unde oriuntur crustæ primo convexæ & tandem hemisphæricæ, mediis stellis adultioribus in cylindros assurgentibus, dum novæ in ambitu proles adhuc cotulæ parum profundæ speciem servant. Harum itaque pleræque crescendi modo & structura *Alcyoniis difformibus* simillimæ reperiuntur; quibus & ab *Ellisio* comparatæ fuerunt, (*act. angl. vol. 53. p. 432.*).

Ex Madreporis aggregatis eæ in quibus laterales proles non ramorum modo e matribus producent, sed margine accedunt, uti *Alcyonia crustacea*, ex substantia sese diffundente stellas videntur progenerare, per efflorescentiam quandom. Dantur enim latissimæ earum laminæ, adeo exiguae crassitiei, ut proliferationem ramosam hic non locum habuisse clare appareat. Observatur interdum in aliquibus hujus farinæ speciebus,

ciebus, quod, pereunte agmine stellarum, aliquæ superstites ultra excreverint & lateralibus prolibus ex se generatis, novum antiquo agmen insternere cœperint. Pulcherrime ea omnia probat M. *caryophylites*. Hæc nempe ex paucis cylindris liberis, crustæ lapideæ insidentibus, apice stellatis constat; quorum passim aliqui extremitate proliferi fiunt & sæpe mortuos vicinos novo instaurato agmine obruunt, crustam in ambitum crescentem diffundentes, e qua novæ continuo stellæ s. cylindri pullulasunt.

Adnumerari debent aggregatis M. *caryophylites*, *organum*, *favites*, *ananas*, *radians*, *stellaris*, quæ omnes cylindros simplices exhibit; & ramosse proliferæ M. *flexuosa*, *calicularis*, *astroites*, *porites*.

4. *M. dichotomæ*. His ultimo loco enunciatis structura & creascendi modo proxime succedunt Madreporæ, quas bene *dichotomas* dices; quarum tantum M. *angulosam*, *fastigiata* amque novimus. In his corallium successive bifurcatur in ramos apice polypiferos & tantum in longitudinem crescentes, marcescentibus infimis truncis. Bifurcatio ramorum hic vere fit per bipartitionem Polypi terminalis, in duos sensim discedentis, ad normam multiplicationis & ramescentiæ in *Brachionis* supra observatæ.

5. *M. vegetantes*. Ad verius *vegetantes* Madreporas pervenimus; quæ non apice tantum crescunt & ramescant sed tota quoque substantia, arborum ad instar, augmentur: ita ut trunci crassities semper fruticuli animalis, in ramos sensim attenuati magnitudini proportionata fiat. Insigne hujus naturæ exemplum in M. *ramea* habemus, cum qua indole convenient M. *discoides*, *turbanata*, *oculata*, *hirta*, *virginea*, *rosea*, *Crater*, *digitata*, *damicornis* &

& *seriata*. Hæ omnes vegetant plantarum more & adolescent. Quid quod in aliquibus vera gemmatio observatur? Siquidem in *M. oculata* peltulæ terminales margine nodum producunt, qui aperitur & in novam scyphifor- mem peltam sensim panditur; & in *M. rosea* ubique, ex antiquioribus quoque ramis & ipso trun- co corallii emergunt passim bullulæ cavæ, in stellas polypiferas aperiendæ, adeoque gemmæ genuinæ.

Obscurum aponit his adjiciendæ quoque sint *M. a-*
M. muricata, *porites* & *foliosa*. Duo priores se-
 cundum quorundam speciminum indicia, crusta-
 tim accrescere videntur, vel ex stellis novis
 continuo emergentibus & priores obruentibus
 accumulari; vulgo tamen vegetantem indolem
 fortiter produnt. Sunt forsitan inter Madreporas
vegetantes & *aggregatas* mediæ a Natura con-
 stitutæ.

Ex his appareat quam diversæ inter se sint & *M. stel-*
 indole & habitu *Madreporæ*. Conveniunt tamen
 in eo omnes quod Corallii solidioris extremitati-
 bus vel superficiei insculptas gerant cavernulæ
 concavas, infundibuliformes, tubuliformes; in-
 tens vel striis poratas vel lamellofas, imo lamel-
 lis productioribus sæpe multiloculares; in qui-
 bus organa Zoophyti mollia, polypi, seu flo-
 sculi animales (quocunque nomine uti yelis,) re-
 sident. Hac cavitatum polypiferarum struc-
 tura a Milleporis omnibus, poros usque in intimam
 substantiam adactos, tubulosos habentibus, diffe-
 rent *Madreporæ*, etiam istæ ex vegetantibus,
 quas stellarum parvitate & habitu ad Milleporas
 accedere videmus. Hæ cotulæ seu cavernulæ
 in genere *stellæ* Madreporarum vocitantur, &
 magnitudine, numero, positione, figura &

structura infinite variant, prout ex specierum descriptionibus patebit. In Madreporis *aggregatis* fere omnibus magnitudo stellarum, in ejusdem speciei individuis omnibus, constans & circiter eadem esse solet; & primordia quoque solitaria in justam primo magnitudinem excrescent, antequam ramos exserere incipient. At Madreporæ *conglomeratae*, & præsertim *M. mœandrites*, diversissimæ magnitudinis stellis seu anfractibus ludunt. Et *M. simplicium* omnium stella solitaria cum animali crescit, unde his diversissima magnitudo observatur.

Figura corallii species in nullo magis genere, quam hoc nostro, ludunt. Exemplum imprimis in *M. muricata* habemus cuius, ut & reliquarum varietates, infra suo quamque loco recensebo.

164. MADREPORA VERRUCARIA.

MADREPORA simplex sessilis subundulata marginataque, disco porcis inæquilibus pectinatis radiato.

* *Ginan. adr. p. 10. tab. 4. f. 10.* Fungus marinus.

Linn. syst. X. sp. 17. Madrepora verrucaria.

DESCRIPTIO.

Magnitudo summa unguis digitii medii aut pollicis. *Lamina* tenuis, alba, lapidea, disco maxime versus ambitum porosa, limboque tenui, nec poroso marginata; centro sessilis, undulataque quando major. *Discus* supra centro lævis; brac-

bracteolæ a centro divergentes, dentatæ, extorsum decrescentes, tenerrimis setulis lapideis pectinatæ; quibus in ambitu interjectæ similes, breviores, varie a priorum directione declinatae.

B. Minora specimina radiata sunt denticulis tubulosis, per series digestis, confertis.

Locus: Mare Mediterraneum; minuta specimen ad Angliam in Fucis Escharisque observavi.

165. MADREPORA FUNGITES.

MADREPORA simplex acaulis, stella convexa lamellofa, lamellis inæqualibus crenatis.

Clus. exot. l. 6. tab. 10. p. 125. Fungus lapi-
deus major.

J. Baub. bist. III. p. 801. f. 1, 2. Fungus
lapideus.

Beßl. mus. Lochn. tab. 26. f. 3. Fungus lapi-
dosus.

Bonan. mus. Kirch. p. 289. n. 17. Fungus pe-
trificatus.

Olear. mus. p. 68. n. 2. tab. 34. f. 2. Fungi-
tes quartus.

Boerb. ind. alt. p. 2. Fungus coralloides pilea-
tus, lamellatus.

Shaw. afr. app. p. 47. n. 6. Fungus coralloi-
loides lamellatus maris rubri.

Valent. Ind. litt. p. 508. tab. 9. f. 2. Fungus
lapidosus.

Rumph. amb. VI. p. 247. 249. tab. 88. f. 1 &
4. Fungus faxeus.

Seb. thes. III. tab. 110. f. 6 B. tab. 111. f. 1.
2. tab. 112. f. 28—30.

Knorr. delic. tab. A III. n. 4.

Linn. syst. X. sp. 20. Madrepore Fungites.

β. Calceol. myc. p. 328. Lapillus numismalis.

Scheuchz. lithogr. helv. f. 43, 44. Lens lapidea striata, utrinque convexa.

Buttner. corall. p. 24. tab. 3. f. 5. Fungi marinii capitulum.

Bromel. lith. sp. 2. p. 33. f. a—b.

Lbwyd. lith. p. 151. Porpita minor, numularis.

Lin. amœn. ac. I. p. 91. n. 2. tab. 4. f. 5. Madrepore simplex orbicularis plana, stellæ convexa.

Belg. Zeekampernoelen. Gallic. Champigon de mer. Malaic. Carangtulat.

D E S C R I P T I O.

Lapis solidus Boleti pileum subversum referens, suborbiculatus, quinque ad summum pollicum diametro, plerumque æqualiter convexus, rarius difformis atque plicatus; subtus concavus, granulis scabris muricatus, ambitu porcis inæqualibus radiatus; supra convexus, lamellosus, centro oblongo, simplici, cavo. Bracteæ omnes margine creñatæ, porcis inferioris lateris continuæ, majores ad centrum altissimæ atque truncatæ, harumque alternæ paulo humiliores. Interjectæ his ubique plurimæ, plerumque septenæ, triplicis magnitudinis; nempe media altior, ad centrum vero non perducta; lateralium mediæ secundæ sunt magnitudinis, alterutra usque ad centrum stellæ elongata; reliquæ minimæ inæquales, prætereaque versus marginem inter-

Intercalares passim exilissimæ. Pedunculi junioribus planiusculis speciminibus minimum vestigium quandoque observatur, in centro inferioris lateris; provectionibus omnino abest.

Locus: Oceanus Indicus & Mare Rubrum.

N O T .

Fungitæ, teste *Rumphio*, rupibus incumbunt liberi, nec fere, nisi rarissime, tumque per exilium & debilissimum pedunculum, affixi reperiuntur. Non tamen locum mutant. Dum in Mari vivunt, crasso obducti sunt *visco*, amyli æmulo, cuius plicæ elevatores oras gerunt instar denticulati limbi operis acicularii & obtectæ sunt innumeris oblongis vesiculis ex eadem gelatina formatis, quæ *vitam* sub aqua produnt. Quamprimum in auras educitur corallium, mucus omnis cum vesiculis inter lamellas sese abscondit & brevi mora, Medusarum ad instar, deliquescit cum tetterimo fœtore. Ex ipsis *Rumphium*, diu ante recentiorum inventa, in Madreporis animalem naturam agnoscisse patet. Adjicit descriptioni Animalis satis negligenter expositæ, pro medio inter saxum & Zoophytum habendam esse M. *Fungitem*.

Rarissimam hujus Madreporæ varietatem in Museo suo servat DN. GUIL. VAN DER MEULEN. In quatuor nempè lacinias subacutas effictum specimen, ita ut stellam cruciformem, quatuor radiorum exprimat.

Sebani thesauri tab. 12. detrita exhibet specimina, qualia ab ignaris pro diversa specie haberi possent. His simillima fossilia passim occurruunt, quæ, si prorsus detrita & lævigata fuerint,

rint, PORPITÆ vocantur. Unde patet ad hanc speciem referri debere synonyma Lithologorum supra ad litteram S. allegata.

165. B. MADREPORA ECHINATA.

MADREPORA simplex acaulis, subtus muricata, supra lamellis dentatis scaberrimis.

Rumpb. amb. VI. p. 248. n. 2. (an tab. 88. f. 2?)

Fungus saxeus oblongus.

Seb. thes. III. tab. 111. f. 4. & forte 9.

**Lin. hort. Cliff. p. 481.*

DESCRIPTIO.

Lapis solidus, plerumque oblongus; *subtus* concavus, tuberculis ramoso muricatis, ambitu in porcos digestis, medio obsoletioribus horrens; supra convexus. *Centrum* est rima longitudinalis, fundo porulenta, unde versus omnem ambitum diffunduntur *lamellæ* majores, lacero-dentatæ, scaberrimæ, interjectis plerumque ternis, quarum 2 minimæ.

Locus: Oceanus Indicus.

NOTA.

Multo rarer hæc est, vel varietatem, vel specie diversam dixeris multoque cariori pretio constare solet, quam M. *Fungites*, quæ copiose ex Indiis affertur.

166. MADREPORA PILEUS.

MADREPORA concatenata acaulis gibba, stellis subpinnatis confertis concatenatis, lamellis inæqualibus.

Tournef. act. gall. 1700. p. 30. *Icon. Mitra Neptuni.*

Rumph. amb. VI. p. 248. t. 88. f. 2, 3. *Mitra polonica.*

Seb. thes. III. tab. IIII. f. 3 & 5. *Pileus Nep-tuni.*

Linn. syst. X. sp. 21. *Madrepora Pileus.*

β. Rumph. amb. VI. p. 248. *Limax faxea.*

Seb. thes. III. tab. IIII. f. 6. tab. II. f. 31. *Talpa marina.*

Belgic. α. *Neptunus-muts,* β. *Zee-moll.* Gallic.

α. *Bonnet de Neptune.* (Tournef.)

D E S C R I P T I O.

α. Boleti pileum subversum in campanæ spe-ciem refert & insigni sæpe magnitudine occurrit, diametro nempe pedali & quod excurrit. *Pileus* itaque est vel oblongus, vel subrotundus, acaulis, crateriformis; ab *inferiori* ca-vō latere scaberrimus, porcis tuberculosis radia-tus, quorum tubercula undique muricato-sca-bra. *Superior* superficies tota tecta *lamellis* a vertice disci versus peripheriam subflexuose de-currentibus, & passim deflectentibus vel inter-ruptis ad centra stellarum sparsa cava, quarum itaque lamellæ istæ radios efficiunt. Hinc *stellæ* con-catena-tæ sunt & bifariam quasi palmatæ, *lamellis* pilei verticem atque peripheriam respicientibus,

pre-

prominentioribus crassis, profunde dentatis & muricato scabris; quibus interjectæ humiliores, tenuiores, denticulatæ, stellas connectentes.

B. VARIETAS quam *Talpam marinam* Curiosi belgæ vocant, tenerior & magis regularis: *Lapis* est linear-i-oblóngus, utrinque subacutus, *Limacis* figuram referens; *subitus* leviter excavá-tus, tuberculo-so hispidus, versus marginem striatus; *supra* convexus, stellis obsitus. Sutura longitudinalis e *stellis* pinnatis, quibus utrinque adjacent sparsæ, confertæ, inordinatus pinnatæ atque sæpe imperfectæ; margo vero lamellis rectis porcatus. Stellarum lamellæ propriæ laci-niato verrucosæ, crassæ; quibus interjectæ tenuiores, stellas connectentes.

Locus: Oceanus Indicus.

N. O. T. A.

Varietas *a.* referente *Rumphio* circa Amboyna ubique reperitur. Malaice *Carang-carpuſſa* f. *Carpuſſa-batu* audit. Chinenses pulcriora ejus specimina, monticulorum speciem affectantia, ante Idola sua collocare solent. Quædam individua aquam cavo suo coërcent, alia non. Cava superficie hæc Madrepora rupibus incumbit, libera tamen, nec ullo modo affixa; stelliferum latus in mari gelatina animali obductum esse verosimile est. Apud Curiosos Europæos satis magno pretio æstimatur, rarius enim ex Indiis adfertur. — Maximum quod unquam viderim specimen, quodque diametro pedem excedit, exstat Amstelædami in *Museo* Dn. WILH. VAN DER MEULEN. Aliud cum primis notatu dignissimum apud *Virum humaniss.* Dn. C. P. MEYER: ejus-

ejusdem urbis, lustravi. In eo passim margo quasi lobatus est; lobi invicem incumbunt & is qui altero subjacet, veluti sinum format novis stellis efflorescentem. In disco subtus apparent trunculus brevis, crassus, cylindricus, inclinatus, stellis in extremitate, a centro diffusis efflorescens, qui ex simili olim plica ortum duxisse videtur. Stellæ in toto ceteroquin specimine elegantissimæ, palmato-floriformes, versus peripheriam quasi defluentes.

Varietas β. nunquam spithama multo longior observatur; an alterius juvenilis status? Certe Pilares varietatis parva specimina in Museis non occurunt & *Rumphius* quoque plerumque ejus magnitudinis esse dicit, ut capiti imponi possint.

167. MADREPORA AGARICITES.

MADREPORA concatenata crustacea polymorpha transversim sulcata, stellis per fulcos crebris concatenatis.

Seb. thes. III. tab. 110. f. 6. lit. CC. Icon satis bona.

Linn. syst. X. sp. o. post. 26. Madrepore agaricites.

D E S C R I P T I O.

Crustæ crassiusculæ, solidæ, e centro diffusæ, plerumque rupibus applicatæ, undulatæ passim atque e medio disco assurgentæ in tubera, cristasque agariciformes, semirotundas, sæpe satis magnas. *Corallium* superficie adnata tenuissime striata.

striatum; superficie altera gryseo lutescens, & sulcis carinatis, flexuosis, inordinatus transversalibus & varie confluentibus exaratum. Stellæ in sulcis depressæ, confertæ, e poro centrali, profundo radiatæ *striis* lamelliformibus, scabris, limbo integris. Radiorum cujuslibet stellæ plerumque unicus, raro plures stellæ in eodem sulco vicinæ occursu abbreviati, reliqui reflexi assurgunt paralleli, proximorumque sulcorum stellis occurrunt & junguntur.

B. VARIETAS interdum observatur, ex laminis tenuibus, laciniosis, undulatis, utrinque stellatis constans; in quibus sulci magis minusve obliterrati, imo superficies interdum perfecte planæ. Stellarum centra tunc minus profunda & radii striarum potius, quam lamellarum, nomen merentur.

Locus: Mare Americanum.

N. O. T. A.

Interdum hujus Corallii superficies *Balanis* minutis consita observatur, tenui corallina membrana, plerumque ad os usque, obductis, ut foraminula sola appareant. Similem in Astroitis quadam specie casus *Linnæo* ansam dedit M. *polygamæ* condendæ.

Rupes & Corallia varia, imprimis vulgatissimam in Americano salo *Milleporam alcicornem* frequenter obducit Madrepura nostra. Crustæ nunquam exacte adglutinatae sunt & saepe facillime abscedunt; afferuntur etiam specimina parvula, subturbinato explanata & undulata, quæ centro subtus subpedunculato tantum basi solidæ affixa fuisse videntur; dum reliqua pars forte spongiæ vel arenæ incubuit.

In

In eadem rupe aliquoties observavi distinctas crustulas; quæ stellarum magnitudine & laxitate insigniter discrepabant. Hæc itaque differentia non a loco natali derivanda erit, sed aliis usque adhuc obscuris causis debetur.

168. MADREPORA LACTUCA.

MADREPORA conglomerata sessilis, stellis magnis confertis frondescentibus, frondibus laciniiosis crispatis.

Seb. thes. III. tab. 89. f. 10. Concha fungiformis.

Belgic. Endivie-koraal.

D E S C R I P T I O.

Corallium sessile constat frondibus confusis undulatis, laciniato-laceris, inter quas centra stellarum exesa, ramosa reptant. Frondes utrinque longitudinaliter porcatæ *lamellis* distantibus quæ pro radiis stellarum sunt, quartum alternæ majores versus frondis limbum latiusculæ, crenulatæ & oblique striatæ, limbum superminent; interjectæ humiliores, evidentius crenatæ sunt. — E ratiорibüs est; integra specimina auro cariora.

Locus: Mare Americanum?

168. B. MADREPORA ELEPHANTOTUS.

MADREPORA conglomerata subturbinata, intus lamellis granulosis parallelis stellisque lacero-prominulis sparsis.

DESCRIP T I O.

Corallium format laminam tenuem, subturbinatum, undulato-crispam, laciniosam, sessilem, extus longitudinaliter porcis remotiusculis striatam; intus præditam *lamellis* longitudinalibus, subparallelis, obtusis atque granulosis, quæ paſſim interruptæ sunt *stellis* rariusculis, fere in quincunes sparsis, lacero prominulis; harum lamellæ istæ longitudinales quasi radii sunt.

Locus: Oceanus Indicus.

N O T A.

Unicum, quod viderim, specimen extat in Museo Cel. GRONOVII. Est quasi medium inter M. *Lastucam* & *agaricitis* quasdam varietates.

169. MADREPORA EXESA.

MADREPORA conglomerata crustacea, stellis anfractuosis, interstitiis conicis.

DESCRIP T I O.

Hujus nonnisi crustas saxeas, albas, *Mytilis*

lis *margaritiferis* inductas vidi, crassitie summa trium linearum. Superficies tota obsita *colliculis* seu verrucis conicis, subacutis, plerumque basi rotundis, passim compressis aut ex binis confluentibus quasi factis. Hæ verrucæ undique porcatæ *lamellis* scabris, vertice vero lœvigate sunt. *Anfractus* inter verrucas angustissimi *stellarum* proprie loco sunt, cavi & lamellis a verrucis descendantibus & septo quodam per anfractus longitudinali passim cohærentibus, multiloculares. Interjectæ his lamellis aliæ minores a septo stellarum ortæ, imperfectæ.

Locus: Oceanus Indicus.

170. MADREORA CRUSTACEA.

MADREORA crustacea, superficie plana stellata, radiis crassis dentatis concavatisque.

DESCRIPTIO

Massa texturæ rarioris, obverse conica, ex crustis planis, tenuibus, altera alteri superpositis coalita, extus striis dentato scabris arata. Superior massæ superficies plana, substellata. Porci nempe crassi, convexi, acute dentati, ramosissimi, passim in stellas quasi convergunt circa exiguum aream, quæ pro centro est. Stellæ hinc ortæ magnæ, subconcatenatae, in quinques inordinatius sparsæ.

Locus: Mare Americanum.

171. MADREPORA MÆANDRITES.

MADREPORA conglomérata sessilis,
stellis anfractuosis, lamellis denticulatis.

Boët. gem. l. 2. c. 146. f. B. Lapidis astroitidis sive stellaris tertium genus.

Olear. mus. gott. tab. 34. f. 1. & 3.

Besler. mus. tab. 26. f. 1, 2. Massa corallina alba porosa, maris fluctus egregie repræsentans.

Valent. ind. litt. p. 509. n. 2. tab. 9. f. 1. Batu-purudan, fluctus lapidei.

Boccon. obs. gall. epist: 17. tab. p. 142. Astroites undulatus major ET Fungus maritimus coralloides undulatus.

Petiv. gaz. tab. 68. n. 11. Corallium cerebri facie.

Sloan. cat. p. 2. bist. I. p. 54. n. 7. Nom. Boëtii.

Boerb. ind. alt. p. 1. Shaw. afr. app. p. 47. n. 8. Fungus coralloides, encephaloides, gyris in medio fulcatis, lamellis ferratis.

Mercat. metall. arm. 6. c. 16. p. 124. Lapis corallites.

Gualt. ind. part. 2. cl. 1. ad calc. Mæandrites costis latis & sinuosis.

— part. 3. cl. 1. tab. 29 b. Mæandrites costis crassis elatis; Bustropheticis interstitiis amplioribus.

— part. 3. cl. 3. tab. 97 b. Mæandrites costis tenuissimis acutis, magis undosis & non nihil concatenatis, lamellatis, interstitiis angustis.

Brown. jam. p. 392. Mycedium 1-3.

Seb. thes. III. tab. III. f. 7, 8. ET tab. II.

Knorr. delic. tab. A IV. n. 1.

Linn. syst. X. sp. 22. Madrepora mæandrites.

Angl. Brainstone. Belg. Zee-bloemkool, Harsen-steen.

D E S C R I P T I O.

Sunt vulgo massæ *hæmisphæricæ*, plus minus gibbæ, ambitu undulatæ, sessiles, (rarius subpedunculatæ;) inferiori facie scaberrimæ, stria-tæ; at plerumque adnatæ aut in sphæroidem convolutæ. Convexam superficiem occupant *stellæ* laciniosæ, flexuosissimæ, contiguæ & coaptatæ, cavæ atque lamellosæ. *Centra stellarum longitudinalia, exilia, exesa. Bracteolæ tenuissimæ, creberrimæ, alternæ plerumque majores, subreniformes, (versus centrum nempe lobulo auctæ,) denticulatæ. Bracteolæ parvulæ majoribus pa-sim intersertæ. Substantia massæ alba, tenera, cellulosæ raræque texturæ.*

Varietates innumeræ observantur:

*α. Dantur specimina, in quibus *stellæ Madreporam areolatam* amplitudine æquant, imo exce-dunt.*

*β. In aliis anfractus *angustissimi*, sæpe vix duas lineas lati, superficiem arant; iique in nonnullis individuis ab uno hæmisphærii latere in rectitudinem producti quasi defluunt subconvergentes.*

In his (*α. β.*) ambulacra inter anfractus vix ul-la, dum stellarum limbi contigui sunt, sulco tantum inter prominentes bracteolas relicto. Notandum tamen in detritis speciminibus harum varietatum aliam esse faciem. Notandum & dari inter va-rietatem *α.* & *β.* omni gradu intermedias.

γ. Alia varietas rarer, interstitia anfractuum

sive *ambulacra* exhibit *latissima*, *digitii* *passim* *latitudine*, *solida*, *obiter carinato-canaliculata* & *transversim striata*.

Locus: Mare præsertim Americanum, ubi copiosissima; & Indicum.

N O T A.

Massarum formæ innumeræ, vulgatior tamen hæmisphærica, aut sphæroidea, altero latere, nemper quo affixa fuit, imperfæcta. Nonnunquam figura obverse conica, stellato latere vix convexa observatur. Moles plurium pedum saepe diametri. Mihi *M. areolata* hujus speciei primordium esse videtur. Structura exactissime convenient; reperiunturque *M. areolatae* specimena vario gradu crispata & anfractuosa. Simile insuper initium esse *M. labyrinthicæ*, infra videbimus. Confirment, quibus in loco natali has species inspiciendi erit copia.

Occurrunt in Museis specimenina in quibus antiquæ & corruptæ massæ, novi anfractus superaccreverunt, qui anfractus emortuæ massæ nondum ubique obtexerunt nec iisdem respondent. Plerasque tamen hujus Madreporæ inassas totas ex vivo corallio & ubique simili constare videmus; unde eam ab imo ad anfractuosam superficiem usque in mari vigere & vivere sequitur.

Circa Insulas Caribæas adeo copiose crescit hæc species, ut ibi ad conficiendam calcem adhibeatur. Conf. *Sloanii loc. cit.*

171. B. MADREPORA AREOLATA.

MADREPORA simplex subpedunculata, stella crispato laciniosa, lamellis crenulatis.

Clus. exot. l. 6. c. 10. p. 125. Fungus lapideus minor.

J. Baub. hist. III. p. 801. fig. 3.

Valent. ind. litt. p. 508. n. 6. tab. 8. f. 6.

Petiv. pterigr. tab. 20. f. 16. Corallium album, fungoides, ovale.

Sloan. cat. p. 2. Hist. I. p. 56. n. 10, 11. tab. 18. f. 3. Fungus lapideus undulatus.

Shaw. afr. app. p. 47. n. 7. Fungus coralloides rosaceus maris rubri.

Rumph. amb. VI. p. 244. tab. 87. f. 1. Amaranthus saxeus.

Valentyn. ind. III. tab. 52. f. C C. Amaranthus marinus.

Seb. thes. III. tab. 108. f. 5. tab. 112. f. 23-27. bonæ.

Turgot. mem. instr. tab. 22. f. C.

Linn. syst. X. sp. 24. Madrepora areolata.

D E S C R I P T I O.

Corallium subcalyciforme, magis minusve patens, & in oblongam figuram compressum; inferius subpedunculatum. Calyx in lacinias crispatus, extus porcis crenato-muricatis creber; intus cavus, lamellosus. Centrum inter lamellas demersum, pinnatum, porulentum sive exesum. Bracteolæ scabriuscule, acute crenatæ, alternæ

vix minores, ad centra lobulo auctæ; hisque interjectæ multo minores. Omnia ut in *M. mæandrite*.

Locus: Mare Americanum & Indicum.

N O T A E.

Numerus & prolixitas laciniarum multimode variat; vidi specimina majora, in quibus adeo excreverant anfractus atque contigui facti fuerant, ut parva *M. mæandritis* specimina referrent. Magis hanc mentiuntur speciem plura contigua primordia luxuriantibus laciniis sese stipantia. Hujusmodi videntur specimina fuisse quæ *Seb. thes. tab. 109. f. 4.* & *Mus. Richterian. tab. f. 3. 14. c. 3.* nomine corallii foliaciei albi crispi; itemque *Olear. mus. gott. tab. 34. f. 4.* exhibuerunt. Minora specimina vix laciniosa sunt, sed in oblongam figuram compressum calyculum referunt.

Rumphius dicit hanc speciem, ob inhærentem mucum (*animalem*), raro probe depurari posse; quod etiam ex America allata specimina, si recentia mari educta fuerint, confirmant. In mari ambulantium pedes & hanc & *M. muricatum* aliaque Corallia vulnerare & ob acrem mucaginem, qua scatent, relictaque in vulnere bracteolarum fragmina, ulcerum malignorum causam esse, docet idem.

172. MADREPORA LABYRINTHICA.

MADREPORA, conglomerata sessilis, stellis anfractuosis, lamellis crassiusculis integris.

Gualt. ind. Part. 3. cl. 3. tab. 51 b. Mæandrites costis planis amplioribus, acutis & rarioribus lamellis.

**Hill. plant. 2.* Mycedium convexum, gyris fulcatis.

Seb. thes. III. t. 109. f. 9, 10. tab. 112. f. 2, 3! & forte 4.

**Knorr. delic. tab. A III. f. 2.*

**Linn. bort. Cliff. p. 481.* Madreporea composita, labyrinthiformis, hæmisphærica; lamellis duplicato ordine integris, obtusis; sinibus æqualibus.

— *syft. X. sp. 23.* Madreporea labyrinthiformis.

D E S C R I P T I O.

Differt a *M. mæandrite* insigniter: *anfractibus* amplioribus & laxioribus, quam in plerisque istius varietatibus; *substantia* solidiori, saxeæ; imprimis vero *lamellis* multo crassioribus, integris, nec ad centrum lobulo auctis, quibus interjectæ singulæ exiguae versus centrum lobo notatæ & plures minimæ, abbreviatæ, versus limbum stellarum. *Centra ipsa stellarum radiatim lamellata.*

β. *Primordium* rariissimæ hujus Madreporæ habeo, quod simplicem refert calycem, subpedunculatum, valde compressum, intus stellam sim-

plicem, oblongam exhibentem, & limbo jam leviter undulari incipientem. Stellæ structura exacte ut in adultis speciminibus.

Locus: Mare Americanum.

N O T A.

Autores tantum non omnes M. *mæandritem* solam cognoverunt. Ill. Linnæus nostram notasse videtur, sed aperte aliena synonyma citavit, quæ supra ad M. *mæandritem* relata inveniet Lecttor. Selecta pauca M. *labyrinthicæ* adjunxi, nec tamen pro certis asserere audeo, cùm in Museis rarissime occurrat hæc species & detritæ M. *mæandritis* pro hujus icone haberi sæpe possit.

173. MADREPORA LACERA.

MADREPORA simplex sessilis, stellæ lamellis magnis lacero-dentatis inæqualibus.

Aldrov. *mus. metall.* *l. 4. p. 496.* Fungites major virgatus.

Mus. Richter. *p. 381. tab. 14. C. 7.* Lithofungus foliolis crenatis.

Seb. thes. *III. tab. 108. n. 2, 4. tab. 110. n. 4. & 6 A. tab. III. n. 9.*

Knorr. delic. *tab. A III. f. 1. bona.*

D E S C R I P T I O.

Diametro nunquam tres pollices excedit. *Corallium* brevissimum, sessile, sæpe supra rupes diffusi-

fusiusculum, extus striis muricatis aratum. *Stella* centro oblongo exesa; *lamellæ* composita maximis, galli cristam experimentibus, planis, scabritie rara aspersis, in porcos externos corallii continuatis. *Lamellæ* majores centro contiguae; at his interjectæ plerumque quinæ, (raro plures), longitudine & altitudine sensim minores. *Substantia* corallii solida, albissima.

Locus: Mare Americanum.

N O T A.

Curassoa non infreueenter affertur hæc Madrepora. Secundum iconum Sebanarum commentarium in Mari novam Hispaniam alluente imprimis crescit. Inveni quædam specimina mucro siccato, laminas occultante obducta; qui videtur animalis reliquiae esse:

Reperiuntur rarius specimina, quæ M. *areolate* figuram lacinioso-pinnatam mentiuntur. Tale in *Museo Cel. GRONOVII* vidi & delineavit *Seba* (tab. 109. f. 4.) Alia vidi, plurium stellarum confertim positarum & sublaciniosarum coalitarumque, ut M. *mæandritem* structura referrent.

174. MADREPORA ANGULOSA.

MADREPORA dichotoma fastigiata, stellis terminalibus turbinato-angulosis, lamellis dentatis.

**Seb. thes. III. tab. 109. f. 2, 3.*

DESCRIP TIO.

Corallium breve, crassum, crebro dichotomum, sursum lente incrassatum, extus striis dentatis longitudinalibus, versus truncum obsoletis. *Stellæ terminales*, fastigiatæ, turbinate, cavæ, multiformi-angulosæ. *Centrum exiguum*, porulentum. *Lamellæ oblongo-subangularisæ*, erectæ, lacero dentatæ, trium magnitudinum (*hac proportione 1, 2, 3, 2, 1.*) porcis corallii externis continuatæ. *Substantia cellulosa*, levis, alba. *Primordium trunculus brevis*, cylindraceus, extus striis scabriusculis, intus lamellis ternatis prominentioribus, interjectisque striis porcatus; Ex eoque, per bipartitionem successivam extremitatis, oritur *corallium dichotomum*.

Locus: Mare Americanum.

N O T A E.

Circa Curassoam copiose nascitur hæc Madrepora. Altitudo fruticorum latitudinem vulgo vix æquat; adeoque pumila facies. *Stellæ multiformes*, ita ut transversæ earum sectiones sint oblongæ, reniformes, cordatæ, triangulæ, quadratæ, multangulæ, sinuosæ. Hæ omnes formæ in fruticulis inter se coaptatæ esse solent; at non contiguæ.

175. MADREPORA FASTIGIATA.

MADREPORA dichotoma fastigiata, stellis terminalibus subturbinatis, lamellis integerrimis.

Seb. thes. III. tab. 109. f. 1. tab. 110. f. 3.

tab. 116. f. 4.

*Linn. syst. X. sp. 33. Madrepura turbinata.

DESCRIPTO.

Corallium in fruticulos s^epe fere pedales, crebro dichotomos, fastigiatos excrescit & crassitie circiter digitⁱ minimi est, teres, extus obsolet^e sulcatum. Stellæ terminales, subturbinatæ, extus porcatæ, intus cavæ, lamellis stellatæ. Lamellæ tenues, scabriuscūlæ, integerrimæ, alterne minores. Centrum immersum, exiguum, cellulosum. Substantia solidior atque ponderosior quam præcedentis, stellatim cavernosa tamen, ut illius, albaque.

Locus: Mare Americanum.

NOTE.

Corallium in hac, ut in præcedenti quoque specie, tantum apice crescit, & stellis successivæ bipartitis continuo bifurcatur. Vidi specimen fungosa quadam, subgrysea crusta obducta; quæ forte animalis substantia siccata fuit.

Raro distortis ramis observatur. Rarissimæ structuræ specimen in Museo servat Cel. GRONOVIUS. Quod inter duas ut videtur rupes planas

nas compressum excrevit, nec in ramos fissum est, sed triangulare planum constituit; cuius angulus inferior, elongatior, truncus est, superior margo lamellosus stellam continuam linearem efficit.

176. MADREPORA RAMEA.

MADREPORA ramoso-subpinnata ferruginea, stellis terminalibus cylindraceis.

Lobel. hist. (1576.) p. 651. *Coralloides* s. *Corallii albi* varietas.

Imperat. ital. p. 629. *lat.* p. 819. *Porus matronalis ramosus.*

Bonan. mus. *Kirchb.* p. 265. *tab.* p. 285. n. 6.

Worm. mus. p. 233. *Madrepora ramosa Imperat.*

Besler. mus. *tab.* 25. *Corallium maximum truncatum.*

J. Baub. hist. III. p. 807. *Porus magnus.*

C. Baub. pin. p. 367. *Corallo affinis Porus magnus.*

Petiv. gaz. *tab.* 76. n. 7. *Corallium flavescens, striatum, nodosum.*

Moris. hist. III. p. 656. *sect.* 15. *tab.* 10. f. 1. *Nom. C. B.*

Tournef. inst. p. 573. *tab.* 340. *Madrepora maxima, arborea.*

Marfil. hist. mar. p. 135. *tab.* 29. f. 130-134.

Primordium. p. 137. *tab.* 30. f. 136-139. p. 140, *tab.* 31. f. 141-146.

Shaw. afr. *app.* p. 48. n. 36. *tab.* n. 36. *Nom. J. B.*

Torrub. bisp. *tab.* 10. f. 13. *Acropora alba.*

**Rumph. amb.* VI. p. 245. *tab.* 87. f. 4. *Ancistrophyllum saxeum.*

Donat.

- Donat. adr. p. 53. tab. 6. Act. angl. vol. 47. p. 105. tab. 4. Madrepore, Porus matronalis.
 Planc. conch. ed. II. app. p. 112. c. 24. tab. 18 M. Fungites sive Caryophyllus marinus (Primord.)
 D'Aubent. ic. misc. t. 47. Porus magnus.
 Linn. syst. X. sp. 37. Faun. su. ed. II. 2216. Madrepore ramea.
 Belg. Kadixkoraal.

D E S C R I P T I O.

Fruticuli ad summum sesquipedales, diffusi. *Corallium* teres, striis undulatis aratum, ex trunco (sæpe brachii crassitiem æquante) attenuatum, in paucos ramos elongatos divisum. *Rami* diffusi, distiche alternatim ramosi, adeoque subpinnati; *ramuli* patentes, cylindrici aut subturbinati, terminati cavitate *bracteolis* integris interjectisque striis stellata. *Substantia* corallii ferruginea, saxeæ, intus stellatim cavernosa, in truncis solidior.

β. *Primordia* hujus Madreporæ sunt calyces turbinati, structura & fere magnitudine extremis adulti Corallii ramulis simillimi, in rupibus testisque crebri (Conf. Planc. Marfil. l. cit.). Deinde in simplicem exsurgit trunculum calyx, lateribusque alternos ramos exserit.

Ramuli in adulti corallii ramis quandoque secundi aut quaquaversum sparsi, interdum cereberrimi passim observantur.

Locus: Mare Mediterraneum & Atlanticum.

N o T A.

Recentis hujus Madreporæ substantia extus & in extremis ramis saturatissime ferruginea est; diffracta vero, maxime in truncis, alba, spato-sa. Et in mari mortuæ sensim extus quoque abscondit ex cinereo. Nautæ referunt eam recentem mari extractam fortiter moschum redolere; Diu-nque post aqua calida perfusam eundem odorem spargere scio.

In hac Madrepora plura egregia retulit Imperati quæ, juncta, eum a vera Zoophytorum cognitione haud longe absuisse, testantur: „In-ramorum, inquit, partibus magna spectatur differētia, illis, qui primorum loco sunt truncorum, densis existentibus, atque instar Corallii albicantibus; sequentibus, qui annuae velut accessiones sunt, raris ac debilibus, colore obscuro & purpureo; nonnihil substan-tiæ membranaceæ continentibus; unde conjice-re licet, illos vitæ sensitivæ participes esse; perinde ac in Velo marino (*Medusa Velella*) ac Spongiis”.

Marsilius quoque extremos recentis ramos glutine croceo obduci dicit; siccatam extremis brunescere, reliqua parte cinerascentem; partemque bruneam teneriorem atque friabilem esse.

Shawius in hac eadem Madrepora observavit stellas filamenta quædam exserere, quæ contrahi posse dicit, quæque pro radiculis habuit.

Talia vero filamenta non delineavit *Donati*, quum tamen (*loc. cit.*) exhibitam ab eo Ma-dreporam hanc vere speciem esse vix dubium esse possit; quamquam stirpis iconem minime na-turalem dederit. — Descripsit autem *Polypum in-ex-*

extremitatum calyculis residentem, brevi *corpusculo* decemangulato, truncato, quod supra in medio ore radiato præditum; ambitu vero cinctum sit tentaculis numerosissimis, carnosis, bifidis, lamellas bifurco apice, astacinæ chelæ simili prehendentibus.

Marsilius primordia M. *rameæ* calyciformia pro distincta specie descripsit. Reperiri eam docet ad *Prom. nigrum* Africes, & in abyso *Cassidagnæ*, in 150 circiter orgyar. profunditate. *Donati* eam ad Istriam obseruavit. E Sinu Gaditano frequens adfertur & ad Lusitaniae quoque oras interdum reperiri scio. Nuper etiam in testis silicibusque ad Ierseam insulam susceptis parvos ejusdem fruticulos inveni. *Linnæus* in *Fauna* (ubi *Raji* alienum locum citat,) dicit in Mari Norvegico reperiri, sed Corallio officinali non majorem.

Rumphii *Anthophyllum* saxeum forte diversa erit species, quæ mihi nondum innoçuit. Hinc de eo nihil pronunciare audeo.

176. β. MADREORA TROCHIFORMIS.

MADREORA simplex turbinata acaulis striata, stellæ lamellis integris.

Brom. lith. p. 32, 33, 36, 38, 40. *Lang. lap.* fig. p. 52. tab. 12. *Fungites major orbicularis Gothlandicus.*

Helw. lithogr. tab. 5. f. 9—11, 13, 15, 17; *Wolff. hist.* tab. 10. f. 3, 4. *Columellus turbinatus.*

Lin. amœn. ac. I. p. 87. tab. 14. f. 1—7. *Syst. X.* sp. 19. *Madrepora turbinata.*

DESCRIP T I O.

Reperitur tantum fossilis; integerrima imprimis & elegantia specimina, cum marinis aliis vix mutatis, ad *Courtagnon* aliisque Galliae in locis eruuntur. Obverse conica, saepe compressa, extus teneriter striata; supra cava, lamellis integerrimis stellata. Primordio *M. rameæ* simillima foret structura tota, nisi multo major saepe reperiatur quam maximi istius calyces esse solent. Plerumque etiam inferne subacuta & integerrima invenitur, ut nequaquam adnata fuisse videatur. Forte fabuloso maris fundo infixa crescit.— Subsimilem aliquando calyculum, in Mari jactatum & imperfectum, inter fragmenta *M. oculatæ* inveni, quæ, ut constat, ex Mari Indico adfertur.

Locus: Mare forte Indicum.

N O T A.

Pertinent huc *M. truncata* & *M. stellaris* LIN. *syst. X. sp. 26, 27. Amœn. acad. vol. I. p. 93,* 94. *tab. 4. f. 10, II, 18. & n. 3, 4.* Videntur & huc referri posse *Anthophylli saxeii* RUMPHII; saltem soluti calyculi, quos ad latus fructicis delineavit, persimiles sunt *M. turbinatæ* nostræ (*herbar. amb. vol. VI. tab. 87. f. 4.*)

177. MADREpora DISCOIDES.

MADREpora disciformis subpedunculata scabriuscula, stellis marginalibus fasciculatis.

D E.

DESCRIP.T.I.O.

Corallium efformat discum crassum, solidum, subinfundibuliformem, subitus crasso trunculo continuatum, ubique in superficie striato-scabriuscum. Limbus disci crassus, obsolete decem-plicatus, plicis alternis minoribus. *Stellæ* in plicas marginales dispositæ, confertæ, magnæ truncatæ; cavitate cylindracea.

Locus: Oceanus Indicus.

N O T A.

Celeberr. GRONOVIVS rarissimæ hujus Madreporæ specimen in Museo servat, quod ex Rumphiano thesauro esse dicit; neque eam præterea ullibi vidi. Insidet silici, una cum specimine *Amaranthi saxezi Rumphiani*, f. M. areolatæ complicatoris. Discus magnitudine circiter est cavi manus.

178. MADREPORA PROLIFERA.

MADREPORA ramosissima coalescens, stellis turbinatis margine proliferis, axillaribus terminalibusve.

Besler. mus. Lochn. tab. 25. *Corallium imma-*
turum, cinereo colore.

Pontopp. norweg. I. p. 282. n. 3. tab. 14 A.

Edward. av. tab 94.

Seb. thes. III. tab. 116. f. 3. bona.

Linn. syst. X. sp. 33 & 36. *Madrepora turbinata* ET pertusa.

DESCRIP T I O.

Corallium ramis intricatis, ubique coalescentibus, glomeres saepe maximos constituit. *Stellæ* majusculæ, infundibuliformes, elegantissimæ; intus lamellis longitudinalibus, circiter octonis (vel pluribus), integris; intercalaribus ubique ternis, quarum media insignior. Limbus stellarum cum lamellis subreflexus easdem coronat. *Stellæ* in ramis alternae, passim exteriori limbo proliferæ; unde in axillis ramorum omnium, stella immersa notatur, quæ, ramorum mater, sensim obruta fuit ab adolescenti prole. *Divisura* corallii subdichotoma. *Rami* ob stellarum latitudinem creberrime contigui coalescunt. *Substantia* albissima, solidissima; intus alburno exili, stellatim covernoso.

Locus: Mare Norvegicum.

179. MADREPORA OCULATA.

MADREPORA ramosissima coalescens
lævis, ramulis flexuosis, stellis ad flexuras
ramorum concavis, margine striatis.

Imperat. ital. p. 627. lat. p. 815. *Corallium*
album fistulosum.

Besler. mus. tab. 25. *Corallium* album indicum.

J. Baub. bist. III. p. 805. *Corallium* album
oculatum officinarum.

Rumph. amb. VI. p. 233! *Accarbarium* album
verrucosum.

Seb. thes. III. tab. 116. n. 12,

Turgot.

Turgot. mem. instr. tab. 22 E.

Knorr. delic. tab. A I. n. 2.

Corallium album Officinarum.

Belg. Gemeen wit Koraal. Germ. Weisse Corallen.

D E S C R I P T I O.

Corallium in fruticulos explanatos spargitur; quorum in medio, ex truncis cavis, dilatatis majoribusque ramis crassescientibus & confluentibus, glomer oritur vario modo difforme, cavernosum clathratumque. *Ramuli* plerumque distiche sparsi, ad stellulas truncorum orti, subramosi, geniculato flexuosi. *Stellulae* exiguae, infundibuliformes, subturbinatae, margine interius striatae; in geniculis ramorum singulæ, adeoque alternæ; per truncoſ sparsæ, immersæ, intus fuscæ. *Substantia* solidissima, eburnei alboris.

Locus: Oceanus Indicus.

N O T A E.

Vulgo *Corallii officinalis* fragmenta exhibent stellas multo majores, in superstitionibus ramis cylindraceo modo longius prominulas, subturbinatas, intus evidentius porcatas; adeoque structura & facie magis accedunt ad *M. proliferam* cuius tamen stellæ quadruplo majores & patentiores. Glomeres truncorum soli, detritis plerisque ramulis, afferri solet pro officinarum usu. Talem delineavit *Seba l. c.* Tales in Officinis Germaniae, Belgique sub *Corallii albi* nomine prostant. Descriptionem supra datam ex elegantiſſimis fruticulosis speciminibus Museorum Antwerpianensium adornavi, qualia raro occurruunt.

Hæc stellarum parvitate & structura a vulgaribus aliquantum differunt. Attamen facies & substantia eadem. Vulgaria autem specimina ad M. *proliferam* ita accedunt ut fere pro ejusdem speciei varietate haberri possint. Similitudo certe summa inter utramque speciem obtinet, quanquam distinctissimas credam.

Rumphius Madreporam nostram, Malaise *Kal-bahaar batu* vocatam, circa Amboynam rarissime inveniri dicit, nec palmo altiores arbusculas, siliculis innatas. In Oceano verò *Bandenses* Insulas alluente tres cum dimidio pedes alta specimina reperta fuisse refert, instar flabelli plana. Addit, purum & album e mari colligi, sed extremos ramos mucoso quodam tegumento vestitos esse. In profundi maris scopulis crescit. Abundantissime in submersis Insulis *Pulurona* & *Rossingeyna* e Bandensibus.

Confusio apud autores summa inter M. *oculatum* & *virgineum* cuius nunc sequitur descriptio.

180. MADREPORA VIRGINEA.

MADREPORA ramosa dichotoma substriata, stellis alternatim sparsis prominulis.

Gesn. fig. *lap.* p. 132 b. n. 2. *Corallium verrucosum.*

Imperat. ital. p. 623. *lat.* p. 809. *Corallium album.*

Boccon. mus. tab. 9. n. 5. f. 6. & p. 256. *Corallium fistulosum Imperati.*

Petiv. gaz. tab. 76. f. 8. *Corallium album major, stellatum & radiatum.*

Tournef. inst. p. 573. *Madrepora vulgaris.*

Marsil.

Marsil. bift. mar. p. 139. tab. 30. n. 140.

Gualtier. ind. p. 24. Acropora alba, foraminibus stellatis, amplioribus.

Linn. bort. Cliff. p. 481. Madrepora simplex, ramosa, ramis teretibus levibus solidiusculis, lamellis integris.

— *syft. X. sp. 40. Madrepora virginea.*

D E S C R I P T I O.

Fruticuli ad summum spithamales, inordinati, diffusi. Corallium lacteum, solidum, scabriuscum; crassitie raro digitii minimi, vulgo pennae; dichotomum. Rami divaricati, tortuosii, crebro contactu coalescentes, teretes, obtusii. Stellæ undique sparsæ, crebræ, quincunciales, prominulæ, intus cavæ, lamellofæ, magnitudinis incertæ. Striae a stellarum dentibus marginalibus per corallii superficiem continuatæ, subvorticofæ.

Locus: Mare Mediterraneum, & Americanum.

N O T A.

Cum crassissimum Corallium, tunc stellæ maximæ, saepe apicem pennæ anserinæ admittentes. In vulgari, mediocri crassitie, stellæ non proportione diminutæ. Vidi specimina his tenuiora, in plano rudiori ramosa, subtilissime striato scabra, ramis subattenuatis, quibus cavitates minutæ, denticulis compressis coronatæ, & intus striatae pro stellis erant. Habeo specimen Americanum, extus gryseo folidum, cuius Corallium crassitie pennæ est, dichotomum, divaricatum; huic stellæ tamen exiguæ, simul inæquales,

les, & margine dentato tantum prominulæ, ut in ultima varietate; scabrities eidem subtilis, & striæ prorsus nullæ; ut aliam speciem mentiretur, nisi intermediæ varietates priori illud ad jungerent.

Marsilius hanc Madreporam in abyssō la Corailade dicto copiose invenit. Summam altitudinem dicit esse 8 pollicum, recentis calyces glutine albo plenos.

Chama gryphoides Madreporæ nostræ ramis crebro innata reperitur, adeoque eadem loca amare videtur.

181. MADREPORA ROSEA.

MADREPORA ramosissima rosea, ramis attenuatis, stellis minutis passim congestis efflorescentibus.

DESCRIPTIO.

Fruticuli in plano distributi, semipalmares, *Corallium* pulcerrime roseum, solidum, teretis attenuatum, dichotomum, ramosissimum. *Pori* prominuli, stellati, ab altero latere in extremisque ramis crebriores, ubique sparsi, rariusculi, passim in agminula congesti. *Verruculæ* passim convexæ, agminatæ, stellisve intermixtæ, cavae; efflorescentium stellarum quasi gemmæ.

Locus: Mare circa Insulam St. Domingo.

NOTE.

Elegantissima hæcce species ex Gallia nuper in

in Belgica Musea pervenit. Color infernum flavescens, gemmis stellisque tantum roseus; alias fere ubique pallide roseus, interdumque ad stellas & in extremis ramulis saturatissimus & laccae florentinæ æmulus in speciminibus observatur.

182. MADREPORA HIRTELLA.

MADREPORA ramosa, stellis undique alternis prominentibus, lamellis exsertis acutis.

DESCRIPTIO.

Magnitudo & habitus circiter vulgaris varietatis M. *virgineæ*. *Corallium* dichotomum, tereti-subattenuatum. *Rami* patuli, rectiusculi, paßim coalescentes. *Stellæ* quincuncialiter circa ramos sparsæ, limbo tenui cylindrico prominentes, sursumque tendentes. *Lamellæ* intus denæ vel subduodenæ teneræ, integræ, alternæ minores, longe ultra limbum exsertæ, leviter reflexæ, acutæ. *Substantia* albissima, solidiuscula, cavernosior tamen, quam M. *virgineæ*.

Locus: Oceanus Indicus, unde rarissime adfertur.

183. MADREPORA CARIOPHYLLITES.

MADREPORA aggregata, stellis distinctis cylindraceis turbinatis lamellofisis.

Imperat. ital. p. 628. lat. 817. Millepora.

J. Baub. hist. III p. 795. Corallio affinis Madrepora. (Ex Imperato.)

- Bonan. mus. Kircher.* p. 288. tab. 5. f. 1.
Boccon. mus. tab. 9. n. 5. f. 1.
 **Shaw. afr. app.* p. 48. n. 17. Fungus tubula-
 tus & stellatus.
Mercat. metall. p. 134.
Gualtier. ind. tab. 106 G. Balanorum cylindra-
 ceorum glomus.
Rumph. amb. VI. p. 245. tab. 87. f. 3. Cario-
 phyllum faxeum.
Seb. thes. III. tab. 108. n. 9. Madrepora tu-
 bulosa, Acropora aliis.
Knorr. delic. tab. A IV. n. 4.
Linn. syst. X. sp. 34. Madrepora fascicularis.
 Belg. *Kruynagel - Koraal, Zee-Kruynagels.*

DESCRIP T I O.

Basis *crusta* alba, lapidea, inæqualis, corpori-
 bus variis laxe atque convexe supertensa. Cy-
 lindri e *crusta* crebri, distincti, erecti, plerum-
 que compressiusculi, extus obsolete sulcati, sur-
 sum paulo crassiores atque truncati. Stellæ ter-
 minales cavæ, lamellis integris, extrorsum pro-
 minentibus sive exsertis; quarum alternæ mino-
 res. Substantia totius albissima, solida.

Locus: Oceanus Indicus.

N O T A.

Reperiuntur specimina antiqua, quorum cylin-
 dri pollice longiores & crassitie pennæ anseri-
 næ sunt. At vulgaris cylindrorum longitudo
 est dimidii plus minus pollicis, crassities vero
 pennæ ex ala Pavonis. Antiquis istis glomeri-
 bus novam sœpe superinductam crustam inveni-
 mus,

mus, cum novo stellarum agmine. Nempe stella s^epe una præ reliquis excrescit & apice proles parvulas gignit, tumque crustam circa se extendere incipit, qua vicinas stellas obducit. E crusta autem dilatata, quæ semper in sphæricam aut saltem convexam figuram tendere solet, novæ successive pulchrascunt stellæ & adolescunt. Marginales hinc stellæ plerumque minutæ, dum medii agminis maiores sunt. *Crustæ* aliis quoque corporibus, lapillis cet. superinductæ occurunt. S^epe ita revolvuntur, ut fere in sphæram coëant. Imo bis vidi specimina, & unicum ipse habeo, ubi prorsus convoluta crusta & consolidata oblongum globum effecit, undique cylindris obsitum, & in quo ne minima quidem baseos aut cicatricis nota appetet. Videntur hæc in glareoso maris fundo nata fuisse, lapillosque mobiles pro prima basi habuisse, quos dein a loco priori per fluctus deturbata totos incluserunt.

Rumphius Corallium nostrum in Mari muco obductum esse dicit.

184. MADREPORA FLEXUOSA.

MADREPORA aggregata, cylindris subramosis linearibus striatis, apice truncatis stellatisque.

Imper. Ital. p. 628. *lat.* 818. *Porus matronalis.*
Aldrov. mus. metall. l. 3. p. 292. *Pseudocoral-*
lum album fungosum.

**Bonan. mus. Kirch.* p. 266. *icon.* p. 289.

Worm. iusuf. p. 235. *Millepora Imperati.*

Gual. ind. Part. 3. cl. 5. tab. 61 b. *Acropora*
cespi-

ceipitosa, albida, ramosa & non ramosa, ramis junceis.

Mercat. metalloth. arm. 6. c. 22. p. 134. *Juncus lapideus.*

Linn. amoen. ac. I. p. 96. n. 7. tab. 4. f. 13. & n. 5. *Madrepora composita, cylindris flexuosis scabris, cortice hinc inde coalitis.*

— *syft. X. sp. 32.* *Madrepora flexuosa.*

DESCRIPTIO.

Massæ sæpe maximæ, e cylindris subparallelis, longis, confertim aggregatis. *Cylindri* distincti, passim coalescentes, junci crassitie, filiformes, subflexuosi, extus teneriter striati, ramos passim laterales, solitarios, subdivaricato-adscendentibus, exserunt. Extrema cylindrorum truncata, concava, stellata. *Substantia* corallii alba, lapidea, intus stellatim cavernosa.

Locus: Mare Mediterraneum.

NOTA.

Maximarum congerierum fragmenta Massilia adlata vidi. Rarissima in Museis Belgicis Anglicisque haec species occurrit. Vix unum & alterum exiguum ejus fruticum apud Curiosos inventi, primordia quasi futuræ molis. *Mercatus* in Insulæ Ponti maritimis & ad montem Argentarium reperiri dicit. — Fossilis non infrequenter obvia est.

185. MADREPORA ORGANUM.

MADREPORA aggregata; cylindris simplicibus angulosis, stellis crusta terminali connexis prominulis.

*Ellis act. angl. vol. 53. p. 432. tab. 20. f. 14.
bona.*

DESCRIPTO.

Massæ compositæ ex cylindris junci fere crassitie, subparallelis confertis, attamen distinctis & per membranulas tantum transversas lapideas contexitis. Cylindri sæpe longissimi, simplices, inferne attenuati, plerique sexangulares, angulis submarginatis. Massæ superficies obducta crusta communi inæquali; in qua cylindri terminantur stellis prominulis, truncatis. Lamellæ in stellis plerumque senæ (rarius novenæ vel duodenæ) in centrum unitæ, quibus interjectæ tres imperfectæ, media majuscula.

Maximas dari massas, ex magnis fragmentis mihi visis, quorum superficies stellaris plana erat, concludo. Massam pyriformem, e cylindris diversæ longitudinis coalitam, ut ubique, nisi in angusta basi, stellata sit, ipse habeo, pugni magnitudine. Subsimilem sed exiguum depinxit Ellisius.

Locus: Mare credo Indicum.

186. MADREPORA CALYCLARIS.

MADREPORA aggregata, cylindris obconicis coadunatis, stellis crateriformibus lamellosis, centro exeso prominulo.

*Brown. jam. p. 392. n. 2. *Astrea aperturis cavernarum radiatis, centro spongioso.*

DESCRIP T I O.

Massæ informes, ex cylindris crassitie pennæ scriptoriae, subdistinctis, interdum confertioribus, interposita pumicosa substantia coadunatæ. *Cylindri* simplices, breves, inordinatus fastigiati, deorsum attenuati. *Stellæ* terminales crateriformes, limbo prominulo subcontiguæ. *Centrum* tuberculi instar prominens, exesum. *Lamellæ* versus stellæ limbum decrescentes, crenulatae, alternæ minores; interjectis etiam interdum striis singulis. *Substantia* cinerascens, porosior; in recenti fusca.

Locus: Mare Mediterraneum.

N O T A.

Massæ e pluribus saepe cylindrorum superimpositis ordinibus factæ sunt, semperque extus impuræ, maxime a *Serpula* quadam conglomerala, lutea, decussatim striata obsessa esse sollet. In pluribus speciminibus inveni siccatorum *Polyporum* reliquias, instar muci supra laminas in hymenis formam tensi, siccataque.

β. Me-

8. Memorandum hoc loco est AGGREGATUM marinum rarissimum, quod mihi dono dedit *Vir Ingeniosissimus* Dn. J. SNELLEN, *Roterodamensis* Soc. Harlemens. Sodal. & cujus simile præterea nullibi vidi. Helicem nempe crassioris testæ, Americanum, undique, nisi qua apertura est, obsidet favus e conis coadunatis cavis, plerisque quinquangulis, aliis passim tetraëdris vel multangulis, apice suo testæ insistentibus facta. Majorum cellularum summis interstitiis passim parvuli coni incuneati sunt, qui testaceam basin non attingunt. Septa inter cellulas obverse conicas extus striata, margine detrita exhibent tubulos in substantia longitudinales rectissimos. *Substantia* lapidosa est, gryeo-alba. Quicquid hoc sit, Madreporis affine videtur; & erit forte *Favitarum* quorundam inter petrificata origo.

187. MADREPORA FAVITES.

MADREPORA aggregata, corporibus brevibus coadunatis, stellis angulosis cavis, intus lamellofisis.

Bocc. mus. ital. tab. 9. n. 5. f. 3, 4.

**Seb. the. III. tab. 112. f. 8, 10, 21 c.*

**Linn. amœn. ac. I. p. 97. n. 8. tab. 4. f. 6.*

Madrepora aggregata, stellis angulosis concavis, radiis quatuor altioribus.

— *syst. X. sp. 29. Madrepora favosa.*

DESCRIPPIO.

Massa gibba, stratis tunicata. *Stellæ* magnæ, infundibuliformes, pleræque hexaedræ vel multangulæ coaptatæ, cavæ. *Centrum* exesum, nec prominulum. *Lamellæ* a centro ad parietes ascendentæ & versus stellarum septa acuta, prominentia decrescentes, profunde crenatæ. *Substantia* solida, albissima:

Locus: Oceanus Indicus, unde massæ & mytilis margaritiferis superinductæ crustæ crebro adferuntur.

188. MADREPORA ASTROITES.

MADREPORA aggregata, cylindris coadunatis, stellis cavis lamellosis, ambitu radiatis.

Seb. thes. III. tab. 112. f. 15, 19, 22.

DESCRIPPIO.

Crustæ vel massæ gibbæ polymorphæ, e cylindris ascendentibus consolidatæ. *Stellæ* rotundæ, cavæ, distantes. *Centrum* exesum. *Laminae* ad centrum unitæ plerumque duodenæ, interjectæque minores, omnes crassiusculæ, scabré, denticulatæ, & ultra limbum stellarum productæ in poros radiales, devexa stellarum interstitia exarantes, stellasque subconnectentes.

Locus: Mare Americanum.

N.C.

N O T A.

Vulgo cylindri culmi circiter straminei crassitie esse solent, stellarumque magnitudo proportionata. At crustulas vidi aliquot linearum crassitie, stellis multo majoribus & difformioribus, structura tamen nostræ speciei convenientibus.— Imo nuper in Museo DN. PETRI CRAMER Amstelodami vidi *Massam* ex variis stratis tuborum faxeorum, crassitie digiti, brevium coacervatam, interstitiis tuborum poroso lapide expletis; *Stellæ* ejus erant maximæ, subcalyculatæ, centro exeso prominulæ, lamellis denticulatis, alternisque tenuioribus imperfectis. Stellarum margines valde prominuli, ambitus cristis dentatis divergentibus porcatus. Hæc nescio an pro ejusdem speciei varietate sit habenda. Mihi non videtur.

189. MADREPORA ANANAS.

MADREPORA aggregata, corporibus obverse conicis coadunatis, stellis scabris convexis centro cavis.

Boccon. mus. tab. 9. n. 5. f. 7.

**Helving. litbogr. p. 53. tab. 5. f. 22.*

**Bromel. lith. tab. 39. sp. 2. 39.*

Seb. thes. III. tab. 99. n. 11. in basi.

Linn. amœn. ac. I. p. 92. n. 3. tab. 4. f. 8, 9.

& n. 2. Madrepore composita, corporibus proliferis e centro pluribus, undique coadunatis; stella convexa, centro concava.

— *syft. X. sp. 35. Madrepore Ananas.*

DESCRIP T I O.

Masse gibbæ, ex corporibus obverse conicis, crassitie, sæpe digitæ fere minimæ, angulose coaptatis coadunatæ. *Stellæ* vel remotiusculæ vel confertæ, sulco discretæ, inæquales, vel varie angulosæ vel rotundæ, convexo prominulæ, centro cavæ. *Lamellæ* ex-centro crassiusculæ s; porci alterni minores, denticulato-scabri. Scabrities & convexitas stellarum discretarum, centro impressarum sufficit pro dignoscenda specie.

Locus: Oceanus Americanus.

190. MADREPORA RADIANA.

MADREPORA aggregata solida, stellis confertis convexiusculis, centri poro radiente, striis scabriusculis.

Brown. jam. p. 392. *Astrea* aperturis cavernarum minimis, massa inæquali.

Seb. thes. III. tab. 112. f. 12, 14, 18.

DESCRIP T I O.

Hujus in M. Americano *massæ* maximæ gerantur & rupibus testisque crustas crassas, convexas eadem obducit. *Stellæ* superficiem tegunt confertissimæ, ex centri-poro profundo, cylindrico, in convexum ambitum patescentes, vix distinctæ, contiguæ. *Striae* ex poro centrali radiantes, creberrimæ, denticulatæ, alternæ paulo minores. *Substantia* solida, alba, e cylindris rectissimis tenerime intus lamellosis, consolidata;

ta; superficie pallide grysea. — *Primordium* sunt stellæ solitariæ, verrucæ convexæ instar incipientes, quæ sensim multiplicantur.

Locus: Mare Americanum.

191. MADREPORA STELLARIS.

MADREPORA aggregata solida extus scabra, stellis sparsis convexis, medio impressis.

D E S C R I P T I O.

Crustæ rupibus inductæ, tenuerrimis punctis scabré. Stellæ sparsæ, parvulæ, fere ut in sequenti, medio impressæ, ambitu turgidulo, porosæ teneris, scabriusculis, æqualibusstellato, Substantia solida, extus gryseo cinerascens. — Observavi semel in rupe, cui *Iris ocracea* insidiabat.

Locus: Oceanus Indicus.

N O T A.

MADREPORÆ hucusque recensitæ, a sp. 185. ad 191. omnes in genere vocantur ASTROITÆ: Summa circa eas apud auctores confusio & obscuritas, ex defectu descriptionum accuratiōrum & bonarum Iconum, cui propediem edenda hujus generis Iconographia succurrere studebo. Paucissima interea hisce speciebus synonyma adjeci; sa-
tius enim esse putavi, quam incerta citare om-

nia, ea tantisper omittere de quibus minus clare liquebant ad hanc vel illam speciem pertinerent:

Astroitarum numerum & obscuritatem augent qui corrupta fossilia corallia, e quibus species confici nequeunt, adoptavere. *Linnæi* species e fossilibus speciminibus delineatas, ut potui, ad meas reduxi.

MADREPORA POLYGAMA *Linnæi* ex minus attenta observatione nata est: Quod enim *Odhelius* (Amœn. acad. vol. IV. p. 258.) stellas ejusdem majores vocat, ex addita harum descriptione & speciminis iconे, utut rudi, patet fuisse *Balanos minutos*; quales in Coralliis Americanis, v. gr. *M. agaricite*, *muricata*, *astroite*, interdum observantur, prominuli, crusta corallinæ materiæ striata obducti, solamque aperturam nudi. Nequaquam dubito in crusta loc. cit. pro miraculo Descripta & Apum aut Formicarum similem tœconomiam etiam in Zoophytis prodere credita; asserti mei veritatem inventuros eos, penes quos nunc est, si attentius eandem contemplari velint.

192. MADREPORA PORITES.

MADREPORA polymorpho-subramosa, convexa, stellulis minutis impressis punctato-scabris.

Imperat. ital. p. 627. lat. p. 802. fig. p. 814.
Corallium stellatum.

J. Baub. bist. III. p. 805. Corallium stellatum,
minus, album.

C. Baub. pin. p. 366. Corallium album, stellatum, majus.

Boccon.

Boccon. obs. gall. tab. p. 273. figg. binæ.

— *muf. ital. tab. 9. n. 6. f. 1 & 4.*

Moris. biſt. III. p. 657. ſect. 15. tab. 10. n. 12.

Porus albus, pumilus, ramosior, creberrime
ſtellatus.

*Petiv. pterigr. tab. 20. f. 15. Corallium poro-
ſum, typhoides, ſtellulatum.*

*Tournef. inſt. p. 573. Madrepora alba, ſteſſa-
ta, major.*

*Gaultier. ind. p. 20. Madrepora alba, braſſi-
cam floridam referens, favi instar minutiflffe
perforata.*

*Brown. jam. p. 391. n. 3, 4. Madrepora mi-
nor, aperturis cavernarum concavo - radiatis,
rarioribus ET M. minor, ſtellis creberrimis.*

Seb. theſ. III. tab. 109. f. 11.

Knorr. delic. tab. A I. f. 3.

**Linn. ſyſt. X. fp. 25. Madrepora punctata.*

D E S C R I P T I O.

*Maſſæ nunc gibbæ, tuberosæ, tunicatæ; nunc
Corallium teres, ramoso - tuberosum crassum, mo-
do breve & pumilum, modo gracilius. Ramosæ
varietatis rami ſemper patuli, subdichotomi vel
alterni, obtuſiſſimi, imo plerumque velut tube-
re terminati. Subſtantia ſolidiſcula, plerumque
tunicata, albiflffima, extus ſæpe gryfea, fordina.
Superficiem obſident ſtellæ creberrimæ, parvæ, le-
viter excavatæ, prominulis punctis ſcabræ, qua-
libus & ſtellarum intervalla exasperantur; ut to-
ta Corallii externa facies ſcaberrima appareat.*

Locus: Mare Americanum & Indicum.

N O T A.

Ex India nonnisi massas vidi informes, gibbas, tunicatim auctas, stellarum magnitudine fere *M. astroites* subæquantes. Americanum *Corallium* plerumque ramosissimum est, modo crassius, fruticulos humano capite majores sistens, modo procerius; asteriscis semper multo minoribus. At etiam hæc ramosa specimina crustatim accrevisse videntur.

3. Extat insignis hujus speciei varietas, in *Museo SERENISSIMI PRINCIPIS ARAUSIONENSIS*; cuius trunci magni, aliquoties dichotomi sunt in ramos attenuatos, obtusiusculos, cum ramis rectiusculi, omnesque in alterum latus, velut a vi fluetuum, inclinati. Structura vulgaris. Eidem cum *M. muricata* & *Millepora alcicorni* rupi insidet, adeoque Americana est.

193. MADREPORA DIGITATA.

MADREPORA ramosa scabra, ramis subclavato compressis, stellis creberrimis, prominulis deorsum spectantibus.

Rumph. amb. VI. p. 240. n. 3. Lithodendrum digitatum.

Belg. Gember - Koraal. Malaic. Karang - alea.

D E S C R I P T I O.

Facies fere varietatis ramosæ præcedentis speciei. *Fruticuli* sæpe maximi, collecti e *trunculis* erectis, exserentibus *ramos* teretusculos, apice

pice plerumque vel subdivisos, vel crassiusculos, compresso bilobos. Superficie tota consita *poris* prominulo-scabris, regularibus, sexradiato stellatis, deorsum seu basin corallii respicientibus, & margine superiori productiore fornicate. *Substantia* corallii lapidosior, duriorque, quam *M. poritis*, alba, extus greyso-flavescens. Media inter *M. poritem* & *muricatam*.

Locus: Oceanus Indicus.

149. MADREPORA MURICATA.

MADREPORA polymorpho - ramosa, stellis creberrimis cylindraceis prominulis.

Theoph. hist. pl. l. 4. c. 8. Thymum lapideum.

Aldrov. mus. metall. p. 278. Succus concretus ex aquis stillantibus.

Clus. exot. l. 6. c. 7. p. 123. Planta saxeа abrotонoides.

Bonan. mus. Kircher. p. 265. ic. p. 285. n. 8.

Worm. mus. p. 233. Corallium tuberosum punctatum.

Beßl. mus. tab. 26. f. 4. Truncus lapidosus.

— mus. Lochni. tab. 23. Planta saxeа alba.

♂. Bauh. hist. III. p. 807. Abrotонoides saxeа planta.

Moris. hist. III. p. 656. sect. 15. tab. 10. n. 3 & 9. Porus albus, erectior, ramosus, tuberculis crebris, sursum spectantibus ET Porus albus, cupressiformis.

*Purchar. peregr. l. 3. c. 1. sect. 5. p. 135. & l. 4. c. 6. sect. 2. p. 448, 449. Corallium album.

Petiv. pterigr. tab. 18. f. 7 & 18. Corallium

porosum muricatum ET Corallium [porosum, typhoides, muricatum.

Tournef. inst. p. 573. Madrepore abrotanoides, ET Madrepore erectior, ramosa, tuberculis crebris sursum spectantibus.

Shaw. afr. app. p. 48. n. 25-28. Madrepore abrotanoides.

Valentyn. ind. IV. tab. 52. D D. Arbuscula marina coralloides alba.

Sloan. cat. p. I. Hist. I. p. 51. n. 3. tab. 18. f. 3. Corallium album, porosum, maximum, muricatum.

— p. 2. Hist. I. p. 53. n. 4. tab. 17. f. 4. Idem pumilum.

Gaultier. ind. cl. I. part. 2. titul. avers. ET cl. I. part. 4. ad calc. ET cl. 2. part. 3. tit. avers.

Brown. jam. p. 391. n. 5. Madrepore ramosa major muricata & stellata, aperturis cavernarum minoribus depressis.

Rumph. amb. VI. p. 239. tab. 86. f. 1. Lithodendrum calcareum.

Seb. thes. III. tab. 108. f. 6, tab. 114. f. 1. tab. 116. f. 5.

Knorr. delic. tab. A II. f. 1, 2.

Linn. hort. Cliff. p. 481. Millepora ramosissima, punctis subtus semi-ovato prominulis, ramis acutis.

— mus. Tessin. p. 118. n. 2. Madrepore spinosa.

— syst. X. sp. 14. Millepora muricata.

Shaw. afr. app. p. 48. n. 29.

Moris. bist. III. p. 657. sect. 15. tab. 10. f. 10.

Tournef. inst. p. 573. Porus albidus compressus, frondiporæ ad instar cribriformis. (Fragmentum.)

Calceolar. mus. p. 12. Icon.

Marsil. bist. mar. p. 154. tab. 35. n. 170. tab. 34.

n. 169.

- n. 169. f. 1, 2. Madrepora conica; Abrotoides Trionfetti.
Rumph. amb. VI. p. 240. tab. 86. f. 2. Lithodendrum calcareum sessile.
Brown. jam. p. 391. n. 6. Madrépora maxima compressa, palmata & muricata.
Lin. mus. Tessin. p. 118. n. 1. Madrepora corymbosa.
v. Sloan. cat. p. 2. Hist. I. p. 58. n. 5. tab. 17. f. 3. Corallium porosum, album, latissimum.
Belg. a. Harteboorn - Coraal. Malaic. Karang-bonga.

D E S C R I P T I O.

$\alpha.$ VARIETAS ramosa: *Corallium teres*, erectum, ramosum. *Rami* sparsi, recti, patentes vel subadscendentes, teretiusculo adtenuati, contactu coalescentes. *Papillæ* undique creberrimæ, cylindricæ, obtusæ, arrectæ, extus tenerrime substria-tæ, poro substellato cavæ; quibus interjecti pori stellati, corallio obrutorum priorum papillarum reliquiæ. *Substantia* candida, tota veluti fibroso-spathosa, extus tenerrime striato-scabra & sæpe subgrysea, fragilissima, raraque, maxime in corallio juniori, digitæ circiter crassitier æquante. *Trunci* antiqui sæpe brachi mole, solidiores.

$\beta.$ VARIETAS corymbosa supra rupes expanditur in discum obrotundum subsessilem, sesquipedalis vel bipedalis sæpe diametri, e ramis reticulatim coalitis efformatum (*Moris. l. c. tab. 10. n. 10.*), supra obsitum trunculis crebris erectis, subulato-conicis, subramosis, nec ultra digitalem longitudinem excrescentibus; quorum ii, qui ambitum occupant, inclinati & coalescentes

discum dilatant. Huic varietati pori seu stellæ semper subinfundibuliformi-sessiles, limbove obtuso patentiores:

y. Reperiuntur hujus Corallii massæ latæ, multiformes, ut & crustæ crassæ alienis corporibus obductæ. Priorum agminatim crescentium descriptionem dedisse videtur Sloane loc. cit.

Locus: Mare Americanum & Indicum.

N O T A.

Præter varietatis corymbosæ pulcherrima specimena ex India Orientali afferri solet ramosa, at tenuibus semper & vix digitum crassis ramis, in fruticulos ad summum bipedales assurgentibus. Neque crassiora ejus ibi inveniri specimina ex Rumphio suspicarer. *Ramosam* hanc varietatem iconibus bene expresserunt Rumphius & Sloane (loc. ad a. cit.) & Seba (tab. 114. n. 1.). Elegantissima ejus fragmenta in museis visuntur passim, in quibus hinc inde papillæ in cylindros elongatae & parvulis extus papillis sparsæ, ramos ordiuntur, & eleganter demonstrant modum crescendi hujus corallii, novarumque continuo ex ipsa ejus prolifica substantia papillarum polypiferarum ortum, quæ antiquiores aucta substantia sensim obruunt. Specimen tale spiciforme delineat Seba thes. III. tab. 116. f. 5. Observantur in hac nostra Madrepora Balani sæpe minuti, corallina tenui crusta obducti; quales *M. polygamæ* LIN. ortum dedisse supra dixi.

Rumphius de Indico suo dicit ad binos ternosve pedes crescere, ramos digitæ crassitie erigere, lateralibusque, ubi eos contingit, coalescere; extremitatum colorem recenti violaceo purpureum

reum, reliquum muco falso & inamæno tectum esse, unde luteocinerascat, (quale in museis non raro visitur) pluviae vero, expositum niveum evadere. Addit multiformes exprimere frutices, quod de eo magis quam ullo alio Corallio verum est. Hæc Madrepora in universo. Indico Oceano luxurians rupes constituit corallinas e quibus subiecto ligni acervo paratur calix, quæ, quamvis minus cum aqua fervescat, minusque pinguis & acris saxeæ nostra calce sit, ad ædificia tamen omnia in Indico Archipelago adhibetur, optime que perdurat, si modo probe exusta & ante exustionem corallium bene ablatum & sale marino purgatum fuerit. — Ceterum corallium hocco recens non, uti Isidis Hippuridis fragmenta, cum succo Limonum fervescere monet.

Sloaneus extremitates descriptæ Madreporæ in mari semper esse refert albas, molles, lactescentes, fortique, ut totus quoque frutex, marino odore. Copiose in rupibus vadosis Caribæarum insularum crescit, sub aqua cervorum cornua referens. Varietatem idem bene descripsit (p. 57. n. 5.) quæ massis planis, latis, extremo ramosis, formæ variabilissimæ y. luxuriat, quales laminæ glomeratim, rosarum instar, in rupibus plures simul crescunt.

Icon Sebæ vol. III. tab. 113. Corallium grande cornu cervini forma exhibens, & Corallium latiss. tubulosum Mus. Richter. p. 383. tab. 14. f. 3. huc pertinere vix dubito, cum subsimilia specimina viderim.

195. MADREPORA CRATER.

MADREPORA infundibuliformis stria-
ta, intus sparsa stellis prominulis antiquatis.

*Tournef. inst. p. 576. Eschara magna, pulla,
pileiformis.

Lin. bort. Cliff. p. 480. Madreporea cyathifor-
mis, turbinata, interius prolifera.

— syft. X. sp. 2. Tubularia infundibuli-
formis.

DESCRIP T I O.

Figura fere Boletum refert, cuius pileus senio
prorsus sursum in infundibuli speciem reflexus
fuerit. *Stipes* crassus, brevis, sensim expanditur in
infundibulum, margine tenuatum, turbinatum &
sæpius undulatum. *Hujus* facies utraque, at ma-
gis exterior, tenerime striata, striis undulatis, lon-
gitudinalibus. *Pori* in facie tantum interna, di-
stantes, in series fere concentricas, inordinatius
tamen & quincuncialiter fere distributi, leviter
sursum prominuli, intus stellato-scabri, fere qua-
les in *M. muricata*. *Substantia* alba, solida.

Locus: Oceanus Indicus.

N O T A.

Margine crescit hæc species, efflorescentibus in
limbo stellis. Vidi specimina pedali diametro
ampliora; minima, quæ occurrerunt, latitudine
fuere manus. In unico minori observavi e fa-
cie externa propullulasse prolem cotoyloideam
seu aggressorii infundibuli primordium.

196. MA-

196. MADREPORA FOLIOSA.

MADREPORA polymorpha laciniosa, laminis laceris scaberrimis, poris utrinque sparsis minutis.

Rumph. amb. VI. p. 244. t. 87. f. 2. Auris Elephantis.

Seb. thes. III. t. 110. n. 7.

Gaultier. ind. part. 3. cl. 2. t. 42 b. Choana faxea crispata rugosa, minimis poris & verrucis unidue exasperata.

Turgot. mem. instr. t. 22. A. Icon bona.

D E S C R I P T I O.

Observatur plerumque congeries laminarum mediocris crassitiei, rosæ in modum compositarum, modo supra stipitem crassum, modo supra rupem planiore. *Laminæ* mediocris crassitiei, ruditer petaliformes, interiores vulgo minores, polymorphæ, laciniosæ, imo laceræ, utraque superficie scaberrimæ seu velut celo incompto exasperatae. Inter confragositatem utriusque faciei emicant *stellæ* parvæ, sparsæ, simillimæ poris stellaribus quos detrita *M. muricata* fragmenta exhibent.

Locus: Oceanus Indicus.

N O T A E.

Vidi specimina perfecte rosam explanatam referentia. Nonnunquam laminæ sparsiores centrum circumstant; tenuiores etiam in nonnullis &

& magis laceræ, (*Turgot. icon. cit.*) crassiores minusque asperatæ in aliis. — *Laminis* interdum interspersi reperiuntur trunculi conico-subulati scabriuscui, stellis impressis, sparsis & substantia laminis simillimi. An ejusdem speciei modificatio? — Habeo & fragmenta multifido ramosa, tota laceratissima, ejusdem tamen structuræ atque certissime fortuita naturæ ludentis inconstantia hoc modo efficta. In *Museo Celeberr. GRONOVII* exemplar vidi constans laminis aliquot magnis, contorto turbinatis & figuræ apud *Sebam* & *Gualtierium* propositas affectans. Rarius ad nos adfertur hæc species.

197. MADREPORA DAMICORNIS.

MADREPORA polymorpho-ramosissima, ramis subdivisis attenuatis, poris crebris coecis crenatisque.

Imperat. ital. p. 626. Corallii species.

J. Baub. hist. III. p. 805. Corallium candidius, verrucosum, punctatum.

C. Baub. pin. p. 366. Corallium album, verrucosum, punctatum.

Moris. hist. III. p. 657. sect. 15. tab. 10. n. II. Porus f. Corallium astroites humilius, ramis alias latis & compressis, alias incertæ figuræ.

Tournef. inst. p. 373. Madrepora verrucosa, punctata.

Mercat. metalloth. arm. 6. c. 16. p. 124. Truncus corallites.

Shaw. afr. app. p. 48. n. 33, 34. tab. n. 33. Madrepora astroites ceratiformis.

Gualtier. ind. part. 4. cl. 3. tab. 104 b. Madrepora

pora candida, ramosa, damæ cornua referens, foraminibus rotundis in superficie insignita.
(*Ic. bona.*)

Rumph. amb. VI., p. 240. tab. 86. f. 3. *Lithodendrum littoreum.*

Lin. syst. X. sp. 9. *Millepora damicornis.*

Malaic. Karang-pantbey. (*Rumph.*)

D E S C R I P T I O.

Fruticuli ad summum subpedales, polymorphi.

α. Corallium in truncos pollice crassiores, subramosos ex crescens, *ramulis* papilliformibus, crebris adspersum.

β. Corallium pumilum, fruticulos sistens compositos ex truncalis brevissimis, crassiusculis, dichotomice subdivisis, quorum extremitates confertæ *ramulis* verruciformibus muricatae sunt; unde hæc varietas Brassicam floridam æmulatur.

γ. Corallium gracilis atque procerius, attenuatum, dichotomum, ramosissime subdivisum. *Rami* patuli, distincti; extremi subulati, acutiusculi. Hæc cervina cornua æmulatur.

In omni varietate (*α. β. γ.*) *pori* undique parvæ crebri, inordinati, in extremis ramis contigui, oblongo-rotundi, cavuli; sed *centro* solido, e medio fundo prominulo velut cœci redduntur; ceterum *striis* denticulato-scabris substellati. Interstitia pororum scaberrima, punctis minimis, acutis. *Substantia* corallii alba, solida, faxea atque ponderosa; extus plerumque grysea.

Locus: Oceanus Indicus.

N O T A E.

Milleporis affinis hæc species est. In solo Oceano

ceano Orientali crescere eam crediderim. *Rumphius* extremos ramulos hujus æque ac affinium quarundam in mari moliores friabilioresque reliquo esse dicit. Icon, quam addidit, est varietatis nostræ γ.

198. MADREPORA SERIATA.


MADREPORA ramosa tereti-subulata, poris stellaribus longitudinaliter seriatis.

**Lin. syst. X. sp. 12. Madrepora lineata.*

DESCRIPATIO

Frutices saepe magni, diffusi, subpedales, e trunculis rectiusculis, confertis & confusis coaliiti. *Corallium* crassitie vulgo junci, vel calami, rarissime digiti; teres, rectum, extremis attenuato-subulatum, ramis brachiatum. *Rami* sparSi, rectiusculi, patentissimi, (dum recto fere angulo prodeunt,) subulati, creberrime coalescentes. *Pori* in series longitudinales, distantes digesti, cœci, prominulo margine intus scabrie striato: Intervallum scabriuscum punctis acutis. *Substantia* prorsus ut præcedentis.

Locus: Oceanus Orientalis.



XII. T U B I P O R A.

DEFINITIO.

ANIMAL compositum, anomalum;
Corallium e tubulis parallelis, distinctis
 compositum;
Tubuli articulati, *siphunculo* continuo,
 ad orificium stellato communicantes.

VIX quicquam in mari datur cuius & stru-
 tura singularior sit & indoles magis videa-
 tur anomala, quam est TUBIPORÆ. Unica ge-
 neris hujus vera species hucusque innotuit,
 eaque nondum nisi ex tubulosis reliquis cogni-
 ta est. Animalculorum, quorum massæ in Mu-
 seis asservatæ receptacula fuere, natura etiam-
 num latet; adeoque de *Tubiporæ* theoria nihil
 constat locumque ei in Naturæ Systemate assigna-
 re difficile. Zoophytum tamen esse verosimile
 est, cuius miranda natura e sceleto, quod
 nunc solum novimus, satis colligi & non male
 inter *Nautitorum*, *Madreporarum* & *Alcyoniorum* fa-
 bricam media dici posse videtur.

Antiquiores nihil reliquerunt, quam, *esse Tu-*
biporam quasi *favum marinum*, *in quo generetur ver-*
mium quoddam genus. Disserte hoc *Imperatus* dixit
 (*Hist. nat. ed. ital. p. 625.*), cuius verba fideliter
 exscripta supra jam adposui. Recentiores om-
 nino nihil adinvenerunt. Quæque ex Navarcho-
 rum relatione didici, „ verinibus longiusculis in

„ mari scatere eam, qui tubulis suis toti exeant
 „ &, cum hostile aliquid percipiunt, celerrime
 „ in receptaculum quisque suum redeant”, non
 multo admodum sapientiores nos reddit. Nisi
 forte inferre inde velis animalia extremos tan-
 tum tuborum articulos colere, longo vero ner-
 vo, siphunculum forte transcurrente affigi, qui
 eos tubulis exire permittat.

*Linnæi
species
alienæ.*

Plura Tubiporarum nomine recensuit Ill. *Linnæus*, quæ toto cœlo a veræ *Tubiporæ*, speciei ex *Linnæanis* primæ, structura diffident. Sic enim ex Milleporis nostris *liliaceam*, ob poros tubulosos, *T. verrucosam* dixit; & ejusdem sparsiorem varietatem *T. serpentem* salutavit. Adegit etiam huic generi *Brachionum capsuliflorum* nostrum & *Tubulariam gelatinosam*, istum *T. urceum*, hanc *T. repente* vocans. Imo *Nereidum* quoque speciem gregariam, quæ ex arena & conchylio- rum furfuribus tubulos confertos sibi fabricantur, *T. arenosam* adpellavit.

*T. infun-
dibuli-
formis.*

Ego nihil *T. purpureæ* structura simile inter universas Oceani divitias reperire potui; unicumque ex fossilibus corallium quod aliquam cum eadem affinitatem prodit, *TUBIPORA infundibuli- formis* *Linnæi* est; itidem enim ex tubulis articulatis, parallelis, distinctis composita esse vi- detur.

Plura hic de *Tubiporæ* genere monere superfluum videtur, cum descriptio speciei pro descriptione generis sufficiat.

199. TUCIPORA PURPUREA.

TUBIPORA ruberrimá, tubulis linearibus articulatis parallelis, articulis transversa membrana connexis.

Imper. ital. p. 631. *lat. p.* 821. *Tubularia* purpurea, juxta quosdam Halcyonium milesium.

Aldrov. mus. metall. p. 291. *Pseudocorallium* rubrum.

J. Baub. hist. III. p. 808. f. 2. *Alcyonium* fistulosum rubrum.

Welsch. becatost. p. 44. *Tubularia* coralloides.

Bonan. mus. kirch. p. 266. n. 16. *icon.* p. 289; n. 14. *Tubularia* purpurea.

Bestar. mus. Lochn. tab. 23. *Alcyonium* maris rubri.

Moris. hist. III p. 657. *sect. 15.* *tab. 10.* f. 22. *Corallio affinis*, *alcyonium* fistulosum rubrum:

Petiv. gaz. tab. 67. f. 10, 11. *Tubularia* purpurea vulgaris.

Tournef. inst. p. 575. *tab. 342.* *Tubularia* purpurea.

Valentin. ind. litt. tab. 8. f. 5. *Tubularia* coralloides.

Bütner. corall. p. 18. *tab. 1.* f. 3. idem.

Mercat. metalloth. arm. 6. c. 9. p. 107. *Alcyonium* petrosum:

Shaw. afr. app. p. 48. n. 37. *Madrepora* tubis eleganter coagmentatis, ruberrima.

Rumph. amb. VI. p. 236. *tab. 85.* f. 2. *Alcyonium* rubrum indicum.

Seb. théf. III. tab. 110. f. 89.

Argenv. concb. p. 352. *tab. 29.* A.

Edward. av. tab. 93.

Knorr. delic. tab. A. f. 3.

Lin. hort. Cliff. p. 481. *Tubipora membranis transversis tubos perpendiculares connectentibus.*

— *syft. X. sp. 1.* *Tubipora musica.*

Belg. Rood Pyp-koraal. *Malaic. Batuswangi.*

DESCRIPTIO.


Massa magnæ, difformes, rupium prominentibus angulis coralliisque adnatæ. *Corallium* saturate rubrum, compositum ex *tubis* distinctis, parallelis, articulatis & per septa transversa, articulos secantia cohærentibus. *Tubi* crassitie ad summum junci, sæpe fili grossioris. *Articuli* rectiusculi, cylindrici, longitudine 1, 2, 3, plurimum linearum, imo semipollicari vel ultra, quum nempe crassiores tubuli. *Sipho* intus per omnes articulos continuus, linearis, in summo cuiusvis articuli radiis lapideis stellatus & tubuli interno lateri adnexus. *Tubuli* in juncturis articulorum, nempe ad septa, facilius frangi solent.

Locus: Mare Americanum & Orientale.

NOTÆ.

Majoribus tubulis compositam varietatem delineat *Petiver. l. c. f. 11.* & *Seba l. c. f. 8.* *Rumphius* *Tubiporæ* glebas in Mari circa Amboynam capititis humani magnitudine vulgo reperiri tradit; at multo majores in M. *Rubro.* Testis, lapidisbusque innascitur; in coralliorum silicumque angulis ingentium tuberum instar conglomeratur, qui sæpius vi maris avulsi in Insularum littora egeruntur. Conchæ minores totæ tubulis obseßæ reperiuntur. Nomen Malaicum, *Batu-swangi*, lapi-

lapidem magorum significat ; magicam enim Tubiporæ massis virtutem inesse credunt Molucani inque arboribus suspendunt, ut fures a frugibus arceant ; opinione prævalente, eos, qui hoc modo custodita furantur, rubra impetigine corripi. Cavent etiam ne insidant huic lapidi ; sic enim, ut & si corpori appendatur, urentem & dolorificum mictum excitari perhibent. Contra Javani & Malaccenses Tubiporam pulvratam senibus æque ac pueris contra stranguriam propinant. Celebis incolæ a venenato animali percussi pollinem Tubiporæ vulnusculo illinunt, ejusque semper frustum secum portant.



XIII. ALCYONIUM.

DEFINITIO.

ANIMAL vegetans:

Stirps fixa, continua, cartilaginea, intus porosa; cortice duriore, obsito

Oculis substellatis, papillaribus, exserentibus

Polypos tentaculis ciliatis radiatos, oviparos.

*Alcyoniorum
natura.*

EX TRE M U M gradum Scalæ animalis occupantibus Spongiis proxime adjacent *Alcyonia*. Horum jam vita sensitiva torpet, & indoles crescendique modus ad imperfectiora vegetabilia, Algas nempe & Fungos, accedit. Attamen apparatu polyporum, qui nutritioni & generationi apta organa continent, superstite quantulacunque sensibilitate & chemicis principiis cum reliquis Zoophytis convenient, mediumque inter *Pennatulas*, *Gorgonias*, & forte *Spongias* genus fistunt.

*Nomen
Alcyo-
niorum.*

ALCYONIORUM nomine antiquitas producta marina omnia donavit, pilam, glomum, vel nidum aviculæ utcunque referentia & quæ mollioris naturæ deprehendebantur. Medii quoque ævi scriptores aliena varia a mari egesta *Alcyonia* vocarunt. Sic enim tubera radicum Zosteræ in fibrosas & stupposas pilas maceratione resoluta, *A. stupposum* vel *Pilas marinas*, ovarium *Buccini undulati* folliculosum *A. vesicarium* seu *Favaginem* nuncupata

cupata invenimus. At hodie mollibus tantum Zoophytis, intus fibroso cellulosis, extus polyporis & papillosis adplicatur & proprium evasit.

Omnia, prout definitio innuit, *Alcyonia* cortice extus coriaceo terminantur, in quo *papillæ generalis*. osculis stellatis hiantes conspicuae sunt, cellulis *exteriori* substantiæ insculptis respondentes. Hæ *cellulæ* viscera generationis & nutritionis singulorum osculis exserendorum Polyporum continent. *Polypi* ex osculo stellato exserti cylindrici, tentaculisque teneriter ciliatis apice coronati sunt. *Interior* Alcyoniorum substantia ab exteriori structura diversa, eademque (*) mollior esse solet, atque canalibus longitudinalibus plerumque pervia & porosa observatur.

Quanquam *Alcyoniorum* naturam observationibus maritimis sat numerosis illustraverint autores varii, ob magnam tamen sp̄cierum differentiam etiamnum perobscura est.

Species nonnullæ stirpem mentiuntur ramosam *Alcyonia gemmascentem*. Has Gorgoniis Natura simillimas reddidit, a quibus tantum differunt natura interioris substantiæ, quæ corticali vix durior est, imo mollior s̄epe & poris amplis pervia. Exterior horum Alcyoniorum superficies poros stellatos, papillares, modo per totam stirpem sparlos, modo passim congestos exhibent, prorsus uti Gorgoniarum cortex. Sic A. *arboreum* & *palmatum* structura externa *Gorgonie coralloidis*, *verrucosæ*, similiunque cortici simillima sunt. A. *af-*

(*) Est adeoque *Alcyonium* Zoophyton exosse; quod, si *Pennatulas*, intus osse præditas, Sepiis comparaveris, prouti satis apte possent, Polypo exossi seu Sepiae octopodis conferri meretur. Eodem sensu *Sertulariæ*, tubo corneo inclusæ, comparabiles sunt Insectis quibus cutis cornea pro sceleto est.

asbestinum, *Gorgoniam Antipathen* externe fere refert. At *A. alburnum* poris tubulosis, ramos terminantibus & in ramos adolescentibus, adeoque fabrica & crescendi modo, aptius *Madreporæ muricatae* comparabitur.

A. globo- *Ramosa* Alcyonia ramis quidem contingentibus coalescere & corpuscula adhærentia interdum, uti *Gorgoniæ variæ* & *Corallia*, includere solent; nunquam tamen, quod sciam, forma crustacea per rupes aliave corpora explanata observantur. Nec species quibus globosam utcunque formam conciliavit natura, ab eadem, nisi situ & externa vi coactæ, degenerant. At plurima sponte crustas marinis variis obducere amant, quæ passim in tubera & lobos excrescunt. Minutius differentias Alcyoniorum hic recensere supersedeo, quum in singula fere specie consistendum & repetenda forent multa, quæ melius ex specierum descriptionibus decerpent Lecturi.

A. cru-
stacea.

200. ALCYONIUM ASBESTINUM.

ALCYONIUM stirpe subsimplici teretiuscula, poris undique sparsis majusculis oblongis.

Boccon. obs. gall. epist. 24. icon. p. 273. (bona)

Alcyonium stupposum, perforatum, rubrum.

Petiv. gazoph. tab. 23. f. 2, 2. Porus spongoides, Americana.

DESCRIPTIO.

Stirps modo simplex, teres; modo a basi in aliquot ramos divisa, teretes, rectos, subparallelos,

lelos, obtusos; modo varie difformis. *Superficies* pallido, rubicundula, æqualis, sparsa poris numerosis. *Pori* oblongi, majusculi, membra na medio osculo perforata obducti, in quin cunes inordinatius sparsi, versus stirpis basin oblitterati vel nulli. *Substantia* porosissima, sica subere durior, aëre & attritu fatiscens in particulas aciculares subtilissimas, asbestum tenerimum referentes; exterior albida, canalibus a poris ad medullam convergentibus pertusa; interior rosea, friabilior. Extimus cortex coriaceus fuisse videtur, & in corruptioribus specimini bus cinerascit.

Locus: Mare Americanum.

N O T A E.

Boccone substantiam optime descripsit. Alburnum dicit esse roseum, ab externa substantia diversum; quæ alba est, composita ex spiculis inter dentes stridentibus, quasi glacialibus, minimis globulis obsitis. In cavo pori singuli inventi folliculum, exuviae cujusdam Infecti similem, vesiculam inter duas fibras positam referentem, flavum, & multiplice membrana confectum & quandoque concameratum. Nihilo secius illud pro planta ab insectis infestata, quam pro Zoophyto haberet mavult. — Quod descripsit specimen *Boccone* ad Texellam repertum fuisse dicit; idque mirum, cum in solo Antillas alluente mari hæc species reperiatur. At scio plura subinde Americani maris producta in Belgicum littus egesta reperi, Balanos, Pectines, Fucos, aliaque; quod supra jam monui (p. 87. hujus libri.) — Icon *Bocco neana*

neana exprimit specimen hujus Alcyonii ramum, teres, qualia vulgo reperiuntur. Compressa tamen & lata plurima, varieque difformia, distortaque specimina habeo.

201. ALCYONIUM ALBURNUM.

ALCYONIUM album ramosissimum attenuatum subdivisum, poris tubulosis terminalibus.

DESCRIP T I O.

Rarissimæ hujus speciei insigne servatur specimen in *Museo SERENISSIMI PRINCIPIS AURIACI*. In trunco antiquo corallii sylvula ex trunculis subsemipedalibus, numerosis, erectis vel semi-procumbentibus, attenuatis, ramosissimis. *Truncorum* crassities summa digito minimo æqualis. *Rami* fere quadrifariam alterni, ab uno omnium stirpium latere longiores, patentissimi, subparallel, per stirpem sparsi, subdivisi, subtus ramosiores; aliqui paßim distorti aut reflexi, contactu coalescentes. *Tubuli* ubique circa ramos alterne, fere quadrifariam sparsi, in ramos adolescentes, apice subcalyculati osculo impresso, cæco, rugis stellato. *Stirps* tota sulcis aliquot vagis, obsoletis strigosa. *Substantia* subere mollior & friabilior, lacteo pallida, intus vasculis longitudinalibus porosa, unicoque in axi canali cylindrico, per truncum & omnes ramos, usque in extrema tubuliformia continuo, pervia. Patet hic ex tubulis elongatis ramos successive fieri, qui novos lateribus tu-

tubulos polypiferos exserunt, apice ipsi polypiferi.

Locus: Oceanus Indicus.

202. ALCYONIUM ARBOREUM.

ALCYONIUM ramosum, poris papillaribus in tubera lateralia terminaliaque congestis.

Clus. exot. l. 6. c. 1. p. 119. Arbuscula marina coralloides.

Baub. hist. III. p. 797. Planta marina, coralloides, rubra. (Ex Clusio.)

Worm. mus. p. 230. Planta marina coralloides.

Cupan. bort. catb. suppl. 1. Tournef. inst. p. 576. Alcyonium magnum, durum, arborescens.

Rumph. amb. VI. p. 222. Accabaar gabba-gabba, f. Accarbaar boa-zagu; Amboynensisbus Hualapia.

Pontoppid. norv. I. p. 274, 275. tab. 12. n. 4, 5.

Lin. mus. Tessin. p. 120. n. 8. tab. 10. Lithophyton norvegicum.

— syft. X. sp. 1. Faun. su. II. 2225. Alcyonium arboreum.

Koelreuter. comm. Petropolit. VII. p. 345. tab. 13, 14. Corallium spongiosum, leve; ramis tuberosis nutantibus, tuberculis aggregatis.

DESCRIPTIO.

„Stirps suberosa, altitudine saepe humana; ramis ultimis saepe digitis crassitiis” inquit Linnaeus. Truncos brachio crassiores vidi, alterne subramosos, varie distortos, in ramis compressos &

& strigosos. *Tubera* per totam stirpem sparsa & omnibus ramis terminalia, obsita *papillis* osculo octolabiato hiantibus, cavis, polypiferis; prætereaque papillæ sparsæ. *Substantia* sicco suberosa, porosissima. *Color* extus cinereo ferrugineus, qualis Zingiberi sicco; intus flavescentior; medullæ albicans. *Rami* contactu coalescunt.

Locus: Mare Norvegicum, Album & Indiæ Oceanus.

N O T A.

Optimam hujus Alcyonii descriptionem dedit *Dottiss. Koelreuter*, docuitque æque ridiculum esse *Alcyonium* pro fabrica polyporum cellulis insidentium habere, quam statuere vegetabilia a floribus produci. Medulla potius interna vegetare & crescere Zoophyton sensit; polypos autem medullam terminare, prout fructificatio terminus alburni in plantis est.

In maximam & arboream staturam excrescit hæc species & in Mari imprimis Norvegico & Albo provenit. Ex Indico quoque Oceano afferri scio. *Koelreuter* etiam in M. Mediterraneo reperiri addit, forte quia *A. palmatum* ab arboreo non distinxit prout ex citato abeo, *Marsili* loco colligere licet. *Clusius* & autores fere omnes, qui *A. arboreum* descripserunt, illud e Mari Norvegico habuerunt.

203. ALCYONIUM PALMATUM.

ALCYONIUM stipite simplici, extremo
subramoso papillosoque.

Rondelet. aquat. II. Gesn. ipsi. 1575. p. 1155 b.

Manus marina.

F. Baub. hist. III. p. 805. Palma s. manus ma-
rina quibusdam.

Barrel. ic. 1293. n. 1. & 1294. Fungus aman-
ita marinus, gilvoluteus & purpurascens.

Petiv. pl. ital. tab. I. f. 2, 3. (Ex Barrelierio.)

Tournef. inst. p. 596. Fucus manum referens.

Marsil. hist. mar. p. 85. 163. tab. 15. n. 74,
75. tab. 38, 39. Manus latronis aut leprosi.

Ginan. postb. I. p. 45. tab. 50.

Schaef. pol. florif. 1755. tab. 3. (Ex Marsilio.)
Manus marina.

Bobadsch. mar. p. 114. tab. 9. f. 6, 7. Penna
ramosa, pinnis carens, tentaculis in ramis po-
fitis.]

Planc. act. Senens. II. p. 222. tab. 8. f. 6-8.
(rudes.) Palma s. manus marina.

Gall. Main de Ladre ou de Larron; Main de mer.

D E S C R I P T I O.

Stirps ad summum semipedalis, crassitie di-
giti, coriaceo cartilaginea. Truncus teres,
lævis, albus, extremitate palmato - multifidus
vel ramis aliquot obtusis sparsus, saepe sub-
pinnatus. Trunci pars superior ramique coccineo - rubri, tuberculosi, papillis numerosis, osculo
octofido hiantibus. Flos e singulo osculo
rosaceus, tubo pedunculatus, subhexapetalus;
lacinias limbi ovatis, ferratisque. (Marsilli.)

L o.

Locus: Mare Mediterraneum solum, ubi
in testis scopolisque crescit.

N O T .

Evidentissimos hujus Alcyonii polypos primus
observavit *Marsilius* & pro floribus curiose de-
scripsit. Vita his polypis torpida, ut in Alcyo-
niis reliquis. — *Bohadsch* ob polyporum analo-
giam Palmam marinam *Pennatulis* adnumerare ju-
bet, a quibus tamen defectu officuli, adhaesio-
ne stirpis & habitu toto discrepat: *Alcyoniisque*
evidentissime fese adjungit. Merito *Idem Schæ-
ferum* reprehendit, qui *Marsili* iconem male ex-
scripsit & inepte coloribus inquinari curavit.

204. ALCYONIUM PAPILLOSUM.

ALCYONIUM crustaceum, papillis ma-
gnis confertis convexis obsitum.

**Marsil. bijt. mar.* p. 86. tab. 15. f. 76—78. Bo-
letus marinus.

D E S C R I P T I O.

Crusta rupibus obducta, gryseo-ferruginea,
corio siccato similis, assurgens in *papillas* inaequa-
les, magnas, turgidas, convexas, ore rugose
contracto impressas, in agmina elatiora, subdi-
stincta congestas, ex eodem corio factas, cavas.
Specimen hujus unicum modo vidi, in SERENIS-
SIMI PRINCIPIS ARAUSIONENSIS gazophylacio. Pa-
pillarym magnitudine reliqua omnia Alcyonia su-
perat.

Locus: incertus.

205. AL-

205. ALCYONIUM LOBATUM.

ALCYONIUM gryseum crustaceo-tuber-
osum, lobatum, poris creberrimis im-
pressis.

Raj. syn. p. 37. n. 2. Breyn. ephem. N. C. cent.
7 & 8. obs. 159. Alcyonium ramoso-digitatum,
molle, asteriscis undique notatum.

*Rumph. mus. (belg.) p. 46. Tethya (Mammeljes.)
Jussieu act. gall. 1742. p. 294. tab. 9. f. 1.
Ellis cor. p. 83. n. 2. tab. 32. a A. nom. Raji.
— act. angl. vol. 53. p. 431. tab. 20. f.
10-13. (elegantiss.) Alcyonium manus ma-
rina.

Lin. syst. X. sp. 2. Faun. su. II. 2226. Alcyo-
nium digitatum.

Angl. Dead man's toe (Ellis.) Belg. Doode-mans
band of duymen (Piscatores.)

DESCRIP T I O.

Incrustat formatque *massas* compressas multilo-
bas, alteroque latere gibbosiores. Lobi con-
vexi. *Superficies* obsita osculis papilliformibus,
stellatis, e quibus *polypi* cylindrici, tentaculis
pinnatis radiati. *Substantia* recentis cartilaginea,
albida, largiter porosa. *Color* externus gryseo
rubellus, pallidus. Siccatum durescit, moles-
que minuitur remanentibus punctis impressis lo-
co oscularum.

Locus: Mare inter Angliam & Belgium, ubi
in quibusdam tractibus copiose supra ostrea si-
licesque crescit.

N O T A E.

Fusciæus, qui in hoc Alcyonio primus torpen-
tes descripsit polypos, pleraque *A. palmati* sy-
nonyma ad illud citavit. *Ellisius* (*loc. cit.*) egre-
gias dedit icones & minutam descriptionem.
Reticularem texturam Spongiarum æmulam sub-
stantiæ recentis tubulis internis interjectam esse
docet. *Polypi* hujus Alcyonii ita torpidi sunt,
ut in liquorem spirituosum immissi extensi ple-
rumque moriantur.

206. ALCYONIUM BURSA.

ALCYONIUM subglobosum cævum vi-
ridissimum molle, papillis creberrimis hya-
linis.

Imperat. ital. p. 633. *Arantium marinum viride.*

**J. Baub. bist.* III. p. 795. *Alga pomum mon-*
speliensium.

**C. Baub. pin.* p. 368. [*Raj. bist.* I. p. 38. *syn.*
p. 31. *Bursa marina.*

Marsil. bist. mar. p. 80. *tab.* 13. *n.* 69. *Auran-*
tium marinum.

Planic. conch. ed. II. p. 44. *Arantia marina C. Bauh.*

**Lin. syst.* X. *sp.* 3. *Alcyonium Bursa.*

D E S C R I P T I O.

Sunt *corpora* magnitudine pomi mediocris,
sphæroidea, cava, coriacea, (viva rigiduscula,
corrupta flaccida,) tenacia ceteroquin & coloris
obscure viridissimi. *Corpus* quodlibet sinu longitudinali,
collapso notatum, plerumque tantum uno.

Super-

Superficies papillis minutis, cylindricis, hyalinis, confertis obsessa, quæ radiis efflorescunt. *Substantia* crassiuscula, subcartilaginea, intus lævis; cavum vacuum, præter fila sparsa arachnoidea. Basis Alcyonii filis arachnoideis lapillis adtexta & corporibus aliquot minoribus, distinetis, simillimisque circumfessa.

Locus: Mare Anglicum & Mediterraneum.

N O T A.

Descripti hocce Alcyonium in Sussexiæ littore, ubi illud frequens reperi A. 1762. Februario. *Marsilius* certissime idem voluit, quamquam cavum in suo aqua marina repletum invenerit. Describit idem varietatem subramosam, simillimam, sed arachniis intus destitutam (*bif. mar. p. 81. tab. 14. n. 70.*)

Sinus obliquus Alcyonio nostro solemnis, vulvae quandam similitudinem exprimit & *Burse marinae* nomini ansam dedisse videtur.

207. ALCYONIUM GELATINOSUM.

ALCYONIUM cinerascente - hyalinum ramosissimum, ramis teretibus subacutis.

Johnsoni. it. cantabr. p. 3. f. 3. Ger. emac. p. 157.

Merret. pin. p. 40. Raj. syn. p. 49. n. 42. Fucus nodosus & spongiosus.

Perkins. theatr. 1304. Spongia ramosa altera anglica.

Ellis cor. p. 87. n. 5. tab. 32. f. d D. Alcyonium ramosum molle.

Seb. thes. III. tab. 98. f. 4. Specimen siccum.

- Baster. opusc. I. tab. 1. f. 5. 5. *Alcyonium ramosum*, molle.
- Hudson. fl. angl. sp. 26. *Fucus gelatinosus*.
- *Planc. conch. ed. II. p. 115. c. 29. tab. 10. f. *A. Alcyonium digitatum*, *gelatinosum*, *album*.
- Angl. *Pipeweed*, *Puddingweed*, *Sea-raggedstaff*. (Ellis.) *Jelly-Fucus* (Hudson.)

DESCRIP T I O.

Crebro Sertularias, testacea, cet. incrustat, luxuriatque ramis teretibus, obtusiusculis, crebris, nodosis. *Fruticulos* sæpe efformat satis magnos, *Spongiae* oculatae habitu. Aut trunco laciniatos simplices effingit; qualem delineavit *Ellisius*. *Substantia* solida, consistentia pulpæ radicum bulbosarum, cinerascente hyalina, multa aqua scātens. & siccatione in exilissimas fuscas reliquias abiens. *Superficies* recentis papillis minutissimis, confertis, cylindricis obsita; quæ in apice radiis efflorescunt.

Locus: Mare inter Angliam & Belgium, ubi abundantissime passim crescit.

N O T A E.

Polypos aliquoties distincte vidi, sed torpidissimos. Animalitatem præterea hujus speciei confirmavit analysi chemica *Amiciss.* S. G. Gmelin M. D. & Soc. *Harlemensis Sodalis*. Destillatione enim obtinuit salem volatilem animalem, oleum lempyumaticum, (quod etiam combusti odor adesse probat), spiritus alcalini tantillum, & alcali fixum in capite mortuo inventum fuit.

Plancus l. c. in suo fibras intus vermiculares albas adesse scribit, unde forte a nostro diversum.

208. ALCYONIUM SCHLOSSERI.

ALCYONIUM crustaceum pulposum
fuscum, flosculis fulvis adnatis, petalis
pertusis.

*Rondel. aquatil. II. p. 130. Gesn. pisc. (1575.)
p. 155. Uva marina.

Schlosser. act. angl. vol. 49. part. 2. n. 61. p.
449. icon. (Alcyonium carnosum, asteriscis
radiis obtusis, ornatum)

Borlac. cornub. p. 254. tab. 25. f. 1, 2.

D E S C R I P T I O.

Crustæ fucis vel aliis corporibus obductæ, fu-
scæ vel cineraceæ. Flosculi sparsi, plani, adna-
ti, compositi ex petalis ovato-lanceolatis, in
centrum convergentibus, longitudinaliter exca-
vatis & prope extremitatem osculo continuo
palpitante pertusis. In centro flosculi os com-
mune subscyphiforme, magna velocitate varioque
modo sese contrahens & relaxans, subinde diu-
tius clausum remanens, in quo fibrillas motato-
rias videre sibi visus est Celeb. SCHLOSSERUS. Sub-
stantia inter floculos ovulis sparsa inæqualibus,
minoribus globalosis, majoribus ovalibus.

Locus: Mare Cornubiam alluens.

N O T A.

Detectum fuit Alcyonium nostrum a Cel.
SCHLOSSERO, qui illud Fucis variis circumcretum

in Portu Falmouthiensi invenit & cujus benignitati exemplar ejusdem debeo.

Ellisius in Scholio ad observationem *Schlofferi* putat singulum petalum distinctum esse animal. At hic etiam magis quam in ullo alio Zoophyto apparet crustam totam continuam esse fabricam, cujus flosculi organa sunt; ut sunt tentacula *Asteriis* aut *Echinis*, sed diverso usui minusque nobili destinata.

Speciem Alcyonii crustacei, *Schlofferianæ affinem*, viridem, flosculis flavis subbiperforatis sparsam descriptis & delineari curavit *Borlace* (*l. c. tab. 25. f. 3, 4.*), aliamque umbræ colore, stellis acut-angulis, imperforatis, flavis (*l. c. tab. 25. f. 5, 6.*) Subsimilia his quoque sunt *Alcyonia bina* a *Linnæo* (*Fn. su. Ed. II. 2227, 2228.*) memorata, alterum *rubrum*, alterum *gelatinosum*, ambo in M. Norvegico reperta, „ in „ formia, gelatinosa, diaphana, e quibus pro „ deunt polypi stella simili Madreporæ”.

Rudem A *Schlofferiani* iconem *Rondeletius* (*l. supra c.*) dedisse videtur, quam exscripsit *Gesnerus*.

*209. ALCYONIUM FIGUS.

ALCYONIUM tuberiforme pulposum, papillis crebris stellatis.

J. Bauh. hist. III. p. 817. Alcyonium tuberosum.

Imper. ital. p. 599. lat. p. 839. Alcyonium tuberosum forma ficus.

Raj. syn. p. 31. n. 3. Pulmo marinus alter Rondeletii.

Marsil. hist. mar. p. 87. tab. 16. n. 79. Ficus substantia inter Spongiam & Alcyonium mediæ.

Mercat.

Mercat. metall. arm. 6. c. 6. p. 102. Alcyonium quintum antiquorum.

Ellis cor. p. 82. n. 1. tab. 17. b B. Alcyonium pulmonis instar lobatum.

Angl. Sea-fig. (Ellis.)

DESCRIP T I O.

Tubera subglobosa, pyriformia lobata, olivei coloris, substantiae pulposae; extus *papillis* stelliferis obsita, intus granulosa. Optime descriptum ab *Ellis*, mihi nunquam visum.

Locus: Mare Mediterraneum atque Anglicum.

210. ALCYONIUM AURANTIUM.

ALCYONIUM globosum fulvum, stellis extus verrucosum, intus fibris ossieis fascicularibus radiatum.

Marsil. hist. mar. p. 82. tab. 14. n. 72, 73. Alcyones.

Donat. adr. p. 60. 64. n. 1, 2. tab. 10. Tethya sphærica.

Planck. conch. ed. II. p. 44. append. 2. p. 114. n. 3. Alcyonium flavum durius.

act. Senens. vol. II. p. 218. tab. 8. f. 1, 2. Tethyum plerumque sphæricum, malum aurantium lusitanicum forma & colore referens, quod horizontaliter dissectum fibras radiatim ossreas ostendit.

DESCRIP TIO.

Corpora globosa, magnitudine aurantii pomi, flava, area lœvi affixa, reliqua superficie obsita colliculis. *Substantia* cartilaginea recenti, sicco tota ex fasciculis fibrarum asbestos, in nucleus itidem paleaceum concurrentibus constans. Aciculæ seu paleolæ nuclei (modo in centro siti, modo basi prioris) inordinatæ. *Fasciculi* fibrarum ossearum cylindrici, albi, nitidi, versus superficiem Alcyonij dilati; in recenti Alcyonio intertexti fibris tendineis. *Fibræ* fascicularium, continuæ, lineares, rigidæ fragiles, optime asbestos vel pilis Opuntiae comparandæ, neque ex partiunculis compositæ, ut tradit Donati.

Locus: Mare Mediterraneum & Promontorio B. Spei vicinum.

NOTÆ.

Recte Plancus reprehendit Donatum, qui hoc Alcyonium liberum in mari vagari & casu tantum accrescere prohibet. Naturaliter enim altero latere exigua area affixum est, a fluctuum vero vi avulsum crebro egeritur in littora. Flavus color in spir. vini aliquamdiu persistit. Sic et gryfeo lutea sunt & odorem fortissimum, ex hircino & ammoniacali quasi mixtum spargunt. Fibrarum ossearum apparatu refert haec species Zeolithos & Pholporum bononiensem; unde hunc forte talibus Alcyoniis ortum debere suspicatur Bertrandus, & Plancus addit subsimilis forte structuræ corpora, sed oblonga in Belemnites

tes transiisse. Satis dura & perstans est hujus Alcyonii substantia, ut in lapidefactis marinorum cumulis, ubi molliorum passim animalium superef-
se vestigia videmus, conservari utique potuerit.
Attendant ergo Lithologi, annon inter fossilia forte occurrat petrefactum. — Ad Promonto-
rium bonæ spei non infrequenter legitur.

211. ALCYONIUM COTONEUM.

ALCYONIUM informe subglobosum
flavum, intus rubrum fibroso-spongiosum
cavernosumque.

Dioscorid. lib. V. c. 136. Alcyonium primum.

Imperat. ital. p. 556. lat. p. 833. Halcyonium
durum seu primum Dioscoridis.

**Rumpb. amb. VI. p. 259.* Vesptum marinum.

Seb. thes. III. tab. 99. f. 4. Specimen siccum.

Donat. adr. p. 56. n. 1. tab. 9. Alcyonium pri-
muni Dioscoridis.

Planc. conch. ed. II. app. p. 113. c. 18. n. 1, 2.
tab. 10. f. B-D. Alcyonium rubrum, pulpo-
sum, conicum plerumque.

Ital. Cotogna marina (Planc. p. 44.)

D E S C R I P T I O.

Corpora difformia, plerumque ovalia vel co-
noidea, coni vel basi vel apice affixa, diametro
ad summum sesquipedali. Recens molle, extus
glabrum, flavum. Dissectum exhibet pulpam
radicem betæ rubræ coctam referentem, quam
perreptant fibræ vermiculares, albæ. *Odor* gra-
tus.

tus. (*Plancus.*) Sic Januario & Februario sunt. Verum circa finem Martii naturam mutant & sedibus suis avulsa in massas spongiosas, quasi lignreas, foraminosas, gryseo-flavas, extus densiores, aquae innatantes abeunt; quarum dissectarum substantia interna, fibrositate, fibrum asbestino splendore & cavernositate, pumici simillima est: at suberis fere consistentia. Odor tunc hircinus, at non æque gravis ac præcedentis speciei.

Locus: Mare Mediterraneum & vicinum Promontorio Bonæ Spei.

N O T A.

Suberosum factum *A. cotoneum* delineavit *Seba* & *Donati*. In cavernis ejus habitantem Nereidem descriptis *Donati* & *Plancus* quoque ibidem & aliis locis observavit. An Turbante piscatorum s. *Alcyonium magnum*, tortuosis finibus excavatum & in medio perforatum, olearium fiscinam referens *Planci* (p. 44. & iterum p. 114. n. 2.) diversa ab isto species sit, non determino. Vidi parva specimina magno foramine excavata, quibus *Cancer Bernhardus* crebro insidere solet.

Specimina, quæ Promontorio Bonæ Spei satis copiose mittuntur, ponderosiora mihi visa sunt iis, quæ M. Mediterraneum fovet. Sub Vesperi marini nomine *Rumphius* *Alcyonio* nostro saltem affine quid videtur intellexisse. Spongiæ subsimilia, informia tubera esse dicit, gelatina urticante, deliquescente scatentia, ramis passim Coralliorum innascentia, quæque suæ quodam attrac-

attrahunt quicquid illa tangit. Malaice *Rumaniri* dicuntur.

* Specimina plurium Alcyoniorum ramosorum habeo, quorum apud autores nulla facta est mentio, distinctissimorum tamen; sed corrupta siccatione, ut melius duxerim ea omittere, donec speciminum recentium observatione species confirmare & illustrare copia sit. Idem de Spongiis in antecessum moneo, quarum aliquas obscurius mihi cognitas species, quasque non sufficienter determinatas praestare poteram, tantisper prætermisi.



XIV. PENNATULA.

OMNI^{TE} M^{UN}DEFINITIO.
 aliis exco^{de} bign^{re} m^{un}to^{de}
 si tu m^{un} m^{un}o^{de} i^{de} n^{re} c^{re}o^{de} n^{re}
ANIMALI vegetans:
 -**Stirps** vag^a, eoriacea, officulo plerum-
 que rufula, multiformis, ex parte
 exferens.
Polypos retractiles, tentaculis radiatos,
 fæpius calyculatos, intus oviparos.

Pennatu-
læ natura
& no-
men,

PE NNATULÆ *Alcyoniis* specierum gradatione ita propinquæ sunt & tamen simul structura, habitu, vitæque sensitivæ gradu discrepant, ut exemplum majoris simul affinitatis & discordantiæ inter duo genera in refūm natura vix dari existimem. Certo respectū Pennatulæ ad *Alcyonia* sunt, quod Hydræ ad Sertularias.

Nomen generi a Linnæo inditum ex quarundam specierum penniformi habitu ortum dicit & reliquis nunc quoque applicatur, ab ista figura quamvis alienissimis.

Pennatulæ in eo omnes convenient & ab omnibus fere Zoophytis diversissimæ sunt, quod non affixæ & radicatae quasi vivant, sed liberæ per mare vagentur aut nulli saltem corpori adhærent. Omnes etiam aliqua sui parte, quam *stipitem* voco, nudæ sunt, musculoisque corio obvestitæ; eaque parte vermicularem motum exercent & in mari sese promovent. Hac itidem parte pleræque molli maris fundo insertas vivere credibile est. Altera *Pennatarum* pars

(*rhachis*) immobiliar & parenchymatosa, *polyporum* apparatus vario modo exserit, & ova diversa ratione generat.

Quædam nempe lamellis lunatis, radiatisque, *P. pennatum* imbricatum incumbentibus pinnatae sunt & e formes. convexo laminarum margine. calyculis multidentatis polypos exserunt. His ovaria utrinque ad partem scapi pennatam seu rhachin, vel in pennis longitudinaliter posita, non ad singulos polypos distributa sunt. Eadem non solum vermiculari motu promoventur, sed laminarum etiam oblique positarum angulari motu natare posse vindetur & omnes phosphorescunt egregie. Hæ perfectissimæ quasi inter congeneres vocandas & foliæ generi nomen imposuerunt: *P. grandis, rubra, grysea.*

Affinis est istis *P. juncea*, cui pro pinnis tantum rugæ transversæ, molles, polypiferæ sunt, *P. junciformes* *P. mirabilis* polypis tantum solitariis distiche ob- & cylindrica. sita est. Ab his vero per *P. scirpeam* & *quadrangularis*, quæ polypis sparsis ex uno rhachis latere oblitæ sunt, progreditur Natura ad *P. phalloidem* & *Cynomorium marinum*, cylindricas ambo, & undique polypos parenchymate exsertantes, qui intus propriis cuiilibet cellulis ova seu semen stirpis animalis parant.

Singularis est & ab omnibus congeneribus *P. Encrinus*. compositione, proportione & situ partium longissime recedit *P. Encrinus*. Pauci & maximi in ea polypi congesti sunt in apicem scapi longissimi, qui e solo fere ossiculo constat & fundo forte maris infixus hæsit.

In omnibus tamen, utcunque habitu diversis *Pennatulis* structura polyporum eadem est. Cylindrici nempe sunt, apice stellati radiis vulgo octonis, pinnatifidis vel utrinque dentato-ciliatis,

*Officu-
lum.*

tis. Officulum quoque vix non omnibus intus adest, parenchymati innatum, at musculosæ parti laxius inhærens. In *P. penniformibus* officulum teres & utrinque attenuatum intra substantiam corporis utroque apice latet. Latet quoque in *P. phalloide*, quanquam quadrangulare huic. At in *P. juncea* & *quadrangulari*, setacea quidem extremitate musculosæ scapi portioni inseritur, altera vero non attenuatum, sed abruptum est; ut succrescens ab inferiori parte continuo animal altera parte obsolescere videatur. *P. quadrangulari* uti *P. phalloidi* & *P. Encrino* officulum quadrangulare contigit. Sola Pennatularum *Cynomorium marinum* osse destituta est & ab Alcyoniis in hoc tantum differt, quod stirpem liberam nec adnatam sistat. *P. pavoninae* ELLISII os etiam deesse videatur, quanquam non expressis verbis monuerit Vir celeberrimus.

Pennatulas cum *Bohadischio* & *Ellisio* animo conspicio tanquam *Zoophyta vaga* & spontaneo motu prædita, quibus polypi innumeri pro oribus sunt. Nec enim os præterea ullum in toto Pennatularum corpore acutissima acies detegit. Et jure *Linnæum*, os commune Pennatulis in basi esse statuentem, reprehendit *Ellisius* (act. angl. vol. 53. p. 421.)

*Species
sepositæ.*

Species aliquas *Pennatularum* LINNÆO dictas in sequenti enumeratione seposui, utpote alienorum generum mihi visas. *P. filosa* (*Lin. syst. X. sp. 2.*) certissime Lerneæ species est & quidem nulli magis speciei similis quam Lerneæ sub nomine *Oculifugæ* (*Eyesucker*) a Bakero (act. angl. vol. 43. n. 473. p. 25. tab. 1. f. 1, 2.) descriptæ. *P. sagittæ* (*Lin. syst. X. sp. 3.*) autem nimis imperfecte ex brevissima *Linnæi* descrip-

scriptione & pessima iconē cognita est vitæque generē nimium a *Pennatulis* differt, quam ut eam harum generi inserere audeam.

Pinna pennacea LINNÆI (*Syst. X.* p. 788, 236.) apud *Sebam* (*thes. III.* tab. 16. n. 9.) pro *Pennatula* tradita, est os *Sepiæ Lolinis*, adeoque nec *Pinnis* nec *Pennatulis* adnumerandum corpus.

212. PENNATULA ENCRINUR.

PENNATULA stipite osseo quadrangulo contorto, corporibus tereti attenuatis, apice florescentibus, in umbellam congestis.

Mylius monogr. 1753. 4. c. icon. *Zoophytum Groenlandicum.*

Ellis. act. angi. vol. 48. p. 305. tab. 12. *Corall.* p. 96. tab. 37. *Hydra marina arctica*, corporibus multis octotentaculatis, basi conjunctis & scapo prælongo osseo sustentatis.

Lin. Syst. X. sp. 5. Isis Encrinus.

DESCRIPTIO.

Stipes sexpedalis vel ultra, factus ex osse lapido quadrangulo, lateribus sulco exarato, contorto, versus umbellam adtenuato, in membranulaque vestito, altera extremitate vaginæ cartilagineæ inserto. *Umbella* ex corporibus 20, 30, vel pluribus seu polypis coadunatis in basin carnosam, angulosam, cui insertus stipes. *Polypi* cylindrico-attenuati, longitudinaliter octorugosi, apice octotentaculati: radiis ferrato pinnatis; intus ovulis pleni.

Locus: Mare Arcticum.

Notæ

N O T A.

Notatu dignissimi & speciosissimi hujus Zoothyti bina omnino specimena hucusque visa fuerunt, ex Mari Groenlandiae vicino adlata, quorum nunc alterum in *Museo Celeberr. COLLINSONI Londini* servatur, alterum, quod *Mylius* descriptis (tempore quidem prior, sed quo jure posterior nescio), *Göttingæ* penes *Cet. HOLLMANNUM* est. Primus hanc speciem Pennatularum generi judiciose vindicavit *Bohadisch*: Ab *Ellisio Hydris*, a *Linnæo* *Isidibus* adnumerata fuerat.

213. PENNATULA GRANDIS.

PENNATULA penniformis linearis lanceolata, stipite tereti lœvissimo, pinnis lacero dentatis.

**Rumph. mus. belg. p. 43., 44. n. 2. Sagitta marina nigra.*

D E S C R I P T I O

Longitudo pedalis vel ultra, latitudine partis pennatae summa vix sesquipolicari. *Stipes* cylindricus, longus, pennata parte (breviore) attenuatus. *Perna* linearis lanceolata; *pinnæ* breves, latæ, lunatæ, numerosissimæ atque imbricatæ, convexo margine dentibus laceris ferratæ, concavo integræ. *Color* cinereo virescens. *Os* intus teres, lineare, utrinque attenuatum, fragile. *Phosphorescere* dicitur, uti sequentes.

Locus: Oceanus Indicus.

214. PEN-

214. PENNATULA GRYSEA.

PENNATULA penniformis, stipite tereti ad pennam bulboso, pinnis oviferis acute dentatis, dentibus multifloris.

Rondel. aquat. II. p. 129. Penna marina.

Seb. thes. III. tab. 16. n. 8 a, b. Penna marina phosphorica.

Albin. annot. acad. lib. I. c. 20. tab. 6. f. 1, 2. penna marina alba.

Bobadsch. mar. p. 109. tab. 9. f. 1-3. Penna grysea.

Ellis. act. angl. vol 53. p. 434. tab. 21. f. 6-10. Pennatula spinosa.

D E S C R I P T I O.

Magnitudo 8 poll. vel ultra. Stipes cylindricus, ad pennam in bulbum striatum dilatatus, pennata parte ventricoso attenuatus. Penna ova-to-lanceolata. Pinnae lunatae, truncatae, concavo margine ovis obfessae, convexo dentatae; dentes singuli radio medio acuminati, bifariam polypiferi. Os intus teres, lineare, utrinque attenuatum, fragile.

Locus: Mare Mediterraneum.

215. PENNATULA RUBRA.

PENNATULA penniformis ovalis, stipe tereti, rhachi ovifera, pinnis lacero-dentatis.

Imper. ital. p. 650. *J. Baub.* III. p. 802. *Ginnan.* adr. tab. 55. f. 114. *Penna marina.*

Barrel. icon. 1273. 1274. *Petiv. plant. ital.* tab. I. f. 5, 6. *Penna marina rubra.*

Tournef. inst. p. 569. *Shaw. afr. app.* p. 5. *Fucus pennam referens.*

Albin. annot. acad. lib. I. tab. 6. f. 3, 4, 5. *Penna marina rubra.*

Lin. mus. reg. I. p. 69. *Chin. lagerstr.* n. 47. *Amoen. ac.* IV. p. 256. *Syst. X. sp. 1. Faun. su.* II. 2260. *Pennatula phosphorea.*

Bobadsch. mar. p. 101. tab. 8. *Penna rubra.*

Planch. conch. ed. II. p. 108. c. 18. tab. 8. E, D. *Penna marina s. Mentula alata minor.*

Pontop. atl. dan. epit. tab. 17. f. 1—3. *Pinna pennacea Linnæi (perperam.)*

Ellis. act. angl. vol. 53. p. 434. tab. 21. f. 1, 2. *Penna marina rubra.*

p. —— p. 419. tab. 19. f. 1—4. (Varietas dupli tentaculorum ordine.)

D E S C R I P T I O.

Stipes teres, obtusus, lœvis; *pinnata pars* seu *rhachis* gracilior, ovarioque utrinque longitudinali tumidula. *Penna ovali-oblonga, pinnis imbricatis, lunatis, concavo margine integris, convexo calyculis confertis, subalternis, paleaceis dentato,*

to, e quibus *polypi*. *Color* pallidius saturatiusve cinnabarinus, albo superfusus. *Osticulum* intus lineare, utrinque attenuatum, teres, fragile.

β . Datur varietas, in Oceano præsertim, longior, gracilior; pinnis angustioribus, magisque distantibus; calyculis pinnarum rarioribus & prominentioribus.

Locus: Mare Mediterraneum ubi frequens; rarius reperiunda in Pelago.

N O T. A.

Utramque varietatem optime delineavit *Ellius*. Plerique autores vulgatiorem in Mari Mediterraneo, nempe majorem, calyculorum in pinnis duplii ordine, descripsérunt; aliqui tamen & graciliorem qualis forte nondum adultæ *P. rubræ* status est.

In Mari viva hæc Pennatula egregie noctu luctet, referentibus itineratoribus atque ipiscatoribus. Vivarum Pennatarum motus *Bohadisch* in hac imprimis specie observavit, in stipite nempe constrictionem quandam peristalticam, a nuda ejusdem extremitate incipientem & per pennatam quoque partem obsoletius continuatam; quasi annulus ruber per stipitem ascenderet; præterea stipitem varie curvari & pinnas horsum vorsum moveri, versusque dorsum modo, modo in contrarium adduci vidit; quo forte pinnarum motu in mari natat.

216. PENNATULA MIRABILIS.

PENNATULA simplex alba, calyculis recurvis alternis octodentatis.

Lin. mus. reg. I. p. 96. tab. 19. f. 4. Chin. lag-gerstr. n. 49. Amæn. ac. IV. p. 257. Polypus mirabilis.

— *syft. X. f. 4. Faun. su. II. 2261. Pennatu-la mirabilis.*

DESCRIPPIO.

Rhachis semipedali longior, crassitie fili grossioris, fragilis, alba. Calyculi distiche alterni, breves, versus alteram omnes extremitatem recurvi, limbo octodentato connientes.

Locus: Pelagus.

NOTA.

Descripsi hanc speciem ex abrupto utrinque, semipedalem tamen longitudinem æquante exemplari, quod in Museo SERENISSIMI PRINCIPIS ARAUSIONENSIS servatur, ad Portum pulchrum Americes captum, & Asteriæ singulari speciei intricatum. *Linnæus* suam in Oceano Norvegico inventam fuisse dicit. Annon ad Gorgonias potius, quam Pennatulas, referenda sit ambigo, donec integrum viderim quæ utrinque attenuatam liberamque stirpem exhibeat.

217. PENNATULA JUNCEA.

PENNATULA simplex linearis rhachi truncata, rugis distichis transversis polypiferis.

Rumph. *muf. belg.* p. 43. n. 1. *Sagitta marina alba.*

— amb. VI. p. 256. *Sagitta marina.*

Seb. *thes.* III. tab. 114. n. 2. (*Ossa, rupi arte infixa.*)

Malaice, *Allang-laut*, *Sasappo-laut.*

DESCRIP T I O.

Longitudo saepe bipedalis, crassities junci grossioris. *Stipes* crassior, mollis, vermiformis. *Rhachis* quadruplo vel quintuplo longior, teres, extremitate obsolescens atque offe truncato fere nudo constans; per reliquam longitudinem coriacea membrana vestita, in qua *fasciae* duæ longitudinales, carnosiores, in ventrali latere magis distantes, versus stipitem adtenuato evanescentes, notatæ *rugulis* oblique transversis, mollibus, nodulosis, eque singulo nodulo polypiferis. *Officulum* intus fragilissimum, album, tereti-setaceum, setiformi extremitate stipiti vermiformi insertum, altera corio fere destitutum truncatumque.

Locus: Oceanus Indicus, ubi limoso fundo stipite infixa reperitur.

N O T A.

In *Sebano thesauro* ossa aliquot hujus Pennatu-

A a 2

læ,

læ, quasi rupi crassiore extremitate innata; proponuntur pro *Palmijuncus marino albo Rumphii*. *Rumphius* in *museo* speciem nostram differte descripsit. Fimbrias rubro, flavo alboque colore varias esse dicit; vermiciformem partem albidad. In arenoso littore defixa reperiuntur & subito extrahi debent.

218. PENNATULA SCIRPEA.

PENNATULA simplex linearis adtenuata, rhachi tereti, altero latere polypifera.

DESCRIPTIO.

Stipes carnosus, crassior, teres. *Rhachis* stipite multo longior, adtenuata, altero latere polypis confertissimis, paleaceis obsita. *Officulum* intus teres, linearis-adtenuatum, subflexile. *Longitudo* sesquipedalis. Siccata extat in *Museo* Dn. PE-TRI CRAMER *Amstelodamensis*.

Locus: Oceanus.

219. PENNATULA QUADRANGULARIS.

PENNATULA simplex, rhachi quadrangulari, altero latere polypifera.

Bobadisch. mar. p. 112. tab. 9. f. 4, 5. Penna piscis pavonis piscatorum.

DESCRIPTIO.

Stirps longitudine plurium pedum; crassities rhachis mediæ pennæ anserinæ. *Rhachis* linearis, quadrilatera, uno latere polypis confertis obsita. *Os* quadrilaterum, cinerascente album, halena-

lenaceæ flexilitatis, fibrosum, lineare, inferne obtusum. Vidi fere bipedale, integumentis orbum, altera extremitate abruptum, qua subattenuatum fuisse videbatur. *Polypos* descripsit *Bobadisch.*

Locus: Mare Mediterraneum.

220. PENNATULA PHALLOIDES.

PENNATULA simplex, rhachi cylindrica obtusa punctata, undique polypifera.

DESCRIP T I O.

Longitudo subsemipedalis. *Rhachis* parenchymatosa, crassitie digitii infantilis, cylindrica, extremitate altera obtusa, altera subattenuata in *stipitem* linearem, coriaceum. *Ipsa rhachis* punctis impressis notata & aspersa *papillis* versus obtusam extremitatem directis, inæqualibus, subquincuncialibus; e quibus *polypi* radiis octonis, capillaceis, pinnatifidis stellati. *Color* cinerascens, *Ostium* intus lineariter attenuatum, quadrangulare.

Locus: Oceanus Indicus ad Amboynam.

221. PENNATULA CYNOMORIUM.

PENNATULA simplex, rhachi cylindrica crassa granulosa, undique polypifera.

Rondel. pisc. II. p. 130. Malum insanum marinum.

Ellis. act. angl. vol. 53. p. 434. tab. 31. f. 3—5.

Pennatula marina digitiformis vel Cynomorion.

DESCRIP T I O.

Quadripollicaris circiter, crassitie digitii virili-

lis. *Stipes* brevis, subacutus, longitudinaliter rugosus. *Rhachis* parenchymatosa, cylindrica, obtusissima, minutim granulosa, undique aspersa *polypis* cylindricis, radiis octo pinnatifidis instructis. *Officulum* intus nullum. *Color* exalbidus.

Locus: Mare Mediterraneum.

N O T A E.

Hæc cum præcedenti species in primo *Fasciculo Miscellaneorum Zoologicorum* propediem edendo iconè illustratâ dabitur. Æri jam incisa erat utraque, cum ultimam in *Actorum Anglicorum* cit. volumine descriptam & delineatam invenirem. *Officulum* huic speciei deesse ibi non observavit *Ellisius*.

222. PENNATULA RENIFORMIS.

PENNATULA reniformis, altero latere polypifera, stipite lumbriciformi.

Ellis. act. angl. vol. 53. p. 427, tab. 19 f. 6—10.

Penna marina reniformis, purpurea, caroliniana.

D E S C R I P T I O N.

Stipes lumbriciformis, altero latere sulco exaratus, acutiusculus, sustinens *frondem* reniformem, altero latere plano carnosis fibris strigofam, altero convexiusculo confertim polypiferam. *Polypi* ex calyculis sexangulo-sexdentatis, tentaculis senis radiati. *Color* totius stirpis purpureus, at pori polypiferi flavi.

Locus: Mare Americanum.

XV. S P O N G I A.

DEFINITIO.

ANIMAL ambiguum, crescens, torpidissimum:

*Stirps polymorpha, e fibris contexta,
gelatina viva obvestitis.*

*Oscula oscillantia, seu cavernæ cellulæ-
ve superficiei.*

IN SPONGIIS vitæ, fabricæ & naturæ anima- *Spongias-*
lis terminus esse videtur. Natura nempe *rum sta-*
vegetabilium seriem simplicissimis *Algis & Fungis,* *tio.*
Animalium Spongiis conclusit; ne hiatus inter
organica & bruta corpora nimis magnus foret.

Vitam sensitivam *Spongiis* dudum tribuerat an- *Auto-*
tiquitas. *Aristoteles, Älianu*s, *Plinius*, quique *rum sen-*
hos exscriperunt in eo omnes consentiunt; *tentiae de*
Spongias in Mari tactum quasi refugere, constrictasque basin tenacius amplecti & evellementum ni- *earum*
sus fluctuumque vim eludere. *Imperatus & Gesne-*
rus idem expressius fusiusque docuerunt. Priorque in gelatina *Spongiarum* fibrositati interjecta vi- *natura.*
tam residere afferuit. At *Rondeletius* omnem *Spongiis* sensum denegare sustinuerat. Inter recen-
tores *Marsilius* systolen quandam & diastolen in
poris spongiarum mari modo extractarum obser-
vavit (*hist. mar.* p. 87.) *Peyssonel* deinde factis in America experimentis inductus est, ut crede-
ret, *Spongias* a vermis, qui in earum sæpe
cavernositate occurrunt, fabricari eorundemque

domicilio destinatas esse (act. angl. vol. 50. part. 2. art. 78.).

At vermes isti ad Spongias non magis pertinent, quam ad Alcyonia *Nereides*, a Donato intra cavernas eorundem repertæ (adriat. p. 60. tab. 8 G.), quas passim per mare vagantes quaslibet latebras intrare solere docet, *Plancus* (conch. ed. II. app. p. 119.). *Ellisius* hinc etiam, qui de Spongiarum natura novissime egit, *Peyssonello* non credidit a vermibus istis parasiticis fabricari Spongias. Eas potius putat esse *Zoophyta* quibus simplices in superficie pori polyporum loco sunt, refertque in Spongia, quam medullæ panis conferre amat, recenti, sibi atque socio *Solandero* papillaria superficie oscula palpitate visa, polypum vero nunquam apparuisse (act. angl. vol. 53. p. 432. not.) quod etiam *Fussiæus* affirmare videtur (act. gall. 1742. p. 293.).

Spongiarum, quam reliquis omnibus Zoophytis, multo simpliciorem atque imperfectiorem esse fabricam cum *Ellisio* sentio. Eoque magis ad Vegetabilia accedunt, quam reliqua hujus ordinis genera. Chymicis etiam principiis paulo similiores plantis deprehenduntur. Crédibile est poris folis aut cavernulis nutrimentum recipere Spongias easque cavernulas oris simul & ventriculi vices genere, uti pori radicum in plantis terrenis & superficiales in Algis. Discerptas non minus vitam agere & ex abruptarum reliquis in mari vestigiis novam substantiam repullulare *Plinius* jam docuit. Ceteroquin de earum crescendi modo & propagatione nihil admodum constat.

Spongæ vix non omnes, præter fibrosam texturam, quæ quasi sceloton & spontanei motus in vivis expers esse videtur, constant gelatina pisculenta, in qua sensus & motus residet, quæque

que in siccatis etiam speciminibus sæpenumero superstes membranularum inter fibras sceleti siccitarum instar appareat.

Fibrosi contextus natura imprimis differunt *Spongiae*. Tomentosa & mollis natura plerisque est, cuius exemplum in officinali habetur. Quarundam vero sceleton ex rigidis, cornéis quasi fibris factum est; easque Botanici *S. bircinæ* vocarunt. Harum in genere textura rariuscula deprehenditur. At e tomentosis pleræquæ satis densam atque compactam fabricam exhibent; quanquam earum massa ipsa interstitiis cavernosissima sæpe sit. In plerisque *Spongiis*, fibræ inordinate intertextæ sunt. Quibusdam tamen regularior tela est, & elegantissima in nonnullis, ut *S. fasciculata* & *fibrillosa*.

Forma Spongiarum infinite variat & in eadem sæpe specie adeo diversa observatur, ut vix agnosceres, nisi substantia, textura, intermediiæque varietates faciem præferrent. Rimas & cavitates marinorum corporum *Spongiae* quoque explent, siquidem testacea bivalvia sæpius spongiosa materia exæte plena visuntur; & ubi Fucos Coralliaque contingunt, eorundem ramulis substantiam suam immiscent. Eandem proprietatem in imperfectioribus quibusdam vegetabilibus, v. gr. Agaricis, Tremellis, observamus. Omnes tamen *Spongiae* adeo aptabiles non sunt & aliquæ satis certam crescendi legem servant.

Spècies Spongiarum nonnisi illas hic recensabo, quæ distinctos exhibuerunt characteres quasque ex multis visis exemplaribus constantes esse intellexi. Quibus Spongiarum fertiles Oceani tractus lustrare contigerit bene multa invenient quæ superaddant & magnum in Scientia natu-

rali explebit hiatum, qui plenam Spongiarum historiam dabit, gnaris gratissimam certe futuram atque utilissimis observationibus feracissimam.

223. SPONGIA LICHENOIDES.

SPONGIA amorpha, fibris mollibus ramentibus rariusculis subconnexis.

DESCRIPTIO.

Refert Lichenis fruticulosis glomum oblongo-pyramidatum. Fibrositatis nempe loco est Stirps teres, ramosissima, attenuata, ramis passim anastomosantibus cohærens, cuius substantia homogenea, subpellucida, Alcyonii gelatinosi aspectu similis, sed tenacior est, siccataque Lichenis fere corallini ænula fit. — In liquore ex India missum vidi specimen, in quo gelatina inter fibrositatem nulla aderat. An ergo a Spongiarum genere removenda? — Combustæ etiam odor vegetabilis fere est.

Locus: Oceanus Indicus.

224. SPONGIA FLORIBUNDA.

SPONGIA amorpha, fasciculis ramosis confluentibus paleaceo-tomentosis, apice crassioribus obtusis.

DESCRIPTIO.

In palmarem & ultra altitudinem exsurgit, subfruti-

fruticiformis, coalita ex fasciculis difformibus, ramoso-confluentibus, ex tomento compacto factis, in superficie quasi paleaceis, extremitate crassioribus obtusis; unde facies passim quasi brachia floris. Color gryeus, rubris paleolis sparsus; corruptiorum specimenum fusco-gryeus. Etiam haec combusta fere vegetabilem naturam prodat. Locus: Oceanus Indicus.

SPONGIA BASTA. Rumpf. amb. VI, p. 253, tab. 189. Basta marina, Basta-laut.

D E S C R I P T I O N

Truncо teretiusculo, saxis implantato, digitи crassissimum equantem glomus majusculus insidet frondium crassarum, confertarum, amaranthi instar, crispato-laciniosarum, quarum margo crassus, obtusus. Textura totius subuniformis, rariuscula, e filis capillaceis, rigidulis, nigris, maxime longitudinalibus & transversis, ut intermixtis etiam obliquis, reticulato-contexta. Combusta animal suboleata.

Affinis huic datur species, mihi non bene cognita, amorpha, ex fibris grossioribus, rario-ribus contexta.

Locus: Oceanus Indicus.

No-

N O T A.

Rumphius de sua *Basta* refert: sub aqua expansam obscure rubram & molliorem esse, inferius tantum rigentem, laciniis flexilibus; siccatione nigrescere, revolvi, rigescere. Vulgo sesquipedalem, at interdum & fere pedes aequantem reperiri; crescere autem in lapillis in 8 vel 10 orgyarum profunditate. Quanquam probe siccata, pluvioso tamen tempore flaccescere & odorem aequoreum spargere; quod in specimibus compluribus (forte curiosius elotis) secus deprehendi. — Vox *Basta*, pannum grossius significat.

226. SPONGIA FLABELLIFORMIS.

SPONGIA rigida rara subatra flabelliformis plana rotundataque.

Boerb. ind. alt. p. 6. *Keratophyton majus nigrum*, fibris tenuioribus elegantissime & densissime reticulatum.

Petiv. gaz. tab. 32. f. 1. *Rete Philippinense nigrum*, telis quadrangulis.

Rumph. amb. VI. tab. 80. f. 1. *Flabellum Aruense*.

Seb. thes. III. p. 183. tab. 95. n. 2, 4. *Alcyonium irregulare*, rigidum, membranaceum & cellulosum.

Royen. prodr. p. 522. n. 6. *Spongia flabelliformis*, rigidiuscula, fibris capillaribus densissime reticulata.

Lin. hort. Cliff. p. 480. *Spongia flabelliformis* caule teretiusculo, disco compresso-plano, vix diviso.

— *spec. plant. ed. I.* sp. 4. *Syst. X.* sp. 4. *Spongia flabelliformis*.

D E S C R I P T I O.

Sunt *flabellæ* simplicia, subrotunda, plana, subpedunculata, margine integra, aliquot linearum crassitie, magnitudine vulgo ambarum manuum, interdum multo ampliora. *Textura* rariuscula e fibris grossioribus, subatris, rigidissimis, confluentibus & connexis; quorum longitudinales numerosiores & crassiores. Gelatina passim in siccissuperstes. Observantur interdum Balani superficie immersi & substantia Spongiæ incrustati.

Locus: Oceanus Indicus.

227. SPONGIA FASCICULATA.

SPONGIA rigida subglobosa, fasciculis fibrosis prismaticis ramosis fastigiatis contexta.

*Planc. concb. ed. II. app. 2. p. 117. c. 34. tab. 15.
E. Spongia hircina globosa.*

D E S C R I P T I O.

Figura ovato-globosa. *Fasciculi* tenuiter a basi angustiore assurgunt, lentissime crassescentes, multoties dichotomi, extremitatibus prismatici, truncati atque in superficiem glomeris fastigiati. *Fasciculi* isti, ex fibris confertis & contextis longitudinalibus compacti, necuntur fibrillis raris reticulato-transversis, tenerioribus. *Fibrae* omnes fulvescentes seu saturatius gryseo-luteæ, rigidæ. *Textura* fasciculorum fere qualis fibrarum in Caricis folio macerato.

Locus: Mare Mediterraneum.

228, SPON-

228. SPONGIA FIBRILLOS A.

SPONGIA polymorpha subcomplanata tenera, fibris divergentibus confertissimis contextis, poris sparsis dentatis.

D E S C R I P T I O.

Variæ formæ specimina vidi, quorum tamen color & textura constantes sunt. Color gryfeus, nonnunquam pallidior. Substantia mollis, tenaciuscula. Fibrae e medulla cellulosa extrorsum divergentes, subparallelæ, curvatæ, extremitate recta in superficiem perpendiculari, contextæ anastomosibus transversis crebris. Pori præter cellulositatem in superficie sparsi, majusculi, marginalibus denticulis coronati. Formæ sequentes:

α. Plerumque *flabelliformis*, magnitudine manus vel ultra, crassitie pollicari, subrotunda, pedunculo elongatiore atque solidiore.

β. Alia vidi specimina efformantia laminas crassas, sessiles, undulatas, confluentes, laciniosas, elongatas in ligulas crassas, plerumque leviter concavo convexas, lanceolato-obtusas. Huic & præcedenti varietati pori maxime ad margines crebri.

γ. Invenitur etiam in truncos teretiusculos, difformes, pollicis crassitie, passim confluentes efficta. Has omnes varietates in Museo suo servat Dn. PETRUS CRAMER Amstelod. & passim præterea vidi, varietatemque α. & β. ipse habeo.

Locus: Oceanus Indicus.

229. SPONGIA TUBULOSA.

SPONGIA compressa sessilis rigidula flavescens, tubulis longitudinalibus porosa.

D E S C R I P T I O.

Corpora semiovata, compressa, ad rupes sessilia, margine externo convexa. *Textura* rigidula, e filis capillaceis, densiuscula, cellulosa, simulque a basi versus ambitum tubulosa. *Color* flavescentia, seu pallide gryseus; intus saepe nigricans. *Combustæ* odor animalis.

Locus: Mare Americanum.

230. SPONGIA FULVA.

SPONGIA amorpho - subramosa rigiddissima fulva.

Seb. thes. III. tab. 95. f. 9. tab. 96. f. 1. Spongia rigida, simplex, ramosa.

D E S C R I P T I O.

Massa informes aut incrustantes; passim ramis longis, teretibus, subramosis, crassitie calami vel digitii vegetantes. *Textura* rigida, e fibris capillaceis, fragilibus, inordinatis, per ramos subadscendentibus, densiuscula, æquabiliter contexta. *Gelatina* saepe inter fibras siccata fusca; unde forte Sebanarum iconum color. *Elocta* gelatina *color* fulvo-luteus. *Combustæ* odor evi-

evidentissime animalis. *Textura* fere æmulatur *S. fluviatilem*.

Locus: Mare Americanum.

231. SPONGIA FLUVIATILIS.

SPONGIA ramosa filiformis viridissima fragilis.

Rupp. *flor. jenens.* p. 308. tab. 3. f. 1. *Spongia fluviatilis ad confervam accedens.*

Plukni. *almag.* p. 356. tab. 112. f. 3. *Spongia fluviatilis anfractuosa perfragilis ramosissima.*

Loesel. *flor. pruss.* p. 172. tab. 52. *Muscus aquat. ceratoides.*

Lin. *flor. suec.* 1133. *Spec. pl. ed. I. sp.* 11. *Spongia fluviatilis.*

D E S C R I P T I O N.

Massæ interdum aut crustæ informes, in stagnantibus aquis; in fluentis forma ramosissima. *Rami* longi, tenues, filiformes, teretiusculi, creberimè confluentes. *Textura* rariuscula, fragilissima, etiam in recenti, e *fibris* capillaceis inordinatis, per ramos subadscendentibus, æquabiliter contexta. *Color* recenti obscurius viridis; odor pisculentus a muco quodam inhærente albido. Sicca friabilis, obsolete olivacei coloris est, combustaque vix evidenter animalem odorem spargit. *Vite* nullum vestigium.

Locus: Aquæ Europæ dulces, maxime rivuli in locis sylvestribus.

N O T A E.

Spongiam lacustrem LINNÆI (*Spec. plant. ed. I. sp. 10.*) non novi, nec forte ab hac specie differt. Evidentius differt *Spongia ramosa fluvialis mollis* a *Renealmio* (*in act. gall. 1714. p. 231. tab. 9.*) descripta, quam tamen, utpote mihi nondum visam, silentio transeo.

Spongia vulgaris fluvialis in aquis stagnantibus saepe crassis crustis fundum obducit. Talis crustæ fragmenta parvulis Phryganearum larvis, membranaceis tubulis in spongiosa substantia nidulantibus scatentes monstravisse mihi olim *Summum apud Göttingenses Botanicum Celeberr. Büttnerum* memini; nec similes unquam invenire ipse potui.

232. SPONGIA FISTULARIS.

SPONGIA tubulosa simplex attenuata rigida, extus tuberculosa.

Sloan. cat. p. 6. bift. I. p. 62. tab. 24. f. 1. Spon-
gia dura s. spuria, maxima, ramosa, fistulosa.

Seb. thes. III. tab. 95. f. 1 & 7.

Lin. spec. pl. ed. I. Syst. X. sp. 5. Spongia
fistulosa.

D E S C R I P T I O.

Sunt tubi trium saepe quatuorve pedum longitudine, amplitudine brachii, deorsum lente attenuati, extus papillis convexis, inæqualibus, confertim tuberculosi, intus læves. *Substantia* ubique crassitie circiter semipolllicari, versus amplioris extremitatis marginem paulo tenuior. *Textura* subsimilis *S. fulvae*, at densior duriorque & multo muco referta; unde siccata specimina e fulvo nigricant. *Mytilus folium* crebro exterius

adglutinatus tubis. observatur. Combustæ odor evidenter corneus.

Locus: Mare Americanum.

233. SPONGIA CRATERIFORMIS.

SPONGIA infundibuliformis molliuscula membranaceo-cellulosa, extus villofa, grossior.

*C. Baub. pin. p. 369. Spongia forma infundibuli. Mercat. metall. arm. 6. c. 2. p. 97. icon. p. 96.

Alcyonium primum antiquorum.

*Lin. sp. pl. ed. II. 9. Syst. X. sp. 9. Spongia infundibuliformis.

DESCRIPTIO.

Vidi aliquoties infundibuli seu *Madreporæ pilei* simillimam, sessilem, inæquali interdum limbi latitudine, margine extenuatam. Substantia in his speciminibus digitalis crassitie, gryseo-fusca, grossior, tomentoso-mollis, laxe cellulosa & membranulis albidis quasi obglutinata; exteriori latere ruditer subreticulata, areolarum angulis singulis molli villo notatis; interiori latere lævior, rario-ribus minoribusque villis. Pateriformem, regularem vidi apud Dn. WILH. VAN DER MEULEN; paulo difformiorem habet summis in Botanicam & universam Scientiam naturalem meritis *Immortalis* JOH. BURMANNUS. Massas simillimæ substantiæ, quos-dam subturbinatas, informes, albidiioresque habeo ex mari *Antiguam Insulam* alluente. Subsimilem quoque spongiositatem in Sussexiæ littore in parvis maf-fulis, aut & Fuco pinastroidi immixtam observavi.

Locus: Mare forte Americanum.

234. SPONGIA OFFICINALIS.

SPONGIA polymorpho-compressa sublobata tomentosa porulenta.

*Imperat. ital. p. 593. lat. p. 828. Sloan. cat. p. 6.
bifl. I. p. 62. n. 35. Spongia globosa.*

*J. Baub. bifl. III. p. 818. Spongiæ compressæ,
schiaacatæ.*

C. Baub. pin. p. 392. Spongia globosa.

*Tournef. inst. p. 575. Spongia ad usum præstan-
tissima, foraminibus exiguis pervia.*

*Lin. spec. pl. ed. I. sp. 1. Syst. X. sp. 1. Spongia
officinalis.*

D E S C R I P T I O.

*Massæ sessiles, subglobosæ, ovales vel oblongæ,
incertæ figuræ, sublobatae. Substantia mollis,
ex tomento quodam facta, panno laneo seu aga-
rico molito natura subsimilis, inæqualiter caver-
nosissima, fulvo-grysea. Odor combustæ ani-
malis.*

*Locus: Mare Mediterraneum, Rubrum &
forte Indicum atque Americanum.*

N O T A.

Arena ab inhærente mucagine pisculenta depu-
rari debent, ut usui aptæ fiant. Massas hujus Spon-
giæ ex mari rubro allatas vidi ostreis quibusdam
oblongis, extus tenerrime scabris, refertissimas.
Majora Ostrea altius Spongiæ immersa erant,
minora in superficie creberrima valvulis hiabant.
Specimen ipse habeo.

Ex Mari Americano Spongias accipimus simili-
mas figura & natura, at multo teneriores, den-
siores & albicantes.

Grossior in officinis obvia *Spongia* diversæ forte speciei est ; mihi non satis de ea liquet.

235. SPONGIA PANICEA.

SPONGIA amorpha albida mollis tenuerrima, subtilissime porosa.

*Raj. syn. p. 31. *Alcyonium ramosum*, molle, medullæ panis intus simile.

Seb. thes. III. tab. 96. f. 4. tab. 99. n. 3.

Ellis. cor. p. 80. n. 2. tab. 16. f. d D. *Spongia* medullam panis referens.

D E S C R I P T I O.

Masse informes, diffusæ, nunquam digito crassiores, Fucis & Tubulariis, Sertulariisque intertextæ & circumcretæ. *Substantia* albida, mollis (consistentia alburni ex scirpo,) subtilissime cellulosa; superficies lævis, teneriter porosa.

Locus: Mare circa Angliam & Belgium.

236. SPONGIA CERVICORNIS.

SPONGIA ramosissima tenax, ramis teretibus solidis subvillosis.

D E S C R I P T I O.

Fruticuli pumili, palmares, dichotomi, ramosissimi. *Rami* calamo crassiores, teretes, ad axillas compressi, subadtenuati. *Substantia* rigidiuscula, tenax, ex fibris subadscendentibus dense contexta, extus hispidula, grysea. *Odor* combustæ animalis.

Locus: Mare Mediterraneum.

237. SPONGIA MURICATA.

SPONGIA suberosa ramosa, ramis divaricatis cylindricis, undique villis creberimis muricatis.

Seb. thes. III. p. 188. tab. 99. f. 7. Spongia ramis crassiusculis, tenax, tota superficie apiculis tenuibus, mollibus dense consita.

D E S C R I P T I O.

Truncus crassitie digitii, eretiusculus, in plurimos statim diffusus ramos divaricatos, subdivisos. *Rami* crassitie calami scriptorii, subadtenuati, undique *spinis* linearibus, mollibus, confertissime muricati. *Spinæ* quoque divaricatae, apice saepe bi- vel trifidæ. *Substantia* totius subere paulo grysea.

Locus: Littora Guineæ add' Elminam (Seba.)

238. SPONGIA RUBENS.

SPONGIA subramosa difformis mollis, poris majusculis sparsis.

*Imperat. ital. p. 599. lat. p. 838 Alcyonium foraminosum s, quartum Dioscoridis.

Sloan. cat. p. 7. hist. I. p. 63. tab. 23. f. 5. Spongia minor & molior medullæ panis similis, fibris tenuissimis.

Mercat. metall. arm. 6. c. 8. p. 106. Tertium quinti generis Alcyonium.

Seb. thes. III. tab. 96. f. 2.

*Lin. sp. plant. ed. I. sp. 3. Syst. X. sp. 3. Spongia nodosa.

DESCRIP T I O.

Subramosa, difformis, digiti crassitie; ramis confluentibus obtusis. Pori magni, bifariam ordinatius in quincunes per ramos dispositi. Substantia tenax, mollis, tenera, tomentosa, cellulosæ texturæ: laxior, grossiorque quam in *S. oculata*. Color ex gryseo-rubens vel albidus. Odor combustæ animalis. Habitum optime exprimit citatæ Mercati imprimis & Sebae icones. At non colorem Sebana.

Locus: Mare Americanum.

239. SPONGIA OCULATA.

SPONGIA ramosissima mollis tenera flavescentia, ramis teretiusculis, poris sparsis prominulis.

C. Baub. pin. p. 369. Spongiosus fucus.

Parkins. theair. 1304. Raj. syn. p. 29. n. 1. Ellis cor. p. 80. n. 1. tab. 32. F. Spongia ramosa britannica.

Ruysch. thes. animal. I. tab. 5. Spongiodes ramosissima, marina, oculata.

Boccon. mus. ital. p. 258. tab. p. 116. Spóngia rámosa, oculata, viridis, fruticosa.

Boerb. ind. alt. p. 8. Spongia ramosissima oculata.

Pontopp. notv. I. p. 276. tab. 12.

Lin. hort. Cliff. p. 480. Spec. plant. ed. I. sp. 2.

Syst. X. sp. 2. Royen. prodr. p. 521. n. 2. Spongia (oculata) tenax ramosissimá erecta, ramis teretiusculis obtusis.

Seb. thes. III. tab. 97. f. 5, 6, 7. Spongia erecta, ramosa, mollis ac subtilis.

D E S C R I P T I O.

Fruticuli rarius subpedales, ramosissimi. Rami inordinatius alterni, teretiusculi, adscendentes, obtusi, crebro confluentes. Pori majusculi, ple- rique bifariam per ramos sparsi, prominuli, limbo tenerrimo subconniventes. Substantia mollis, tenaciuscula, tenera, flavescens seu grýseo-pal- lida, ex tomento quasi denso contexta. Odor combustæ insigniter animalis.

Locus: Mare inter Angliam & Belgium.

240. SPONGIA PAPILLARIS.

SPONGIA crustacea tenera mollis pa- pillosa, papillis perforatis.

**Seb. tbes. III. tab. 97. f. 3.*

D E S C R I P T I O.

Crustæ supra corallia, testacea rupesve diffusæ, inæquales; in superficie prominulæ papillæ coni- cæ, magis minusve productæ, distinctis vel coad- unatis in tubera; quarum singulæ foramine in- signi, totam crustam perpendiculariter permeante pertusæ sunt. Substantia sūmiliama. Si oculæ, at minus tenax, pauloque durior, sicca friabi- lis. Color elotórum specimenum ex gryseo albus, cum gelatina siccatorum fuscus. Odor combustæ animalis. Icon Imperati ad S. rubentem citatus, foraminum magnitudine hanc potius exprimit.

Locus: Mare Americanum.

241. SPONGIA FASTIGIATA.

SPONGIA tenera duriuscula tenax tubulo-so-ramosissima, ramis fastigiatis truncatis.

Seb. thes. III. tab. 97. f. 2.

**Lin. sp. pl. ed. I. sp. 6. Syst. X. sp. 6. Spongia tubulosa.*

DESCRIPPIO.

Fruticulus palmaris vel ultra, pumilus, diffusus, extus lævior; totus tubulosus seu intus cavus, creberrime subdivisus fereque dichotomus. Rami breves, conferti, varie compressi, fastigiati, extremitate præsepti seu truncati, sæpiusque subturbinato-undulati. *Substantia* tex-tura & colore similis *S. oculatae*, at longe durior tenaciorque & extus quoque paulo densior.

Locus: Oceanus Indicus.

242. SPONGIA VILLOSA.

SPONGIA tenera tenacissima cava, ex-tus muricata, intus lævis.

Sloan. cat. p. 7. hist. I. tab. 25. f. 4. Spongia dura sive spuria, superficie apicibus acutis exasperata.

Brown. jam p. 74. n. 5. Spongia fistulosa ma-jor, flexilis, porosa & prominulata.

Lin. sp. ed. I. f. 7. Syst. X. sp. 7. Spongia spinosa. *Petiv. pterigr. tab. 19. f. 9. Spongia typhoides.*

Rumph. amb. VI. p. 255. tab. 50. f. 2. Chiro-theca marina; Sarong-tangan-laut.

DE-

D E S C R I P T I O.

Ex America plerumque adfertur bivalvis, ostreo cardine affixo subsimilis, plerumque ex binis pluribusve confluentibus cavis quasi multilocularis. Valvulae planiusculae, intus concavae, obsoletius porosae; extus subtilibus poris pertusae atque sparsae villis acuminatis, ex fibris radiatim quasi protractis; margo valvularum extenuatus est, similibusque villis dentatus. Substantia paucide grysea, tenacissima, e fibris subtilissimis, inordinatis densissime contexta, extus fibrillis rarioribus in villos convergentibus substellata. Odor combustae animalis.

β . Vidi eandem aliquoties substantiam, effictam in tubos pedales vel ultra, cavos, ex angustiori pedunculo sensim dilatatos, extus simillima ratione villosos.

Locus: Mare Indicum & Americanum.

N O T A.

Tubiformis varietas specie diversa videri posset, nisi substantia simillima & multiformis alterius habitus utramque jungere suaderet. *Petiveri*, *Rumphiique* icones tubæformem rudius expriment. *Brownius l. c.* suam circa ligni putrida fragmenta crescere dicit, & citat *Sloaniū* qui evidenter varietatem *bivalvem* delineat. Internus valvularum lavor indicare utique videtur adfuisse corpus, circa quod Spongia sese diffundere potuit. At *Rumphius* tubos suos naturaliter cavos dicit & plures simul crescere, forma varios, brachii puerilis saepe crassitie. In cavis tuborum cancelli aliqua habitant parasitica.

243. SPONGIA SINUOSA.

SPONGIA crustacea tenera tenax, superficie sinubus creberimis cavernosa.

DESCRIP T I O.

Incrustat varia corpora, semipollicari circiter strato; interna crustae facies poris cæcis inæquilibus sparsa, exterior cavitatibus majusculis; oblongis vel cotoyloideis, confertissimis obsita. Substantia tenaciuscula, mollis, griseo-flavescens, ex fibris maxime perpendicularibus, per creberimas anastomoses tenerioresque fibrillas contextis, facta. Crustarum margo tenuiter vel instar diffunditur & sensim crassescit atque cavernosus fit. Odor combustæ animalis.

Locus: Oceanus Indicus?

244. SPONGIA CAVERNOSA.

SPONGIA amorpha sessilis tenacissima cavernosa, superficie crebris papillis prominulis.

DESCRIP T I O.

Massa pugni magnitudine vel ultra, oblongæ, gibbæ, rupibus adnatæ, cavernosissimæ, superficie, inter cavernositatem, papillis elongatis, subacutis muricatae. Substantia flavescenti-albida, natura *S. officinali* simillima, at durior paulo, multoque cavernosior. Massis quibusdam colorem intus fulvum, ut *S. officinali*, deprehendi.

Pri-

Primordia hujus speciei molliora, albida, tenuerrima.

Locus: Mare Americanum.

245. SPONGIA FRONDOSA.

S P O N G I A frondosa lacera, tenax, subreticulata, altero latere laciniosa.

Turgot. mem. instr. tab. 24. f. A. (satis bona.)

D E S C R I P T I O N E

E trunko brevi teretiusculo, silici innato, frondes subreticulatae, varie distortae, sensim dilatatae, lacinioso-lacerae, in plano rudiori diffusa, ad semipedalem circiter altitudinem. Ominus frondium latus alterum lave, foraminulum seu subreticulatum, alterum strigosum, papillis compressis, tubulis parvulisque frondibus hirtum. Substantia tenacissima, grysea, compactior quam in Sp. officinali, ex fasciculis anastomosantibus subreticulata.

Locus: Oceanus Indicus.

246. SPONGIA FOLIASCENS.

S P O N G I A foliacea laciniata tenax, altero latere exeso-scabra.

Petiv. pterigr. tab. 19. f. 4. Spongia foliata aspera.

Rumpb.

- Rumph. amb. VI. p. 254. tab. 90. f. 1.* Spongia infundibuliforma.
Clus. exot. l. 6. c. 11. p. 125. Worm. mus. p. 236. Spongia elegans.
Petiv. pterigr. tab. 19. f. 6. Spongia infundibuliformis.
Mus. Richter. p. 384. tab. 14. f. F.

D E S C R I P T I O.

Frons latitudine pedalis, tenuis, sessilis, subturbinate, lacinioso-lobata, rigidiuscula. *Latus* alterum creberrimis sulcis reticulatum, velut a vermiculis superficialiter exesum, interstitiis sulcorum prominulis, truncato-planis; latus oppositum levigatum, sparsim exesum, versus frondium marginem sulcis creberrimis parallelis quasi fimbriatum. *Substantia* pallide grysea, compacta ac veluti suberosa, tenacissima. *Odor* ad ignem animalis.

B. Juniora specimina infundibulum emulantur expansum, quod altero latere finditur & demum in frondem laciniosam explicatur.

Locus: Oceanus Indicus.

N O T A.

Citatæ sub litt. *B.* icones primordium hujus speciei infundibuliforme referre videntur. *Balani* interdum in levigata facie nidulantes observantur, qui in altera facie tubercula tum excitant. Secundum *Rumphium* recens hæc *Spongia* flaccida est & mucosa.

247. SPONGIA STRIGOSA.

SPONGIA suberosa mollis, fronde plana laciniosa, utroque latere porcis clathrata.

Seb. thes. III. p. 184. tab. 95. f. 8. Planta marinæ foliacea & spongiosa, singulari modo ramosa.

D E S C R I P T I O.

Frons palmaris, erecta, oblonga, crassa, lacinioso-sublacera, trunco compresso. Superficies ultraque porcis longitudinalibus, crassis, undulato-interruptis, per exiliores passim anastomoses transversas concatenatis, strigosa & quasi clathrata. Substantia subere mollior & fungosior, tomentosa, densa, gryseo-flavescens. Odor combustæ animalis.

Locus: Mare Americanum.

248. SPONGIA AGARICINA.

SPONGIA compressa lobata sessilis tomentoso-reticulata, extus villis muricata.

D E S C R I P T I O.

Corpora sessilia, subauriformia, compressa, crassa, sublobata. Substantia tomentosa, mollis, tenaciuscula, fusco-lutea, ex ramentis seu fasciculis tomentosis & villosis contexta, cavernulosa,

fa, extus subreticulata & fasciculorum prominentium molibus mucronibus hispida. *Odor æquoreus*, combustæ evidenter animalis. Ex binis solis speciminibus descripsi.

Locus: Oceanus Indicus.

249. SPONGIA TUPHA.

S P O N G I A ramosa rara mollis, ramis adscendentibus subacutis undique villoso-muricatis.

Imperat. ital. p. 594, 595. lat. p. 830. 832.
Spongia forma arborea s. Tupha.

Marsil. hist. mar. p. 81. tab. 14. n. 71. Typha marina.

D E S C R I P T I O.

Fruticuli majusculi, ramosissimi. *Rami* breves, conferti, compressiusculi, crassiores quam in *S. muricata*, adscendentes, subacuti, passim confluentes. *Substantia* lanuginea, reticulata, rara, mollis, tenaciuscula, superficie strigosa, *villis* molibus muricata.

Locus: Mare Mediterraneum.

250. SPONGIA MEMBRANOSA.

S P O N G I A amorpho- subramosa, membranis cellulosa, extus muricata, purpurascente nigra.

Seb. thes. III. tab. 95. f. 3. (Massa oblonga.)


D E S C R I P T I O.

Substantia e membranis purpureo-atris molliusculis, siccatione rigescitibus, inordinate contexta, cavernosissima, extus, ubi membranæ concurrunt, spinis triquetris, mollibus muricata. Reperiuntur saepius massæ informes, qualem delineavit Seba. Unicum habui specimen quod in flagellum tres cum cimicio pedes longum, digitis crassitie, adtenuatum, unicum rantium exserens, excreverat.

Locus: Oceanus Indicus.

N O T A.

Plures Spongiarum species apud *Plancum*, *Botanicosque* occurunt, quas mihi non visas prætermitto & ulteriore examine confirmandas relinquo.



GENE.

GENERA AMBIGUA.

PRO complemento HISTORIÆ ZOOPHYTORUM addere visum est genera aliqua a nonnullis auctoribus eorundem ordini accensita; TÆNIAS nempe cum VOLVOCE, animalia a Linnaeo ad Zoophyta relata & CORALLINAS, vera vegetabilia, duce Eliisio animalculis marinis plantæformibus, quibuscum aliquam similitudinem obtinent, vulgo adnumerata.

Priora duo sub *ambiguorum Generum* titulo proposui, quia *Tæniæ*, certe quædam earum species, magnam cum *Vermibus* ex ordine *Intestinorum* Ill. *Linnæi* affinitatem habere videntur; *Volvox* vero, simplicissimis & minutissimis Zoophytis, *Brachionis* adjiciendus forte erit, quo ex genere universa *animalculturum infusiorum* & *microscopicorum* vulgo dictorum natio derivanda fere videtur.

Corallinas e censu vegetabilium esse, infra argumentis variis evincere studebo. Quod vero easdem ambiguis tantisper generibus adjecerim, ideo feci, ne magnas, quæ pro earum animalitate pugnant, autoritates spernere viderer. In his si erravero, observationum hucusque prostantium paucitas & argumenti gravitas apud gnaros me facile excusabunt.



I. TÆNIA.

Tæniæ naturam Zoophytorum subanalogam esse primus evulgavit Ill. LINNÆUS (*Diff. rum ord. de Tænia*); & certe si solas in quadrupedibus *naturalis* vulgo obvias species consideres, Linnæana hypothesis ut vero proxima videatur necesse est. Dubia tamen subnascentur, si reliquorum animalium vermes intestinales, ad Tæniarum genus necessario referendos perlustraveris, aut si habitum & fabricam Tæniarum nulli Zoophytorum analogam & multis momentis potius *Intestiniformibus Vermibus* affinem esse ponderabis. Verum tanto adhuc laboramus observationum de Tæniæ natura paupertate & eorum, quæ exstant, levitate, ut *Linnæi* sententiam neque affirmare neque impugnare consultissimum sit. Quando species Tæniarum per omnia animalia pervestigaverimus, omnesque singularum varietates cognitas habebimus, dispelli occipient tenebræ earum nunc involventes naturam, cui illustrandæ per totam vitam operam navare apud me constitui.

Teniam unicum & continuum esse animal, qui cunque integrum, imprimis vivam viderit, ne subdubitabit quidem. Explosa hinc dudum est *continuitas*. antiquorum quorundam medicorum & scholæ *Vallisnerianæ*, de concatenatis in *Solium cucurbitinis* ridicula sententia.

At veram Tæniæ fabricam eruere, hoc opus, hic labor est. Articulatum vel rugis saltem transversis intersectum Tæniarum plerarumque corpus in singulo articulo vel qualibet ruga propria viscera glandulasve, & papillas seu oscula atque ductus, verosimillime ad illa viscera ducentia

exhibent. Harum Tæniarum corpus altera extremitate in summam tenuitatem angustatur, ibique viscera vel vix, vel prorsus non apparent. Maximi alterius extremitatis articuli viscera omnia perfectissima fistunt. Hæc cum intermediorum articulorum decrescente versus filiformem partem perfectione, docere videntur: Tæniam vix per exilem eam filiformem extremitatem posse nutriri; eandemque altera extremitate crescere, articulisque ibi sensim quasi maturescere. Confirmatur hoc porro per facilem majorum articulorum secessum, quos sine suo discrimine ullò copiose, & fere sponte demittunt pleræque Tæniæ, quosque ova Tæniarum aliqui, plerique Cucurbitinos, certe in quibusdam speciebus, vocarunt. Accedit quod *Tænia canina*, prout infra dicetur, cucurbitaceos articulos nonnisi rubris moleculis refertos demittat, quæ pro ovulis haberi possent.

Sequeretur ex his Tæniam esse *Zoophyton* concatenatum ex pericarpiis quasi seu ovariis, quæ continuum quidem systema constituant & communis vita gaudeant, singula tamen propriis organis nutritoriis instructa sint, successive adolefcant, maturescant, tandemque defluant & ovula forte intus maturata disseminent, ipsa pereuntia. Simile quid in naturæ universo terreno systemate hucusque observatum esse non novi (*) & inauditam prorsus indolem esse nemo negabit; multa tamen hypothesis istam commendant & tantis quotidie adsuescimus naturæ miraculis, ut nihil amplius stupendum videri debeat.

Ae-

(*) Affinitatis tamen est proprietas quorundam ex vermiculis aquaticis a *Roeselio*, *Tremblejo*, *Bonneto* aliisque observatis, qui dissecti restaurantur & saepius spontanea secessione multiplicantur.

Aegrius hæc concipiuntur in Tæniis quarum fabrica in breviori corpore magis continua est, quasque non in singulis rugis propria organa nutritoria, sed unicum pro toto animali os in extremitate habere credibile est; veluti sunt imprimis *T. hydatigena*, latæ varietas *equina* & *hæruca*. Sed in aliis quoque *Zoophytorum* generibus, v. gr. *Brachionis*, *Madreporis*, tantas specierum observamus differentias, habitu, fabrica & generandi modo, ut hoc quoque dubium superabile videatur.

Neque repugnat supra traditæ hypothesi, quod Caput Tæniæ fere omnes in attenuata extremitate capitulo organicæ structuræ gaudeant, quo affixæ vivunt, quodque, ut dixi in nonnullis certe oris vicem gerit. Illud enim velut radix Zoophyti vocari posset.

Caput antiquiores incassum in crassiori Tæniarum extremitate quæsiverunt. Optime ceteroquin quatuor Tæniarum species describens *Linnaeus* illud in suis speciminibus vel non servavit vel videre non potuit, tenaciterque negavit. At genuinum viderunt *Malpighius*, *Andry*, *Car. Bonnetus*, *Rædererus*, *Rosenius* & ante hos forte *Febrius*; plurimisque Tæniarum speciebus ipse olim in Dissertatione (†) raptim conscripta vindicavi. Tæniis evolutionis & incrementi impedimentum nullum perpessis, quas hucusque vidi; omnibus capitis quædam species in fili extremitate semper adfuit; si Tæniam *Gasterostei*, quæ forte *T. latæ corrupta* est varietas & singularem vermem fascialem *Bramæ* ad *T. nodosam* forte referendum, ambo imperfecta forte nec plenarie evoluta animalia, exceperis.

Hæc

(†) P. S. Pallas *Dissertatio de infestis viventibus intraviventia*. Lugd. Bat. 1760. 4to.

Tæniæ
origo.

Hæc tamen omnia Tæniæ naturam non multum illustrant, nec mihi ipsi ista de Tæniæ natura hypothesi satisfacio. Facilius concipi posset qua ratione Tæniæ in animalibus tantum generentur & quomodo *T. hydatigena* in cellulofam peritonæi penetret, ad quam per tenuissima tantum vasa exhalantia patet aditus. Credibile enim est minutissima esse Tæniarum ovula, prout & *Ascaridum* certissime sunt. Hinc in corpus animale delata per satis angustos vasorum canales propelli poterunt, intimosque recessus adire. Cum animalium excrementis disseminata ea ovula, ob magnum numerum & parvitatem, ubique & ciberrime obvia esse & cum alimentis assumi debent. Non repugnat ea diu extra corpus animale durare & sicca quoque cum pulvere vago circumvolitare debere; experimentis enim novimus quorundam *Monoculorum* ovula & *Brachionos*, imo *Hydram* quoque *viridem*, exsiccata durare & aquæ redditæ reviviscere. *Brachioni* & *Monoculi* sic etiam a vento disseminari solent. — Non autem excludentur Tæniarum ova, nisi apto caloris gradu, aptoque in loco; exclusa dein naturæ convenienti nutrimento foveri debent. Sic avium ova certo caloris gradu, materno proximo excludi debent. Imo magis huc facit observatio in *Truttarum* ovis nuper facta, qua constitit, ea purissimam glaream requirere, ut foetum producant, cuicunque vero vel impuritati vel luto contigua putrescerent. — Sed absint hypotheses utcunque veri specie nobilitatæ; ipsas videamus *Tænias*, quarum forte nonnullas specie distinctas esse invenientur, quas nunc loci & alimenti natura sic mutatas tantisper putavi. Plurimas tamen non figura solum, sed tota fabrica differre videbimus.

I. TÆNIA CUCURBITINA.

TÆNIA longa, articulis quadrangulis,
osculis marginalibus solitariis.

Plater. prax. cap. 14. Vermis cucurbitinus.

Amat Lusitan. cent. I. cur. 6. schol. Coulet. mo-
nogr. 1729. Ascaris.

Beverw. thes. p. 202. tab. 202. f. 3.

De Heyde exper. 5. p. 47. e icon. Lumbricus
latus. (icon optima.)

Tyson. act. angl. 1683. n. 146. tab. I. Cleric.
lumbr. c. 5. p. 37. seq. tab. I A. Lumbricus
latus.

Andry verm. cap. 3. f. 5. (bona) Cleric. lumbr.
p. 69. tab. I B. Solium.

Valisn. verm. p. 63. Cleric. lumbr. p. 78. tab. 2.
Vermium cucurbitinorum catena..

Hill. anim. p. 16. Sicyania (articuli.)

Lin. amœn. ac. II. p. 74. tab. I. f. I. Faun. su.
I. 1267. II. 2264. Syst. X. sp. I. Tænia so-
lium.

Dionis diss. Tænia articulos demittens.

Bonnet. act. peregr. I. p. 511. Tænia articulis
longioribus.

Raulin. morb. aër. 1752. append. tab. f. 1-4.

Ræder. progr. de tæn. 1760.

Diss. de inf. viv. p. 38. n. 4. Tænia cucurbi-
tina.

D E S C R I P T I O.

Corpus longissimum, planum, crassiusculum,
niveum, altera extremitate adtenuatum, distincte
articulatum. Articuli substriati, posticis limbis

imbricati, latioris extremitatis oblongo-quadrati, versus filum sensim proportione breviores, ut in filo transversas tantum rugas referant. *Caput* in apice fili, truncatum, uncinolorum serie coronatum & quatuor osculis papillaribus angulatum. *Papillæ* per corpus dispositæ marginales, turgidulæ, osculo notatæ, singulis articulis plerumque singulæ, sine ordine dextræ vel sinistræ; rarissime in eodem articulo piures. *Substantia* subcartilaginea, hyalino-alba, in majoribus articulis ductibus pinnato-ramosis, opacis distincta. Ultimi seu maximi articuli sponte abscedunt & cum excrementis rejecti, *VERMES CUCURBITINI*, *Lusitano* & *Couleto* autem *Ascarides* vocantur. Hi per se aliquamdiu vivi articuli, globulis minimis, albidis scatent, qui forte *ovula* sunt.

Locus: Animalium lactiferorum, imprimis carnivorum intestina.

N O T A E.

In viva *Tænia cucurbitina* articuli omnes contractiores sunt, ut corpus evidenter continuum appareat. Peristaltice movetur & limbis articulorum posticis, in viva turgidulis & arrectis, utitur prout colubri scutis. Non semper solitariam, sed plura simul individua in eodem sæpe animali reperi hodie certo constat. Cum *Ascaridibus* etiam *lumbricoideis* aut *Tænia canina* promiscue vivit. In frigidis animalibus non observatur. Maxime frequens est in Belgis, Germanis, Septentrionali-oribusque Europæ populis; copiose etiam canes & feles infestat. In *Mure musculo* & *campestri* eandem pariter reperi. Inter omnes species *Tæniarum* curatu difficultima est, quum ob teneritudi-

dinem internodiorum facilime rumpatur tumque ex relicto filo restaurari soleat. Longitudinem in homine vigenum aut trigenum pedum adipisciatur. In canibus nunquam 2, tribusve ulnis longiores inveni; aliquando majorem unam & complures simul minores. Aliqua digitalis latitudinis fragmenta ab hominibus expulsa vidi, quorum substantia etiam pro portione crassa erat. Plerumque tamen multo angustiores esse solent Tæniæ cucurbitinæ.

Linnæus in ochra fontis Jærnensis (*Faun. su. ed. I. 1266. Amæn. ac. II. p. 93.*) & *Unzer* in publico quodam puteo (*Promptuar. Hamburg. VIII. p. 3. n. 6. Klein. Herpetol. ad calc.*) hanc Tæniæ speciem a se repertam fuisse asseruerunt, at nondum minus credulis persuaserunt. *Linnæus* deinde notabili inconstantia aquaticam suam Tæniam, una cum simili, a *Gaddio* quodam Sueco in palude *Pispala* inventa, ad *T. vulgarem* relegavit (*Syst. nat. ed. X. p. 120. sp. 2. Faun. su. ed. II. 2262.*) unde & quod nullibi accuratius & solide eam descripsérit minuitur observationis hujus paradoxæ fides. *Ego* extra animale corpus Tæniam, nisi casu, reperiri haud credo. Quanquam etiam *T. caninam* in aquis vivere ex iconè quadam suspicatus sit *van Doevert* (*Diss. de Verm. p. 35.*) & *Tiffotus* quoque nuper Tænias aquis inesse affirmaverit (*de morb. nigro.*)



2. TÆNIA CANINA.

TÆNIA longa moniliformis plana;
osculis marginalibus oppositis.

*Lin. amœn. ac. II. p. 82. tab. 1. f. 6. a b. Act.
holm. 1747. tab. 5. f. a. Syst. nat. X. sp. 4.
Faun. su. II. 2265. Tænia canina.
Diff. de inf. viv. p. 48. n. 5.*

DESCRIP TIO

*Corpus parvum lacteum, tenuissimum, tenerum;
planum, ex articulis postica versus lanceolatis
ovatisve, versus filiformem extremitatem obro-
tundis concatenatum. Oscula, ut videtur, ple-
rumque opposita, crenula marginis sola indican-
tur. Caput minutissimum, fere ut in præcedenti.
Substantia subdiaphana, homogenea, in tumidis
postremis articulis rubris globulis fœta, qui an-
non pro ovulis habendi sint inquirendum.*

Locus: Canum, luporum, felium & forte
hominis intestina.

3. TÆNIA GRYSEA.

TÆNIA membranacea longissima sub-
grysea, articulis quadratis medio nodosis,
biosculatis.

*Thadd. Dun. misc. med. c. 15. Spigel. monogr.
(c. icon.) Cleric. lumbr. p. 129. tab. 5. f. 1.
Lumbricus latus.

Guil.

- Guil. Fabric. obs. cent. 2: obs. 70. (c. icon. bon.)*
Cleric. lumbr. p. 132. tab. 6. f. 2. Lumbricus latus.
Borrich. act. bafn. vol. 2. p. 148. tab. 39. Lumbricus latus.
Tulp. obs. tab. 2. c. 42. Cleric. lumbr. p. 159. tab. 8. f. 1 B. Andry verm. c. 3. Tænia.
Cleric. lumbr. c. 7. p. 136. tab. 7. Tænia prima Plateri.
Lin. amæn. ac. vol. 2. p. 7. tab. 1. f. 2. Syft. X. sp. 2. Faun. su. I. 1266, II. 2262. Tænia vulgaris.
Diss. de inf. viv. p. 30. n. 1.

DESCRIPTO.

Corpus longissimum, adtenuatum, latiusculum, membranaceum, molle, ex gryseo album, marginibus lateribus crispulis. Articuli transversim oblongo-quadranguli, longitudine latudinis dimidia, immo minore. Nodi singulis articulis mediis singuli, ab altero latere Tæniæ prominentiores, a glandula interna, subpinnata orti & a gibbosiore latere notati osculo papilla instructo & poro ante illud minutissimo longitudinali. Caput nunquam vidi. Portiones corporis laterales in latus corporis osculiferum valvarum instar collabuntur, quod non in sequenti.

Locus: Hominis, aliorumque forte animalium intestina.

NOTE.

Hujus Tæniæ *caput* autores in latiori extremitate posuerunt. Verum autem, certissime in filiformi pariter extremitate quærendum, vix ab Cc 5 usq;

ullo, quod sciam, observatum est; nisi *Febrii* forte Tæniam huc pertinere dicas. Colorem, etiam recentis, non prorsus album, sed gryseo imbutum sive pallidum esse certum est; ideoque nomen triviale a *Linnæo* eidem inditum mutavi, ne *vulgarem* vocarem quam semper *T. cucurbitina* rariorem deprehendi. — Magnæ longitudinis observata fuit *Tænia* nostra *gryea* & cum sequenti reliquas omnes species magnitudine antecellere solet. Synonyma supra addata pleraque huc pertinere videntur; nimium tamen sequenti speciei hæc nostra affinis est, quam ut illud pro certo affirmare audeam.

4. TÆNIA LATA.

TÆNIA lata candida, articulis brevissimis medio nodosis, uniosculatis.

Plater. prax. c. 14. *Tænia prima.*

Dionis. diff. *Tænia articulos non demittens.*

Bonnet. act. peregr. I. p. 478. figg. *Tænia articulis brevioribus.*

Lin. amœn. ac. II. p. 7. tab. 1. f. 3. Syft. X.
sp. 3. Faun. su. II. 2293. *Tænia lata.*

Diff. de inf. viv. p. 35. n. 2.

** Lin. it. gotl. p. 250. germ. p. 268. Syft. VIII:*
tab. 5. Faun. su. I. 1274. II. 2075. *Fasciola.*

DESCRIPTIO.

Corpus longissimum, candidum, latum, planum, altera extremitate adtenuatum in filum longissimum. *Articuli* multoties breviores latitudine corporis, transversim striati, medio glandula tumidi, & corpus sulcis utrinque ad glandulas circiter tribus, longitudinalibus exaratum. *Oscula* alte-

altero latere corporis, in media glandula in idem latus tumidiore, solitaria. (**Caput* in extremitate fili, ex quatuor papillis cavis compositum. *Bonnet.*)

Locus: Helvetorum, variorumque quadrupedum intestina; β. in cavo alvi *Gasterosteus aculeatus*.

N O T A.

Caput hujus Tæniæ a *Bonnet* ex homine descriptum diversum est a plerarumque Tæniarum norma; nempe pars inter papillas producta, uncinulisque coronata, quæ in *T. cucurbitina*, *cannina* & *hydatigena* distinctissima est, huic deficit. Multarum ulnarum longitudine ex hominibus de- pellitur. Præsertim Helvetos infestat, unde, quum facilius, quam reliquæ Tæniæ, præsertim *T. cucurbitina*, medicamentis extirpari possit, nata est specificorum in Helvetia *Herrenschwändiani* & *Moratensis* fama. Extra Helvetiam rara in hominibus observatur, saltem multo rarius quam vel *T. grysea* vel *cucurbitina*. — In canibus mihi nunquam visa est, *Linnæus* vero in Suecia obser- vavit frequentem. — In equorum ventriculo præ- ter *Larvas æstri equini*, *Ascarides lumbricoides* & *pol- licares maximas*, réperiuntur interdum Tæniæ lati- tudine digiti, 1, 2, 3, rarius octo decemve pol- lices longæ, niveæ, rugis creberrimis imbricatae, glandulis osculisque visilibus destitutæ, utrinque obtusæ, alteraque extremitate instruetæ capite magnitudine lenticulæ, subquadragulo, antice plano & quatuor foraminibus perforato, quo ad- hærent tunicis. Capitis structura & facies lon- giorum ex his Tæniis eas hujus spe- ciei degenerem esse varietatem ut credam sua- det;

det; pabuli enim & potus in ventriculo equino naturam & frigiditatem multa posse quis dubitat. — Tæniam in *Gasterosteorum* vulgarium cavo abdomine reperiundam, hinc quoque ad *T. latam* referri debere credo, quamvis capitum omni specie destituta sit & exsucca, utpote in parvuli & macri pisciculi alvo male pasta. Hanc in Gasterosteis satis frequentem Tæniam quare cum *Fasciola hepatica*, quæ vere ex aqua originem dicit, toto cœlo diverso animali conjunxit *Ill. Linnæus* non concipio. Pariter paradoxa mihi semper visa est distinctio ab eodem facta, inter *Ascarides lumbricoideas*, (quæ sunt veri Medicorum Lumbrici, omni ferme animalium generi infesti & pro *Ligula canum* a *Platero* memorata certissime habendi,) & *Lumbricum intestinalem*, quem numero annulorum & asperitibus cum terrestri convenire tradit. An in Suecia duplex vermium teretium genus homines infestat? In universa reliqua Europa sola pro Lumbrico tereti medicis venit *Ascaris lumbricoidea*; in innumerisque præterea animalibus eadem observatur, magnitudine quidem pro animalium mole & nutrimenti conditione diversa, strūctura vero externarum pariter atque internarum partium constanter una & a *Lumbricis terestribus* omni respectu diversissima. — Etiam veram *Ascaridem pollicarem*, (acumine alterius extremitatis aciculari, a *van Phelsum* pro cauda perperam habito singularem & in Equis ad sesquipollicarem magnitudinem excrescentem, cum in plerisque animalibus, quæ infestat, homine, gallinis cet. vix transversum digitum æquet,) qui mihi, inquam, veram talem in humo aut aquis viventem monstraverit, magnus erit Apollo. Vermiculos muscarum ascaridiformes in humo viventes pro Ascaridum intestinalium consanguineis habuisse vindentur,

dentur, qui has extra animale corpus quæsive-
runt.

5. TÆNIA HYDATIGENA.

TÆNIA rugis imbricata, corpore posti-
ce bulla lymphatica terminato.

Tyson. act. angl. n. 193. *Lumbricus hydro-*
picus.

Hartman. misc. nat. cur. dec. I. an. 7. obs. 206.
dec. II. an. 4. obs. 73. *Hydatis animata.*

Diff. de inf. viv. p. 50. n. 6. *Tænia hydatoidea.*

DESCRIPTIO.

Corpus albissimum, depresso, linearis-lanceo-
latum, rugis crebris, imbricatis articulatum.
Oscula conspicua nulla. Caput in antica extre-
mitate, constans quatuor papillis pertusis & api-
ce crasso, truncato, uncinulis coronato. Postice
corpus terminat hydatis membranacea, lymphati-
ca, striis tenuissime annulata & inversa corporis
ratiōne accrescens.

Locus: Cellulosa peritonæi in ruminantibus
& cystides hepaticæ in gliribus.

6. TÆNIA PISCUM.

TÆNIA continua, medio nodosa, oscu-
lis crebris marginalibus alternis, punctisque
unilateralibus solitariis.

Diff. de inf. viv. p. 37. n. 3. *Tænia rugosa,*
osculis marginalibus, punctisque unilateralibus
solitariis.

B. Ruyseb.

β. Ruy sch. observ. 64. oper. I. p. 61. tab. fig. C
Cleric. lumbr. tab. 3. f. 13. Lumbricus latus
piscis Alburni.

D E S C R I P T I O.

Corpus niveum, planum, undulato - rugosum, hinc attenuatum, apice filiformi, terminato papilla truncata intestino infixa. *Glandulæ* serie longitudinali, transversim oblongæ, opacæ, conferatae, altero latere puncto impresso notatae, singulis rugis singulæ. A glandulis singulis *ductus* opacus versus alterutrum marginem procurrit, papillam subinde exserens. *Ductus* hi vario numero alterni.

Locus: Intestina piscium.

N O T A E.

Inter aquarum dulcium pisces omnium creberime hanc Tæniæ alit *Esox Lucius*, inter marinos *Gadus Callarias*. Observatur præterea in *Cernuæ*, *Leucisci*, *Anguillæ*, *Salmonis* intestinis, apice semper appendicibus pylori inserta & in *Percæ hepate*. In *Salmone* paulo diversa visa est, rugis distinctioribus, imbricatis & capite compresso, utrinque excavato. In *Gado Callaria* maxima occurrit. — *Fascia* quæ in cavo abdomine *Cyprini Bramæ* reperiiri sœpe solet (β.) ab hacce Tænia ortum duxisse videtur, uti a *Tænia lata* *Fascia abdominalis Gasterostei vulgaris*.

7. TÆNIA HÆRUCA.

TÆNIA continua subrugosa, rostro retractili, aculeis reclinatis muricato.

Diss. de inf. viv. p. 52. Hærūcula.

**Lin. Faun. su. II. 2077.* Fasciola barbata.

D E S C R I P T I O.

Corpus pollicare, lineare, depresso, obsolete rugosum, album, lineolis transversis duplice ordine opacis notatum. *Rostrum* teres, obtusum, aculeis subtilissimis reclinatis undique hispidum, retractile & intra corpus retractum papillæ spinulis coronatæ simile. *Striæ* binæ opacæ a rostro ortæ, abbreviatæ intra substantiam.

Locus: Intestinum ranæ, variorumque pisium.

N O T A.

Observavi singulares hosce vermiculos in *Ranæ*, *Esocis lucii*, *Percæ*, *Cernuæ*, *Gadi Callariæ* & copiofissime in *Truttæ* intestino, rostro firmissime tunicis inhærentes; unde detracti & aquæ frigidæ injecti, statim rigescunt & in tere tem formam, resorpta intra externum involucrum aqua, tument. Qui in *Trutta* reperiuntur lineolas opacas, coccineo rubore tinctas exhibere solent.

II. VOLVOCE S.

VOLOVOX, cuius inventio Bakero atque Rœfeliō debetur, simplicissimum animal videtur esse atque uniformitate structuræ omne exemplum superat. Globulum nempe sistit, in quo artuum nulla species, nulla organorum distinctio, qui tamen per aquam spontaneo motu vagatur & pro libitu nunc consistit, nunc procedit.

Una & vulgatissima in aquis rivulorum & lacuum observata species intra parenchyma, ut videtur, homogeneum nidulantes ostendit alios minores globulos. Hi globuli veri fœtus sunt, in quibus quantum oculi armati assequi valent, alii denuo fœtus & in his item alii, usque in tertiam quartamve generationem apparent. Hæc species figuram nunquam mutat.

Altera cognita species, quam ob summam formæ mutabilitatem Proteum Rœfelius vocavit, globulus est totus ex minoribus moleculis, qui totidem fœtus sunt, compactus. Utraque species matura effundit fœtus suos & hæc ultima tota in vivas moleculas fatiscit.

Habemus hic, præsertim in ultima specie, particularum e quibus Zoophytorum simplicissima *Hydra* composita videtur, imaginem. Habemus animal spontaneo motu præditum, totum fere ex similibus animalculis consarcinatum & in fœtus seu semina, uti *Lycoperda* inter Fungos, sese absumens.

His forte animalculis affines sunt quæ in majorum animalium seminali liquore occurrunt moleculæ animatæ, a Summo Buffonio pro organicorum corporum resolutis staminibus habitæ &, quicquid sint,

sint, spontaneo certissime & vitali motu prædictæ, quem microscopia in recenti semine animalium evidentēr demonstrant.

Ad Brachionos potius referenda sunt pleraque in infusionibus vegetabilium observanda animalcula. Vérum ex his plurima etiamnum latent. Mihi sufficiat hæc hic obiter monuisse.

I. VOLVOX GLOBATOR.

VOLVOX globosus immutabilis, fœtibus sparsis.

Baker. microgr. p. 322.

Roesel. inf. III. polyp. p. 617. tab. 101. f. 1-3.

Glob-animal.

Lin. syst. X. sp. 1. Faun. su. II. 2266. Volvox globator.

D E S C R I P T I O.

Globulus albidus, grano milii vix major, microscopio exhibens superficiem subhirsutam & in parenchymate sparsos globulos, aliis, itidem gravidis, denuo fœtos; quos maturus tandem effundit, ceu totidem *proles*. *Motus* in aqua circa centrum rotatorius.

Locus: Lacus herbosi Europæ.

2. VOLVOX PRÖTEUS.

VOLVOX polymorpho-mutabilis, totus e moleculis homogeneis compositus.

Roesel. inf. III. polyp. tab. 101. f. A-T. Proteus.

Lin. syst. X. sp. 2. Volvox Chaos.

DESCRIP T I O.

Globulus magnitudine fere præcedentis, qui successive in omnescunque figuræ sponte transmutatur, divisione multiplicatur, ex moleculis que totus constat, quas tandem pro totidem fœtibus effundit; admirandæ simplicitatis animal, quod solus hucusque vidit *Ræselius*.

Locus: Stagna Europæ.

III. CORALLINÆ.

Corallinas ad vegetabilia referendas esse.

CORALLINAS, quæ sunt *Nodulariæ* Imperati (*hist. nat. lib. 27, cap. 13.*), hic addo, ne imperfectionis accusari possit opusculum, quum eas apud *Ellisium & Linnaeum Zoophytis* insertas invenias. Mihi vero totum hocce genus Botanicis relinquendum videtur. Nec enim structura, nec chymicis principiis ad Zoophytorum ullum genus accedunt, & pleræque species etiam habitum prorsus peculiarem habent, aliquæ ad Fucos potius accedentes, plurimæ Confervis comparabiles, quamvis lapidescenti substantia ab iisdem & omnibus vegetabilibus distinctissimæ.

Temporis angustia & opportunitas impeditiverrunt, ne in Corallinarum naturam accuratius igne inquirerem. Attamen chemicis principiis a Zoophytis differre *Corallinas* ex odore combustarum, potius vegetabili, appareat, & si *Marsilio* credamus salis volatilis & olei animalis nihil omnino continent (*hist. mar. p. 73.*)

Vigentes in mari Corallinæ vivi nunquam quidquam exhibuerunt. Nulla illis mucosa & polypifera incrassatio; pori autem calcareæ substantiae

tiæ ita sunt minuti, ut polypi in iis hospitari nequeant. Neque hæc calcareæ substantiæ, aceto alteratæ, visibilis porositas, quam urget *Ellisius*, magis pro animalitate *Corallinarum* facit, quam *Fucorum* pori nutritorii eos animalia esse probarent. Summus *Fuscaeus*, quum tanta diligentia ad plantas marinas adtenderet, ut Zoophytorum novam gentem vindicaret, in *Corallinis* veris nihil omnino vitæ percepit (act. gall. 1742. p. 290.) Magnum denique pro *Corallinarum* vegetabili indele argumentum videtur plantula terrestris a diligenter Meese nuper descripta, quæ certissime ex *Corallinarum* censu est, easque structura, substantia atque fructificatione ad amussim refert.

Quidni ergo *Corallinas* inter vegetabilia collocemus, præsertim quum in iis nodulos passim atque tubercula observemus seminulum continentia, fructificationum in *Fucis* & *Confervis* occurrentium subanologa? Non tamen contra pugnabo, si quis meliora doceat. Interim inter ambigua Zoophyta *Corallinas* collocavi, ne seriei deessent, si quis probet eidem inferendas esse.

Fucum pavonicum Corallinis adsociavi ob summam ejus cum *C. opuntia* adfinitatem. *Androfacen* substantia & crescendi modo subsimilem ad calcem adjeci, quamquam structura diversam esse non negem. — *C. tubulosæ* quoque natura abnormis est & peculiaris forte reperietur; interim tamen sub quo eam genere aptius collocarem non inveni.

I. CORALLINA PAVONIA.

CORALLINA foliacea, frondibus proliferis reniformibus striatis transversimque fasciatis.

- C. Baub. pin. p. 364.* Alga marina gallopavonis pennas referens.
Moris. hist. III. p. 645. sect. 15. tab. 8. f. 7.
 Fucus maritimus gallopavonis pennas referens.
C. Baub. pin. p. 368. *Raj. syn. p. 43. n. 14.*
 Fungus auricularis.
Ellis cor. p. 88. tab. 33. f. c. nom. Morisoni.
Lin. spec. pl. ed. I. sp. 24. ed. II. sp. 27. Syst. X. sp. 24. Fucus pavonicus.
 Angl. *The Turkeyfeather* (Dale.)

DESCRIPTIO.

Frondes plures, saepe latitudine manus, reniformes, membranaceæ, inferne adtenuatæ atque fibrosoæ. Margo frondium terminalis finditur & laciniis in novas frondes ex crescentibus fit prolifer. *Striæ* per frondes subtilissimæ, longitudinales; interruptæ arcubus transversis, semeniferis. *Color* pallide virens.

Locus: Mare circa Angliam & Mediterraneum.

2. CORALLINA OPUNTIA.

CORALLINA trichotoma articulata, articulis planis reniformibus concatenatis.

- Imperat. ital. p. 607. lat. p. 854.* Sertolaria.
Clus. hist. plant. II. p. 250.
J. Baub. hist. III. p. 802. Scutellaria s. opuntia marina.
C. Baub. pin. p. 364. Fucus folio subrotundo.
Boccon. obj. gall. tab. p. 219. Muscus marinus candidus, denticulatus.
Plucknet. almag. p. 118. Phytogr. tab. 26. f. 1.
 Corallina latifolia s. opuntia marina Cortusi.

Pe-

Petiv. pterigr. tab. 20. f. 19. Corallina opuntioides minor.

Sloan. cat. p. 4. Hist. I. p. 57. n. 16. tab. 20. f. 2. Corallina opuntioides, ramulis densioribus & foliis magnis, sinuatis atque corrugatis.

Marfil. hist. mar. p. 65. tab. 7. f. 31. (Major varietas.)

Ellis cor. p. 53. tab. 25. fig. a, b, c.

Lin. bort. cliff. p. 480. Royen. flor. lugd. p. 523. n. 2. Sertularia ramosissima, articulis reniformibus compresso-planis trichotomis.

— *Syst. X. sp. 1.* Corallina opuntia.

D E S C R I P T I O.

Fruticuli ramosissimi, trichotomi, creberrime subdivisi, concatenati ex *articulis* calcareis, planis, perfecte reniformibus, *fasciculo* fibroso tractectis. In Mari Mediterraneo occurrit articulis majoribus, latitudine unguis vel ultra, mollior, minusque ramosa, subdichotoma, pumilior; in Americam alluente Oceano multo minoribus & lapidosioribus articulis, simulque ramosissima.

Locus: Mare Americanum, Mediterraneum.

3. CORALLINA NODULARIA.

CORALLINA trichotoma ramosissima, articulis crassis cuneiformibus, divisurarum latioribus, terminalibus tricuspidatis ovatisve.

Imperal. ital. p. 652. Nodularia alba.

**C. Baub. pin. p. 364.* Muscus coralloides, squamulis loricatus.

DESCRIP TIO

Inter congeneres omnes crassissima, ad summum sesquipollicaris altitudinis, ramosissima, trichotoma. Articuli inferiores ovato-subbicernes, crassi, in divisuris paessim bi-vel trilobi, alii tricornes, alii tandem inter duos ramulos mucrone subulato cuspidati; terminales vel tricornes, vel ovati, crassi, & hi seminiferi. Substantia lapidosa, alba.

Locus: Mare Mediterraneum.

N O T A.

Hujus nullam apud autores distinctam iconem & vix ullum certum synonymum invenio. In Mari Mediterraneo minime rara est & constans, ut videtur, species. Cum quibusdam tamen sequentis speciei varietatibus aliquam similitudinem saepe prodit.

4. CORALLINA OFFICINALIS.

CORALLINA bipinnata, articulis ova-tis, superioribus compressis, terminalibus ovato-lanceolatis planis.

Tabernæm. icon. p. 813. Corallina altera.

Lobel. icon. II. p. 249. Chabr. stirp. p. 577. Corallina.

J. Baub. hist. III. p. 818. Corallina.

C. Baub. pin. p. 363. Muscus maritimus s. Corallina officinarum.

*Parkins. theatr. 1295. 1296. Corallina squamata
et Corallina alba officinarum.*

Jobns.

- Jobns. merc. bot. p. 30. It. cantabr. II. p. 3.*
Merret. pin. p. 30. Corallina pennata, longior.
- Pluckn. almag. p. 118. Phytopr. tab. 48. f. 4.*
Corallina magis erecta, pennata, eburneo nitore candicans.
- Moris. bist. III. p. 651. sect. 15. tab. 9. Corallina s. muscus marinus, tenui capillo, spermophoros.*
- Raj. bist. p. 65. Syn. p. 33. n. 1. Corallina.*
Tournef. inst. p. 570. tab. 338. A. Corallina.
- Barrel. icon. 1276. n. 1. Muscus corallinus filicinus.*
- Dale barvic. p. 338. Pharmacol. p. 112. Corallina.*
- Russel. aq. mar. titul. f. 3. Corallina.*
Seb. thes. III. tab. 100. f. 13, 14, 15.
- Ellis cor. p. 48. n. 2. tab. 24. f. a A. Corallina anglica Raji.*
- *p. 49. n. 3. tab. 24. num. 3. Corallina anglica procumbens, segmentis brevibus.*
- *n. 4. tab. 24. num. 3. Corallina anglica erecta, ramulis dense pennatis, lanceolæ forma terminantibus, segmentis ad utrumque latutus paululum compressis.*
- Lin. syst. X. sp. 2. Faun. su. II. 2234. Corallina officinalis.*
- *syst. X. sp. 2. 3. Faun. su. II. 2235. Corallina squamata.*
- Angl. Coralline, white Wormseed (Dale.)*

D E S C R I P T I O.

Quatuor saepe & ultra pollices longa, crassitie filii grossioris. *Caules* deorsum adtenuati ex *articulis*, inferioribus teretiusculis, superioribus la-

tioribus, compressis, ovato-subcuneiformibus con-
catenati, pinnatique ex singulo articulo ramulis op-
positis, plerumque itidem pinnatis. *Articuli* ra-
morum superiorum terminales passim plani, ova-
to-lanceolati, vel ovato-subglobosi. *Fructificatio*
in articulis terminalibus crassiusculis, tuberculis-
que lateralibus acutis. *Substantia* lapidea, dura.
Color albus, virescens, rubidus, flavescent pro-
miscue.

Locus: Maris Anglici & Mediterranei vadosa.

N O T A.

Pro ætate atque vigore insigniter, & crassitie &
elegantia ac forma, variat hæc *Corallina*, unde
multiplicatæ *Ellisi* species, quas intermedii gra-
dus, in eademque sæpe stirpe structuræ extrema
occurentia conjungunt. *Corporibus* in quibus
confertim crescit hæc *Corallina*, crustam calca-
ream, albam, levigatam & nitidam obducit,
latius sæpe diffusam.

5. CORALLINA CORNICULATA.

CORALLINA inferne pinnata, extre-
mitate dichotoma.

Ellis cor. p. 50. n. 6. tab. 24. f. d D. *Coralli-*
na alba exigua, ramulis dichotomis, segmen-
tis corniculatis.

Lin sylt. X. sp. 4. Faun. su. II. 2236. *Coral-*
lina corniculata.

D E S C R I P T I O.

Subpollicaris, fili instar tenuissima, simplex, infra pinnata, summitate dichotoma, divisuris filiformibus. Pars pinnata composita ex *articulis* bicornibus, dichotoma teretibus. *Color* albus, virescens, subrubidus. In fucis crescit.

Locus: Mare circa Angliam.

6. CORALLINA CRISTATA.

CORALLINA filiformis, dichotoma fastigiata, articulis teretiusculis divisurarum superiorum clavatis.

Imperat. ital. p. 652. *Villus petræus* f. *Muscus marinus*.

J. Baub. hist. III. p. 811. *Corallinis affinis* f. *muscus marinus tenui capillo*.

C. Baub. pin. p. 363. *Muscus capillaceus*, multifido folio, albidus.

Pluknet. almag. p. 119. *Phytogr. tab.* 168. f. 3.

Sloan. cat. p. 4. *Hist. I.* p. 58. n. 19. *tab.* 20. f. 5. *Corallina marina capillacea*.

Barrel. icon. 1296. f. 2. *Muscus coralloides* crustatus.

Ellis cor. p. 51. n. 7. *tab.* 24. f. E. *Corallina dichotoma*, *capillis densis*, *cristatis*, *spermophoros*.

Lin. syst. X. sp. 8. *Faun. su. II.* 2238. *Corallina cristata*.

Angl. Coxcomb-Coralline. (Ellis.)

DESCRIP T I O.

Semipollicaris, ad summum sesquipollicem æquans, præcedente vix crassior, filiformis. Articuli plerique teretiusculi, subfusiformes, at in divisuris extremis & sœpe penultimis capitato-clavati, pro fructificatione; cornicula terminalia setacea. Color niveus, flavescens, rubidus, purpurascensve.

Locus: Mare circa Angliam, ad Mauritaniam aliaque Mediterranei loca, & Americanum.

N O T A.

Corallina spermophoros Lin. sp. 9. (*Ellis cor.* p. 51. n. 8. tab. 24. f. g G.) certissime huc pertinet, ex elegantiori & pleniori specimine nata. Et *Corallina plumosa nivea* *Ellis cor.* p. 52. n. 9. tab. 24. f. b H. vel hujus vel sequentis primordium videtur fuisse.

7. CORALLINA RUBENS.

CORALLINA filiformis dichotoma fastigiata, articulis omnibus cylindricis.

Ellis cor. p. 59. n. 5. tab. 24. f. 8 E. Corallina ramulis dichotomis, teneris, capillaribus, rubentibus.

Lin. syst. X. sp. 7. *Corallina rubens.*

DESCRIP T I O.

Differt a præcedenti sola crassitie & articulis

lis teretioribus, nec summarum dichotomiarum clavatis. Adeo ceteroquin similis, ut forte pro varietate potius ætate diversa, quam pro distincta specie habenda sit.

Locus: Mare circa Angliam & Mediterraneum.

8. CORALLINA TERRESTRIS.

CORALLINA opposite ramosa, articulis cylindricis, fructificationibus lateralibus pedunculatis transversim oblongis.

Meese flor. frisiæ. p. 75. n. 503. tab. 1. Lichen fruticulosus ramosus articulatus, articulis longis cylindricis, peltis pedunculatis. (icon. bon.)

D E S C R I P T I O.

Plantula aliquot linearum altitudine, pilo crassior, opposite ramosa, ex articulis cylindricis, albis, calcareis concatenata. *Fructificationes* sparsæ, cylindraceæ, e latere pedunculatae.

Locus: Ericeta Frisiæ.

N O T A.

Ipsam Plantulam a *Meesio* missam vidi apud *Celeberr. Gronovium* & illico pro Corallinâ agnovi, quam habitu, structura, substantiaque refert. Nec magis miror Corallinam in sicco crescentem, quam Lichenum cum Fucis summam analogiam.

9. CORALLINA BARBATA.

CORALLINA dichotoma, articulis cylindricis, ramulis apice barbatis.

Pluknet. almág. p. 118. Corallina fistulosa Jamicensis, candida, cum internodiis brevissimis, nostratis white Bead-bandstring.

Sloan. cat. p. 4. Hist. I. p. 58. n. 17. tab. 20. f. 3. Corallina major, nervo crassiori fuciformi internodia breviora necente.

Ellis cor. p. 53. tab. 25. f. C. Corallina articulata Jamaicensis.

Lin. syst. X. sp. 6. Corallina barbata.

DESCRIP. T. I.O.

Triplicaris vel ultra, crassitie fili grossioris, dichotoma, moniliformis; articuli breves, subcylindrici. Ramuli omnes terminati penicillo fibroso.

Locus: Mare Americanum.

10. CORALLINA PENICILLUS.

CORALLINA culmo stupido simplici apice penicillato, ramulis confertis, dichotomis, filiformibus.

Seb. thes. I. p. 5. tab. 1. f. 10. Sceleton fungi terrestris.

**Lin. chin. lagerstr. n. 50. Amæn. ac. vol. IV. p. 257. tab. 3. f. 1. Hydra glomerata.*

— *Syst. X. sp. 10. Corallina penicillus.*

D E S C R I P T I O.

Bipollicaris vel ultra. *Culmus* crassitie minor calamo, stupposus, albo incrustatus, im summitate topo magno densoque terminatus, e *ramulis* capillaribus, subcontinuis, flexilibus, albissimis. Plures gregatim enascentes vidi.

Locus: Mare Americanum.

II. CORALLINA RIGENS.

CORALLINA dichotoma rigida erecta, articulis longis cylindricis coarticulatis.

Sloan. cat. p. 2. Hist. I. p. 53. tab. 20. f. 1. Corallium minimum capillaceum.

— *cat. p. 4. Hist. I. p. 58. n. 18. tab. 20. f. 4.* Corallina nervo tenuiori fragiliorique internodia longiora necente.

Brown. jam. p. 390. n. 3. Corallium brachiatum & articulatum, articulis cylindraceis, nervo tenuiori connexis.

**Lin. syst. X. sp. 5.* Eschara divaricata.

— *sp. 6.* Corallina fragilissima.

D E S C R I P T I O.

Bipollicaris & ultra; rigida, erecta, dichotoma, subdivaricata. Articuli inter dichotomias singuli, longi, rectissimi, cylindrici, nervo molli traejeti & connexi. Substantia fragilis, alba. Confertim enascitur.

Locus: Mare Americanum & Indicum.

12. CORALLINA TUBULOSA.

CORALLINA tubulosa subannulata dichotoma divaricata.

Plucknet. almag. p. 118. *phytogr.* tab. 168. f. 4.

Corallina fistulosa flexilis geniculata mollis americana, segmentis latis & compressis.

Sloan. cat. p. 5. *Hift. I.* p. 61. n. 28. tab. 20.

f. 10. Fucus marinus coralloides minor, fungosus, albidus, teres, segmentis in summitate planis.

Lin. syst. X. sp. 3. Eschara fragilis.

DESCRIPTIO.

Tubuli culmi graminei crassiie, dichotomi, subarticulati, fragilissimi, extremitatibus saepe collapsi & compressi, vacui. Substantia papyraceo-calcarea. Color albus, vel viridulus.

Locus: Mare Americanum.

13. CORALLINA ANDROSACE.

?CORALLINA tubulosa simplex, pelta terminali radiata.

Lobel. icon. p. 387. Androsaces; Cotyledon foliosum marinum.

C. Baub. pin. p. 367. Androsaces petræ innascens.

Befler.

Besler. mus. tab. 27. Herba marina androfa-
ces.

Tournef. inst. p. 569. tab. 338. Acetabulum.

Mercat. metalloth. arm. 6. c. 23, 24. p. 135, 136.

Plantula lapidea scutulata.

Lin. bort. cliff. p. 480. Royen. fl. lugd. p. 523.

n. 1. Sertularia caule simplici, umbraculo or-
biculato peltato.

Lin. syst. X. f. 17. Madrepora acetabulum.

Donat. adr. p. 28. n. 2. tab. 3. Callophilopho-
rum matthioli.

p. Brown. jam. p. 74. tab. 40. f. A. Acetabulum
caule simplici, cyatho striato & quasi subcally-
culato.

D E S C R I P T I O.

Tubuli crassitie fili, subbipollicares, confertim
silicibus testisque innascentes, simplissimimi, linea-
res, apice terminati pelta circulari, submarginata,
e centro striata. Fibrae e centro peltæ diffusæ,
pappi mollis adinstar. Substantia alba, mollis,
siccitate fragilissima.

Locus: Maris Mediterranei & Americani
vada.

N O T A.

Varietas Americana a Mediterranea paulo di-
 versia videtur, certe major est; ejusque apud
Celeb. G R O N O V I U M rarissimum vidi specimen
 proliferum, tribus peltis, altera ex alterius centro
 enascentibus luxurians. Anomala hæcce plantula,
 certe

certe ad Madreporas non pertinens, & vitæ nullum signum in mari edens, a *Donato* minutim descripta fuit. Recentem viridem esse etiam *Mercatus* docuit; idemque in fonte quodam dulci, prope Spoletum, crescere eam tradit.

F I N I S.



ADDENDA.

A D D E N D A.

- Pag. 45. Ad Synonyma *ESCHARÆ spongitis* adde:
**Mercat. metalloth. arm. 6. c. 13. p. 112.*
Adarce.
- 50. Ad Synon. *ESCHARÆ pilosæ* adde:
Ellis cor. p. 73. tab. 31. f. a A. *Eschara millepora*, foliacea & spongiosa,
cellulis coni inversi forma, oribus se-
taceis.
- 86. Ad Synon. *TUBULARIÆ gelatinosæ* adde:
Lin. syst. X. sp. 6. Faun. su. II. 2219.
Tubipora repens.
- 92. Ad Synon. *BRACHIONI capsuliflori* adde:
Lin. syst. X. sp. 4. Faun. su. II. 2218.
Tubipora Urceus.
- 129. In. *SERTULARIA tamarisca* del. Asteri-
scus & notetur in Mari Mediterraneo
eandem quoque reperiri.
- 133. Ad Synon. *SERTULARIÆ abietinæ* adde:
Hill. obs. microsc. tent. 2, 3. p. 20. Co-
rallinæ species.
- 174. Ad Synon. *GORGONIÆ pinnatae* adde:
D'Aubenton. icon. misc. 48. Lithophyton
ex Insula Borbonia.
- 192. Ad Synon. *GORGONIÆ coralloidis* adde:
Marsil. hist. mar. p. 165. Crusta fungo-
sa. (Ibi optime cum polypis suis de-
scribitur)
- 204. Ad Synon. *GORGONIÆ resedæ* adde:
**Marsil. hist. mar. tab. 36. f. 174. n. 1.*
Gunner. act. nidros. german. vol. II. p.
291. tab. 9. Gorgonia resedæ forma.
Baster opusc. II. l. 43. p. 130. t. 13. Gor-
gonia resedæ facie.
- 223. Ad Synon. *ISIDIS nobilis* adde:
D'Aubent. icon. misc. 24. Corallium ru-
brum.
- 253. Ad Synon. *MILLEPORÆ pumilæ* adde:
Mercat. metalloth. arm. 6. c. 15. p. 122.
icon. Coralliola.

- Pag. 317. Ad Synon. MADREPORÆ organi adde:
Borlac. cornub. p. 241. tab 27. f. 7. Corallium tubulatum, fasciatum.
- 352. Ad Synon. ALCYONII bursæ adde:
Hill. obs. micr. tent. 9. p. 157. Planta marina singularis.
- 357. De PENNATULA grysea notetur: eam in Mari quoque Orientalis Indiæ reperiri.
- 374. Numero PENNATULÆ reniformis præfigendus asteriscus.
- 378. Ad sp. 224. notetur, ex integris, postea visis speciminibus apparuisse *Alcyonii* pulcherrimi esse skeleton, quod hic pro Spongia descriptum fuit. Ad Alcyonia ergo referendum erit hocce corpus, & prope *A. palmatum*, cui forma persimile est, referendum.

ERRATA.

- Pag. 15. lin. 14. notæ: *lestremita* lege *lestremita*.
— ead. — 28. — *orena* lege *arena*.
— ead. — 32. — *astisse* lege *affisse*.
— 50. — 3. *ESCARA* lege *ESCHARA*.
— 112. — 18. *t.* 103. lege *t.* 102. *f.* 1, 2.
— 115. — 1. *f. a A.* lege *f. b B.*
— 165. — 24. *t.* 89. lege *t.* 79.
— 167. — 27. *n.* 16! lege *n.* 1 *b!*
— 169. — 1. pro 103. lege 104.
— 173. — 14. *Catesb. angl.* *III.* lege *Catesb. angl.* *II.*
— 183. — 25. Item.
— 199. — 10. Item.
— 327. — 10. pro 149. lege 194.
— 339. — 1. *TUCIPORA* lege *TUBIPORA*.

I N D E X.

A.

A		
<i>Bies marina</i>	133	
<i>Abrotonoides faxea</i>	327	
<i>Accarbaar - Sasappo</i>	188	
— <i>pohon</i>	193	
— <i>ruttu ruttu</i>	209	
— <i>ular</i>	218	
— <i>gabba - gabba</i>	347	
<i>Acetabulum Tournefortii</i>	431	
<i>Aeropora alba</i>	302	
<i>Acroporæ Gaultierii</i>	311, 315	
<i>Adarce Dioscorides</i>	273	
<i>Alcyoniorum definitio & natura</i>	342	
— nomen unde	<i>ibid</i>	
<i>Alcyonium asbestos</i>	344	
— <i>alburnum</i>	346	
— <i>arboreum</i>	347	
— <i>palmatum</i>	349	
— <i>papillosum</i>	350	
— <i>lobatum</i>	351	
— <i>bursa</i>	352	
— <i>gelatinosum</i>	353	
— <i>Schlofferi</i>	355	
— <i>Borlaci & Linnæi varia</i>	356	
— <i>Ficus</i>	<i>ibid.</i>	
— <i>Aurantium</i>	357	
— <i>Cotoneum</i>	359	
— <i>petrosum, fistulosum, milesium, indicum</i>	339	
— <i>stupposum & vesicarium</i>	342	
<i>Alga Pomum Monspeliensium</i>	352	
<i>Allang - laut</i>	371	
<i>Amarantbus faxeus</i>	295	
<i>Androsace autorum</i>	430	
<i>Animalium consideratio</i>	8	
— cum Plantis analogia	11	
<i>Anisocalicum</i>	153	
<i>Antipathes antiquorum</i>	193	

<i>Antipathæ quid?</i>	205
— a Gorgoniis quomodo differant	206
— ovaria	<i>ibid</i>
<i>Antipathes hirsutum</i>	173
— fœniculacea	207
— ericoides	208
— pennacea	209
— myriophylla	210
— flabellum	211
— clathrata	212
— cupressina	213
— orichalcea	215
— dichotoma	216
— spiralis	217
<i>Anthophylli faxei</i>	302, 306
<i>Arantia marina</i> C. B.	352
<i>Ascaris Couleti</i>	405
— lumbricoides	412
— pollicaris	<i>ibid</i>
<i>Astrea Brownii</i>	318
<i>Astroiteæ</i>	323
<i>Aurantium marinum</i>	357

B.

B <i>Asta marina</i> s. <i>Basta-laut</i>	379
<i>Baster théoria Linnæana de Zoophytis</i>	20
<i>Bezoar marinum</i>	267
<i>Blumen-polypen</i>	91
<i>Boletus marinus</i>	350
<i>Bonnet de Neptune</i>	285
<i>Brachioni quid?</i>	89
— <i>simplices</i>	<i>ibid</i>
— <i>vegetantes</i>	90
<i>Brachionus tubifex</i>	91
— <i>capsuliflorus</i>	<i>ibid</i>
— <i>calyciflorus</i>	93
— <i>hyacinthinus</i>	<i>ibid</i>
— <i>rotatorius</i>	94.
— <i>proteus</i>	<i>ibid</i>
— <i>stentoreus</i>	95
— <i>socialis</i>	96
Bra-	

<i>Brachionus campanulatus</i>	97
— <i>ramosissimus</i>	98
— <i>Anastatica</i>	99
— <i>eius fructificatio</i>	90, 99
— <i>acinosus</i>	100
— <i>cratægarius</i>	101
— <i>pyriformis</i>	102
— <i>berberiformis</i>	103
— <i>digitalis</i>	104
— <i>operculatus</i>	<i>ibid</i>
— <i>tuberosus</i>	105
<i>Brainstone</i>	293
<i>Burfa marina</i>	352

C.

C <i>Aryophyllum saxeum</i>	314
<i>Chamæriphe peregrina</i>	189
<i>Champignon de mer</i>	282
<i>Choana saxeae</i>	333
<i>Cellulariæ quid?</i>	58
— <i>earum diversitas</i>	59
— <i>earundem ovaria</i>	60
<i>Cellularia opuntioides</i>	61
— <i>salicornia</i>	<i>ibid</i>
— <i>filiformis</i>	63
— <i>corniculata</i>	64
— <i>bursaria</i>	65
— <i>plumosa</i>	66
— <i>neritina</i>	67
— <i>avicularia</i>	68
— <i>floccosa</i>	70
— <i>crispa</i>	71
— <i>pilosa</i>	72
— <i>scruposa</i>	<i>ibid</i>
— <i>reptans</i>	73
— <i>ciliata</i>	74
— <i>eburnea</i>	75
— <i>falcata</i>	76
— <i>chelata</i>	77
— <i>anguina</i>	78
<i>Columellus turbinatus</i>	305

<i>Corallinæ</i> celliferæ Ellisii	58
— vesiculosæ ejusd.	106
— articulatæ ejusd.	160
— fruticosæ Lobelii?	ibid.
<i>Corallinum</i> natura vegetabilis	418
<i>Coralina</i> pavonia	419
— opuntia	420
— Nodularia	421
— officinalis	422
— cristata	425
— rubens	426
— terrestris	427
— barbata	428
— Penicillus	ibid.
— fragilissima	429
— tubulosa	430
— Aspidium	ibid.
— Linnæi spermophorus	426
<i>Corallium</i> nigrum verum quid?	194
— rubrum officinarum	223
— album angliæ offic.	265
— album officinale	308
<i>Corallodendron</i> pertenue	39
<i>Corpora</i> organica	4
— plantæ consideratio	6
— animantia	8
<i>Cotogna</i> marina	359
<i>Cucurbitini</i>	402, 405
<i>Cupressus</i> marina	208
— altera	214
<i>Cynomorion</i>	373

D.

D ead men's toe	351
<i>Dengueni</i>	249
<i>Donati</i> Zoophyta illustravit	17
— ejus de Corallii natura sententia	20, 226
<i>Doode mans duymen</i>	351

E.

E.

E	<i>Llis Zoophyta ornavit</i>	18
—	<i>animalium fabricam vocat</i>	19
<i>Encrinus</i>		365
<i>Endivie - koraal</i>		289
<i>Epicorallum reticulatum vulgare</i>		169
—	<i>virgulis alatis</i>	183
—	<i>virgulis muricatis</i>	199
<i>Equorum vermes</i>		411
<i>Erica marina</i>		209
—	<i>tenuis</i>	210
—	<i>affinis</i>	211
<i>Escharæ quid ?</i>		33
—	<i>vegetatio</i>	<i>ibid</i>
—	<i>frondescentes</i>	35
—	<i>ovaria</i>	36
<i>Eschara lutosæ</i>		37
—	<i>ciliata</i>	38
—	<i>erosa</i>	<i>ibid</i>
—	<i>crustulenta</i>	39
—	<i>areolata</i>	41
—	<i>fascialis</i>	42
—	<i>ceylanica</i>	44
—	<i>spongites</i>	45
—	<i>forniculosa</i>	47
—	<i>annularis</i>	48
—	<i>hispida</i>	49
—	<i>pilosa</i>	50
—	<i>foliacea</i>	52
—	<i>frondiculosa</i>	55
—	<i>papyrea</i>	56
—	<i>securifrons</i>	<i>ibid</i>
—	<i>ejusdem singularis natura</i>	35
<i>Linnæi fistulosa</i>		62
—	<i>fragilis</i>	429
—	<i>divaricata & verticillata</i>	36

F.

F	<i>Asciola</i>	410, 413
<i>Favago</i>		342
		<i>Feder-</i>

<i>Federbusch polypen</i>	86
<i>Ficus marina</i>	355
<i>Filograna Planci</i>	240
<i>Flabella marina</i>	165
<i>Flabellum veneris</i>	169
— <i>aruense</i>	380
<i>Flustra Linnæi, quid?</i>	33
<i>Fænum marinum</i>	207
<i>Frondipora</i>	241
<i>Fucoides lendigerum</i>	124
— <i>setaceum</i>	148
<i>Fucus telam lineam referens</i>	52
— <i>dealensis, laryngi similis</i>	82
— <i>equiseti facie</i>	140
— <i>manum referens</i>	349
— <i>pennam referens</i>	368
— <i>gelatinosus, s. spongioso-nodosus</i>	353
<i>Fucus pavonius</i>	420
<i>Fungites</i>	286, 305
<i>Fungus saxeus, s. coralloides</i>	<i>ibid</i>
— <i>minor</i>	295
— <i>amanita marinus</i>	349

G.

G <i>Asterostei Tænia</i>	412
<i>Gorgoniæ quid?</i>	160
— <i>primordium ejus</i>	<i>ibid</i>
— <i>habitus</i>	161
— <i>lignum & cortex</i>	163
— <i>distributio</i>	164
— <i>reticulatæ</i>	165
— <i>pinnatæ</i>	172
— <i>ramosæ</i>	183
<i>Gorgia ventilabrum</i>	<i>ibid</i>
— <i>reticulum</i>	167
— <i>clathrus</i>	168
— <i>flabellum</i>	169
— <i>acerosa</i>	172
— <i>pinnata</i>	174
— <i>fanguinolenta</i>	175
— <i>violacea</i>	176

Gor-

<i>Gorgia</i>	<i>verticillata</i>	177
—	<i>pectinata</i>	179
—	<i>elongata</i>	<i>ibid.</i>
—	<i>juncea</i>	180
—	<i>scirpea</i>	182
—	<i>fetacea</i>	<i>ibid.</i>
—	<i>anceps</i>	183
—	<i>viminalis</i>	184
—	<i>ceratophyta</i>	185
—	<i>purpurea</i>	187
—	<i>fasappo</i>	188
—	<i>Palma</i>	189
—	<i>radicata</i>	190
—	<i>suberosa</i>	191
—	<i>coralloides</i>	192
—	<i>Antipathes</i>	193
—	<i>petechizans</i>	196
—	<i>verrucosa</i>	<i>ibid.</i>
—	<i>muricata</i>	198
—	<i>succinea</i>	200
—	<i>Placomus</i>	201
—	<i>mollis</i>	203
—	<i>Reseda</i>	204
—	<i>Linnæi ænea</i>	213
—	— abies	214
—	— spiralis	218

H.

<i>H</i>	<i>Aerucula</i>	413
<i>Harzensteen</i>		293
<i>Hippuris</i>	<i>coralloides, carnea</i>	229
—	<i>faxea, fulvo - rubra Courteniana</i>	230
—	<i>faxea autorum</i>	233
<i>Hydatis</i>	<i>animata</i>	410
<i>Hydræ</i>	quid?	25
—	<i>proles</i>	26
—	<i>ova</i>	28
<i>Hydra</i>	<i>oligactis</i>	29
—	<i>vulgaris</i>	30
—	<i>viridissima</i>	31
—	<i>adattenuata</i>	32

<i>Hydra Linnæi</i>	campanulata	85
—	stentorea	95
—	socialis	96
—	umbellaria	100
—	cratægaria	102
—	pyraria	ibid.
—	berberina	103
—	digitalis	104
—	opercularia	105
—	<i>Ellisii</i> arctica	365

I.

<i>Isidum</i>	definitio & nomen	220
—	corallium & cortex	221
<i>Iris nobilis</i>		223
—	dichotoma	229
—	ocracea	230
—	hippuris	233
—	<i>Encriinus Lin.</i>	365
—	<i>Anastatica Lin.</i>	99
—	<i>flexilis Lin.</i>	213
—	<i>plocamum quartum</i>	169
—	secundum & tertium	185
<i>Junuci</i>	<i>lapidei Plinii</i>	180
—	<i>Mercati</i>	316
<i>Jussæus</i>	<i>Zoophyta illustravit</i>	17

K.

<i>Keratophyta</i>	quid?	160
--------------------	-------	-----

L.

<i>LApis</i>	<i>numismalis</i>	282
—	<i>spongiae</i>	45, 47
<i>Lens</i>	<i>lapidea</i>	282
<i>Lichen</i>	<i>Meesii</i>	427
<i>Limax</i>	<i>faxeae</i>	285
<i>Linnæus</i>	<i>Zoophyta redegit</i>	18
—	<i>veram theoriam eorum proposuit</i>	20

Linnæus

<i>Linnæus</i> caput Tæniis denegat	403
— in aqua reperit Tæniam	407
<i>Lint-Koraal</i>	42
<i>Lithofungus</i>	298
<i>Lithophyta & Lithoxyla</i> quid?	160
<i>Lithophytorum</i> ordinem natura non instituit	274
<i>Lumbricus</i> latus	405, 408
— hydropicus	413
— intestinalis teres	412

M M.

<i>Adreporarum</i> distributio & definitio	274
stellæ	279
<i>Madreporæ</i> simplices	275
— concatenatæ & conglomeratæ	276
— aggregatæ	277
— dichotomæ & vegetantes	278
— anomalæ	279
<i>Madrepora</i> verrucaria	280
— fungites	281
— echinata	284
— pileus	285
— agaricites	287
— <i>Lactuca</i>	289
— <i>Elephantotus</i>	290
— exesa	<i>ibid.</i>
— crustacea	291
— mæandrites	292
— areolata	295
— labyrinthica	297
— lacera	298
— angulosa	299
— fastigiata	301
— ramea	302
— trochiformis	305
— discoides	306
— prolifera	307
— oculata	308
— virginea	310
— rosea	312
— hirtella	313

Madre-

<i>Madrepora caryophyllites</i>	313
— flexuosa	315
— organum	317
— calycularis	318
— favites	319
— astroites	320
— Ananas	321
— radians	322
— stellaris	323
— porites	324
— digitata	326
— muricata	327
— crater	332
— foliosa	333
— damicornis	334
— seriata	335
<i>Madrepora Linnæi pertusa & turbinata</i>	307
— turbinata	301, 305
— fascicularis	314
— favosa	319
— punctata	325
— lineata	336
— polygama	324
<i>Mæandrites</i>	292
<i>Main de mer, de Ladre ou de Larron</i>	349
<i>Malum insanum marinum</i>	373
<i>Manchette de Neptune</i>	243
<i>Manus marina</i>	349
— marina Raji	351
<i>Milleporæ definitio</i>	238
— cum Serpulis & Madreporis affinitas	240
<i>Millepora Frondipora</i>	241
— Retepora	243
— clathrata	245
— lichenoides	<i>ibid.</i>
— pinnata	247
— liliacea	248
— truncata	249
— miniacea	251
— cervicornis	252
— pumila	253
<i>Millepora</i>	

<i>Millepora pumicosa</i>	254
— <i>cærulea</i>	256
— <i>violacea</i>	258
— <i>tubulifera</i>	259
— <i>alcicornis</i>	260
— <i>agariciformis</i>	263
— <i>calcarea</i>	265
— <i>Imperati</i>	313
<i>Millepora Linnæi lineata</i>	41
— <i>muricata</i>	327
— <i>damicornis</i>	334
<i>Mitra polonica</i>	285
— <i>Neptuni</i>	<i>ibid.</i>
<i>Musci marini</i>	106
<i>Muscus lapidofus Imperati</i>	263
<i>Mycedia Hillii & Brownii</i>	277
<i>Mycedium</i>	297
<i>Myriophyllum non ramosum</i>	147
— <i>pelagicum</i>	153
— <i>Indicum</i>	210
<i>Myriozoum Donati</i>	249

N.

N	
<i>Aturæ regna an tria?</i>	I
— <i>non facit saltum</i>	23
<i>Neptunus muts</i>	285

P.

P	
<i>Alma marina</i>	153
— <i>Theophrasti</i>	174
— <i>f. manus marina</i>	349
<i>Palmijuncus anguinus Rumph</i>	218
— <i>albus ejusd.</i>	180
<i>Pennaria marina</i>	133
— <i>marina Imperati. Bocc.</i>	149
<i>Penna marina alba f. grysea</i>	367
— <i>rubra</i>	368
<i>Pennatularum definitio, natura & nomen</i>	362
— <i>differentiæ</i>	363
— <i>polypi & officulum</i>	364
<i>Penna-</i>	

<i>Pennatularum</i> idea	364
— species Linnæanæ sepositæ	<i>ibid.</i>
<i>Pennatula Encrinus</i>	365
— <i>grandis</i>	366
— <i>grysea</i>	367
— <i>rubra</i>	368
<i>Petrobryum Planci</i>	265
<i>Péucites</i>	209
<i>Peyssonel</i> , naturæ Zoophytorum inventor	16
— pro animalculorum nidis habuit ea	18
— Spongias pro fabrica & nido vermium habuit	19
<i>Pila marina</i>	342
<i>Pileus Neptuni</i>	285
<i>Pinus marina</i>	173
<i>Pipeweed or Pudding-weed</i>	354
<i>Piscium Tæniæ</i>	413, 415
<i>Plantarum consideratio</i>	6
— nexus cum animalibus	11
<i>Polypi floriformes</i>	91
<i>Polyplus</i> s. <i>Hydra</i>	25
— <i>mirabilis</i>	370
<i>Polypes à bouquet</i>	85
<i>Polyparia</i> seu nidi polyporum	19
<i>Polytubuli arteriosi</i>	81
<i>Porpita</i>	282
<i>Porus anguinus</i>	45
— <i>cervinus Imperati falso</i>	52, 56
— <i>cervinus verus Imper.</i>	252
— <i>magnus Imper.</i>	302
— <i>matronalis Imper.</i>	315
— <i>spongoides</i>	344
<i>Proteus animalculum</i>	29
— <i>Bakeri</i>	94
— <i>Rœselii</i>	29, 416, 417
<i>Pseuso-Corallium croccum</i>	234
<i>Pseudopolypi Rœselii</i>	89
<i>Pulmo marinus</i>	356

Q.

Q <i>Uercus marina Theophrasti</i>	172
<i>secundum Clusium</i>	176

R.

R <i>Ackanje</i> , lacus prope eum vicum	268
<i>in eo Eschara crustulenta</i>	40
<i>item Tubularia gelatinosa</i>	86
<i>item Brachionus capsuliflorus</i>	92
<i>& B. stentoreus</i>	95
<i>& Milleporæ calcareæ affiné incrustatum</i>	268
<i>Reaumur Zoophyta polyparia</i> vocavit	19
<i>Reseda marina</i>	204
<i>Rete Philippense &c.</i>	380
<i>Retepora</i>	243
<i>Reticulum marinum J. B.</i>	42

S.

S <i>Agitta marina nigra</i>	366
<i>alba</i>	371
<i>Salix marina</i>	174
<i>Sasappo-laut</i>	371
<i>Sea rugged staff</i>	354
<i>Sea-Willow</i>	183
<i>Serpula corallifica</i>	239
<i>Serpulis affines Milleporæ</i>	240
<i>Tubulariæ</i>	79
<i>Sertularia quid?</i>	106
<i>ovaria</i>	110
<i>vegetatio</i>	111
<i>halecina</i>	113
<i>sericea</i>	114
<i>verticillata</i>	115
<i>gelatinosa</i>	116
<i>geniculata</i>	117
<i>longissima</i>	119
<i>uniflora</i>	121
<i>volubilis</i>	123
<i>Sertularia</i>	

<i>Sertularia</i> acinaria	ibid.
lendigera	124
Cuscuta	125
rugosa	126
ericoides	127
tamarisca	129
<i>Nigellastrum</i>	ibid.
pumila	130
usneoides	132
abietina	133
nigra	135
pinnata	136
articulata	137
<i>lichenastrum</i>	138
cedrina	139
purpurea	140
<i>Thuja</i>	ibid.
cupressina	141
falcata	144
antennina	146
setacea	147
pluma	149
echinata	152
speciosa	ibid.
<i>Myriophyllum</i>	153
hypnoides	155
filicina	156
fruticans	157
Gorgonia	158
<i>Sertularia Linnæi</i> spinosa	114
dichotoma	119
volubilis	123
polyzonias	127
flexuosa	ibid.
rosacea	129
operculata	132
pinnata	147
loricata	64
bursaria	65
plumosa	66
neritina	67

Sertu-

<i>Sertularia</i> Linnae <i>avicularia</i>	68
— <i>scruposa</i>	72
— <i>reptans</i>	73
— <i>ciliata</i>	74
— <i>eburnea</i>	75
— <i>cornuta</i>	77
— <i>chelata</i>	78
— <i>anguina</i>	79
— <i>polypina</i>	98
— <i>pennaria</i>	156
<i>Sertularia</i> Imperati	420
<i>Sicyania</i> Hillii	405
<i>Solum</i>	<i>ibid.</i>
<i>Spongiarum</i> definitio & natura	375
<i>Spongia</i> Lichenoides	378
— <i>floribunda</i>	<i>ibid.</i>
— <i>Basta</i>	379
— <i>flabelliformis</i>	380
— <i>fasciculata</i>	381
— <i>fibrillosa</i>	382
— <i>tubulosa</i>	383
— <i>fulva</i>	<i>ibid.</i>
— <i>fluvialis</i>	384
— <i>lacustris</i> Linnæi	385
— <i>fistularis</i>	<i>ibid.</i>
— <i>crateriformis</i>	386
— <i>officinalis</i>	387
— <i>panicea</i>	388
— <i>cervicornis</i>	<i>ibid.</i>
— <i>muricata</i>	389
— <i>rubens</i>	<i>ibid.</i>
— <i>oculata</i>	390
— <i>papillaris</i>	391
— <i>fastigiata</i>	<i>ibid.</i>
— <i>villosa</i>	392
— <i>sinuosa</i>	394
— <i>cavernosa</i>	<i>ibid.</i>
— <i>frondosa</i>	395
— <i>foliascens</i>	<i>ibid.</i>
— <i>strigosa</i>	397
— <i>agaricina</i>	<i>ibid.</i>

Spongia Tupha
— membranacea.

398
ibid.

T.

T		
<i>Aeniae</i> natura	401	
— caput	403	
— origo	404	
<i>Tænia</i> cucurbitina	405	
— canina	408	
— grysea	<i>ibid.</i>	
— lata	410	
— hydatigena s. hydatoidea	413	
— piscium	<i>ibid.</i>	
— Hæruca	414	
<i>Tænia Linnæi</i> Solium	405	
— vulgaris	409	
— aquatica	407	
<i>Tetbya Rumphii</i>	351	
<i>Tetbya sphærica</i>	357	
<i>Thymum lapideum</i> Theophr.	327	
<i>Titanokeratophyta</i> Boerh.	160	
<i>Trembley</i> observatis suis Zoophytorum naturam		16
veram patefecit		
<i>Tubiporæ</i> definitio & ambigua indeles.	337	
<i>Tubipora</i> purpurea	339	
<i>Tubipora Linnæi</i> alienæ	338	
— verrucosa & serpens	248	
— Urceus	<i>ibid.</i>	
— repens	<i>ibid.</i>	
— infundibuliformis	332	
<i>Tubularia</i> quid?	79	
— cum Serpulis affinitas	<i>ibid.</i>	
— a Sertulariis differentia]	80	
— cornucopiæ	<i>ibid.</i>	
— calamaris	81	
— muscoides	82	
— ramena	83	
— trichoides	84	
— crystallina	85	
— gelatinosa	<i>ibid.</i>	
		Tubu-

I N D E X.

451

<i>Tubularia</i>	<i>Penicillus</i>	87
—	<i>papyrea</i>	88
—	<i>purpurea</i>	339
<i>After-polypen</i>		89

U.

<i>Uva marina</i>	35
-------------------	----

V.

<i>Vermis cucurbitinus</i>	405
<i>Vespetum marinum</i>	359
<i>Volvox</i>	416
— <i>globator</i>	417
— <i>Proteus</i>	<i>ibid.</i>

W.

<i>W Heel-animal</i>	94
----------------------	----

Z.

<i>Zee-moll</i>	285
— <i>bloemkool</i>	293
— <i>touw</i>	218
<i>Zoophytum groenlandicum</i>	365
<i>Zoophytorum natura ambigua</i>	10, 19, 21
— <i>ad lapides plantasve translatio</i>	11
— <i>cognitionis fragmenta antiquiora</i>	12
— <i>a Peyssonello ad animalia reductio</i>	16
— <i>theoria rudis</i>	18
— <i>theoria vera</i>	19
— <i>analogia cum plantis</i>	20

178

200 200 200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200

200 200 200

200 200 200

200 200 200

200 200 200

200 200 200

200 200 200

200 200 200

200 200 200

200 200 200

200 200 200

200 200 200

200 200 200

200 200 200

200 200 200


200 200 200

200 200 200

200 200 200

200 200 200

200 200 200



PAUL BOON
LAIN BOOKBINDERS
CAFE COLD

